




LIV.

B.

48.











TRAGICUM THEATRUM


Actorum, & Casuum Tragicorum

L O N D I N I

Publice celebratorum,

Quibus

Hiberniæ Proregi, Episcopo Cantuariensi,
ac tandem Regi ipsi, Aliisque vita adempta, &
ad Anglicanam Metamorphosin via est aperta.



AMSTELODAMI

Apud JODOCUM JANSONIUM

Anno 1649.



3

ENARRATIO ACTIONUM,
DECLARATIONUM,
DEFENSIONUM, SENTEN-
TIARUM; ULTIMORUM
& EXECUTIONUM
CONCERNEN-
TIUM.

THOMAM WENT-
WORT Hiberniæ Proregem
capite plexum · XXII Maii
Anno clō Idc xli Com-
plectitur.

Acta Hiberniæ Proregem con-
cernentia complectuntur.

I. *A* Ccusationis Capita, quorum
Prorex reus iudicatus est.

A 2 II. Li-

- II. *Literas ad quandam magni nominis Matronam ab ipso datas.*
- III. *Concludentem Parlamenti postulationem.*
- IV. *Ultimam ad Regem Epistolam ab eodem scriptam.*
- V. *Valedictionem, qua mortem appetiturus in turri Londinensi Magnatibus & Proceribus valedixit.*
- VI. *Extremas ad Vxorem literas.*

Com-


I.

Compendiosa criminum, quibus

THOMAS WENTWORT

Hiberniæ Prorex se astringisse

Dicitur, commemoratio.

- I**  Uantum ad quadragies mille libros Steerlingh attinet, nondum quidem testimoniis rei certitudo stabilita est, eò quod testes requisiti necdum advenerint: Nihilominus actionem in proregem institutam nullo pacto in aliud tempus differemus, quandoquidem totus mundus procrastinationis nos accusat.
- 2** Straffordiæ Comes antehac Hiberniæ Prorex non sibi solum, sed & aliis Nobilibus noverat acquirere mandatum, aut concessionem, cujus vigore testes extrà judicium ipsis examinare licebat. Actionibus itaque cum lege pugnantibus utens nobilibus judicii publici assessoribus dicere solebat: Quod nulla alia res nisi jus impressum ipsis satisfacere posset. Quod tamen plus potentiae, & virium in minimo Regis digito, quam in toto Iuris Corpore inventuri essent.
- 3** Quod palàm in maximo Regni confessu dicere ausus fuisset, Hibernos gentem esse bello victam, eaque de causâ ipsorum privilegiis nullam penitus efficaciam suppetere.

6 *Theatrum Tragicum*

Idcirco Regis in arbitrio ipsos cum fortunis suis versari.

- 4 Quod Comitem de Corck nolentem volentem litibus suis desistere coegerit, nec ipsi de authoritate suâ disputationem instituere concefferit dicens, se illum docturum, quod alicujus Regiminis aut Statuſ Acta legibus & iudiciis superiores sint.
- 5 Res bona publica concernentes typis divulgandas curavit, ac mandato publico cavit, nequis decreti publici potestatem, & vigorem in dubium vocaret, aut inoboedientia aliqua se exponeret.
- 6 Causam Domini de Mount Norrit sine ullo juris aut iudicii fundamento transactam esse.
- 7 Quod in bonorum publicorum casu Dominus de Villen, & alii expossessionibus suis aliisque bonis magna sua jactura ejecti sint.
- 8 Quod debeat rationem reddere de Domini Cancellarii causâ, ejusque captivitate, & vinculis.
- 9 Item de Comite de Kildaer in vincula conjacto, quod fortunas & possessiones suas non tradiderit.
- 10 Ut & de Haubets, & diversis aliis personis, qui tamdiu captivi detenti, donec bona sua obtulissent.
- 11 Quod mandatum publicandum curaverit, quo tenuioris sortis homines sententiæ ipsius non parentes comprehendi, & vinculis constringi jubebantur.
- 12 Quod vectigalia conduxerit, eaque pro luitu

bitu suo graviora reddiderit, unde factum, ut privatas suas opes majorum reddituum annuorum accessu auxerit, ac tertiam, ac quartam ferè bonorum partem acceperit.

13 Quod nullas merces Hiberniæ proprias sine consensu ejus exportare licuerit.

14 Quod ratio ipsi reddenda sit de magno quæstu percepto ex Tabaco, farinâ in lino, ollis ferreis, & fistulis tabaco sugendo aptis, quem durata, bonorum consignationibus, & publicis mandatis extorsit.

15 Quod juramentum extorserit navarchis, cæterisque in navibus munia potiora obeuntibus, ut & ipsis sociis navalibus, ut præfectis, aliisque suis officiariis mercium & bonorum navibus impositarum indicem traderent.

16 Quod Hiberniæ incolas dominatui suo subiicere & constituerit, & inceperit, eaque de causâ jugum hoc detrectantes, oboedientiamque non præstantes militibus oneraverit.

17 Quod maximis urbibus vectigalia & census diversas ac magnas pecuniæ summas reddentes imposuerit, eosque vi armata extorserit, ac plusquam centum familias eiecerit, quod bona sua exhibere recusarint.

18 Ut autem querelas hac de re instituendas impediret, nobilibus & aliis in mandatis dedit, ne sine ipsius permissione ex Regno aliò concederent.

19 Falsus est, Regem in animum induxisse, Hiberniæ exercitum ad eum statum, & formam

mam deducere , ut tribus suis regnis exemplo sit futurus.

- 20 Quod novo exercitui octies mille, aut pluribus militibus constanti stipendia promptè soluta, & Religionis exercitium concessum sit.
- 21 Quod animi fortioris & promptioris excitandi causâ cum Recusantibus de vili summâ pendendâ transegerit, & convenerit.
- 22 Quod jurejurando ipsos adegerit , ut se sacramento obstringerent , omnibus mandatis Regiis se oboedientiam debitam præstituros: Quod inoboedientes, ac parere recusantes & captivos fecerit, & pecuniâ multaverit, adeò ut non nullis quinquies mille libras extorserit : Quod etiam jurejurando affirmaverit, se contumaces etiam sanguinis profusione puniendum.
- 23 Quod Regi author extiterit, ut pacem initam rumperet, & Scotis quos rebelles & proditores esse dicebat , bellum inferret.
- 24 Quod Regi consilium dederit, ut vi pecuniam cogeret,
- 25 Quod Hibernos in publico Parlamento congregatos ad bellum Scotis indicendum concitaverit.
- 26 Dixisse fertur , Regem à Deo & hominibus plurimi æstimatum iri, si in pecunia colligenda consilio suo obtemperaturus esset , postea quam Anglicum Parlamentum suppetias pecuniarias exhibere detrectasset.
- 27 Regi consilium dedit, ut duodecim subsidia pecuniaria postularet , quò vectigal navibus impositum

- impositum abrogaretur ; & si voti sui compos non fieret , ac repulsam ferret , autor ipsi fuit , ut Parlamentum Anglicum dimitteret , ac dissolveret , quod etiam factum est.
- 28 Regi dixit , quod quoad regimen suum , aliaque illud concernentia , ut & media pecuniaria pro lubitu , quicquid velit , constituere queat , quandoquidem à Parlamento ipsi hæc denegata essent , verbis his additis , se in Hiberniâ exercitum in promptu habere , quo Regnū hoc ad oboedientiam debitā revocare queat.
- 29 Regi suavit , ut vectigal navibus impositum rigidorum ac severorum mediorum operā exigeret , & extorqueret.
- 30 Quod Regi consilio suo suggesserit , ut centum mille libras ab urbe Londino mutuo peteret , & cum Regis petitioni satisfactum non esset dixerit , civibus vitam opibus propriis redimendam esse , nec rem unquam in meliorem statum revocatum iri , nisi Consulū quidam in patibulum agerentur , atque alii in carcerem coniicerentur.
- 31 Quod argenteis laminis centum & tringenta mille libras valentibus in officinā monetariā manus injecerit , easque ad periculosum aliquod incoeptum detinuerit : Regi verò interim consuluerit , ut cupream monetam cudendam curaret.
- 32 Galliæ Regem equitum cataphractorum operā cujus vis subditorum facultates expiscari , ut eas in usum suum adsciscere pro lubitu posset , affirmavit , ac Domino Cotting

10 *Theatrum Tragicum*

tonio rem ponderosam, & consideratione dignissimum esse dixit.

33 Exercitus ac militum minis coactus superiori anno in Angliæ Boreali parte pecuniam erogavit.

34 Solus jacturæ, quam Angliæ Regnum urbis Newcastle amissione fecit, ansum præbuit,

II.

Literæ Proregis ad magni nominis Matronam quandam datæ.

DOmina: Quamvis de proposito nostro aliquid in vulgus emanarit, stabile illud tamen & satis firmum hætenus permanet. Necessitas requirit, ut quàm celerrimè duo librarum millia transmittas. Nullum adhuc periculum imminet, nec ulla aliqua difficultas se manifestat. Arcanum tibi concreditum modo custodias, & jus jurandi, quo te alligasti, memor maneat. Multorum capitum Bestiam prosterneamus, & Diaboli progeniem illam vitiosissimam antè destruemus, quàm unquam illis in mentem, aut suspicionem incidere queat. Epistolam hanc Vulcano tradas. Mercedem tuam postea in coelo accipies.

III.

III.

Concludens Domus inferioris
Anglico Parlamento postulatio
contrà Comitis Straffordiae Hi-
berniae Proregis personam.

QUandoquidem Equites, Cives, ac mem-
bra Inferioris Domus in hoc Parlamento
conventum agentes suo & totius in An-
gliâ communitatis nomine Thomam Straffor-
diae Comitem proditoris summæ & perduel-
lionis crimine infimularunt, utpote qui antiquas,
& fundamentales Angliæ, & Hiberniæ Maje-
statis suæ Regiæ Regnorum leges funditus
evertere, ac radicitus extirpare, inque locum e-
arum ex Regentis arbitrio pendens, & Tyran-
nicum Regimen substituere, ac in dicta regna
introducere conatus fuit, Tyrannicam & le-
gum in nominatis regnis usitatarum orbitam
egredientem Potestatem in Majestati suæ Re-
giæ subjectorum civium & populorum liberta-
tem exercuit; Proprio motu & autoritate
Majestatis suæ Regiæ subditis in Hiberniâ vi-
tam degentibus invitis onera varia imperanda
curavit, & militibus eos pressit, ut eos viâ tali
ad mandatorum, & postulatorum suorum ad
libellos supplices partium litibus mutuis se pro-
sequentium datorum & pronunciatorum oboe-
dientiam violenter adigeret, unde etiam contra
diversos Majestatis suæ Regiæ subditos apertum
in

in Hibernia Executio violenter instituta, bellumque apertum in eo Regno in Regiam suam Majestatem, populumque ejus excitatum est. Qui etiam post nuperrimam & ultimam illam, atque infelicissimam Parlamenti dimissionem & dissolutionem apud Serenissimam suam Majestatem ejus subditos Inferioris Domus in Parlamento assessores calumniatus est, Regemque judicio suo omnibus regiminis legibus liberum & solutum esse judicavit, eique suavit, ut liber ac solutus nullis se amplius legum frænīs coerceri pateretur. Quod ut eò facilius effectui dari posset, exercitum in Hibernia promptum se habere dixit, cujus operam in Angliæ Regno compescendo & in ordinem redigendo adhibiturus esset. Quæ omnia talia sunt, ut summæ proditiōis convictus, & perduellionis reus supplicium criminibus tantis dignam meritis sit. Fuit etiam præfatus Comes incitamentum belli istius funesti, quo Angliæ & Scotiæ Regna illa duo florentissima commissa sunt. Omnium horum criminum Comes dictus & accusatus, & plenis etiam testimoniis convictus est.

Ea de causa concludunt Regia sua Majestas, ac Domini Pares, & Communitas civium & subditorum in hoc Parlamento conventum agentes ex autoritate universo coetui competente, quod nominatum Straffordiæ Comitem propter dicta crimina & delicta summæ proditiōis condemnare velint, ut tali mortis genere, ac ejusmodi bonorum, facultatum, ac hereditatum suarum in Anglia pariter, atque in Hibernia

ernia confiscatione puniendus sit, quali Parliamentum præsens ipsum dignum judicabit.

Exceptionem tamen hanc addunt, quod nullus Iudex, aut iudices nulli, nullum iudicium, aut iudicia nulla qualis aut qualescunque, quale aut qualiacunque etiam fuerint, nullam rem, aut nullum actum proditionem interpretari, nec etiam ullam proditionem audire, nec definire, nec alia etiam ratione facere debeant, quàm fecissent, aut facere debuissent, ante quàm hoc decretum est conclusum, & perinde ac si nunquam decretum esset: Reservatis tamen semper omnibus & singulis personis, Politico, & cuique corporali corpori, hæredibus, & posteris ipsorum, præter dictum Comitem & hæredes ipsius, & tales qui ab eo dependent, omnibus, ejusmodi juribus, titulis, usibusque omnium, in omnibus, & ad omnes ac singulas prædicti Comitis ditiones, possidentia bona hæreditaria, quæ ipse, ipsi, aut aliquis eorum antè prius hujus Parlamenti diem præsentem habuerunt, non obstante ulla re contrariâ hîc comprehensa.

Excipiunt itidem, quod hujus præsentis decreti, & Majestatis Regiæ consensus constitutio non debeat esse determinatio Sessionis hujus Parlamenti præsentis; Sed quod præsens hujus Parlamenti Sessio, & omnes literæ & causæ in Parlamento pendentes, nec in perfectum decretum determinatæ, quæ continuationem suam usque ad hujus præsentis in Parlamento sessionem habere debent, manere, continuare, & in pleno

in pleno vigore esse debeant, perinde ac si hoc decretum nunquam fuisset.

IV.

ULTIMA EPISTOLA
Comitis Straffordiae ad Regi-
am suam Majestatem, & Data
ex carcere in Turri Londinensi
4 May 1641.

SERENISSIME REX
In omnibus hisce turbis nihil mihi molestius
nec gravius accidit, quàm quod talis habear,
& existimer, qui Regiæ Vestrae Majestati ea
persuadere voluerim, quæ ad simultates inter
Regiam Vestram Majestatem, & subditos se-
rendas tendentia illud efficerent, ut tria Regna
hæc Florentissima ex pace & quiete in turbu-
lentissimum statum coniicerentur.

Veritati maximè congruit, (si statum meum
præsentem, vivendiquè conditionem privatam
accuratâ pensiculatione excussiero) enormem à
rectâ ratione facinus ejusmodi delirationem
futuram fuisse, quandoquidem clementissimus
Majestatis Vestrae favor ad eos honorum am-
plissimorum gradus me evexerat, ad quos
summos nulla major accessio fieri poterat, adeò
ut nil mihi amplius expetendum restaret, atque
id uni-

unicum maximè placeret, ut in eo conditionis mea statu firmus hererem in quo serenissimæ Vestræ Majestatis benevolentia me collocare lignata fuerat.

Totum itaque negotium ὅσπερ ἀνέπερ con-
ceptum inversâ interpretatione in pejus detor-
quatur; Majestatem enim Vestram minimè la-
et, misera & humilia mea consilia semper eò
spectasse, illudque unicum proposuisse, nec
Majestatem Vestram, nec Populum Majestati
Vestræ subjectum ullo unquam tempore pace
quietâ, stabili, & prosperâ frui posse, nisi mu-
tuâ concordîâ coalescentes sano sensu mutua
verba & dicta interpretemini, ad quod effe-
ctui dandum & stabiliendum aliud remedium
nullum inveniri, nec offerri, nisi Parlamenti
consilium & consensus unanimes, ac fiducia ve-
stra Regia, quæ fidelitate, & singulari animi
Subditorum Vestrorum Anglicorum propensi-
one freta omnes difficultates ingruentes, ærum-
nasque statui Vestro Regio, Regnisque immi-
nentes prevenire ac antevertere novit.

Verum hac in parte cum infelicitate ænormi
conflictor, quod veritas hæc nec locum depre-
hendat, nec fidem inveniat: Contrarium enim
apud universos majorem fidem mereri videtur,
& Ego judicor diffidio aliquo Majestatem Ve-
stram à populo subdito disjungere voluisse; Quæ
censura profecto, aut quod judicium, uti mihi
persuasum habeo, multo ac longè gravius est,
quàm quod ab ullo nobili genere oriundo to-
lerari queat.

Jam

Jam ad aures meas pervenit, ex quo percipio, populum majori indignatione contrà me inflammatum & accensum esse, quanquam Majestas vestra apertè asseveraverit, Quod Regia Vestra opinio nullam in me proditiōis noxam pervestigare queat, eaque de causa religioni ducat sententiæ me capitū condēnanti subscribere, utpote quam conscientiæ suæ contrariam offendat.

Maximis animi angustiis involvor. Modò mihi ante oculos versatur interitus liberorum & familiæ meæ quæ nunquam adhuc ramum aliquem ullo aliquo crimine foedo inquinatum produxit. Modò oculis meis subjiciuntur multæ ærumnæ, & difficultates, quibus non modo Sacra Vestra Majestas, verum & totum hoc Regnum impediri, & implicari potest, si Majestas Vestra & Parlamentum dissensione aliqua diffideretis, nec eâ, qua parest, & quæ ad Regis populique salutem incolumitatemque conservandam. requiritur, ratione desideria mutua expleretis. Modò etiam in conspectum meum prodeunt vita, & mors, ex quibus, illa apud mortales maximo est in precio, hæc vero iisdem maximum terrorem incutit.

Si dicerem, Serenissime Rex, quod nullis tentationum cruciatibus afflictus fuerim, humanitatem meam ultrà debilitatem meam extollerem, & de meis viribus nimis multa mihi pollicerer, ac cor meum pessundarem, quod tanti facinoris minimè conscium fuit.

Veruntamen ingenti tristitia tandem eò devolutus

latus sum, ut illud decreverim, quod iudicio meo personam meam maximè decet, nimirum, ut præcipui totius hujus causæ fundamenti rationem habeam, & imprimis respiciam Sacræ Vestræ Personæ, Bonique publici prosperitatem, quæ duo profectò privati hominis felicitatem longè antecedunt. Idcirco, ut paucis expediam, quemadmodum me totum committo & concredito honori & Justitiæ Parium ac Procerum; Ità etiam humilimâ petitione à Majestate Vestrâ contendere voluissèm, ut Declarationem proximo die Sabbathi factam omisisset, & me totum arbitrio Procerum & Parium permisisset. Sed quò Majestatis Vestræ Conscientia in præsentì casu liberetur, & dissidia atque errores, qui ex Majestatis Vestræ denegatione facili negotio emanare possent, præcaveantur, humilimâ submissione Majestatem Vestram obsecro, & obtestor, ut Sententiæ morti me adjuvanti nomen subscribere, eamque calculo suo approbare non gravetur. Unico enim hoc remedio (re non dicam execrandâ, sed, ut verum fatear, infelicissimâ) dissidiorum & simularum poplites (Deo sit laus) succidentur, omniaque ad salutarem illam concordiam, quam, ut spero, Deus Opt. Max. inter Sacram Vestram Majestatem, & Subjèctos æternam stabiliet, tandem deducuntur. Serenissime Rex, Consensus hic meus Majestatem Vestram coràm Deo majori excusatione purgabit, quam omnes totius mundi excusationes facturæ essent. Volenti enim non fit injuria. Deo Gratiàm mihi
B largiente

largiente condono atque remitto toti mundo. eà quietudine, & humilitate quæ animam meam hunc orbem caducum relicturam maximè contentam & pacatam reddunt. Tuæ Majestati, Rex Serenissime hanc vitam mundanam, omniaque, quæ ad lætitiâ creandam excogitari possunt, opto & voveo cuncta merita Regia ex Regio tuo favore in me profecta memori animo reCOLens. Id autem unicum à Regia Vestra Majestate humillima petitione contendo, ut Regiæ Vestræ Majestati benevolentiam consuetam filium meum calamitosum, sororesque ejus tres filias meas complecti faveremque suum regium eam mensuram metiri placeat, quam temporis progressus in patris ipsorum infelicissimi morte plus aut minus merita detegenda suggesserit.

Deus Opt. Max. Majestatem vestram plurimos annos ab omnibus calamitatibus sartam tectamque, conservet.

Majestatis Vestræ fidelissimus & humilimus
subditus

STRAFFORD.

Ex Turri Londinensi 4. Maii Anno 1641.

E J U S-

EJUSDEM COMITIS

Valedictio, seu Oratio valedictorieia, qua Angliæ Proceribus atque Magnatibus, in turri Londinensi valedixit, antequam ad ultimum supplicium deducere-
tur.

Magnifici Viri, &c. Me ad mortem deducendi causâ huc confluxistis. Eam animo prompto subire paratus sum tanquam debitum, quod & Majores nostri Naturæ persolverunt, & posteris nostris etiam suo tempore persolvendum erit, tanto tamen minore metu extimescendum, quanto minus declinatione aliqua evitari potest. Quod omnibus commune est, intolerabile nemini esse debet. Lex est naturæ imposita; Vectigal, quod caro pendit; Remedium, quod omnes curas & turbas humanas amolitur; & Via perfecta, ac certa, quæ justum ad æternam salutem deducit. Mors una expectanda; ad eam viæ diversæ & variæ patent. Quæ mihi oppetenda, non est naturalis, sed violenta ex lege & justitiâ emanans. Comuni quidem proverbio fertur, leges vulgo præscriptas vilioris sortis hominis vexare; Magnates autem magnâ iis resistendis potentia & autoritate pollere. Veruntamen longè aliter mecum comparatum est. Etenim legibus me subiicio, & neutiquam inficior, me hoc ca-
B 2 su

su ex justitiâ profecto opprimi. Qui in Politico Regimine ad Commune bonum tanquam ad scopum summum actiones suas dirigit, justî viri titulum jure meretur: Qui vero è contrario machinationibus suis proprio commodo inhiat, aut alium finem perversum & illicitum sibi proponit, haud immeritò Delinquens aut peccator appellandus. Nec poene dilatio veniæ, aut condonationis privilegium indulget. Proinde cum Cicerone aperte fateor, Malorum mortem bonis, qui vivunt præsidio & tutelæ esse. Non est quod quis confidat aut Principis sui benevolentiæ, & favori, aut Parium, vel Magnatum familiaritati & consanguinitati, aut propriæ suæ cognitioni & sapientiæ, quibus rebus cunctis me nimis confisum esse fateor. Reges coram Deo homines, coram hominibus Dii sunt. Possum idem jam dicere, quod aliquando quidâ ex Regni hujus Proceribus dixit: Si Deo meo tanta animi contentione oboedientiam debitam præstare studuissem, quanto quidem studio Regis mei honorem tutatus sum, stabilis mansissem, & non cecidissem. Terque quaterque beatus Princeps, qui justitiæ cultu timorem & bonitas Comitatisque exercitio timorem sibi conciliat.

Què majore potentia Principes alios superant, eò superiores alliis virtutibus evadere debent. Talis est Regius ille rerum moderator, in cujus ministerio constitutus nuper munia mea obire solitus fui.

Quantum ad Pares & Proceres meos attinet, familiaritas, & necessitudo, quæ mihi cum
ipfis

ipsis intercessit, cum omnia mihi ad votum fluerent, jucunditate, & recreatione magna me affecit. Iam commiserationem, qua calum meum commiserati sunt, ostenderunt. Abundè comperi, eaque de causa apertè dicere possum, ipsos (etiam qui generosiore animo sunt;) quamvis factum ipsum reprobarint, nihilominus Personæ delicto obnoxjæ misertos esse, priusque fidelitati ipsorum acceptum ferri, posterius vero amorì attribui debere. Ingenuè autem fateor, nullo unquam tempore ullum subditum aut Parem in eâdem, quâ ego, conditione versantem talia consilii adminicula, tale temporis beneficium, aut tam liberam & legitimam litis actionem, qualis mihi fuit, habuisse; Cum in ejusmodi rerum statu nunquam aliquis majore principis sui patrociniò fruitus, aut pluribus à Populo cruciatibus divexatus sit. Populi titulo hic prudentem civium communitatem, & non monstrum illud caput multorum vulgus nempè imperitum intelligo. Veruntamen peccavi; Sententia lata est; & mihi patienter omnia toleranda sunt.

Quod Sapientiæ, prudentiæ, ac cognitioni meæ in opinione mea versatæ, & ex imaginatione conceptuum meorum profectæ nimis confusus fuerim, potissimum & præcipuum est, quod me in fraudem & damnum devoluit. Verè sapiens est, qui aliorum vitia inspiciens sua emendatione seria corrigere & deponere novit. Veri sapientis munere qui fungi vult, sibi ipsi à Secretis sit oportet. Stultitia enim est alterius

taciturnitati animum suum credere, ac internas cogitationes peregrinis palàm facere. Sapientia preciosissimus est thesaurus, preciosissimumque ornamentum, quo animus exornari potest. Eruditiones celeberrima, quæ alicui existimationem conciliare deberet. Sapientia vera benefacere juxta ac facundum esse docet. A priore deliravi; Hominum enim sapientia stultitia est coràm Deo.

Cognitio res media & indifferens pari passu ad bonum & malum vergit. Se ipsum nosse optima est notitia: Eam consequutus omni *φιλαυτία* ex animo suo exterminata sibi ipsi non placebit, utpote qui seria meditatione ortum & exitum suum inspiciet. Hic vanam mundi gloriam, vanasque ejusdem delectationes, gaudiaque inania neutiquam intuetur, sed cultu & honore debito Deum prosequens in timore ejus vitæ suæ curriculum ad finem deducit. Qui autem verâ sui cognitione imbutus non est, vias suas perulenter & protervè perambulat, in vita suâ, quam vivit, inutilis, ac in morte sua infelix est. Talis ego sum. Sed occasionem quæ me ad hoc quærendum abripuit, audi. Lectione perceperam, Eum, qui nesciret, quæ ignorare fas non esset, instar irrationalis bestię inter homines versari: Qui plus quam quæ deberet scire, nosset, tanquam hominem inter bestias commorari; Qui omnium, quæ sciri possent, cognitionem habere, tanquam Deum coetui hominum interesse. Ad hanc laudem aspiravi, hujusque rei desiderio & ardore

ardore maximo quidem flagravi, sed ejusdem appetitus nimius ingrandes errores me præcipientem egit. Vanitas vanitatum & omnia vanitas.

Populi rumore temporum horum perversorum culpa in me confertur. Utinam illa morte mea emendarentur, & in melius vergentia contraria evaderent. Certum tamen est, & extra omnem dubitationis aleam positum, maximam tempestatis procellam his temporibus & moribus imminere, quod omen Deus clementer avertat. Et quoniam fors mihi exivit, quemadmodum Ionæ Prophetæ, ut in hoc ultimæ calamitatis mare eiiciar, mortem meam optime collocatam arbitrabor, si eadem ira divina placari, & hominum malitiæ satis fieri queat.

Quidnam aliud est eloquens facundia, quam parum æris sonorum varietate & discrimine quodam variata & formata? Cùm è contrario sermonis recti & boni incompendium contractio virtutis titulo jure exornetur, ac silentium ipsum sæpè Orationis optimæ locum obtineat, & efficiat, ut stulti eodem stupiditatem suam velantes cum sapientibus paria faciant, eorumque numero adscribantur. Viribus ejus modi pollet, quæ bonam causam in malam convertunt, malæque bonitatis speciem prætexunt. Sed mea mihi eloquentia fructus nullos tulit cupressam arborem imitata, quæ procera & in magnam altitudinem assurgens, fructuumque planè expers sterilitatem suam prodit.

Honores primum ad inquietas turbas gradum

sternunt. Potentia nunquam non invidiæ stimulis confoditur, eamque ab infamia liberam difficultes quis præstat. Haud minima verum potissima honoris pars existimatur, si quis cum functionis & muneris sui functione affabilitatem, comitatem, commiserationem, ac misericordiam copulet. His enim virtutibus tanquam dulci aliqua violentia maximæ mortalium partis animos ad se allicit.

Sed ut hæc seria meditatione olim perpendere, parum laboravi, quæ tamen præteritorum memoriam repetenti hos cogitationes menti meæ iniiciunt, homines eò facilius in erroribus suis deprehendi posse, quo altiore honoris, authoritatis, & amplitudinis gradum conscenderunt, imò minimum crimen ab ipsis commissum capitale judicatur, minima in tenuissimo & albissimo linteo macula grandis apparet, minimumque in preciosissimo adamante vitium longè facilius animadvertitur. Verum enim verò magni, & generosi animi homines ejus modi censuræ verberati, & flagellati tanto propriæ poenæ, angustiarum dolore non excruciantur, quanto inimicorum ludibriis & subsanationibus afficiuntur. Equidem moribundus nullius hostilem in me animum me comperturum spero, quamvis multorum inimiticia me vivum exagitatum fuisse autumem.

Ex omnibus vitiis, quæ magnorum ingeniorum animos inquinare, & commaculare solent, nullum majus odium parit quam ambitio, cui avaritia ut plurimum se comitem adjungit. Qui
con-

contagiosis his morbis infecti sunt, ut propositum scopum attingant, nil pensi habent, sive Religionis & rationis limites egrediantur, sive necessitudinis & consanguinitatis vincula confringant. Horum cum me affinem esse sciam, Deum precibus invoco, ut veniâ clementi commissurum fasce gravi animam meam miseram levet. Proverbium Philosophorum vulgare docet, ambitiosos homines nunquam principibus consilia bona suppeditare. Habendi cupiditas Magnatibus est familiaris, regendique desiderium plenumquæ ipsos in exitium præcipites agit.

Domini mei; Ego sum jam Præses ille spe omni destitutus, & vivendi expectatione frustratus. Utinam vobis omnibus infelix meus casus felici exemplo esse possit. Ambitio enim tenebras offundit, & sanguinem potat, ac in cerebris hominum ad tantum fastigium prope- rat, ut tandem succisis poplitibus miserando casu propriam cervicem frangat. Satius itaque est humilitate contentum vivere, quam curarum & perturbationum laqueis irretiri. Penuria honesta omnium rerum affluentia in- honesta longe præstat. Quid aliud sumus quàm vapores sudum coelum profundè penetrantes, & momento citius fumi instar evanescentes, & in auras abeuntes. Haud multum abludimus à navibus quas tempestuosarum procellarum rabies ventique adversi variis jactationibus exagitant. Agricola peritus spicas apices in terram inclinantes plûris facit, quam erectas, utpote

B 5

qui

qui illas pluribus granis abundare, has paucioribus refertas esse novit. Omnia, quæ dico, ni vulgaris quidem ac clippis & tonsoribus nota sunt; sed quam pauci auream hanc doctrinam vivendi normam sibi constituunt. Ego quod neglexerim poenas jam dare cogor. Utinam ex iis, quæ patior, aliit utilitatem & commodum perciperent.

Quid adjumenti, & suppetiarum mihi tulerunt Principis mei favor & benevolentia, Patrium & Magnatum familiaritas, linguæ facundia, memoriæ firmitas, eruditio, honor, munera, potentia, divitiæ & thesauri, insignia Naturæ & Fortunæ bona & dona? Quamvis à benedictione divina in homines conferantur, confertim tamen omnia rarò in unum simul congeruntur, quemadmodum ferè cuncta Divini Numinis beneficio mihi obtigisse non diffiteor. Si iis recte usus fuisssem, in florentissimo rerum mearum statu stabilis permanissem, nec immatura morte conciderem.

Equidem jam optarim, (si modo optandi tempus non præterisset, & illud Utinam nimis Serum esset) ut Deus Opt. Max. cum externa sua bonitate mihi exhibita etiam internam suam gratiam conjunxisset, & mentem meam illuminasset, ut mediam viam ingressus, mædiocrita, temque sectatus nec ad dextram nec ad sinistram me deflexissem. Sed Icarum, qui cereis alis instructus ne eas, madefaceret, humili volatu terræ nimis propinquus fieri verebatur, imitatus in altum nimis evolabam, Solique nimium appro-

appropinquans alis calore liquefactis ex alto decidi, ac miserera aquarum rapina evasi. Ante hac architectus imprudens ædificii mei structuram in arena locavi; mutato fundamenti loco spem meam in petra firmissima Salvatore nimirum meo jam collocavi, in cujus meritis anima mea fiduciam suam ponens, qui cunque exitus etiam corpus meum mansurus sit, in finem ejus congregari sperat.

Nimrod turrim cujus summitas coelum attingeret, exstruere cupiebat, eique nomen Babel imponebat. Deus tamen conatum ipsius confusione linguarum, ac populi dissipatione eludebat. Pharaon Israelitas captivitate defentos postquam dimisisset, eosdem summa protervia prædam sibi facere constituerat; Deus tamen his siccum & miraculosum per mare rubrum transitum largitus est, illum vero cum toto suo exercitu aquis sepelivit. Belsazar imperii sui Principes & Proceres tanto & superbo convivio excipiens vasis argenteis extemplo Hierosolymitano raptis Imperii felicitatem ac suorum nomina bibit: Manus verò divina parieti inscripsit Mene, Tekel, Phorat; eademque nocte miser & regno & vita spoliatus diem obiit. Hoc pacto Divina Majestas homini spaciosum propriis suis cogitationibus ludendi intervallum concedit, nec unquam patitur, ut voti sui compos fiat, aut optata effectui det, adeò ut talia in propriam ejus ruinam & exitium abire soleant. Itaque non est cur aliquis potentiæ suæ confidat, de propriis viribus gloriatur,

rietur, & divitiis suis innitatur. Cuncta hæc, institutionis nostræ causa literis concredita sunt, ex quibus vivi non autē mortui elementum sentiunt. Ingenii acrimoniam ac sapientiam nullum fructū ferētes stultitiæ finitimas jure affirmamus.

Major in mundo ignobilitas existere non potest eam, quæ mundum ab unoquoque susque deque habitum magni facit, & Deum à quovis hominū reverentia summā cultum nihili pendit.

Ac inter homines nil stultius & insanius inveniri aut excogitari potest, quam summo labore & sudore facultatum & opum suorum incrementis inhiare, corpusque suum vermium habimtaculu, vanitatisque domicilium probe curare & exornare; animam autem è contrario vanis voluptatum recreationibus æterno gaudio exuere. Magnę stoliditatis opus aggreditur, quicumque malo initio eventus optati spē concipit, & ad exitum speratum malo principio sibi viam sternit. Uni soli attribuere, quæ antea omnibus communia fuēre, imbecillis judicii res est, ex quā discordiæ & simultates scaturiunt. Castigatione hac mea ut finiantur, vehemēter exopto.

Quam parva terræ particula corpus meum jam, conteget, & complectetur, cum tamen animus meus nil nisi magna spirans duorum tantorū Regnorumspaciosis limitibus includi non potuerit? Sed quoniam tempus me urget, Regi Vatis dicto sermoni meo finem ut imponam necesse est. Eo neminem privatim tango, sed omnibus & universis illud propono. Quamdiu vos Iudices corrupti eritis? Quamdiu omittetis in judican-

do ju-

do justitiam sequi, Beatus ille qui in impiorum consilio non ambulat, nec sedet, ubi deviso- res sedent. Propterea in judicio non consistent, nec peccatores in justorum conventu &c.

Circa duodecimam horam dictus Straffordie Comes ad theatrum Tourhill, ubi Excubiarum caterva diversis militum Londinensium vexillis constans stationem habebat, & Turris Londinensis ministri viæ, qua ipsi ad theatrum eundum, utrumque latus dextrum videlicet & sinistrum claudebant, deducebatur. Præibant Mareschalli servi, ut viam magna hominum multitudine obfessam aperirent. Proximi Sherifs vel Londinensium Prætorum officarii, aut satellites bipennibus suis, instructi, sequebantur Regium præsidium, & Excubitores Londinensis Turris. His succedebat unus ex comitis nobilibus vestimentis lugubribus amictus, & capite nudo incedens, post quem Straffordie Comes lugubri veste tectus cum nonnullis aliis eodem vestitu pullo opertis, & ministris suis ad locum supplicio suo destinatum progrediebatur. Ordinem claudebant Episcopus de Armach, alii quidam Theologi, Sherifs sive prætores Londinenses, ac diversi alii honesti viri.

In locum, ubi de ipso supplicium sumendum erat, postquam pervenit, undique se toti populo ostendens summa & fortissima animositate, quæ in mortalem aliquem cadere potest, sequentem orationem habuit.

Mi Domine Primas Hiberniæ, & vos alij nobiles ac Domini, qui hic præsentis estis. Perquam

quam mihi gratum accidit, magnumque solatium affert, quod hodie præsentia & sodalitus vestro frui possim, quandoquidem haud parvo temporis intervallo familiaritas & necessitudo quæ mihi vobiscum intercessit, definitur. Parvam quidem audientiam precibus meis postulare, ut paucis adhuc verbis nonnulla in medium proferam, quod tamen vix fieri posse video. Mi Domine, Voluntatis divinæ arbitrio huc processu, ut ultimum peccato debitum mortem nimirum persolvam, & resurrectionis Gratiâ Divinâ, meritisque Christi salvatoris nostri acquisitæ beneficio ad æterna gaudia revertar. Sunt nonnulla de quibus cum Domino meo sermones privatos libenter miscerem, si mihi ea proferendi facultas daretur, insignis beneficii loco acciperem, & multis nominibus me tibi devinctum arbitrarer. Mi Domine; Meus in hunc locum adventus eò spectat, ut sententiæ latæ me morigerum præstem. Quieto & imperturbato animo illud facio, mentique meæ satisfactum esse confiteor. Liberè & sponte toti mundo, quicquid contra me actum est, condono ejusmodi condonatione, quæ non in externa tantum lingua versatur, sed etiam ex intimis animi penetralibus profecta cogitationum mearum seriarum interpretis est. Dei presentia, coram cujus aspectu hic consisto, asseverare aulam, quod ne minima quidem cogitatio in me restet, quæ ullum hominem offensæ alicujus insimulare velit, aut me ulla offensione accepta jam turbare possit. Deo gratias ago, quod

quod hoc affirmare valeam. Conscientia mea mihi testis est, quod in omnibus meis muniis, & negotiis, in quibus conficiendis opera, consilio, & labore meo Regia Majestas uti voluit, & dignata est, nullum alium scopum mihi unquam præfixerim, quàm communem ac inseparabilem Regis ac subditorum suorum salutem, & incolumitatem. Quod si perperam intelligatur, id me magno hoc malo, & infortunio mactat, ac cuivis in vita sua æquè ac mihi usu venire potest. Judicium justum, quo hec omnia dignoscuntur, huic vitæ caducæ succedaneum sententiâ verâ litem dirimit, ac postliminio verum à falso segregat. Quamdiu terram caducam incolimus, erroribus omnes obnoxii atque ad mutua judicia perversa, calumniarumque permutationes proni ac prompti sumus. Divina gratia excepta proximum & optimum medium, quod Regi ac populo suo in columem felicitatem acquirere potest, Res una est, quam liberè effando hic aperiam, ac firma confidentia eloquar eamque etiam à Vobis Christiano amore motis approbatum iri confido; Parlamenta Angliæ nimirum constitutionem fortunatissimam, sub qua unquam imperium aut natio aliqua vigit, à semper arbitratus sum, tantum abest, ut unquam à tam laudabili constitutione abhorruerim, aut machinationibus quibus cunque eadem tollere tentaverim. Quoad mortem præsentem, ex hoc mundo peregrinus jam discedo, & Deum ex animo precor, ut illis, ac inprimis tibi, Domine Primas, omnia remittat

mittar. Illud mihi jucunditatem parit, quod Regia Majestati, me tam severam & gravem poenam, qualem sententiæ hujus argumentum externè complectitur, meritum non esse censet.

De gratia hac mihi exhibita gaudio efferor, atque Deum oro, ut eam ipsi compenset, ac iterum gratiam largiatur, quam primum eâ ipsi maximè opus fuerit. Huic Imperio Anglico omnem felicitatem ac prosperitatem ex animo precor & voveo, illudque jam moribundus facio, quod vita incolumi semper feci. Mentis meæ penetralia intima aperio, ac firmiter hæc assevero, summaque humilitate, quæ dico, unicuique perpendenda commendo, ut manu pectori imponens seria meditatione consideret, angelicæ & populorum felicitas inc hoanda sanguineis literis describenda sit. Vereor, ne rectam viam ingressi devii aberretis. Equidem ardentes ad Deum creatorem meum preces fundo, ne minima sanguinis mei gutta in extremo judicio insimulatione aut accusatione aliqua in vos insurgat.

Mi Domine, Ego Anglicanæ Ecclesiæ filium oboedientem me profiteor, ac affirmo, ejusdem confessioni meam congruere, utpote in quâ & natus, & educatus sum. Eidem idcirco prosperam incolumitatem, & incrementum felicissimum opto. Quamquam rumor de me sparsus est, quod ad Pontificiam religionem propensus sim, Ego tamen, si responsionem insimulatio hæc meretur, ingenuè, & verè affirmo,

firmiter, me ab eo tempore, qui vigesimum primum annum antecessit, usque ad hanc horam, quæ in quadagesimum nonum ætatis meæ annum incidit, nullam unquam de Religionis meæ certo fundamento dubitationem animum meum subiisse, aut de ea mutanda cogitatione suscepisse. Nemo etiam, quantum quidem mihi constat, unquam in contrariam suspicionem me adducere ausus fuit. Deo itaque per misericordiam Servatoris mei Iesu Christi, in cujus sinum propediem me translatum iri spero, ut æterna & nullum finem habitura salute fruam, reconciliatus sincera mente ab unoquoque seria petitione contendo, ut quod vis factum aut dictum meum Christianam veniam mihi remittat, & suas precibus meis jungat. Domini mei Valete: Omnes res mundanæ valete: Mi Deus, confirma & roboram fidem meam; Da mihi fiduciam & certitudinem meritis Iesu Christi confidentem. Quæso à vobis, ut silentium præstetis, & vestris precibus orationi meæ copulatis Divinæ perfectioni me commenderis. Fides mea in Deum firma & stabilis mihi pollicetur, quod omnes tandem congregati in coelo vitam sempiternam transigemus, & omnis felicitatis perfectionem accipiemus, ubi omnes oculorum nostrorum lachrymæ abstergentur, & ex animabus nostris omnes cogitationes tristes exterminabuntur. Deus Opt. Max. huic Regno benedictionem suam largiatur. Dominus Iesus animæ meæ misereatur.

Deinde seipsum ad coronam circum stantem

convertens omnibus nobilibus humaniter salutatis porrectaque manu cuncta felicia cuius spectatorum in theatro apprecatus est, extremumque vale dixit.

Mox iterum, Nobilissimi Domini, inquit, preces meas recitaturas à vobis peto, ut mecum precemini, & in precibus vestris ad Deum fufis mei memores fitis. Cappellanus ejus librum communes preces continentem sedili antè ipsum stanti imposuit, cum ingenua procideret, in quo preces legendo ferè quadrantem horæ consumpsit. Postea tantum aut plus temporis sine libro precibus & gemitibus ad Deum mittendis conferens actum hunc pium tandem Dominicæ orationis recitatione finivit. Surgenti in conspectum incidit Frater ejus Dominus Georgius Wentwort, cui ad sevocato, Frater, inquit. Discessione hac separemur necesse est. Salutatione mea sorori & uxori meæ memoriam renovato & filio meo natu majori benedictionem meam annunciato, ipsique nomine meo mandato, ut Deum timeat, oboediens Ecclesiæ Anglicanæ filius maneat, & seipsum fidelem Regiæ Majestati subditum præstet. Dico ipsi, ut mei causa in neminem vindictam aliquam exerceat, nec ulciscendi Patris causa quid committat. Rogato etiam, ut ab Ecclesiasticis negotiis se planè retrahat, nec ullo unquam tempore se illis immisceat, quæ carcinomatis & gangræne instar statum & felicitatem ejus exedere possunt. Ipsi quoque precator, ut eo, quod interra minister & in
Comita-

Comitatu suo justitiæ administrator sit, acquiescat nec ad magnos honores aspiret. Benedicti-
onem meam indicato quoque, meis duabus fi-
liabus Ajenæ, & Arabellæ, easque moneto, ut
Deum colant, & in ejus timore versari nun-
quam desinant, quò benedictione ejus frui pos-
sint; interea etiam infantem meum non obli-
viscentes, quem nec boni nec mali ullius con-
scium, & sermonis proferendi inpotentem post
me relinquo. Deus pro ipso loquatur, ipsum-
que benedictione sua compleat. His finitis, Ni-
hil, quod agam, amplius restat. Unus ictus ux-
orem meam marito suo spoliabit, liberos meos
patre suo orbabit, miseros meos ministros hero
suo privabit, ac me à charissimo meo fratre
amicisque jucundis disjunget. Verum Deus
tibi & ipsis omnia in omnibus esto.

Vestimentis suis superioribus deponendis oc-
cupatus, ac ad mortem oppetendam separans,
Deo, ait, gratias ago; nec mortem exhorresco,
nec pusillanimitate aliqua ex desperatione aut-
formidine ortum ducente affligor, sed superio-
res meas vestes tanta letitia & hilaritate exuo,
quanta quidem unquam, quoties me cubitum
conferrem. His dictis vestimenta dicta detraxit,
cæsarieque sua manibus propriis ligata capiti
vittam albam imposuit.

Paratus tandem, ubi est, inquit, vir ille, qui
mihi extremum hoc officium præstare debet?
(Carnificem intelligens) ipsum ad me vocate.
Cum veniret, & hujus rei veniam sibi dari pe-
teret; se ipsi ac toti mundo ex animo omnia

remittere & condonare respondit. Ante truncum in genua sua provolutus iterum ad preces se convertit, ejusque unum latus Episcopus de Armach, alterum minister ejus uterque genua flectens clausit. Precibus peractis ad ministrum se convertit, ipsique verba quædam in susurravit manibus sublatis, quas minister paulo momento suis inclusit. Deinde se ipsum inclinans, ut caput trunco imponeret, carnificem, monuit, quod primo caput in truncum inclinare vellet periculum facturum, quo pacto aptare posset, eoque facto iterum illud elevare cuperet, antequam tandem, ut ictum exciperet, in truncum repositurus esset. Imò postquam reposuisset, se expansis manibus ferendi tempus, aut momentum carnifici significaturum dixit. Tandem cervicem in truncum immissa manus extendit, caputque uno ictu à corpore separatum cum vita amisit, quod carnifex manibus arripiens, populoque ostendens exclamavit, Deus Regem custodiat.

VLTIMÆ COMITIS

STRAFFORDI Quondam
Hiberniæ Proregis literæ paulo
antè obitum 11. Maii anno 1641.
Ex turri Londinensi ad uxorem
suam in Hiberniam missæ.

P Reciosissima Conjux ; Extrema mea, verba
ex ore meo, qui in extremis meis tempori-
bus jam versor profecta accipies. Amorem
meum tibi transmittò, quem post mortem me-
am conservare poteris ; Consilio meo uti vale-
bis, quando non amplius præsto sum. Tristitias
& animi ægritudines haud libenter tibi propo-
nerem, aut mentem tuam iis affligerem, ea-
propter eas me insepulchrum comitari patiaris.
Quoniam Voluntas Divina eo necessitatis vin-
culo te constringit, ut aspectu meo in posterum
carere cogaris, animo æquo & patiente di-
stractionem, & diremptionem hanc tolere-
velim.

Primò gratias omnes, quas mens mea acutis-
sima meditatione excogitare & rimari, aut ver-
ba mea exprimere possunt, tibi ago & habeo
pro infinitis illis laboribus & curis, quibus ani-
mum tuum meæ salutis & incolumitatis custodi-
endæ causa onerasti, & sollicitasti, quæ quanquam
eventu suo optatis tuis non responderunt, nihilo

minus tamen earum nomine mei qui hoc in mundo debita compensatione eas æquare non possum, tibi devinctum tenes.

Deinde oro atque obtestor, ac pro a more, quo me in vivis existentem semper complexa es, vehementer illud abs te contendo, ut diu aut plures dies querula domi non latites, aut occultè desideas, sed egressa consiliorum, laborum, & curarum tuarum auxilio miserandam liberorum tuorum conditionem subleves earumque justitiam tuearis. Querimoniæ tuæ nullo pacto mihi propediem in pulverem redigendo adjumentum aut solatium asferre possunt.

Postea te certiolem reddo, possessionum mearum jus bona fide in filium meum translatum esse. Literæ ad actionem illam pertinentes jam conscriptæ sunt. Per quem, quæ restant, tibi tradenda curem nescio: Nam ab omnibus meis derelictus sum. Maxima tristitia animam meam excruciat, quod nimis celeri mortis adventu præventus meliorem & opimiolem rerum statum tibi relinquere non possim. Deus cuncta, quæ proposueram, & apud animum meum statueram, prævertit; Deus ille Opt. Max. qui omnia ad nutum & arbitrium suum disponit. Si vitam inopem & penuriæ obnoxiam degere non cogeris, de cæteris non est quod ulterius labores, aut curis super vacaneis animum tuum affliges. Cuncta enim vanitati subiecta sunt. Deum dilige, & intempore ejus diligendi initium fac, ut veram & æternam in eo
con-

consolationem invenias. Postquam multos labores exhauseris, ac mundanis cogitationibus te fatigaveris, tandem in omnes tui labores in tristitiam & moerorem desinent. Doce filium tuum, ut Deum revereatur, eique fideli & sincero cultu inserviat, & timor Domini in ipso accrescat, & incrementa sumat, dum in juventutis flore ad huc constituti teneramens cognitione divina facilius imbui potest. Eo enim pacto Deus se tibi maritum, & ipsi patrem præstabit, & quidem ejus modi maritum ac patrem, cujus nullo unquam tempore jacturam facturi estis, utpote qui vobis à nemine eripi potest.

Balo decem librarum millia, & Arian centum libras mihi debent: Iernsei quoque multa & gravia nomina in tabulis meis habet.

Pretiosissima Conjux, propter animam meam te rego & obtestor, ut post mortem meam tenuioris fortunæ hominibus, quæ debeo, solvas. Magna tibi procul dubio ab interpellaturis creditoribus molestia exhibebitur. Nemo non ea opinione imbutus est, me amplissimarum fortunarum possessorem divitiis maximis affluere. De omnibus rebus summa cura velim labores, & imprimis tibi a virilis sexus blanda insinuatione caveas, quandoquidem in hoc mundo nulla gravior hominibus miseria accidere potest, quàm si rapina evadant, ac postea contemptui habeantur. Quæ loquor, eò non spectant, ut tibi ad secundas nuptias post decessum meum transire dissuadeam, cujus rei

Deus qui cogitationes meas cognitās, ac perspectas habet, testis est. Consultum potius tibi futurum censeo, ac coram Deo & mundo honestius. Quantum ad me attinet, tu mea esse definis, & ego tuus esse, desisto. Mors vinculum, quo ligati fuimus, derupit, discerpit, & dilaceravit. Deus me à mundo & à te segregavit, & sejunxit.

Memor esto filioli mei, propter me patrem suum, qui te in statu suo fortunatissimo & florentissimo amore summo prosequutus sum. Vitæ meæ incolumitatem, & conservationem summa animi contentione quæsi, & precibus acquirere studui: Sed Deus novit, me non nisi tuo & tuorum gratia illud fecisse. Tuum enim infantem, charissima uxor, filium esse scito fidelis mariti, qui, quoad se, mortem susque deque habuit.

Multa scribere non possum; Deo notum est, quam difficulter mihi tempus suppetat; Ipsum verò tempus etiam mihi aurem vellicat, ac me monet, ut à mundo omnibusque rebus terrenis cogitationes meas abstractas ad æternæ beatitudinis meditationem transferam. Corpus meum, quod vivum tibi denegatur; vita spoliatum postulato, & impetrare studeto; ut juxta patris ac matris meæ sepulchrū terræ mandetur. Nihil amplius dicere valeo. Tempus & mors me advocant. Æternus & Omnipotens Deus, qui ipsa bonitas, & vera lux ac vita est, te atque tuos incolumes ac salvos conservet, mihi miser-

fericordiam exhibeat. Charissima uxor vale.
Deus filio meo benedicat. Precibus vestris
pro me apud Deum intercedite, qui vos am-
bos brachio sui potenti complectatur, &
tueatur.



ACTA CANTUARIENSEM
EPISCOPUM
ATTINENTIA, QUI-
BUS COMPREHEN-
DUNTUR.

WILLEM LAUD Archiepisco-
pum Cantuariensem capite orbatum x. Janu-
arii anno cdo Ioc XLV: continet.

- I. *Capita eorum, quorum accusando reus est factus.*
- II. *Responsio ejusdem dictam accusationem resoluens.*
- III. *Auctuarium prioribus criminibus nova subjun-
gens.*
- IV. *Orationem Funebrem, & preces binas,
quos in theatro ante obitum recitavit.*

Capita

I.

Capita accusationis institutæ
a communitatæ in Parla-
mento, qua

W I L L E M L A U D

Cantuariensis Episcopus Maxi-
mæ proditiōis arcessi-
tus est.

I.



Uod proditorio conatu Regni
Angliæ leges totius status publici
fulcra, fundamenta, & bases, at-
que totam regiminis formam con-
vellere, evertere, ac in Tirannicam, solique
arbitrio omnibus legibus libero innitentem gu-
bernationem mutare studuerit, eaque de causa
perfido & proditorio consilio Regiam Majesta-
tem docuerit, ipsi omnino licitum esse sine Par-
lamenti sui consensu subditis suis pecuniam ex-
torquere, cum ejusmodi actio Regia ex Lege
Dei faciliè confirmari & probari possit, ut ipse
referebat.

2. Ut autem proditorio suo consilio effe-
ctui dando faciliorem & certio rem viam ster-
neret,

neret, diversos sermones & dissertationes habuit, publicè concionatus est, imò typis excusas in lucem misit, quibus Parlamento auctoritatem derogavit, Legum Anglicarum vires elevavit, ac absolutam, nullisque limitibus circum scriptam potestatem personis & bonis subditorum Regiæ Majestati subjectione vinculo submissorum imperantem in Regis, seipso, & aliorum Episcoporum aulis contra publicas leges defendit, & tutatus est. Magnus etiam Patronus, defensor, ac promotor eorum extitit, qui falsas, & noxias ejusmodi opiniones disseminarunt, & in lucem protraxerunt.

3. Literis, nunciis, minis, pollicitis, ac diversis aliis rationibus & modis, quibus judices, aliosque justitiæ ministros aggressus est, justitiæ cursum in Regiæ Majestatis, judiciis in Westminster & alibi celebratis inhibuit, & interrupit, ac aliis quoque temporibus eorundem mediorum beneficio inhibere, & corrumpere conatus est, quod Regni hujus legibus magnum damnum intulit, ac universam abrogationem & eversionem reportendit. Unde factum est, ut plures Majestatis Regiæ subditi justissimis suis causis ceciderint, & Tyrannico ejus arbitrio se submittere coacti in perniciem & interitum præcipites dati fuerint.

4. Quod nominatus Archiepiscopus turpiter, ac proditoriè iis justitiam vendiderit, quorum lites ad iudicium ejus sub jurisdictionis Ecclesiasticæ, ac Archiepiscopi, Magni, Comis
missarii,

missarii , & aliorum titulorum ac nominum prætextu attractæ coram ipso decidendæ & sententia ejus definiendæ & dirimendæ agebantur. Quod munera & dona illegitima à Majestatis Regiæ Subditis acceperit , ac pro virili sua omnibus suis cogitationibus & laboribus in id unum incubuerit , ut alias etiam Iustitiæ in hoc regno sedes corruptionis veneno inficeret , atque idcirco Regiæ Majestati consilio suo autor fuerit , ut ejusmodi loca justitiæ destinata cum aliis officiis conjunctis venderentur , eorumque venditio contra statuta , & leges ea de re latas quovis pacto effectui daretur.

§ Proditorio ausu Canonum librum sine alicujus authoritatis aut mandati publici consensu & approbatione à se confarcinatum , ac typis exscriptum in vulgas sparfit , Canonesque à se constitutos effectum habere jussit. Continebant autem multa , quæ juri . Regis prærogativo , legibus Regni fundamentum sustentibus , Parlamenti privilegiis , & constitutionibus , ac subditorum propriæ possessioni & libertati adversantur . Multa item , quæ rebellionum & seditionum periculosa irritamenta consequentiam periculosam secum trahunt , & immanis , illegitimæ , ac arrogantis potentia ab ipso ad successores derivandæ fundamenta locant . Plures ex canonibus istis in ultima Convocatione seu Conventu Archiepiscopi dicti machinationibus technisque subrepentibus sine ulla confide

fide ulla consideratione, atque ullo examine admissi, & à Prælatiſ & Clericis tum temporis præſentibus metu & coactione preſſis ſubſcripti ſunt, cum tamen nunquam in Conventu ejus modi, qualis eſſe debuiffet, nunquam admiſſi aut approbati fuiſſent. Porro dictus Archiepiſcopus unius canonum dictorum & obtruſorum opera illegitimam & æquitatis orbitam tranſeuntem potentiam, quam in Majestatis Regiæ ſubditos exercuit, & uſurpavit, aſtuto & impio juramento omnibus perſonis Eccleſiaſticis, & Laicis hujus Regni pluribus propoſito ſtabilire & firmare tentavit.

6. Quod Proditorie Pontificiam & Tyrannicam in Regiæ Majestatis ſubjectos poteſtatem tam in Eccleſiaſticis quam Politicis aut Secularibus rebus per univerſum Angliæ regnum locaque alia ſibi ipſi arrogaverit, eoque pacto Coronam quaſi exhæredaverit, Majestatem Regiam ignominia affecerit, ſupremæque ſuæ in rebus ſpiritualibus authoritati ignominia maculam aſperſerit. Attribuit autem ſibi ac in Iuriſdictionem ſuam tranſfert dictus Archiepiſcopus Iuriſdictionem Eccleſiaſticam Regi competentem, atque Episcopali, & Archiepiſcopali ejus functioni ac muneri tantum accidentem, quam ab Angliæ Corona ad ſe derivatam audacter negat. Proinde eam pro lubitu exercens Regiam Majestatem ignominioſa contumelia affecit, & diverſos ejuſdem Majestatis ſubditos fideles tam quoad perſonas, quam quoad bona & facultates peſſunderit.

7. Quod

7. Quod perfidiosa proditione Regionem Dei veram, fanis legibus in hoc Regno stabilitam mutare, & exterminare, ejusque in locum Pontificiam superstitionem & Idololatriam substituere laboraverit. Ut autem voti composevaderet, Orationibus, & libris impressis diversa Pontificiæ doctrinæ & opinionis capita constitutæ Religionis capitibus contraria & declaravit & defendit. Diversas item Pontificias ac superstitionis plenas ceremonias sine ulla equitatis aut juris probatione fortiter obtrusit, & mandavit, omnesque sibi obnitentes severa tam carceris quàm corpori poena afflixit, & alios se accommodare recusantes censuris Ecclesiasticis, excommunicatione nimirum, functionum sacrarum inhibitione, Privatione, aliisque ejus farinæ poenis contra leges hujus Regni mulctavit.

8. Quò melius & facilius scopum propositum, ad quem collineabat, attingeret, magna illa potentia à Rege sibi concredita abusus fallacem in messem alienam misit, & diversorum magnis muneribus præfectorum loca occupavit, aliorumque Regis subditorum Ius invasit. Ea occasione jus nominationis & electionis diversarum personarum in Ecclesiasticis dignitatibus, promotionibus & beneficiis conferendis, quod ad Regem, diversos ex nobilibus & clericatu, ut & alios pertinebat, sui juris atque arbitrii fecit, & commendationem Capellano-
rum ad Regem directam in suum commodum transulit, & ad se pertraxit, adeo ut auctoritate hac malè usurpata magni momenti muneribus

ribus Ecclesiasticis ejusmodi homines præferit, qui vel Pontificia superstitione inquinati erant vel doctrinam haud sanam profitentes vitam pietati veræ non congruam sed planè corruptam & perversis moribus maculatam degabant.

9. Proditorium & impium suum propositum promovendi causa ejusmodi homines sibi Capellanos adscivit, quos à Religione Reformatâ planè alienos, & Pontificiis superstitionibus maxime diditos, aut hæreticis opinionibus imbutos esse, & nec doctrinam sanam profiteri, nec vitam Christianis veris dignam degere probè noverat. His, aut ex ipsis quibusdam librorum censuram ac eosdem imprimendi facultatem concessit, ex quo fonte plures falsa doctrina, & superstitionibus multis repleti libri magno Religionis veræ scandalo in vulgus manarunt.

10. Molimine proditorio & impio Angliæ Ecclesiam cum Romanâ in gratiam reducere allaboravit, ejusque propositi consequendi causa cum sacerdotibus Pontificiis & Jesuitis familiaritatem contraxit, ac clandestina consiliorum communicatione cum Pontifice Romano colulit. Ac non solum ipse, verum etiam per suos procuratores, & negotiorum suorum curatores cum iis, qui autoritate Pontificia instructi Romanâ in Angliam advenerant, consilia clandestina capiebat. Permisit, facultatemque dedit, ut in hoc Regno Pontificia Hierarchiâ, sive Ecclesiasticum regimen institueretur. Omnibus his machinationibus Proditoriis & impiis Ecclesiam

fiam Regnumque hoc maximo & extremo discrimini exposuit, ac Pontificiam Tyrannidem subeundi periculum adire coëgit.

II. Non solum ipse, verumetiam Suffraganei, Vicarii, Visitatores, Cancellarii, aliisque muneribus Ecclesiasticis præfecti ipsius nomine & mandato pluribus doctis, piis, & verbi divini præconibus sanis silentium imperarunt, exfunctionibus suis eos exterminarunt; obeundi muneris facultate ad tempus supersedere jussērunt, de dignitatum gradibus deturbarunt, excommunicarunt, aut aliis anxietatibus & molestiis contra jus & fas affligerunt, atque oppresserunt. Variis itaque mediis Verbi Divini præconio & annunciationi remoras obiiciens eo negotium totum deduxit, ut pluribus ex Majestatis Regiæ subditis fidelibus Regno excedere coacti fuerint, ac inscitia, impietas, & profanitas populi blanditiis & conniventia, ejus sustentatæ majora incrementa sumserint. Omnia eo spectabant, ut faciliorem sibi aditum ad proditoriè & impiè propositam veræ Religionis mutationem, & corruptionem pararet.

12. Proditionis non minima pars fuit, quod discordiâ & similitate seminatâ Anglicanam ab aliis Ecclesiis Reformatis se jungere molitus sit. Testes sunt Gallorum, & Belgarum in hoc Regno coetus Reformati, quos privilegiis & immunitatibus à Regiâ Majestate ejusque, antecessoribus concessis spoliavit, variisque modis oppressit, animumque suum malevolum, &

dictis Ecclesiis offensum pluribus actionibus malis patefecit, ut ejusmodi discordia illis dilaceratis & distractis Pontificii utramque partem opprimendi, & funditus delendi promptiorem & faciliorem occasionem nanciscerentur.

13. Malitiosis & proditoriis suis consiliis bello & inimicitiae inter Regiae Majestatis regna duo Angliam, & Scotiam excitandae summam operam navavit, promovendique propositi sui causa in Scotia Regno diversis novitatibus, quae si non omnes, pleraeque tamen Pontificiam Superstitionem oblebant, introducendis Religionem juxta atque Regimen turbavit; quod Majestatis Regiae subditos in Regno illo vitam degentes, remque hanc iniquissimam molestissime ferentes admodum male habuit. Idcirco iis ejusmodi novitates admittere recusantibus, ac se strenue opponentibus Regiae Majestati perfido consilio suggestit, ut armata manu eos ad oboedientiam suam revocaret, armorumque vi contumaciam eorum coerceret. Propria quoque potentia & auctoritate legibus suisque deque habitis effecit, ut ad bellum istud pecuniarias suppetias quidam Subditorum conferrent, ac Clerum seu Ordinem Regis Ecclesiasticum ad nummos eidem negotio bellico subministrandos coegit. Imò cum sapientissima actione Rex inter Duo Regna pacem constituisset, ac tumultus periculosissimos sopivisset, audacter admodum pacificam Regis actionem tanquam Majestate ejus indignam, minusque ei honoris

honorificam redarguit, culpavit, atque stimulis iniquissimis Regiam Majestatem ad bellum cum subditis suis Scotiæ Regnum inhabitantibus gerendum impulit, adeò ut tandem Archiepiscopi dicti consilio impulsus & incitatus Rex arma oppugnantia in manus sumserit, ac maximo tam propriæ suæ personæ, quam utriusque Regni subditorum periculo minime necessario bello se implicaverit.

14. Metuens autem, ne omnes dictæ & aliæ plures preditoriaë machinationes & technæ investigatione aliqua palàm fierent, & exanimi subjicerentur, prævenire quam præveniri satius existimavit astutaque & callida cautione rebus suis se prospicere conatus est, dum Parlamentorum privilegia, & jura convellere, ac veterem eorum procedendi & agendi modum ac rationem tollere, falsisque & malitiosis calumpniis Parlamenta in Majestatis Regiæ odium adducere nitebatur.

Cunctis his verbis, consiliis, & factis juris jurandi sui, quo fidelitatem suam Regiæ Majestati ac Regno devinxit, fines proditorie transgressus summo studio in id unum incubuit, ut subditorum animos à Rege suo abalienaret, utrosque maximis diffidiorum ardoribus incenderet, ac Regna hæc florentissima ex fortunatissimo statu in exitium, & perniciem deturbaret. Qua de causâ perduellionis & proditionis summæ in Regem, coronam, atque dignitatem ejus commissæ ipsum jure accusant.

Commemorata Parlamenti Communitas porro manifestum facit, quod dictus William Laud Cantuariæ Archiepiscopus eo tempore, quo enarratas proditones fabricatus est, & noxas ac scelera ista commisit, Episcopi seu Archiepiscopi in Anglia officio functus sit, unus ex Regiis Commissariis rebus Ecclesiæ præfectis fuerit, in Regiæ Majestatis Consilio arcano Senatoris munus obierit, ac jurejurando, se eodem munere fideliter functurum, sanctè affirmaverit, Superioritatisque etiam & fidelitatis juramentum præstiterit.

Eadem Communitas contestata denunciatione præmissâ (sibi tamen quovis alio tempore impostero accusacionis alicujus contra nominatum Archiepiscopum instituendæ, ad responsiones ab eodem contra accusacionis capita omnia, aut eorum quædam illatas exceptionum iterandarum, amplioribusque testimoniis antedictorum omnium, aut quorundam confirmandorum, prout causa secundum Parlamenti consuetudinem illud postulaverit, facultatem, ac libertatem reservans) precatur, & requirit, ut nominatus Archiepiscopus coram judicio constitutus ad omni & singula capita præmissa respondeat, & quoad unumquodque ipsorum processus, examen, inquisitio, & judicium tale observetur, & usurpetur, quale jus & justitia requirent.

Præfata item Communitas contestationibus prius denunciatis (Omnia tamen alio tempore futuro alicujus alius dicto Episcopo intendendæ accusa-

accusationis, ipsiusque responsiones ad omnia capita, vel eorum aliqua datas refellentium replicarum, ac pluribus testimoniis omnium & singulorum, aut nonnullorum ex propositis capitibus stabiliendorum, aut alius alicujus insimulationis & actionis ex Parlamenti more consueto institutæ documentis & testimoniis certis asserendæ copiam & potestatem excipiens) petit & postulat, ut præfatus William Laud Cantuariæ Archiepiscopus quàm citissimè coràm judicio sistatur, ut omnibus & singulis ante positis capitibus responsionem suam subjiciat, & in singulorum excussione processus, examen, firmatio, & judicium tale adhibeatur, quale juris ac justitiæ ratio præscribet, ac definiet.

II.

ARCHIEPISCOPI

Responsio Præcedentis accusationis capita refellens.

1. **D**omini Mei; A Vobis accusor, quod Senatorio munere in arcano Regis consilio fungens Leges Regni cardinales evertere, ac ipsum Gubernationem formâ novâ induere voluerim. Hoc me tentasse nego. Regni leges mutari quidem posse, ut Populus legibus civilioribus

lioribus & mandatis magis politicis gubernari queat, me dixisse non inficior.

Verum etiam est, quod Regem non nullas etiam leges ferre dixerim. Probè nostis Reges post Deum in terris Gubernatores, & Regnatores esse, ac propter peculiare causas necessitate ita postulante leges latas abrogandi & tollendi potestatem habere.

II. Vos, Mei Domini, neutiquam fugit, quam absoluta, & illimitata Archiepiscoporum inter præcipua Regni membra: relocatorum in rebus Ecclesiæ concernentibus potestas semper fuerit; Superior enim domus Parlamenti authoritatem, & potestatem neutiquam diminueret potest. Quantum ad libros in Ecclesiastici status commodum divulgatos, eorumque censuram attinet, iis non sine ratione patrocinator sum. Libellorum enim famosorum scriptoribus resistere volui.

III. Quod sententias injustas pronunciandi causâ iudices quosdam pecunia corrumperim, planè diffiteor. Vectigal navibus impositum tributum fuit Regium, quod populo vi non obtrusi. In Regis enim Politia & Iurisdictione consistebat.

IV. De muneribus acceptis, quorum insimulatione me oneratis, mihi nihil constat; testimoniis ejusmodi facti me convincatis oportet. Execrationem cervici meæ accersivissem, supplicioque merito dignus essem, si tale quid commissem.

V. Accusatis Iurisdictionis Ecclesiasticæ redin-

redintegrationem à me institutam , Classi-
am nimirum convocationes , concionatorum
ordinationes , prelatorum institutiones & Ec-
clesiasticæ disciplinæ legumque spiritualium
constitutiones , Quæ omnia officii & Autho-
ritatis meæ , ac hujus Regni statutorum ra-
tione mihi competunt , atque communi epis-
coporum & classium consilio & approbatione
gesta sunt.

VI. Infimulationem vestram , qua me in
hominibus non nullis morti tradendis potentia
mea usum esse affirmatis , nullo testimonio
firmabitis. Nam quæcunque in ejusmodi ne-
gotiis gesta sunt in actionibus nimirum con-
trà D. Bastwyck , M. Burtun , & M. Prim ,
ea secundum communem Magno Iudicio de-
legatam Iurisdictionis consuetudinem acta
sunt.

VII. Crimina minime , Nobilissimi Do-
mini , quod perversis machinationibus Re-
ligionem Reformatam veram , orthodox-
am , & in Regno hoc stabilitam evertere
conatus sim ; Veruntamen nullis argumentis
hoc verum esse confirmari poterit , perinde
atque illud quod Pontificias ceremonias ul-
las introduxerim. Morte innocentiam meam
lubens ac promptus testificabor . Pias cere-
monias me ordinasse , ut vulgò ad majorem
animi pietatem cultumque Dei sincerio-
rem , & puriorem incitamento essent , haud in-
ficio.

VIII. Obiicitis mihi , nobilissimi Domini ,
D 4 quod

quod illicitis mediis ad illud maximè incubuerim, ut in nominandis & eligendis concionatoribus ut erer; Rem ità se habere equidem inficior, & non nisi illud verum esse concedo, quod in concionatoribus ad munera Ecclesiastica promovendis semper eorum potissimam rationem habuerim, quos doctrinæ orthodoxæ sana cognitione imbutos, & maledicentiæ veneno non infectos ad ejusmodi functiones idoneos judicabam; atque tales idcirco ipsis Capellanos subjunxerim, quorum capacitas mihi probè perspecta & cognita erat.

IX. Nonum hoc caput responsione indignum est.

X. Crimen, quod cum Romana Ecclesia in concordiam redire, ejusque rei promovendæ causa Iesuitæ alicujus, operam adhibuerim, in me cadere nullis unquam argumentis, aut testimoniis docebitis. Contrarium evincam, qui Reformatæ Religionis cultor in vita semper fui, eamque morte mea obsignabo. Cum Potificis Romani Nuncio Apostolico sermones me miscuissè non nego, sed tales habuissè dico qui nostræ & Romanæ Religionis differentiam & certitudinem concernunt.

XI. Concionatorum quorundam à muneribus suis remotionem oppressionem interpreta-
mini. Homines inquieti obeam causam functione sua cedere jussi, quod diffidia & turbas in vulgus disseminarint, contra me stringentes libellos famosos in publicum ediderint, ac in concionibus suis statum & ordinem nostram

Theonino

Theonino Dente roserint. Hinc occasio nota est, ut publice Sententiæ pronuntiatione muneribus suis renunciare coacti sint.

XII. Gallicas & Belgicas Ecclesias oppresione à me divexatas asseritis, sed non probatis.

XIII. Belli Scotici culpam in me conferitis, quasi Vos & Regem persuasionibus meis ad illud excitaverim & de omnibus subsidiis ad illud Scotis inferendum necessariis, ut compararentur, maxime laboraverim. E contrario sanctè affirmare possum, me nullam planè operam in bello aliquo suscitando collocavisse, & Ecclesiasticam juxtâ atque Politicam structuram sub regimine meo gratissima pacis harmoniâ semper conspirasse, omnemque sanguinis profusionem detestatam fuisse. Quod Scotiam disciplinâ Ecclesiasticâ exornandi avidus fuerim, exanimi mei contentione seriâ, & bono Ecclesiastico studente profectum est. Actionum Pacis constituendæ causa susceptarum dissolutionem mihi falsò imputatur: Quibus medijs & quorum opera effectui data sit, Vos probè novistis.

XIV. Obnixè à vobis peto & contendo, Nobilissimi Domini, ne harum rerum onere me gravetis; Deum atque homines testes interpono, conscientiæque meæ testimonio accedente affirmo, & rem totam morte obfigno, me cunctis meis actionibus & factis nil aliud molitum esse, quàm ut Regis mei Serenissimi honorem, quantum in me fuit, tuerer, com-

modum Regni publicum quærerem, & quibusdam iniquis agendi rationibus obviam irem. Tales sunt Obligationum accumulatio, & aliorum judiciorum legitimorum contemptus, perinde ac si nullibi æquè ac in Parlamento justitia administrari posset. Si Majestatem Regiam incitamenti mei ad bellum suscipiendum propulsem, crimen ingens perpetrassem, ac Regni hujus saluti & incolumitati impedimento fuisset. Sed eâ culpa me vacare, atque iniquè mihi imputari expressè assevero, quod fidelium subditorum animos à Rege suo dissociaverim. Nihil profecto mihi prius & antiquius est, quam precibus ferventibus Deum Opt. Max. Solicitare, ut grâtiâ ac pacem suam toti huic Regno largiatur, quò Regis & subditorum animi ex optatissima conjunctione coalescant, & innocentis sanguinis effusio larga tandem finiatur.

III.

AUCTUARIUM

Accusationis a communitate Parlamenti contra William Laud cantuariensem archiepiscopum institutæ, qua perduellionis aut summæ prodicionis, aliorumque criminum magnorum postulatur.

I. **D**Ictus Archiepiscopus Cantuariensis Regimen in Regentis arbitrio & luitu consistens in hoc Regnum introducendi & Parlamenta aut Comitia Regni Publica tollendi gratia, cum præsens Rex Serenissimus jam tertium & quartum annum gubernationi Regiæ præesset, malitiosis & proditoriis suis consiliis Parlamentum convocatum Comitiaeque publicè in Westmunstero celebrata disturbaverit, & re infecta discedere coegit, quod & Majestatis Regiæ subditos pessime habuit, & Publicum statum haud exiguo damno affecit. Voti compos factus diversas propositiones manu sua propria consignatas Georgio Buckinghamiæ tunc temporis Duci tradidit, quibus Parlamento præfato plures falsas calumnias imposuit, quasi magnâ Regem ignominâ affecisset, & perinde ac puerum in minoribus suis annis adhuc versantem tractavissent. Imò Parlamenti assessores reliquos-

reliquosque Regiæ Majestati fideles subditos Puritanorum nomine insignivit Pontificios veros vero innocentum, & pacificorum subditorum titulo cohonestavit.

II. Superiori decennio proximo idem Archiepiscopus perfido conatu in id unum incubuit, ut leges hujus regni fundamenta præcipua non modo labefaceret, sed plane enervaret, ac in nihilum redigeret; E contrario autem potissimam operum navavit, ut Consilii Regii potestas, canonum Ecclesiasticorum autoritas Regisque lus prærogativum Regni legibus & statutis superiora evaderent. Veritati hæc congruere argumento est, quod antè sexennium, cum Regia Consiliis secretis esset, in collegarum confessu apertè dixerit; Tamdiu Sententiam aliquam ibidictam, aut decretum aliquod eodem in loco definitum parem cum Parlamenti legibus & actis vigorem & protestatem habiturum, quamdiu ejusdem consilii ipsi assessor futurus esset. Alio vero tempore in hæc verba erupit; Sperare se brevissimo temporis spacio Ecclesiæ Canonos, Regisque prærogativam cum Parlamenti actis & decretis paria facturam esse. Item aliâ vice; Se eos, qui Regis potentiae se opposituros essent, confracturum, & concussurum.

III. Ut idem Archiepiscopus Ecclesiæ Canones & statuta, Ecclesiasticamque, potentiam supra Regni leges extolleret, Iustitiæque cursum distorqueret, & inhiberet, pluribus vicibus eodem temporis spacio literis ad Judices
 datis,

datis, aliisque mediis & sollicitationibus illicitis, quibus iisdem importunus fuit, Regiæ Majestatis concessionem seu privilegium prohibitionis literas indulgens justitiæ opposuit, eamque impedivit, cum tamen ejusmodi privilegium seu literæ inhibitoriæ potius ad perversam agendi rationem, quæ in Ecclesiastico judicio solennis & usitata erat, impediendam adhibendæ fuissent. Hac enim agendi ratione justitia dilationibus variis impedita, & judicibus in muneris sui functione obeunda obstaculum objectum est.

IV. Cum Septennio superiore ferè elapso in Majestatis Regiæ judicio Regis scamno appellato contra Parochum quendam Burley nomine profligatæ vitæ & famæ hominem post explorationem statuti 21. Hen. 8. de Petulanti Non residentia vigore factam sententia pronunciata esset, Archiepiscopus præfatus ad scopum suprapositum attingendum petitionibus suis, aliisque mediis legitimis ejusdem Iudicii Iudices adortus dictæ sententiæ executioni impedimento fuit. Eo de facto interrogatus, & de Parochi ratione vivendi inhonesta & Christiano homine indigna edoctus, se, inquit, apud Iudices pro ipso respondisse; Nunquam verò se toleraturum, ut Ecclesiastica aliqua persona apud Nihil dicit, sententia aliqua condemnatur.

V. Quò etiam eandem, cujus mentio facta est, metam contingeret, ante octennium circiter, cum in eadem Consiliarii Regii functione versa-

versaretur , machinationibus suis effecit , ut Sir Thon Corbet de Stoake in Comitatu de Salop Baronnet , ejusdem comitatus tunc temporis Iudex provincialis in carcerem de Fliet cognominatum conjectus , atque ibidem dimidium annum , & quod excurrit detentus fuerit. Causa facto nulla alia prætendi potest . Quam quod coràm dicti comitatus judicio Iuris Petitionem postulaverit , & propter æquas & necessarias causas prælegendam curaverit . Interea verò dum carceris custodiâ septus esset , dictus Archiepiscopus literis Archiepiscopali sigillo , consignatis agri ad loci Adderley in eodem comitatu siti templum , cujus præfatus Corbet Patronus erat , pertinentis partem Roberto Vicecomiti Kilmarry sine dicti Corbet aut eorum , qui nominato templo præfuerant consensu propriam concessit ; Qui Kilmarry in eadem agri parte sacellum magno dicti Iohannis Corbeti damno extruxit ; unde magnæ & longe inter utrumque lites natæ , & grandes simultates exortæ sunt . Et quatinvis præfatus Dominus Iohannes Corbet contrà Equitem auratum . Iames Stonehouse in litis decisione Waste locum concernente coram Regio Iudicio in Westmunster communes lites decidente Sentententiam , quæ postea per literas Erroris in Regis Iudicio affirmabatur , obtinuerit ; Nullum tamen ex eâ fructum Archiepisco impediante consequi potuit , sed ab Archiepiscopo cæterisque ejus consilii membris aliis in carcerem conjicie-

ſciebatur, atque tamdiu detinebatur, donec dicti Conſilii mandato pareret. Hoc pacto ſententiæ dictæ beneficio & fructu ex-
cidit.

VI. Quæ munera & donationes tam pecunia, quàm bonis conſtantes ſuperioribus temporibus à diverſis hominibus cultui divino addictis & charitate ac pietate motis ad coemendas proprietates, & divini Verbi prædicationem in diverſis templis eccleſias fovendam conrulerunt; Eas præſatus Archiepiſcopus octennio proximè elapſo petulanter & malitioſè ab uſu deſtinato removit, & ad Majeſtatis Regiæ aulicam uſurpationem tranſtulit. Quæ actio legibus repugnat, & Eccleſiæ pariter ac Regno periculum haud exiguum creat, quandoquidem ſub Proprietatum coemendarum prætextu opus hoc charitatis grande magna. Divini Nominis & Eccleſiæ ignominia opprimitur, & quaſi pedibus conculcatur.

VII. Decennii proximi intervallo dictus. Archiepiſcopus in Weſtmunſter & aliis hujus Regni locis nulla legum contrariarum & ſibi adverſantium habita ratione Pontificiam ſuperſtitionem huic. Regno obtrudendi occaſiones omnes ſummâ contentione aucupatus eſt, ejuſque propoſiti ſcopi conſequendi cauſa ſtudio & de induſtria diverſos Sacerdotes Pontificios, & Ieſuitas humaniter accepit, hoſpitio excepit, & alimentis neceſſariis ſuſtentavit. Inter eos fuit quidam Sancte Clare,
alias

alias Dampport nomine, qui Franciscani ordinis monachus pontificiam, & nil nisi seditiones spirantem librum, qui sub titulo Deus, Gratia, & Natura trigesima nonum, & decreto Parlamenti Confirmatum articulum de Ecclesia Anglicana vehementibus calumniis, & convitiis proscindit, Conscripsit, ac divulgavit. Deum autem hominem operis hujus scriptio districum, atque occupatum teneret, cum ipso diversa colloquia Archiepiscopo intercessere. Domino quoque cuidam Pontificiò St. Gillis nominato, & sacerdotio fungenti, alimenta necessaria subministravit, quamvis sciret, Religioni Pontificiæ addictissimum esse.

VIII. Archiepiscopus idem annorum quatuor interstitio ferè præterito in Westmunster aperte effatus est; Ecclesiæ tantum ictum infligendum esse, quantum unquam antehac accepit, antequam ad conformitatem & concordiam reducatur. Addidit etiam, se summe contentione unicæ huic rei intentum esse, ut Anglicanam Ecclesiam mutatione summa invertere posset.

IX. Circa Majum, & eodem ipso mense anni quadragesimi primi suprâ millesimum sexcentessimum, postquam ultimum Parlamentum reinfecta dimissum erat, finem destinatum, & modò indicatum consequendi causa particularem Synodum, aut Ecclesiasticarum personarum congregationem in provinciis Cantuariensi & Eboracensi celebravit, ubi ipsius instinctu diversi Canones, & Constitutiones Ecclesiasticæ

gasticæ hujus Regni legibus, Parlamenti juri-
bus & privilegiis, & subditorum proprietatibus
& libertatibus ex diametro adversantes, malo-
que eventui conjunctæ ad seditiones simultates
que suscitandas aprissimæ fabricatæ & admissæ
sunt. Inter alia dictus Archiepiscopus effecit,
ut ibidem valde periculosum, & legibus re-
pugnans jus jurandum conceptum, & sequen-
tibus verbis propositum fuerit.

Ego A. B. jurejurando fidem firmo, quod
Doctrinam, & Disciplinam seu Regimen Ec-
clesiæ Anglicanæ omnia ad salutem necessaria
complectentem approbem, nec vel ipse, nec
per alios sive apertè sive occultè pontificiam ali-
quam doctrinam illi, quæ constituta & appro-
bata est, contrariam introducere, nec etiam
consensu meo Regiminis hujus Ecclesiæ per Ar-
chiepiscopos, Episcopos, Decanos, & Archidia-
conos etc. administrati, pro ut jam consistit, &
consistere debet, mutationem probare, nec
ullo unquam tempore illud Sedis Romanæ
usurpationi & superstitionibus subiicere velim.
Omnia hæc fateor & juro simplici & sincero
animo secundum simplicem & communem
verborum præpositorum sensum, & intellectum
sine ulla æquivocatione, aut mentis effugio &
prætextu, vel secreta reservatione, sive excep-
tione, qualiscunque illa esse possit. Et hoc ex
animo atque sponte, integroque animo & ex-
fide Christiano homine digna facio. Ita me
Deus per Iesum Christum amet. Ad jus juran-
dum hoc præstandum, diversos Ecclesiæ mini-

stros Archiepiscopus nominatus non solum ipse, sed etiam per alios muneris ad tempus inhibiti, & privationis alimentorum poena, aliarumque multarum minitationibus coëgit. Ac quoniam Godofredus Glocestriæ Episcopus dictorum Canonum subscriptionem juramentumque propositum eludere conabatur, captivitate denegationem suam tamdiu redimebat, donec Archiepiscopi postulatis subscriptione & juramento satis faciens pristinam libertatem recuperaret.

X. Paulò antè ultimi Parlamenti convocationem Anno 1640. factam, cum in Regio Senatu, consilium Archiepiscopo suggerente, suffragiis communibus Regiæ Majestati extraordinariis mediis & nummis suppetias ferre decretum esset, si ordinarias suppetias Regiæ Majestati Parlamentum denegaturum esset, malitiose & impiè præfatus Archiepiscopus Regiæ Majestati consuluit, ut Parlamentum dimitteret. Quo facto mox Regi dixit, Ipsum jam omnibus Gubernationibus regulis & legibus solutum & liberatum extraordinariorum mediorum opera jam uti posse.

Omnium harum rerum occasione prædicta Communitas in Parlamento congregata non solum suo sed etiam totius populi Anglici nomine nominatum Cantuariæ Episcopum perduellionis, summæ prodicionis, aliorumque criminum & maleficiorum ad nostræ Religionis, legum, & libertatum eversionem, &
Ecclesiæ

Ecclesiæ ac status hujus Politici internecionem tendentium postulat.

Præfata itaque Communitas (quocunque tamen tempore futuro ulterioris aut alius postulationis contrâ dictum William Laud Archiepiscopum Cantuariensem faciendæ, & ad ejusdem responsiones ad capita accusationis præfata omnia, aut eorum quædam datas responsi iterandi, aut testimonii quo præmissa stabilienda, afferendi, vel cujusvis insimulationis necessitate urgente pro Parlamenti more instituendæ copiam & facultatem Exceptione contestata sibi reservans) orat, & postulat, ut dictus William Laud Cantuariensis Episcopus vocatus ad Crimina respondeat, & talem poenam accipiat, qualem promeritus fuerit; ac in uniuscujusque articuli exploratione ejusmodi actionum ratio ac modus adhibeatur, quem justitiæ & juris conditio subministrabit.

IV.

CONCIO FUNEBRIS

Archiepiscopi cantuariensis,
quam in theatro, antequam ultimum de eo supplicium sumeretur, habuit.

Chari homines
Memoriæ meæ senio confectæ condonabitis, mihiq; in tam tristi rerum statu, in quo miser constitutus huc processi, veniam concedetis: ut schedularum mearum, sine quibus reminiscentiæ meæ vix confido, operâ memoriæ imbecillitati subvenire queam.

Chari homines.

Quamvis locus hic ad concionandum tristissimus sit, in eo tamen versum 1. & 2. capitis duodecimi ad Hebreos in præsentia vestra tractato.

Propositum nobis stadium decurramus; Intuentes infidei ducem, ac perfectorem Iesum, qui pro sibi proposito gaudio pertulit crucem, ignominiam contempta, & ad dexteram throni Dei confedit.

Stadium mihi propositum decurrendo magnam temporis intercapedinem transmisi; Quo verò pacto in fidei mei ducem & perfectorem
Iesum

Iesum fiducia meæ oculos converterim, probè ipsi innotuit. Iam vitæ meæ curriculo finito ad metam perveni. Hic crucem, turpissimam nimirum mortem invenio. Ignominia tamen susque deque habenda, aut ad dextram Dei transitus non datur. Mei causa Iesus ignominiam contemptui habuit. Ut ego infamiam propter ipsum non despiciam; Deus avertat. Recto tramite & cursu, ut videtis, in mare rubrum proficiscor, pedesque mei jam in ejus litore consistunt. Hæc res mihi argumento est, quod Deus, ut spero, ex hac vita caduca me propediem in Terram promissam traducturus sit. Hæc enim via est, per quam olim populum suum in terram Canaan deduxit. Ante verò quam ad mare iter facerent, paschatos festum ipsos celebrare jussit, quo tempore agnus Paschalis cum amaris herbis comedendus erat, ut ex duodecimo Exodi capite pater.

Patiente animo cruci huic me submittam, & ut amaras herbas æque atque agnum concoquam, operam dabo mihi in memoriam revocans, quod Domini transitus sit. Herbarum planè obliviscar, ut & eorum manus quæ easdem collegerunt, ac illum solum intuebor, qui unum instituit, & alterum gubernavit. Plus enim potestatis in me homines non habent, quam quantum ipsis à Deo concessum est. Hic omnes hominum potestates limitibus certis circumscribit. Hoc par mare rubrum transitu minimè dilector, utpote qui fragili & caducâ carne & sanguine vestitus, atque Servatoris mei doctrinam

& exemplum imitans precatus sum, ut calix iste transiret, & poculum rubri vini hoc à me auferretur. Verùm quoniam fieri non potest, ut voluntas mea expleatur, ipsius voluntas fiat, necesse est, spontaneo ac lubenti animo calicem eòusque bibendo exhauriam, quòusque ex mandato ejus mihi ebibendus erit, ac ingrediar in mare hoc, illudque eâ ratione transibo, qua me per illud deducere ipsi placebit.

Nihilominus, chari homines, consideratione dignum est, cum Divinæ Majestatis ministri veteres nimirum Israelitæ cum Aarone in mari hoc fero versarentur, quod Ægyptii summo animorum irâ efferatorum ardore ipsos persequentes iisdem in aquis mortem oppetierint, & submersi sint, in quibus illos persequabantur. Novi, Deum, cui inservio, ea potentia pollere, qua me ex hoc sanguinis mari eripere potest, quemadmodum tres adolescentes ex fornace ardente liberavit, ut apud Daniele capite tertio legere est.

Servatori meo humilibus precibus gratias ago, quod voluntatis meæ decreto cum ipsis plane conveniam. Se enim imaginem, quam Rex erigendam dederat, non adoraturos firmiter statuerant; Eodem etiam pacto imaginationes à Populo suscitatas ego non adorabo, nec templum, veritatemque Dei deseram, ut vitulorū Ieroboami mugitus in Dan & Bethel sequar.

Deum oro, ut toti huic Populo benedicat, eique oculos patefaciat, quò veritatis trainitem cernere & ingredi possit. Nam quando coecus
coecum

coecum ducit, uterque in foveam incidet. Quantum ad me ipsum attinet, summa animi submissione, & humilitate confiteor, quod maximus peccator cogitationibus, verbis, & factis Deum Dominum meum variè offenderim: at propterea animum meum nulla dubitatio subit, quin & gratiæ ac misericordiæ abundantiam & plenitudinem æquè atque alii peccatores apud ipsum inveniam. In tristissimis his vitæ meæ anxietatibus omnes cordis mei angulos & latebras excussi, & tamen nullum peccatorum meorum, quibus commaculatus sum, ullam Regni hujus legem notam ita lædere comperi, ut mortem meruisse videatur. Nulli vero judicum meorum culpam imputare eosque aliqua iniquitate onerare cupio; Humilima petitione obsecro, ut recto & sano sensu verba mea percipiantur; Ne minimum quidem judicibus meis adscribo, utpote quibus in judicando fide dignorum testimonio parendum est. Hoc pacto ego & alii in hoc mundo innocentes justè tamen condemnari possumus. Quanquam sententiæ onere vehementer premor, Deo tamen gratiam habeo quod in animâ meâ per Christi gratiam tranquillitatem tantam hâc vice sentiam, quantam nunquam in vitâ meâ percepi. Sum quidem primus inter Archiepiscopos, qui hoc supplicii genere vitam finio; sed aliquot meorum antecessorum eandem viam quoque ambularunt, alio tamen mortis genere vita orbat. Elsegus ablati inter Danos caput amisit; Simon Sudburry in tumultu à War Tyler & sociis

excitato periit, Multo antè S. Iohannes Baptista meretriculæ mundanis voluptatibus deditæ saltationibus capitis iacturam acceptam fert; Sanctus Cyprianus Carthaginensis Archiepiscopus per sequentium hostium gladio jugulum subiicere coactus est.

Magna hæc & salutaria exempla patientiam me docent, qui certam spem concepi, rerum mearum faciem in coelo longè aliam quàm in terris futuram. Solatium aliquod mihi affert, quod non modo eandem cum magnis istis viris viam ingrediar, verum etiam ea (liceat hæc mihi sine præiudicio alicujus dicere) quæ mihi imposita sunt, aliquam cum jis similitudinem habeant, quorum Sanctus Paulus Actorum 15. in simulatus est. Ipsum & enim contrà legem, & templum, id est legem & Religionem peccasse asseriebant. Idem S. Stephano usu venisse Actorum 6. legimus. Convitiati enim sunt virum Sanctum, quod leges à Mose datas, id est legem & Religionem abolere voluerit. Obiiciat aliquis, Num te igitur S. Petri, & S. Stephani iustitiæ æquiparabis? Deus hoc avertat; absit ut ejusmodi quid cogitationibus concipiam. Consolationem tantum capio ex iis, quæ magnis his, & sanctimoniâ celeberrimis viris, Deique ministris suo tempore evenerunt. Notatu quoque dignum, atque cum primis memorabile est, quod S. Paulus non modò unus eorum, qui Sanctum Stephanum accusationibus suis cruciarunt, verum etiam ex præcipuis unus eadem infimulatione postea gravatus fuerit, &

rit, & uterque tanta sanctimoniae celebritate claruerit. Verum magnus forsân rumor de me disseminatus est, quod Pontificiam doctrinam in hoc Regno resuscitare conatus fuerim: Huic objectioni mox ampliore responsione satisfaciam. Interea probè nostis, quid Pharisei Christo Ioh. 11. dixerint: Si omittamus eum ità, omnes ei credent; venientque Romani & delebunt tum locum nostrum, tum gentem. Hic Christus clamore nulli rationi aut fundamento innitente turbabatur, quod nimirum Romani venturi essent. Sed justum Dei iudicium aspici- te: Romanorum adventurorum metu Christum Cruci affigebant, ac crucifixionis hujus merces ipsis à Romanis reddita est, adeò ut eadem, quam timuerunt, poena puniti fuerint. Deum precor, ut clamorem & tumultum hunc, Venient Romani, (cui quantum ego quidem mihi conscius sum, & quantum mihi constat, nullam occasionein & ansam justam præbui) avertat, ne ad istos introducendos auxilium conferat. Nunquam enim à primo Reformationis usque ad hoc tempus Pontifex tantam in Anglia messem nactus est, quantam quidem ex discordiis & sectis nostris consequutus est. Interea honore ornatus, dedecore inquinatus, bene & malè audiens, tanquam impostor, & è contrario venirati studens ex his terris nunc discedo.

Ad peculiaria quædam descendo, quæ ut in medium proferam, operæ prætium mihi videtur. Primo ea, quæ Regem Serenissimum, Dominum nostrum clementissimum concernunt,

declarare audebo. Nonnulli vehementibus ipsum calumniis asperserunt, quod Papatum in Regno suo stabilire voluerit. Sed conscientiam meam, qui jam Deo rationem villicationis meae redditurus ab eo, testem produco, tam ipsum hujus in simulationis vacuum & expertem esse, quam liber ab ea ullus viventium esse potest. Equidem ipsum doctrinae Religioni per leges stabilitae convenientis adeo sanum Protestan-tem & confessorem existimo, qualem ullum alium in toto hoc Regno; Imò ipsum in vita liberè & facile pro Religionis hujus Reforma-tae negotio discrimini exponendâ cum quo-vis alio in contentionem venturum. Opinor etiam, probè me nosse, aut debere nosse non modo studium ejus in verâ Religione fœ-rium, sed etiam fundamenta ipsa, quibus stu-dium illud, & Religionis amor innitur, & quidem adeò perfecta & intimâ cognitione, quam ullus hominum in tota Anglia.

Deinde est, quod secundo loco de grandi & populosa hac urbe dicam, cui Deus benedictio-nem suam largiatur. Nuper mos quidam hic in-valuit, cujus vigore populus tumultuariè con-gregatus gregatim ad summam & honoran-dam Regni Curiam Parlamentum nimirum accurrit, & insano clamore justitiam petit, perinde ac si magnum illud, & sapiens consi-lium (quod sæpè res vulgo plane incognitas tractat) justitiam administrare nec velit nec possit, nisi ipsi insano ejusmodi clamore & turba aures vellicentur, aut justitiæ modus præ-scribatur.

scribatur. Est profecto ejusmodi consuetudo, quæ plures innocentes homines extremo periculo objicere, & multum innocentis sanguinis in ejusmodi clamatorum cervicem injicere, & forsan etiam huic urbi accersere potest; Quod omen tamen Deus, precor, avertat. Consuetudo ista, quam etiam in me, proh dolor, machinati sunt, mihi jam funesta est: authoribus factum Deus remittat, quod ex animo precor. Multis autem hominibus etiam sana & salutaria suadentibus mos iste exitio fuit. Ad Sanctum Stephanum morti adjudicandum cum nihil omninò sufficeret, tandem in sanum vulgus in eum concitabatur. Actorum 6. Eandem machinationem usurpavit Rex Herodes, cum S. Iacobum justè interfecisse videri veller. Sed S. Petrum peste à aggredi volebat, quod videret, quam in partem vulgus actionem illam rapturum, & angratum ipsi facinus futurum esset, nec ne. Actorum 12. Sed cavete vobis ne manus vestras sanguine compleatis. Esaiæ 1. Tempus enim est Deo soli notum, quo inter alia peccata etiam sanguinis profusionem indagabit. Et quando indagatio illa præsto est, Deus meminit, inquit Regius Psalter 9. Psalmo, & non solùm, Deus meminit, inquit, sed etiam non obliviscitur miserorum querimonias in 9. autem versu, quinam isti miseri sint, apertè indicat, ii nempe, quorum sanguis præfato modo profusus est. Cavete vobis ab ejusmodi actionibus; Horrendum est in-

est incidere in manus Dei vivi. Ad Hebræos 10. v. 31. Profectò horrendum est, & imprimis eo tempore, quo Deus sanguinis dicto modo profusi explorationem instituit. Itaque, ut precibus meis prophetiam hanc ab urbe arceam, hanc civitatem precabor, ut prophetiæ & vaticinationis Ierem. 26. versu 15. propositæ memoriam refriceret.

Tertio loco mihi de miserâ hâc Ecclesiâ Anglicanâ aliquid dicendum. Florentissima in vicinarum Ecclesiarum destructione horrendâ miseris & afflictis fratribus perfugium ac solatium præbuit. Sed proh dolor! Ipsa jam tempestatibus & procellis obruta horrendis, & turbulentis fluctibus concutitur, & Deus novit an, & quo pacto evasura sit. Imo, quod pejus est, non externis sed internis ventorum turbinibus conquassatur. Iure cum quercu cuneis ex proprio suo ligno confectis diffissa comparatur, ubi cuique fissuræ, & rimæ impietas, & Religionis contemptus se summa vi inserunt, postquam homines, uti Prosper dicit, impietati & profanitati locum dantes imaginatæ Religionis & opinionis tegumento scelera, & flagitia sua involvunt. Religionis enim veritatem aliquo pacto amisimus, ac multum, imò nimis opinioni in phantasiâ conceptæ adhæremus. Ecclesia, quam nullæ Iesuitarum machinationes in his Christiani orbis partibus subruere, & diruere potuerunt, suis propriis & internis machinationibus in maxima pericula incidit.

Tandem ad me ipsum redeo; Invitus enim
vobis

vobis tædium affero, utpote qui ex misera hac miseriarum valle gradu celeri excedere gestio. A vobis, quotquot mihi propiores sermonem meum auditu percipere potestis, obnixè & humiliter contendo, ut aures faciles mihi præbeatis. In Anglicanæ Ecclesiæ, qualis adhuc legibus stabilita est, & stabilitur, sinu natus, & Baptizatus sum. In Religionis hujus professione & confessione & educatus sum. & semper vixi. Ejusdem Protestantis Religionis confessioni addictissimus huc venio, ut corporis hujus exuvias deponam. Fucata simulatione se coram Deo sistendi tempus jam non est, præcipue verò ubi de Religione & vita agitur. Proptereà postulo, ut dicta mea memoriæ custodienda tradantur. In Protestantium Religione vitam meam hætenus traduxi; Eandem puram retinens & conservans jam moriar. Quas contradictiones exceperim, quibus convitiis dilaniatus fuerim, dum externum cultum, externalisque ceremonias hujus Ecclesiæ secundum ejusdem doctrinam & disciplinam ad conformitatem aliquam reducere conarer, toti mundo notum est, ego verò abundè sensi. Eò tandem negotium totum evasit, ut tandem in Parlamento insimularer perduellionis, summæ proditionis, & ejusmodi criminis, quod semper detestatus & execratus sum. Redarguerunt me proditionis hujus duobus præcipuis partibus aut capitibus innitentis. Vnum me Regni Leges abolere voluisse dicit; Alterum me veram Protestantium religionem legibus publicis stabilitam

bilitam evertere conatum fuisse perhibet. Præter responsiones ad unumquodque accusationis membrum peculiariter datas coràm utraque Parlamenti domo Contestatione denunciata Exceptionem meam interposui. Captivi contestatam Exceptionem de ipso coràm judicio factam non admitti dicebatur. De animo meo, ejusquè voluntate testimonium nullum exhibere possum; Itaque mihi ad Contestatò interpositam denunciationem redeundum est, non eam, quæ coram judicio fieri solet, sed quæ jam instante mortis hora coràm æterno judice fieri debet, & unica mihi restat; Hora inquam mortis instante, in qua mihi constituto, ut ante dixi, tantum charitatis unumquemque adhibiturum spero, ut iis cogitationum convitiis me non sit flagellaturus, quasi moriturus & Religionem meam abnegaturus sim. Idcirco hinc contestata denunciatione apertè dico adjunctâ tamen eâ, quam supra adhibui, cautela, quod ea, quæ loquor, judicibus meis, quibus secundum allegata & probata actiones juris proseguendæ, præjudicio esse nolim, apertè inquam dico, quoniam in Dei omnipotentis, omniumque ejus sanctorum & beatorum angelorum præsentia mihi moriendum est, & mortem meam testem interpono, quod nullo unquam tempore Regni leges abrogare aut Protestantem Religionem in Pontificiam commutare molitus fuerim. Omnes vos rogo, ut hanc meam contestatio-

testationem mei in his & similibus proditionum incusationibus excusandi & purgandi causa in memoriâ retineatis.

Parlamenti etiam hostis & adversarius habitus sum. Deus me custodiat, nequid ejusmodi vel cogitem. Nimis probè emolumentum inde nobis proficiscens intelligebam, & noram, tantum abest, ut illud odio prosequutus, aut illius inimicus fuerim. Sed hoc faciebam; Alienato animo eram à quibusdam erroribus, (uti ego in sequiorem partem interpretabar) quorundam imò unius, aut duorum Parlamentorum, ac mihi rationes & occasiones illud faciendi habere videbar. Nam corruptio optimi est pessima. Quo res aliqua melior est, eò deterior corruptione evadit. Cùm itaque Parlamentum. suprema hujus Regni Curia existat, ac nullius alterius jurisdictioni aut potestati obnoxia sit, facilè alicujus erroris commissione, quam Deus avertat, hujus Regni subjectos remedio omni destitutos relinqueret. Idcirco Deus utramque Parlamenti domum custodiat, benedictione sua impleat, ac concordiae cancellis includat, ne simultatum violentia disjectæ diffiliant. Sed orationis meæ vela contraham; quæ dicenda fuerunt, absolvi. Toti mundo condono, omnibus & singulis acerborum horum hostium, ut & aliis, quicunque me quocunque pacto persecutionibus præteritis afflixerunt, remitto. Humili autem submissione primùm à Deo Opt. Max. peccatorum

rum meorum veniam imploro, ac postea ab omnibus hominibus sive aliquem offendero, sive non, si quis modò me illud fecisse cogitet, facti veniam peto. Domine condona mihi peccata mea, peccatorum veniam à te peto Preces vestras meis conjugatis, rogo.

Episcopi Cantuariensis prima præcatio in theatro. O Æterne Deus, & misericors pater; Ingratia tua oculos tuos ad me converte; In misericordiarum tuarum divitiis & plenitudine respice me; non tamen prius quàm peccata mea cruci Christi affixeris; respice me, non tamen prius, quàm Christi sanguine me laveris, quàm Christi vulneribus me occultaverim, ut poenæ, quas peccata mea meruerunt, me transcant, & prætereant. Et quoniam tibi placuit extrema tentatione me probare, humilibus precibus abs te contendo, ut in maximis animæ meæ angustiiis & difficultatibus patientiam plenam, æquabilem consolationem, & ad moriendum pro peccatis meis, Regis salute, & hujus Ecclesiæ incolumitate promptissimum mihi largiaris. Studium & contentio, quibus his addictus fui, (jactantia & temeritas omnis absit) sunt peccata illa, quorum in hoc casu peculiari (exceptis humanis infirmitatibus, & quæ illis accidunt) propter quem, prodicionem puto hæc tolerare cogor, mihi hætenus conscius sum. Extra illum peccata mea sunt multa & grandia; Condona, & remitte mihi, Domine, omnia, & inprimis ea quæ mihi præsentem condemnationem accersiverunt. Postquam

quam mihi vires largitus fueris, ac me ad hæc ferenda idoneum reddideris, ita mecum age, ut tibi optimè visum fuerit. Per mortem me ad vitam traducito, ut, qua forma se exhibeat, videre queam, & tandem sanguinis profusio horrenda in hoc Regno finem sortiatur. Peto etiam, ut mihi æquè pro populo atque pro me preces meas effundere liceat. Oro te mi Domine, poenitentiae & resipiscentiae gratiam omnibus iis concedas, qui sanguinem sitiunt: Eorum, qui resipiscendo ad te redire respuunt, consilia omnia dissipet, quatenus Nominis tui gloriam, Religionis veritatem, & puritatem, Regis ac posterorum ejus in juribus & privilegiis suis justis confirmationem, Parlamenti in antiqua & justa potestate conservationem & honorem, Ecclesiae hujus miseræ in veritate, pace & patrimoniis incolumitatem, & dissipati hujus ac efferi populi ad antiquas leges, & libertatem inquilinam reductionem oppugnant. Et postquam hac gratia tua ipsos impleveris, animos ipsorum gratitudine, ac devota & debita oboedientia tibi & omnibus tuis præceptis toto vitae suæ tempore præstanda quoque expleas. Amen Domine Iesu: Oro te animam meam gratia tua complectaris. Pater noster, qui es in coelis, sanctificetur Nomen tuum, ad, veniat regnum tuum, fiat voluntas tua sicut in coelo sic etiam in terra, panem nostrum quotidianum da nobis hodiè, & remitte nobis debita nostra, sicut & nos remittimus debitoribus nostris, & ne nos inducās in tentationem, sed libera

bera nos à malo, quia tuum est regnum, & potentia in sæcula Amen.

Finitis precibus scripturam suam Doctori Sterne tradidit dicens; Tibi, Doctor, hanc do, ut eam cæteris Capellanis collegis tuis ostendere queas, & ipsi videant, quo pacto ex hac vita discesserim. Benedictio & Gratia Divina vobiscum maneat.

Deinde ad Master Hinde conversus, amice inquit, me audias, rogo: Non possum dicere, quod unumquodque verbum, uti in charta conceptum est, pronunciaverim. Sequutus tamen, sum auxilium hoc memoriæ meæ, prout potui. Quæso ne concedas, ut aliquid iniqui in me committatur.

Hinde. Nulla tibi ab aliquo injuria orietur: Si qua injuria te affecero, eadem in caput meum redeat. Deum oro, ut animæ tuæ misericordiam exhibeat.

Episcopus. Tibi gratias ago. Hæc nulla æmulatione concitatus dixi, quasi ejusmodi quid factururus esses. Sed jam perinde loquor, ac miser homo, qui jamjam ex mundo egreditur: Fieri non potest, ut verbis in charta expressis, me astringam, Vnici verbuli occasione magna mihi injuria fieri posset.

Me hîc humile theatrum inventurum putabam, ut spaciosum moriendi locum nanciscerer. Rogo, operam date ut hujus miseriæ meæ finem inveniam. Satis diu enim illam toleravi.

Cum locus recedentibus circumstantibus
spacior

spacior evasisset, thoracem meum, inquit, exuam. Fiat Divina voluntas. Prompto animo hunc mundum relinquo; Nemo me ex hoc mundo ablegandi cupidior esse potest, quam ipse exeundi avidus sum.

Sir Iohn Clothworthy: Quis textus Scripturæ peculiaris singulare homini morituro solatium præbere potest?

Episcopus. Cupio dissolvi, & esse cum Christo.

Sir Iohn Clothworthy: Cupiditas hæc bona est; sed ejusdem debet esse fundamentum; tanquam certitudo aliqua.

Episcopus. Nemo potest exprimere, cum intus tantum modo sentiatur.

Sir Iohn Clothworthy: nihilominus in verbo fundamentum consistit, & verbum illud vult agnosci.

Episcopus. Verbum est cognitio Christi, & hæc sola est certitudo illa.

Hinc in carnificem oculos conjiciens ipsi aliquantum pecuniæ donavit dicens, amice, tibi Deus condonet; munere tuo animo propitio fungere.

Carnifex petiit ut signo aliquo, quando ictum expectaret, sibi significare non gravaretur. Faciam illud inquit; sed sine primò ut me ipsum parem. Postea in genua procumbens ita precatus est.

Archiepiscopi Cantuariensis preces in theatro ultimæ.

Domine, tam citò, quàm possum venio.

Vmbram mortis mihi transeundam scio, antequam tui videndi mihi copia fiat. Umbra tamen mortis est, & parvæ tenebræ naturæ obscuritatem offundentes. Sed tu passione & merito tuo mortis maxillas & fauces perfregisti. Recipe animam meam & mihi misericors esto, ac regnum hoc, pacis, plenitudinis, fraterni amoris, & concordiae benedictione completo, ut tandem horrenda hæc sanguinis effusio inter eos desinat, propter Iesum Christum, si voluntas tua fuerit.

Et cum diceret, Domine, accipe animam meam, carnifex securi mandatum sibi munus exequiebatur. Verbis enim illis tanquam signo dato ab ipso præmonitus fuit.

AUCTUARIUM.

CUm Episcopus in theatrum veniret, & locum non inveniret, in quo vestes suas exueret, ad quendam Sherifum, seu prætorem, ex inimicis suis unum, conversus, putabam, inquit, quod mihi locum ad moriendum parafes. Diversis etiam rimis dehiscens tabulatum, ac multos sub eo homines videns eidemque rimas monstrans potuisses quidem, ait, impedire, ne sanguis meus hominibus in capita stillaret. Cum in truncum collo incumbenti fascia, qui mos in magnatum suppliciis usurpari solet, superponeretur, eam abiecit, & animosè mortem oppetiit.

V.

D E C R E T U M

Parlamenti, & catalogus Judicum magnæ curiæ justitiam administrantis ordinatorum ad examen.

Regis decreto communitatis Anglicanæ in Parlamento congregatæ.

QUandoquidem in propatulo est, quod *Carolus Stuard* præsens Angliæ Rex multiplicibus authoritatis & potentiae accessionibus à Regibus antecessoribus suis contra subditorum suorum jus & libertatem arreptis non contentus malo conatu antiquas, & cardinales hujus Nationis Leges, consuetudines, ac libertates abrogare & evertere, atque in earum locum arbitrio tyrannico sultam regendi formam surrogare molitus sit, ejusque promovendæ causa ferro ac flamma viam aperuerit, ac mali conaminis ad finem optatum devolvendi gratia intestinum bellum Parlamento & Regno intulerit, quod imperium hoc miserrima & deplo-randa depopulatione vastavit, thesauros publicos exhaustit, negotiationis exercitium evertit, multa hominum millia vario mortis genere ex-

tinxit, & infinitis aliis ærumnis incolas mulctavit; ab hinc longo tempore in ipso poenæ dudum meritæ exemplum statui potuisset, & debuisset. Et quoniā Supremæ in Parlamento Curie assessores tam Domini quàm cives eâ spe freti, quod captivitas personam ejus constrictam tenens, postquam Deus ipsum in Parlamenti sui manus tradidit, turbas in Regnis his exortas sedatura esset, actionem accusationis contra ipsum instituendæ prohibuerunt, experientia tamen tristi compererunt, quod indulgens hæc sua facilitas ipsi & assediis suis non solummodo ad continuandas machinationes hæcenus usurpatas, verum etiam novos motus, & rebelliones excitandas, invasionesque faciendas animum addiderit; Vt igitur atrocēs ejusmodi difficultates, & calamitates in posterum præveniantur, & omni Summo rerum Præfecto, aut magistratui futuro tempore nationem Anglicam proditoriis & malitiosis machinationibus in servitutem detruendi occasio præcidatur, ac cuivis ejusmodi quid in fraudem, detrimentum & interitum hujus nationis designanti impunitatis spes omnis adimatur, publico Communitatis in hoc Parlamento congregatæ decreto statutum est, atque hujus vigore statuitur, ut Thomas Fairfax, & Olivier Cromwel cæterique inferius nominati judices constituentur, & judices constituti dicti *Caroli Stuart* causam audiant, & judicent: Præfati igitur judices sive viginti sive plures numero memorati decreti vigore constituuntur, ac plenâ authoritatē armantur, ut tanquam
magna

magna Iustitiæ Curia absolutam potestatem habeant conveniendi & congregationem habendi tempore & loco opportuno, quem dicti iudices aut major viginti vel plurium pars propria manu & sigillis suis ad hunc finem destinaverint, & publica proclamatione in Curia seu magnâ aulâ Westmonasteriensi indicaverint; ut de tempore ad tempus, & de loco ad locum citandi facultatem usurpent, prout dictæ magnæ Curie aut majori ejus parti convenienti commodum visum fuerit; ut sequantur ordinem accusationis, quâ dictus *Carolus Stuart* criminum commemoratorum insimulandus est, ac personales responsiones recipiant, testes juramento testificationem, si opus fuerit, confirmantes examinent, iisque examinatis, aut si responsio debita & requisita defuerit, ad finalem sententiam justitiæ & causæ conformem progrediantur, & tandem sententiam pronunciatam celeriter & sine ullo in partem alterutram declinante favore effectui dent, & exequantur. Dictæ etiam Curie plena autoritas hujus decreti vigore conceditur; ipsaque, etiam rogatur, ut tales officarios, ministros, aliosque ad hanc actionem necessarias personas deligat, quales ipsa vel major ipsius portio ad præmissa omnia rectè & ordine dirigenda opportunos & necessarios esse judicaverit.

Thomas Fairfax Generalis militiæ præfectus etiam cum omnibus Iustitiæ ministris, ut & cuncti alii huic negotio addicti homines

eiusdem decreti efficacia hanc potestatem accipiunt, & rogantur, ut supradictis iudicibus in demandatâ sibi provinciâ exequendâ adjumento, & auxilio esse velint. Itâ tamen hujus decreti vigor, ipsorumque autoritas ex eo manans intelligenda est, ut ad menstruum spatium restricta diutius continuari non debeat.

Curiam supremam Iudices constituentes sunt, etc.

V. I.

ACTIO I. CONTRA

Regem x x. Ianuarii anno
c^{lo} l^{oc} XLIX. Westmonasterii
coram supremæ curiæ iudicibus
instituta.

Postquam magnus Iustitiæ Senatus in grandi aulâ Westmonasterii Subsellia sua occupavit, Bradshaw inter milites Accensi munus gerens atque senatus hujus præses in septuaginta circiter assessorum præsentia silentium imperavit. Primo lectus catalogus Iudicium, ac eorum unus quisque audito nomine surgens præsentiam suam indicavit. Postea Parlamenti Decretum de Rege accusando & examinando prælectum est.

Regem

Regem tecto capite Curiam ingredientem Accensus præcedens ac baculum tenens introducebat, tribunusque militaris Hacker cum triginta circiter præfectis militaribus & nobilibus præsidii Regii locum tuentibus comitabatur.

Præses. *Carole Stuard* Angliæ Rex, Angliæ communitatem in Parlamento conventum agentem acerbissimo dolore afficiunt ærumnæ & calamitates magnæ hanc gentem hætenus affligentes, & sanguis ejusdem innocentissimus largissima copia profusus, cujus culpa tibi omnium harum difficultatum operatori, & architecto imputatur. Idcirco propter munus suum Deo, Nationi, & sibi ipsi debitum, & ex potestate ab universo Populi & Nationis corpore sibi concessâ magnam hanc Iustitiæ Curiam instituit & continuat, coram quâ tu jam sis, ut accusationem tuam audias, & litis persequutione de causâ tuâ decernatur.

M. Cooch causarum curator supremus. Mi Domine Nomine Communitatis Parlamenti, & totius Populi Angliæ accuso *Carolus Stuart* hic præsentem summæ proditiõis, & magnorum maleficiorum, ac nomine Communitatis Angliæ postulo, ut ipsi accusatio sua prælegatur.

Rex. Expecta parumper.

Præses. Domine Curia præcipit, ut accusatio tua tibi prælegatur: Si quid habes, quod contrâ dicas, audiri poteris.

His dictis prælecta est accusatio sequentibus verbis concepta.

A C C U S A T I O
Communitatis in Anglia insti-
tuta contra

CAROLUM STUART.

Dictus Carolus Stuart admissus Angliæ Rex, & possidens Regnum sibi commissum potestate certis limitibus circum-scriptâ, ut illud ad legum Regionis normam, & non alia ratione gubernaret, ac officio sibi demandato, juramento, & æquitate devinctus, ut potestate sibi concessa ad Populi salutem, incolumitatemque, atque ejusdem jurium & libertatum conservationem uteretur, nihilominus malo molimine tentavit in se ipso constituere & conservare nullis legum limitibus definitam sed planè Tyrannicam potestatem, ut arbitrio suo absoluto Regni habenas moderaretur, Populi jura & libertates everteret, ipsa Regiminis fundamenta funditus demoliretur, ac omnes malæ gubernationis emendationes, correctiones, & remedia, quæ coràm frequentibus & successivis Parliamentis, alijsque Nationis conventibus constitutionum hujus Regni fundamentalium & Cardinalium jure & potestate concessis ac licitis proponi solent, radicitus deleret: Hæc omnia ut consequeretur, se cum affectis suis huic Parlamento præsentis malitiosis & proditoriis suis machinationibus opposuit, ac bellum intulit.

Præcipue

Præcipuè verò 13. Iunii anni 1642. in Beverley Comitatus Eboracensis oppido ; 13. Iulij ejusdem anni Eboraci in Comitatu Eboracensi ; 24. Augusti dicti anni in Nottinghamensis Comitatus metropoli, quo in loco signum suum militare erexit ; 23. Octobris præfati anni in Edg-Hil & Keintonfield Comitatus Warwicensis oppidis ; 30. Novembris commemorati anni in Braingsfort Middlesexensis comitatus loco ; 30. Augusti anni 1643. in Cavesham-bringhaud procul à Reding Comitatus Berksirensis loco ; 30. Octobris eodem anno in vel propè urbem Glocestriam ; 30. Novembris anni nominati in & circa Mewbery in comitatu Berckensi ; 31. Iulii anno 1644 in & Propter Cropredybridg in Comitatu Oxoniensi ; 13. Septembris in Bodmin & vicinis Cornvallie locis ; 13. Novembris anno 1645. in urbe Leicester ; 14. ejusdem mensis & anni in campo circa Naseby in comitatu Northamptonensi ; Quibus temporibus & locis diversis, aut eorum plerisque aliisque hujus regionis, ut & temporibus aliis annorum suprà nominatorum, sicut etiam anno 1646, dictus Carolus Stuart causa fuit & partim divisionibus, dissensionibus, & domesticis seditionibus, partim externis invasionibus ab ipso procuratis, aliisque perversis mediis & viis effecit, ut multa millia hujus Populi liberi trucidati fuerit. Idem Carolus Stuart non solum annis suprà nominatis bellum terra marique susceptu sustentavit, verum etiam eodem bello anno 1648. redintegrato Parlamentum suum, & bonos subditos hujus Nationis de novo adortus est, ac in comitatibus Kent, Essex, Surrey, Suffex, Middlesex, & multis aliis Anglie & Wallie locis ut & ipso mari turbas vehementissimas

mas renovavit. Inprimis verò præfatus Carolus Stuart eum in finem Filio suo Principi, & aliis mandata dedit; & plurimas alias personas, atque haud paucas ex iis, quibus Parlamento negotia Nationis securitatem attingentia commissa erant, vel propria sua, vel curatorum suorum opera corripit, ut à Parlamento deficientes, munia sibi mandata defererent, & ab ipso sustentatione & mandatis acceptis bellum atque hostilitatem contra dictum Parlamentum, & populum non modo alerent, verum etiam vehementius excitarent. Quibus crudelibus, & naturæ repugnantibus bellis à dicto Carolo Stuart suscitatis, continuatis, & dicta ratione redintegratis ac durantibus maxima innocentis sanguinis liberi Populi hujus Nationis cæde copia profusa, multæ familiæ ad interitum præcipites datæ, publici thesauri diminuti, & exhausti, mercatura & negotiatio non modo impedita, verum etiam valde labefactata, intolerabiles sumptus & impensæ factæ, maximum damnum Nationi illatum, & multæ Regni ditiones depopulatæ, vastatæ & in exitium præcipitatæ sunt.

Et ut conatus suos malos indefinente studio prosequeretur, præfatus Carolus Stuart nunquam desit mandata sua Principi dicto filio suo, ut & aliis rebellibus, ac à Parlamento desciscientibus sive Anglis sive peregrinis injungere, quemadmodum etiam Comiti de Ormond & rebellibus Hibernis, quos sibi Comes dictus associavit. Hi plures, ac graviores adhuc invasiones à dicto Carolo Stuart, ac nomine ipsius procuratas huic Regno minitantur.

Qui conatus impii omnes, bellaque & machinationes perverse ab ipso, nominato nempe Carolo Stuart

Stuart non solum sustentata, verum etiam promotæ sunt, ut propria ipsius Personæ, ac familiæ suæ voluntas & potestas, atque vindicata prærogativa promoveretur, ac stabiliretur contra publicum commodum, commune jus, libertatem, justitiam, ac pacem Populi hujus Nationis, à qua ipsi munus suum, ut antè diximus, commissum est.

Ex quibus omnibus patet, quod dictus Carolus Stuart fuerit & sit præcipua causa, princeps, architectus, ac primus motor dicti crudelis, præternaturalis, ac sanguinolenti belli, ac proinde reus omnium proditorum, homicidiorum, violationum, latrociniorum, vastationum, damnorum & calamitatum præteritorum bellorum tempore huic Nationi illatarum, aut ex dictis bellis emergentium.

Dictus itaque Iohn Coock (præmissa contestatione exceptionis, quâ sibi Angliæ Populus inposterum quovis tempore quasvis alias accusationes contra nominatum Carolum Stuart instituendi, ut & defensionem ac responsionem ipsius ad præcedentem accusationem aut partem ejus, aut quamcunque aliam hoc modo exhibendam illatam infirmandi libertatem reservat) dictarum proditorum & criminum causâ dicti Angliæ Populi nomine, præfatum Carolum Stuart accusat tanquam Tyrannum, proditorem, homicidam, & publicum atque irreconciliabilem inimicum Populi Angliæ; & postulat, ut indicato Carolo Stuart Angliæ Regi præcipiatur respondere ad omnia & singula præmissa, ut ejusmodi causæ actiones, examina, explorationes, sententiæ, & judicia instituantur, quales, & qualia cum justitia optimè convenient.

Deum

Dum hæc accusatio legeretur, Rex nonnunquam austerius subridebat, præcipue cum tyrannus, proditor, homicida, & boni publici apertus inimicus appellaretur.

Præses. Domine; Accusationis tuæ prælectionem jam auribus hausisti; materiam talem complectitur, qualis ex eâ apparet. Vides quod in ejus conclusione à Curia nomine populi Angliæ postuletur, ut ad accusationem tuam respondere te cogat: curia itaque responsionē tuā exspectat.

Rex. Equidem sciendi avidus sum, cujus potestatis vigore huc evocatus coram vobis me sistere cogar? Paulò antè in insulâ Vecti eram; Quo pacto eò delapsus sim, ut hîc enarrem, nimis longum foret. Ibi commoratus cum utrâque Parlamenti Domo transactionem pactus sum, & quidem tantâ fidelitate publicâ, quanta unquam fieri potuit. Tunc temporis negotium mihi intercedebat cum honestis Dominis & Nobilibus, cum quibus honestè & integrè paciscerbar; Nec aliud quid affirmare possum, quàm quod summa ex ipsorum actionibus integritas eluxerit; ut paucis dicam, res ad ultimum pacis & concordiae ineundæ momentum redierat. Jam nosse optarim, qua autoritate, legitima dico, (plures enim sunt in mundo illegitimæ, quales furum & latronum) scire inquam cuperem, qua autoritate inde abductus, & de loco in locum deductus sim (graviora taceo) ac si probè mihi innotuerit, qua autoritate illud factum sit, respondebo. Mementote, me vestrum Regem esse, Regem inquam legitimum; Quid
oneris

oneris cervicibus vestris imponeretis? Et quibus
iudiciis Divinis regionem hanc exponeretis?
Probè provide,provide inquā, quid faciatis,
prius quā ulterius progrediamini & ex uno malo
in aliud delabamini. Propterea mihi patefacite,
cujus autoritatis legitime impulsu me in hunc
locū violenter compellatis: quod si feceritis, vo-
bis respondere neutiquā detrectabo. Interea il-
lud, quod mihi commissum est, proditione perfidi-
dā non perdam. Antiquā & legitima successione
mihi à Deo munus, & mandatum concreditū est,
quod neque proditoriè pessundabo, nec etiā di-
minuā responsione, quā nova & illegitima autho-
ritas à me postulat. Propterea responsione vestra
rem expedite; quo facto plura ex me audietis.

Præses. Si tibi placuisset accuratius attendere
ad ea, quæ tibi à Curia dicta sunt, cum primum
ingredereris, scivisses quā autoritate hoc fa-
ctum sit, & adhuc fiat. Hæc autoritas nomine
populi Angliæ, à quo Rex electus es, abs te
postulat, ut sibi respondeas.

Rex. Non, Domine; Hoc ego inficior.

Præses. Si Curia autoritati te submittere
recusas, iudicibus pergendum erit.

Rex. Hoc ipsis ingenuè dico; quod Anglia
nunquam electitium, sed abhinc ferè mille annos
hæreditarium Regnum semper fuerit. Propterea
me certiozem reddite, quānam autoritas
illa sit, quæ me huc venire compulerit. Ma-
jore patrocinio populi mei libertatem tueor,
quā ullus eorum, qui iudices mei esse pu-
tantur. Idcirco mihi palam facite, cujusnam au-
thorita-

thoritatis jussu hic compaream necesse sit, & ego vobis ad eaque mihi proposuistis, respondebo; Sin minus nullam mihi responſionem extorquebitis.

Præſes. Quo pacto muneri tibi demandato præſueris, neminem latet. Respondendi consuetudo tua est Curiaë quæſtiones proponere, quod tibi in hoc statu constituto facere non licet. Bis vel ter tibi dictum est.

Rex. Præſto est Cobber vir nobilis, & tribuni militum Legatus. Ex hoc quærite, annon vi ex insula Vecti me abduxerit? Huc non venio, ut me hujus Curiaë judicio subijciam. Domus Communitatis si talis esse rectè intelligatur, privilegia æquè ac horum aliquis, quicumque etiam fuerit, tueor, & defendo. Nullam hic Domum Dominorum, qui Parlamentum, cui etiam Rex interesse debet, constituere possunt, video. An hoc est Regem ad Parlamentum suum adducere? An hoc est transactionis rotius mundi expectatione desideratæ finem facere? Exhibete mihi auctoritatem legitimam verbo divino, Sacra scriptura, aut Regni constitutionibus firmatam, & fultam; Respondere vobis non recusabo.

Præſes. Domine; Quæſtionem proposuisti, & responſionem accepisti. Quoniam responſionem tuam nobis denegas, Curiaë videndum erit, quo pacto causæ hujus actionem instituatur. Interea, qui te huc adduxerunt, operam dabunt, & curabunt, qua ratione te iterum abducant.

Curia nosse cupit, an hæc omnis tua sit responsio, qua, quæ tibi proposita sunt, diluere velis?

Rex. Hoc meum est postulatum, ut mihi & toti mundo hac in causa satisfaciatis. Patiamini, ut vobis hoc dicam. Haud parvi aut exigui momenti res est, quæ vos districtos & occupatos tenet. Iuravi jure jurando, quo Deo & Regno meo devinctus sum, quod pacem conservare velim. Hoc faciam, donec spiritus meus ultimæ reciprocationis signo vitæ meæ terminum adesse significaverit. Ea propter benè facietis, ac primum Deo, deinde toti Regioni satisfaciatis, si mihi indicaveritis, quam auctoritate actionem hanc instituatis. Si usurpata & arrepta auctoritate nitimini, nulla defensione id purgare potestis. Deus in coelo est, qui à vobis, & omnibus vobis potestatem illicitam concedentibus rationem exigeret. Satisfacite mihi, & ego vobis respondebo. Alias munus mihi concreditum, & Populi libertatem damno & injuria afficitis. In memoriam ergò revocate, & me ad respondendum promptum invenietis. Pro certo enim vobis affirmo, æquè magnum peccatum haberi, & esse, legitimæ auctoritati resistere, quam se tyrannicæ & illegitimæ subiicere. Ea de causa mihi satisfacere ne omittatis, ut responsionem meam accipiat.

Præses. Curia expectat, ut categorica responsione ea, quæ tibi proposita sunt, expedias. Actionem in proximum Lunæ diem differre

decreverunt. Si non contentus es iis, quibus auctoritatem nostram tibi demonstramus, nos tamen nostra auctoritate contenti sumus. Dei & Regni auctoritate nitimur. Pax, cujus tu mentionem facis iustitia colenda, quo opere nunc occupati sumus, coletur.

Rex. Ut vobis respondeam, scitote, quod nullam legitimam auctoritatem demonstraveritis, quâ ulli hominum ratione præditorum satisfieri possit.

Præses. Hæc tua est opinio. Nos, qui tui iudices sumus, eâdem acquiescimus.

Rex. Neque mea, neque vestra, qui hoc sospire deberetis, opinio est.

Præses. Curia te audivit, & de te ac rebus tuis disponet, prout in mandatis dedit.

Curia citat in diem Lunæ, quo hora 10. ante meridiem in picta camera conveniendum, & inde huc progrediendum.

Notatu dignum est, cum accusatio contra Regem instituta prælegeretur, quod caput seu sphærula baculi, quem manibus tenebat, ominoso casu in terram deciderit: Hoc cum admiratione aspiciens, & neminem, qui tolleret, videns ipse inclinato corpore de pavimento sustulit.

Abiens, & curiam aspiciens, Hunc inquit non timeo. Intelligebat autem gladium ibi iacentem. Cum de gradibus descenderet, populi acclamationes diversæ aures ipsius penetrabant. Pauci Deus Regem custodiat, plures verò fiat iustitia, exclamabant.

VII.

A C T I O II.

Die lunæ x x i i Ianuarii , anno c l o l o c XLIX. Westmonasterij coram suprema iustitiæ curia in regem habita.

Silentio imperato Curiaë assessorum Catalogus recitabatur , & quisque præsens responsione ad nomen suum lectum datâ præsentiam suam indicabat. Silentium iterum carceris poena adjuncta mandabatur , & excubiarum præfecto injungebatur , ut quicumque tumultum excitaret, eum captivum faceret. Rege ingrediente magna vociferatio exoriebatur, eaque de causa excubiarum Curiaë præfecto in mandatis datum est , ut omnes tumultuatos custodiæ traderet.

Causarum curator summus. Cum veniâ Domine Præses. Cum Curia hæc nuper congregata esset , Populi Angliæ nomine & mandato ipsi tradidi accusationem proditiōis summæ, & aliorum criminum grandium institutam contra captivum iudicio vestro exhibitum. Eorum autem criminum Populi Angliæ nomine ipsum accusabam , & accusatio ipsi prælegebatur , responsioque ejus postulabatur. Sed responsio-

nem tunc temporis reddere ipsi non placebat, ut pote qui responsionis loco hujus Curiae magnae auctoritatem disputando in dubium vocare maluit. Humili ea de causa petitione ab hac Curia magna Angliae Regni nomine contendo, ut categorica responsione aut affirmando, aut negando negotium expedire ipsi in mandatis datur: &, si hoc facere recuset, accusationis capita tanquam confessione ejus comprobata habeantur, ac Curia in causa hac judicanda & sententia debita definienda consuetum juris & justitiae cursum sequatur.

Præses. In memoriam tibi revocare potes quod Superiore congregatione Curia tibi significaverit, quâ de causâ huc adductus sis; Audivisti etiam accusationem tuam, quæ proditio- nem summam, aliaque grandia crimina in Angliae Regnum commissa comprehendens tibi prælecta est. Porro audivisti, quod populi nomine postulatum & rogatum sit, ut responderes ad ea, quorum insimulatus es, ut ejusmodi causæ actio instituat, quæ cum Iustitia, & jure conveniat: Sed tunc placebat tibi nonnullis disceptationibus Curiae hujus auctoritatem in controversiam adducere, & cujus auctoritatis nomine huc adductus esses, te nescire dicebas. Quæstiones tuas sæpius proponebas, & multoties responsionem accipiebas, quod videlicet Angliae Communitati in Parlamento conventum agenti consultum visum sit capitalium & grandium criminum, quibus te accusatio hæc onerat, rationem abs te exigere. Postquam Curia
midita-

meditatione seria, quæ tunc temporis dixisti, examinavit, in propria autoritate sua acquiescit, ac tibi in eadem acquiescendum esse censet. Postulat ergò abs te, ut categorica & peculiari responsione accusationis capita tibi proposita aut vera esse dicas, aut tanquam falsa refellas. Expectat abs te, ut eadem aut confitearis, aut inficieris. Si inficiatus fueris, nomine Regni omnium liquidis testimoniis comprobandorum actio offertur. Autoritatem suam coràm toto mundo affirmat, adeò ut totum Regnum in eâ acquiescere debeat, in quâ tu etiam acquiescere deberes. Propterea non est, cur plus temporis inutiliter conteras. Quin potius responsione categoricâ rem expedi.

Rex. Cum nuper hic essem, me quæstionem illam in medium produxisse inficias ire non possum. Si causa hæc ad me solum pertinuisset, contentus fuisset contestata illa exceptione, quam Curia hujus authoritati legibus non consentaneæ opposui, & quâ expressè affirmavi, nullam in terrâ jurisdictionem esse, cujus examini Rex subjici queat. Sed res me solum non concernit; verum etiam Populi libertatem attingit. Quicquid vos etiam objiciatis aut prætendatis; Ego majori studio ipsius libertati patrocinator. Nam si violentiæ omni juri prævalenti leges novas condere, & Regni leges cardinales mutare aut abrogare licet, nescio profectò, quis subditorum in Angliâ aut vitæ suæ, aut eorum, quæ sua appellare potest, certitudinem & securitatem sibi polliceri queat? Propterea cum

hic primò comparerem , expectabam rationes peculiares, quorum adjumento mihi innotesceret , cujus legis & authoritatis vigore actionem hanc in me haberetis. Non est igitur , cur de iis admodum sollicitus sim , aut multum laborem , quæ ad pecularia ista à vobis mihi propofita respondendo regam. Affirmatio enim argumentis & testimoniis firmanda est ; Negatio ex seipsâ sæpe numero satis multis difficultatibus implicata est. Verum quoniam , quæ dico , vobis persuadere nequeo , rationes meas quàm brevissimè potero , vobis enarrabo.

Rationes & argumenta mea , qui conscientia & officii mei vinculo primum Deo meo, deinde Populi mei vitæ , libertatis & in columitatis conservationi , & defensionis obligatus sum , sunt , quod metuiam , ut responsione mea desiderium vestrum explere possim , antequam legitimæ authoritatis demonstratione mihi satisfactum fuerit.

Omne actionis genus in quemcunque etiam.

Præses. Domine, necessitas requirit ; ut interpellatione mea sermonem tuum turbem , quod non facerem , si ea , quæ tu facis , cum ullius Curia aut Iudicii consuetudine congruerent. Incipis delabi in disputationem , qua controversiam moves auctoritati hujus curia , coràm quâ captivus ades , & tanquam summus maleficus accusaris. Si de Curia aut Iudicii nostri authoritate disceptationem instituis ; Tibi permittere non possumus , quod nullum Iudicium maleficis indulgere solet. Te submittas oportet.

oportet. Ad quęvis puncta responsio directā tibi reddenda est, num videlicet affirmando, aut negando respondere velis, & quę tua sit responsio.

Rex. Domine, Cum venia; Legis verba formalia ignoro. Quid jus & fas sit, probè novi, quamvis Jurisconsultum non profitear. Tantum mihi quidem de legibus constat, quantum ulli alicui ex Anglica nobilitate constare potest. Propterea permissu vestro libertatis Populi in Angliā causam majore contentione, & fervore quā vos ago & defendo. Injustum itaque esset ab aliquo postulare, ut absque ratione audirā & perceptā mihi fidem adhiberet. Hoc vobis dicam oportet, me rationibus vestris hactenus intellectis nequiquam assentiri posse.

Præses. Domine, iterum sermo tuus mihi interrumpendus est. Nulla ratione tibi per-mitti potest. De Jure & ratione loqueris, ac jus & rationem esse fas est. Utrumque tibi adversatur. Domine, Suffragia Communitatis Anglię in Parlamento congregatę Regni Ius & ratio est. Hęc tibi Ius, & Leges præscripserunt, quarum ductu & auspicio Regnum tibi regendum fuerat. Domine, Tuum non est auctoritatem nostram ejusmodi disceptationibus dubiam reddere. Hoc tibi altera vice à Curia dicitur. Domine, Testimoniis res firmabitur, quod Curiam despiciatui ducere coneris, & hic contemptus tuus literis & scripto mandabitur.

Rex. Nescio quo pacto Rex maleficus esse queat; verum lege aliqua, quemadmodum semper audiui, omnes alii homines maleficii

accusari possunt. Malefici, aut quocunque alio nomine personam talem appellare libet, contra quamcumque actionem in se habitam aliquid, & quidem legitimè, inferre possunt; permittite ut vobis hoc dicam. Idem jus ego postulo, & peto, ut rationes meæ audiantur. Si hoc denegatis, etiam Rationem denegatis.

Præses. Domine, aliquid à Curia postulasti; De Populi Sententia tibi aliquid dicam. Domine; neque tibi, neque ulli alii homini hunc articulum, aut hoc punctum disputationibus ventilare permissum est: Captivitate constrictus es, Curia Jurisdictionem remorari nequis. Si facis, te certiores reddam necesse est, quod remoratione tua superiores sint. Autoritate Communitatis Angliæ Senatores & Judices hic sedent. His tu & omnes tui antecessores rationem reddere tenemini.

Rex. Hoc inficior; Exemplum unum mihi monstra.

Præses. Tuum non est Curia loquentis orationem interrompere: Tibi hoc punctum in quaestionem, & controversiam adducere non licet. Nec Curia illud faciendi facultatem tibi indulgere cupit. Si hæc omnia in medium profers, ut Curia Jurisdictionem impediās, Jurisdictionem suam probè perpendit. Jurisdictionem suam propriam affirmat.

Rex. Dico, Domine, permissu tuo, quod Angliæ Communitas nunquam Curia judicariam potestatem habens fuerit: atque idcirco nosse cuperem, quo pacto talis evaserit.

Præses.

Præses. Domine, Sermonum ejusmodi continuatio tibi permitti non potest.

His finitis Curia Scriba sequentia legebat.

CAROLE STUART *Angliae Rex,*
Nomine Populi Angliae summæ proditoris aliorumque grandium criminum insimulatus es; Curia decrevit, ut responsionem tuam ad accusationem reddas.

Rex. Respondebo, cum primum compertum, exploratumque habuero, qua autoritate hoc fiat.

Præses. An hæc omnia sunt illa, quæ dicere cupis. Vos Nobiles, qui captivum huc adduxistis, operam date, ut iterum abducatur.

Rex. Postulo, ut mihi rationes meas afferre liceat, cur respondere recusem, ad hoc faciendum temporis spacium necessarium mihi largiamini.

Præses. Domine, non decet captivum talia petere.

Rex. Captivum? Domine, non sum captivus ordinarius.

Præses. Curia jurisdictionem suam examinavit, eamque jam affirmavit; Si respondere recusas, præcipientur, ut contumacia tua notetur.

Rex. Rationes meas nondum audivistis.

Præses. Rationes tuæ coram Suprema Jurisdictione,

ditione, aut summo tribunali audientiam habere non debent.

Rex. Demonstra mihi tribunal illud, ubi Rationi aures patere non debent.

Præses. Hic tibi demonstramus; Communitatem nimirum Angliæ. Proxima vice, ubi huc reductus fueris, reliquam Curia voluntatem, ac forsan sententiam hanc causam finituram intelliges.

Rex. Demonstra mihi, an ullo unquam tempore Communitatis Domus Curia judicariam ejusmodi potestatem habens fuerit.

Præses. Accense, Captivum abducito.

Rex. Benè Domine, memento, quod Regi non permittatur, ut omnium suorum subditorum libertatis causa rationes, & argumenta sua proferat.

Præses. Domine, nulla tibi ejusmodi sermonum habendorum libertas data est. Quo favore & benevolentia Populi leges, & libertatem complexus sis, Anglia tota, imò totus mundus judex esto.

Rex. Permissu tuo dicam. Subditorum libertas & leges fuerunt, quarum causa arma sumpsi, aut me armis defendi. Armis nunquam Populum oppugnavi, sed leges propugnavi.

Præses. Curia mandatum effectui dandum est: Ad accusationem nulla responsio dabitur.

Rex. Benè Domine.

Finita hac disceptatione excubia præfidiaria Regem in Domini Roberti Cottonis ædes commitatae sunt.

Curia

Curia autem in pictam Cameram citata est, ut die Martis hora 12. frequens adesset : unde in Westmunster Hall convenire propositum fuerat : quo tempore omnes personæ, ad quas hæc actio pertineret, confluere deberent.

VIII.

A C T I O III.

Die Martis xxiii. Januarii
anno clo 10c XLIX westmo-
nastercii coram suprema Iustitiæ
curia Regi intentata.

Audientiæ mandato dato, & silentio impe-
rato assessorum Curix catalogus recitaba-
tur. Eorum septuaginta tres præsentés erant.

Rex excubiis præsidariis comitatus ingredi-
tur, torvo vultu affores intuetur, ac sedile oc-
cupat.

Alterâ vice audientiæ & silentii signo data
M. Cooc causarum procurator generalis se-
quentem sermonem habuit.

Mi Domine *Præses*; Si Dominationi tuæ pla-
cer. Gratia Divina, & hujus Curix favore cap-
tivus hic ante ullum causæ eventum tertia jam
vice coràm judicio vestro sistitur. Mi Domine,
Prima sessione celebrata accusationem sum-
mam

mam prodicionem, quæ unquam in Angliæ Regno fabricata est, continentem contra ipsum institui; Regem nimirum Angliæ, cui legum conservatio concredita est, qui juramento præstito se illud facturum promisit, cui propter eandem causam tributa, & vectigalia soluta sunt, reum esse mali propositi, quo leges nostras evertere, & abrogare, Regimen tyrannicum in regentis arbitrio consistens introducere, & in Parlamenti ejusque autoritatis defensionem subrogare, ac bellum contra Parlamentum, & Populum suum excitare conatus est. Precibus humilibus Communitatis Angliæ nomine tunc contendebam, ut quàm citissimè responsio ad accusationem ab ipso postularetur. Sed mi Domine, responsionis loco disceptationem instituebat, quâ hujus Curix autoritatem in dubium vocare tentavit. Placuit Curix diei dilatione ipsi accuratioris meditationis spacium largiri, ut responsionem suam afferret. Hesterno die ad responsionem dictam audiendam destinato debita submissione iterum petii; ut categorica & directâ, sive affirmans, sive negans fuerit, responsio ab ipso exigeretur. Sed mi Domine, placuit tum ipsi Curix jurisdictionem remorari, quam remorationem Curia tum superabat, & ipsi categoricam & directam responsionem imperabat. Mi Domine, magna hac justitiæ procrastinatione jam facta Dominationem tuam ad sententiam hujus causæ decretoriam citò pronunciandam submissem hortor. Mi Domine, Dominationem tuam urgere possem, & quidem notarum regularum Legum in hoc regno jure & vigore, quando videlicet capivus in contumaci contempu

temptu persistit, nec finali declaratione aperit, an accusationis in ipsum instituta reus aut non reus sit, ut debito examini subjici queat, quod responsionis tardatio, & subterfugium ejusmodi pro claudestina confessione habenda sit, & non aliter accipienda, quam si reus confessus fuerit: quod iis usu venit, qui coram judicio accusati majore favore digni fuissent, quam hic captivus, cui tantum favoris hactenus coram judicio exhibitum fuit. Præter hæc, mi Domine, apud Dominationem vestram summa humilitate integro facto instabo. Domus Communitatis, suprema autoritas, & jurisdictio hujus Regni pronunciavit, manifestum esse, quod accusationis argumentum cum veritate ad amussim congruat, quemadmodum illud revera, mi Domine, quavis crystallo, imò ipsâ luce meridiana clarius est. Ac si hæc Dominationi tuæ, atque Curie forsan non satisfaciant, in Populi Angliæ usum diversos testes adducere possum. Ea propter submissè oro, & ut verum fatear, non tam vehementer ego, quam innocens sanguis profusus, cujus clamor justitiæ vindictam implorans admodum grandis est, Submissè inquam rogo, ut celeri sententia contra captivum pronunciata tandem hæc actio finiatur.

Præses. Domine, audivisti, quid Iudicum confessus Regni nomine contra te proposuerit. Domine, in memoria habes; sin minus, Curia oblivioni tradere non potest, quot, & quantis procrastinationibus ipsam differre molitus sis. Quæstiones nonnullas tibi movere placuit: responsiones intellexisti. Sæpius & pluribus vicibus tibi dictum est, quod Curia propriam suam jurisdictionem affirmaverit, & nec tibi
nec

nec ulli hominum licitum sit jurisdictionem supremæ authoritatis in Anglia, unde nulla appellatio datur, & quæ in nullam disputationem cadit, disquisitione ancipiti in dubium adducere. Tu tamen antiquum obtinens nullam obedientiam præstisti, nec aliquam in hoc judicio, nec in suprema Curia, quæ hoc judicium constituit, authoritatem agnovisti.

Domine. Curia nomine te certiolem reddam necesse est, quod has tuas dilationes admodum ægrè ferat, & ejusmodi authoritate à Parlamento Angliæ armata hoc pacto abs te differri non debeat, ac proinde jure, si ipsi placeret, & secundum juris ac justitiæ regulas harum dilationum occasione judicii accelerandi, ac sententiæ contra te pronunciandæ opportunitatem manibus prensare posset, nihilominus tamen dilationem concedere ipsi visum fuit. Ejus nomine exigo, ut tu, Domine, non ancipiti, sed aperta, & omni dubio carente responsione accusationem hanc expedias, ac verbis apertis & omni ambiguitate liberis utaris. Iustitia enim personarum respectu nullo laborat. Apertè tibi respondendum est, & quidem Anglico candore utrum proditionis hujus tibi impositæ conscius sis, nec ne.

Rex post breve silentium, Cùm heri, inquit hic essem, libertatis Populi Angliæ causam agere cupiebam. Verum interrompebar. Adhuc scire velim, utrum liberè mihi animi mei sensa effari liceat, nec ne?

Pæses. Domine, hisce diebus Curia responsiones

siones quæstionibus tuis satisfaciennes satis superque intellexisti. Tibi etiam dicebatur, quandoquidem tanti momenti accusatione oneratus es, tuum esse, Curia Jurisdictionem agnoscere, ac insimulationi responsione tua satisfacere. Domine, si ad accusationem tuam responderes, cujus rei copiam tibi Curia facit, quamvis aliud faciendi ex contentu tuo ansam arripere potuerit; Nihilominus si ad insimulationem respondere potes, & si unam responsionem dederis, prolixiore audientia excipieris. Defensione quam poteris optima te tueror. Sed Domine Curia nomine tibi notum facere cogor mandatum ejus, quo prohiberis ullis aliis disceptationibus te implicare, priusquam absolutam responsionem dederis ad materiam, quam accusatio tua continet.

Rex. Accusationem mihi intentatam ne gry quidem æstimo. Libertatem Angliæ propugno. Quantum ad me attinet, ut novam Curiam agnoscam & admittam, de quâ nunquam antea audiui; Ego inquam, qui Rex vester sum, qui toti Angliæ Populo exemplo esse debeo, ut justitia conservetur, & antiquæ leges defendantur; Profectò quo pacto illud facere debeam, non video. Die primo, Sabbathi nempe, quo primâ vice huc protractus sum, benè loquebaris de officio mihi à Deo imposito & libertatis Populi defensionem attingente. Eodem officio in Dei conspectu confiteor me ipsi & populo meo devinctum esse, ut pro virili mea antiquas Regni leges tuear. Nihil igitur, bona vestra

vestra venia, in medium proferre possum, quod accusationi privatae meae personae respondere queat, donec mihi manifestetur, quod hæc actio à legibus Regni cardinalibus non diffideat. Si mihi tempus concedere vultis, rationibus stabiliam, cur petitioni vestrae morem gerere nequeam, & hoc.

*Hic in loquendo interpellatus
porro dicebat.*

Cum venia. Sermonem meum interrompere non debuissetis. Quo pacto huc venerim, nescio. Nulla lex est, cujus adjumento & jussu Regem vestrum captivum facere possitis. Publica Regni fide fretus transactionem pactus sum cum utraque Domo Parlamenti satis nota, quæ Regnum repræsentant. Cum jam ad tractationis tam laudabilis finem ferè pervenissem, subito abreptus, & huc raptatus sum. Atque ideo.

Præses. Verba Regis interpellans, Domine, ait, Curia voluntatem scire debes.

Rex. Permissu tuo.

Præses. Non Domine, tuo permissu. In sermones hos incidendi nulla tibi facultas dari potest. Maleficus huc venis, auctoritatem Curia agnoscere recusasti. Curia non petit abste, sed tibi ad huc semel mandat, ut aperte respondeas. Scriba, officium tuum facito:

Rex. Officium, Domine?

Scriba

Scriba legit, quæ sequuntur.

CAROLUS STUARD Angliæ Rex, nomine Communitatis Angliæ postulatus es diversorum grandium criminum, & proditorum; Postulatio tibi prælecta est. Iam Curiae voluntas est, ut categorica & ultima responsione finias, & accusationis capita aut fatendo vera, aut inficiando falsa esse dicas.

Rex. Domine, iterum tibi dico, si mihi populo Angliæ de actionum & operum meorum integritate satisfaciendi potestas concederetur, non formâ responsionis, nec hoc more, aut modo, sed ut ipsis demonstrarem, me nihil fecisse, quod provinciæ mihi demandatæ limites egrediatur, lubenti animo hoc facerem. Sed Domine, me excuses velim, quod novæ Curiae populi privilegiis repugnant, ac cardinales Regni leges mutant subscribere detre-ctem.

Præses. Domine. Tertia jam vice hujus Curiae auctoritatem inficiaris, eamque contumelia afficis. Qua ratione Populi privilegia custodiveris, opera, & actiones tuæ loquuntur. Sed profecto Domine, hominum opiniones & animorum sententiæ ex operibus ipsorum cognoscendæ sunt. Animi tui sententiam toti Regno sanguinolentis literis inscripsisti. Sed Curiae voluntatem nosti.

Scriba contumaciam notato.

Et vos Nobiles, quibus captivi custodia concredita est, ipsum iterum abducite.

Rex. Hoc unicum solum verbum non possum quin adhuc eloquar. Si ad me solum tanquam ad privatum aliquem omnis hæc actio attineret, omni ulteriore sermocinatione superfederem, nec amplius tuam orationem interromperem.

Præses. Curia^æ voluntatem animadvertisti. Comperies, quamvis intelligere nolis, quod coram Iustitiæ tribunali compareas.

Rege cum comitatu suo egresso proclamabatur, ut omnes personæ, quæ actui huic intererant, & aliquid negotii adhuc in curia habebant, in Cameram pictam se conferrent, in quem locum Curia iterum citabatur. Proposuerat autem sequenti manè hora decima in Westmunster-Hall iterum convenire.

Præco. Angliæ Regno Deus benedicat.

Die Mercurii xxv Ianuarii Anno 1649. Hoc die Summi Iustitiæ Senatus in Westmunster-Hall circa decimam horam congregatio expectabatur. Sed tempore ad conventum destinato unus ex janitoribus Curia^æ tunc in Camera picta sedentis iussu adveniens populo, qui eò confluxerat, significabat, quoniam Curia testibus examinandis quoad negotium hoc ad Regem pertinens in Camera picta occupata esset, quod jam in Westmunster-Hall convenire non posset, &, quicunque adesse iussi fuissent

issent , tempore iterum indicando compare deberent.

IX.

A C T I O I V.

Et Sententia die Sabbathi 25. Januarii Anno 1649 Westmonasterii a suprema Justitiæ curia contra CAROLUM STUARD Angliæ , Scotiæ , & Hiberniæ Regem pronunciata.

Postquam Silentium imperatum esset , iudicum nomina legebantur.

Primo Præses toga coccinea indutus , prout eo die negotium expediendum requirebat , postea verò adhuc sexaginta septem iudices ad nomina sua tecta responsionibus datis præsentiam suam significabant.

Rex habitu solito , & capite tecto redibat.

Cum Palatium ingrederetur , in aula magnus clamor ab iis , qui justitiam & executionem clamabant , excitatus est.

Postquam altera vice turba hominum præ-

sentium filere iussa est, Excubiarum præfecto injungebatur, ut tumultum aliquem suscitantes in vincula conjiceret.

Rex adveniens audientiam petebat.

Præses ipsi respondens, suo tempore, ait, id fieri posse; Iam vero ipsi ad ea attendendum esse, quæ Curia dictura foret.

Rex audientiam petere non desistebat, utpote qui credebatur, ea quæ dicturus esset, forsitan cum iis congruere posse, quæ Curia in medium allatura esset. Addebat etiam, sententiam præcipitem haud facili negotio revocari, aut emendari posse.

Dominus Præses autem sequenti oratione confessum totum compellavit.

HAud incognitum vobis est omnibus, mei Domini, qui præsentia vestra confessum hunc ornatis, quod hic captivus diversis vicibus iudicio exhibitus, & compellatus sit, ut ad proditiōis, & aliorum grandium malefactorum accusationem (*Matrona quædam iis addicta, qui Parlamento adversabantur, hic sermonem interrumpens dicebat, ne dimidiæ quidem Populi partis, &c. Sed silentium præstare iussa est.*) Populi Angliæ nomine contra ipsum institutam responsum daret. Quotiescunque verò de responsione danda interpellatus fuit, redarguendo, & disceptando hujus iudicii, imò etiam supremæ

supremæ Curie, à qua ipsius audiendi, examinandi, & judicandi causa hoc judicium ordinatum est, authoritatem dubiam & ancipitem reddere ausus est, tantum abest, ut Curiae mandatis paruerit, & justitiæ se ipsum subjecerit. Et postquam eo in casu ipsi superato instantia ulteriore responsio imperata est, in consueta contumelia persistere ipsi placuit, adeo ut responsionem requisitam sine intermissione negaret. Eapropter curiæ, ne vel sibi ipsi, vel fidei sibi commissæ, vel fidelitati suæ defutura esset, aut ullius petulantia justitiam præverteret, accuratissima disquisitione causam ponderare visum fuit. Ac posteaquam accurata observatione animum intendit in accusationem, contumaciam, & confessionem jure ex contumacia ista proficiscentem, ut & facinoris ipsius captivo imputati evidentiam notissimam, ac porro causam ipsam totam, tandem decrevit, ac de sententia contra captivum pronuncianda unanimi consensu inter se convenit.

Verum quoniam rogavit, ut prius andiretur, quàm sententia legeretur, & pronunciaretur, Curia ipsi audientiam largiri statuit. Tibi tamen, Domine, antea hæc prædicam, quæ tibi in præteritis sessionibus prolixis & sæpius iteratis verbis dicta sunt; nimirum si ea, quæ dicenda habes, ad authoritatem, & Jurisdictionem in disquisitionem adducendam tendunt; quod nulla tibi audientia concedetur. Illud antehac molitus, ac radicem aggressus es, id est, potestatem, atque summam authorita-

tem Communitatum Angliæ, quam disputationi subicere Curia hæc neutiquam permittit. Hoc coram Curia facere injurium est, utpote cujus actiones authoritati à prædictis Communitatibus descendenti tanquam fulcro suo inniuntur. Sed Domine, si ea, quæ defensione aliqua criminum accusationem abste. remove possunt, in medium proferre cupis, Curia mihi in mandatis dedit, ut tibi significarem, quod te audire velit.

Rex respondebat : Quoniam video, quod omnem disceptationem ex aurium vestrarum conspectibus rejiciatis, & audire recusetis ea, quæ me credidisse confiteor, quod ad Regni pacem, & subditorum libertatem maximum pondus & momentum allatura essent, satius erit, ut ne verbulo quidem eadem attingam, & silentio potius in voluam. Hoc solum dicere cogor, quod hætenus spacio temporis haud exiguo omnia mihi adempta sint iis exceptis, quæ mihi meâ vita propriâ longè chariora sunt, nimirum conscientiam & honore. Si vitæ meæ quàm pacis Regni, & libertatis subditorum meorum majorem rationem habuissem, causam profecto meam peculiari defensione tutatus, & ad minimum illud consequutus fuisset, ut turpissimam sententiam, quâ proculdubio me obrutum iri credo, aliquandiu procrastinasset. Ac profecto, Domine, tanquam vir judicio aliquo præditus, ac aliqua rerum mundanarum cognitione imbutus longè alio pacto res meas instituere potuissem, quàm hætenus quidem feci,
si stu-

si studium & contentio mea in subditorum meorum salute tuenda castè integreque semper versata propriæ meæ conservationis sollicitudini non præponderasset. Equidem, Domine, sic arbitror, quod sententia aliqua præcipiti & inconsiderato judicio semel pronunciata facilius deplorari quam revocari queat. Proclivitas illa mea ad Regni pacem, subditorumque libertatem promovendam, quæ commodi mei proprii curam longè excellit, tandem illud me à vobis contendere impellit, ut, quoniam utramque concernentia quædam mihi dicenda sunt, antè sententiæ pronuntiationem in præcæ Camera à Dominis & Communitatibus mihi audientia impertiatur. Dilatio hæc nullo pacto vobis detrimentum aliquod afferre potest, quamcunque rem etiam effatus fuero. Si æquitati convenientia non dixerò, qui me audiunt, iudices esse debent. Eorum, quæ dixi, ipse Iudex esse nequeo. Si mea dicta ab æquitate devia non fuerint, & re ipsa Regni salutem, & subditorum libertatem spectaverint, auditu digna fore indubitanter mihi polliceor. Propterea obsecro, & obtestor vos per amorem illum, quo subditorum libertatem, & Regni pacem vos amplecti dicitis, quod etiam verum esse spero, ut mihi antè sententiæ pronuntiationem audientiam petitam permittatis. Unicum hoc peto, ut circumspecta consideratione hæc excutiat. For-
san ante hac non audivistis. Si vobis placet, aliquandiu hinc secedam; interim rem perpendere poteritis. Si hanc à vobis libertatem im-

petrare non potero, interposita contestatione denuncio, libertatis & pacis ostentationes has vestras pulchras nuda & inani pulchritudine exterius splendere, & nos Regem vestrum audire nolle.

Dominus Præses dicebat; Illa, quæ Rex dixerat, à Iurisdictione Curiaë declinationem quaerere, ac in hac ipsâ re antehac ipsi certos limites constitutos esse.

Rex verò instabat dicens; Ea quæ dicendo proponere vellet, neutiquam Curiaë jurisdictionem defugiendi causâ se dicturum, quandoquidem Regni Pacem & Populi libertatem attinerent.

Præses. Domine, Quæ nobis proposuisti, non planè nova sunt, quanquam primâ vice in Personâ Curiaë obtulisti. Et postea: Quamvis, quæ instando peteret, defugium aliquod præ se ferre videantur, Curiam tamen secundum ea, quæ Rex petere videretur, secessuram, & ipsum Curiaë voluntatem intellecturum esse.

Curia itaque ad aulam Gardenobles secedente, armorum Accenso præcipiebatur, ut captivum abduceret, ac postea reducendum curaret.

Post dimidiam disceptatione contritam horam Iudicum Senatu ex camera aule Gardenobles reverso, Regem revocatum Præses sequentibus verbis allocutus est.

Domine. Placuit tibi Curiaë proponere, quod Dominis, & Communitatibus in Camera picta congre-

congregatis ea referre velles, quæ Regni pacem spectarent. Re ipsa responsionem accepisti ante Curia discessum, qui pro forma tantum factus est.

Nullam enim in hac re difficultatem occurrere putabat. Ad ea quæ tu proposuisti, & etiam ad propriam suam auctoritatem attendit. Curia responsio hæc est, Quod jam nimis diu à te dilata sit. Iudices à suprema auctoritate constituti sunt, nec diutius quis iudices remorari potest quàm ipsi jus denegare possunt. Optima verba sunt in antiquo Angliæ Charter; *Nulli negabimus, nulli condermus, & nulli differemus justitiam.* Sed unusquisque animadvertit, quod & contemptu & defectu tuo ipsam remoratus sis. Dudum ad causam hanc sententia debita finiendam progredi potuisset. Idcirco nulla habita ratione eorum, quæ suspicatus es, iudicio & sententia rem expedire decrevit. Hoc in Supremo Consilio unanimi consensu initum est decretum.

Rex. Domine, novi quod disputando aquam in cribrum ingeram. Scepticus non sum, qui diffitear potestatem quam habetis. Satis potentiæ vobis esse scio. Domine, nullo modo inficiari possum, quod credam, ad regni pacem multum adjumenti allaturum fuisse, si tantum operæ & negotii sumfissetis ut potestatis & auctoritatis vestræ cum legibus Regni convenientiam demonstrassetis. Quantum ad dilationem attinet, quam petii, dilationem esse fateor, sed magni momenti ac ponderis, ac multum ad Regni

pacem conferentem. Non enim meam solius personam, Sed Regni salutem & incolumitatem respicio. Veteri proverbio dicitur, quod multo antea meditari & perpendere res magnas debeamus, antequam subito aliquid statuamus. Propterea Domine iterum dico, quod omnes ex præcipiti sententia emerfuras calamitates ante fores vestros collocem. Fateor, quod mea quidem opinione totam septimanam hic commoratus sim. Hodie octavus elabitur dies ab eo, quo huc veni. Sed unius aut alterius diei pro crastinatio brevis pacem suppeditare posset, cum è contrario ex deproperato iudicio erumpens sententia subitaneo & in considerato impetu suo ejusmodi perturbationes, & calamitates tam durabiles, de quibus vel foetus nondum natus conquereretur, Regno huic accelerare queat. Propterea pro officio Deo & Regno meo debito iterum peto, ut sermoni meo ad Dominorum & Communitatem aures in Camerâ Pictâ, aut alia aliqua aditus præbeatur.

Præsidis responsio docebat, postulata ejus præsentia à præcedentibus non diffidere, sed eodem cum illis esse, eaque de causa Curiam expectare, quidnam ante dicturus esset, quàm ad ipsam sententiam pronunciandam accederetur.

Rex. Hoc dico, quod si dictis meis aures vestras præbueritis, me nullo in dubio versari, quin Populo meo satis facturus sim. Idcirco à te peto per horribilem illum ultimi
judicii

judicii diem, quo tibi olim ratio reddenda erit, ut ad huc semel considerare velis.

Præses. Si nihil aliud habes, quod dicas, Curia ad sententiam ferendam procedet.

Rex. Nihil aliud mihi est, quod dicam. Hoc tantum modo peto, ut ea quæ hic dixi notentur.

Præses. Sententiæ fundamenta declarare & exponere incipiebat, dicens; Quod Curia officio suo satisfacere decrevisset, quod Rex verbis suis rei pretiosæ, quæ Pax nominaretur, mentionem fecisset, ac nihil magis optandum fuisset, quàm ut Deus seriis de pace Regni recuperanda & restituenda cogitationibus animum ipsius complevisset, & revera ipse pacem aucupatus fuisset, quemadmodum jam illam expetere præseferat, & verbis venari videatur. Quod Curia jam satis superque innotuerit, quod erroneas vias pererraverit. Imperium enim suo dolore, & detrimento hoc sensit; Curiam eâ de causâ summo dolore affici, eamque ob occasionem quemvis in Angliâ intellectu præditum eadem tristitia angere, & ex cruciari. Legem ipso superiorem esse, & in gubernando ipsum legibus parere debuisse. Hoc diffidium & discrimen semper agitatum fuisse, quibusnam legum interpretatio competeret; ipsine & a seclis extrâ justitiæ Curias versantibus, an verò ipsis Curis & judiciis justitiam ex legum præscripto exercentibus. Imò Supremam Iustitiæ Senatum, Angliæ nimirum Parlamentum non solum summum legis interpretem,

tem, verum etiam solum & unicum esse legislatorem, illudque contra omne jus & fas evenire, si Rex cum affectis suis se ipsi opponeret. Concedi quidem illud, quod nonnulli ex ipsius affectis dixissent, *Rex non habet parem in Regno*, sed tamen contrarium iterum reponi, ipsum *Minorem universis* esse, quamvis *singulis Major* sit. Barones olim, cum Reges Tyrannos agerent, ab ipsis rationem exegisse ac frænum posuisse. Si Barones hoc tempore officio suo deessent, ac suum Regnique honorem ex memoriâ deponerent, quod antiqui facere religioni duxerant, Communitates tamen Angliæ ea, quæ conservationem, securitatem, sui que status certitudinem concernunt, nunquam non in memoria habituras esse. Si Rex ad contrarium scopum collimet, ipsi hoc sciendum esse, quod concreditum sibi munus tantum gerat, & Curia soli id negotii detur, ut de malefico Gubernatore supplicium sumat. In causa dissidii inter ipsum & Populum suum intercedentis dirimendâ legem hanc non recens natam, sed antiquissimam Iudicis officio fungi. Hoc jurisjurandi à Rege præstiti argumentum esse, & si Populo tyrannide gravato nullum aliud remedium suppeteret, Parlamentum Populi gravaminum & difficultatum sublevandarum, & tollendarum causa constitutum omnibus ejusmodi angustiis officii sibi commissi ratione mederi debere. Singulis annis, ut in antiquorum authorum scriptis legere est, binas congregationes parlamenta agere debere, ut quavis occasione

occasione incidente subditis prompta auxilia suppeditari possent. Regem Parlamentorum destructionem & abrogationem animo proposuisse, & Parlamentum dissolvissse, eò quod Scotiæ Regno ipsi hæreditario jure subiecto bellum interre noluerit. Regis actiones nullo pacto abludere ab actionibus Caligulæ magni illius tyranni olim Romam tyrannide sua excruciantis, qui optavit, ut Populus Romanus unum tantum collum haberet, quò illud uno ictu dissecare posset. Nihil enim esse, quod Angliæ totius corpus repræsentet, quàm Parlamentum; hoc si delere potuisset, ipsum quidem statim etiam Angliæ caput & collum amputaturum fuisse. Nulla nova exempla esse, quæ doceant, Populum, si quando potestatem in manibus habuit, Reges suos ad rationem actionum suarum reddendam cogere ausum fuisse. Nimis longum fore, si ex Hispania, Gallia, Imperio Romano, aliisque regionibus petenda, & in medium adducenda essent. Unum Arragoniæ Regni exemplum sufficere, in quo unum virum tanquam *in medio positum*, & magnum privilegiorum populi custodem, inter Regem & Populum arbitrum constitutum, Regis Magistratum agnosci. Instatu Regni Angliæ Parlamentum hodie idem esse, quod Ephori olim in Laconicâ, & Tribuni in Romanâ Republicâ fuissent. Ut extranearum historiarum mentionem faciat, non opus esse; si tantum Twedam Fluvium transiret, in Scotiæ Regno ad Regem hæreditario jure devoluto satis multa exempla occur-

occurrere, & filiorum quidem Tergusii primi Regis, quorum in pupillaribus annis adhuc constitutorum cum major natu ad pacem minus proclivis esse videretur, ac patruo suo Regnum administranti se opposeret, repudiatus, & minor natu rex electus est.



V E R A

VERA ET PERFECTA
ENARRATIO
OMNIUM ACTIONUM
WESTMONASTERII CON-
TRA MAGNÆ BRITANNIÆ
REGEM XX, XXII, XXIII, ET
XXVII JANUARIII CELE-
BRATARUM, UT ET EXE-
CUTIONIS, QUÆ XXX. E-
JUSDEM MENSIS DIE AN-
NO MDCLXXIX VITA
ORBATUS EST.

A Magnæ Curix scribis de ver-
bo ad verbum charta consignatarum, &
ipsius Parlamenti autoritate Lon-
dini in lucem editarum.

Diversa item memoratu digna acta
ante & post obitum regis celebrata, ac verba
ipsius ultima in Theatro pronunciata.

CARO-

CAROLUM STUARD

Primum hujus nominis Angliæ,
Scotiæ, & Hiberniæ Regem, glo-
riosa Innocentia mortem oppe-
tentem 30 Januarii 1649. com-
prehendit.

Alios magni nominis pro-
ceres Regem secutos ex-
hibet.

DUCIS HAMILTONII, Comi-
tis Hollandiæ, & Domini Capel &c.

19. Marty 1649. securi vita
spoliatorum execu-
tiones.

1 *R*egis Caroli I. prosapiam, vitam &
obitum.

2 *Ejusdem declarationem, cum ex Insula Ve-*
eti discedere cogeretur.

3 *Concionatorum nonnullorum Literas ad*
Fairfaxium datas.

4 *Concionatorum Londinensium & aliorum*
extra

*extra urbem Londinum habitantium
defensionem Apologeticam.*

- 5 *Decretum Parlamenti iudices constituens,
iudicumque catalogum.*
- 6 *Actionem I. Regis accusationem comprehen-
dentem & x x Januarij contra eum
institutam.*
- 7 *Actionem II. vigesimo 2. Januarij per-
actam.*
- 8 *Actionem III. eodem vigesimo 2. Ianu-
arij celebratam,*
- 9 *Actionem IV. & ultimam vigesimo 7 Ja-
nuarij Regem Sententiâ pronuntiata
capitis condemnantem.*
- 10 *Regis Argumenta adversarios resellentia,
quorum pronunciationem liberam ju-
dices impediverunt.*
- 11 *Actionem Executoriam, qua Rex Vitâ spo-
liatus est: Verba Regis in Theatro pro-
nunciata: & ejusdem Exequias.*
- 12 *Decretum de nullo Rege alio renunciando.*
- 13 *Legatorum à Potentissimis Belgij Vniû or-
dinibus in Angliam missorum dia-
rium.*

I.

REGIS CAROLII

Prosapia, vita, & obitus.

CAROLUS STUARD primus hujus nominis *Angliae, Scotiae, & Hyberniae Rex* anno sexcentesimo supra millesimum decimo nono Maii in *Scotiâ* natus est. Pater *Iacobus Sextus* hujus nominis tunc temporis *Scotiae Rex* post *Elisabethae Angliae Reginae*, quæ decimo quarto Maii anni tertii supra millesimum sexcentesium diem obiit, obitum eodem anno *Londini Angliae & Hiberniae rex* renunciatus est à Parlamento, quod ex *Reginae Elisabethae* mandato & voluntate ultimâ ipsi Regnum obtulit. Mater erat *Anna Frederici II. Daniae Regis* filia, *Christiani IV. nuper defuncti Regis Daniae* soror, & *Frederici III. Regis Daniae* praesentis amita.

Vicesimo septimo Martii St. V. anni millesimi sexcentesimi vicesimi secundi à meridie tribus aut quatuor horis post obitum Parentis sui *Londini*, ac per totam *Angliam*, & reliqua Regna postea magna Subditorum lætitia & exultatione Rex proclamatus est.

Tandem trigesimo Januarii styli veteris, aut nono Februarii styli novi anno millesimo sexcentesimo quadragesimo nono *Londini* in theatro publico antè *Witbal* securi vitam finivit, cum quadra-

quadragessimum nonum ætatis annum ageret,
& viginti quatuor annos regno præfuisset.

II.

REGIS MAGNÆ

Britanniæ Declaratio

Cum ex insula Vecti Discederet, tradita uni ex ministris, ut publici juris facta subditis suis satisfaceret.

Quando largis & prolixis prætextuum velamentis actiones debiles, & infirmę operiuntur, magno conatu magnæ nugæ aguntur, & ex maximis laboribus minimi fructus prodeunt. Cum magni momenti res ad finem properant, omnium hominum aures pruriunt, & quasi famelicæ rei eventu expectato expleri gestiunt. Annon mente turbata hæc Natio sub tyrannidis & oppressioneis jugo spontè accersito diu ingemuit, & querulos gemitus eructans omnis sanguinis hoc septennio profusi culpam in me detorsit? Hinc potissimam cruciatuum partem exauto, qui minimam culpæ portionem sustineo. Nonne jam necessitas urgens postu-

laret, ut huic potissimum rei meditatio seria impenderetur, quonam videlicet pacto diluvium præsens obturatum cessaret, antequàm nimium accrescens plenissima calamitatum inundatione Nationem hanc obruat, & suffocet? Quodnam autem calamitosissimis his diffusionibus remedium salubrius, securius, & certius adhiberi potuisset, quàm ut tractatione & transactione personali ab utraque Parlamēti mei Domo mihi concessa, & permissâ sopirentur. Profectò affirmare possum, eâ opinione me imbutum fuisse, nullum cum hoc remedium paria facturum, nisi effectui ejus saluti violento & tyrannico imperio cuncta prostermentis & conculcantis exercitus oppositio infelicissima & perversissima obstitisset. Exercitus inquam, qui in literis suis demonstrantibus ac pares non habentibus temerariâ audaciâ me capitalem suum hostē appellare audet. Sed totius mundi judicio equissimo negotium hoc excutiat, & consideretur, an in hac ultima tractatione omnis mea opera, & contentiorem ipsam seriò non attigerint, & ego ad concedendum non æquè promptus, atque illi ad petendum proclives fuerint. Cuncta tamen hæc saturare non potuerunt eos, qui ambitiosis suis cupiditatibus plus quàm inferrimæ Regionis saluti & incolumitati indulgent. Nonne tabescentia, & calamitatibus sensim emorientia subditorum meorum corda hac tractatione tanquam salutaris alicujus roris spe recreabantur, & refocillabantur? Quàm subito autem ex tantæ expectationis spe miseri mei subditi

subditi dejecti sunt? Nonne ante hac vitio mihi vertebatur, quod nimis pauca Parlamento concederem? Num igitur jam è contrario condemnabor, quod nimis multa ipsi indulserim? Nonne ob belli fuscitati culpam in me translatam captivitatis miseræ angustias & difficultates decoquere coactus sum? Jam paci constituendæ inhians æquè peccare dicar? Antea Rex regio imperio præfui: Num tanquam mancipio alicui vilissimo mihi jam imperabitur? Antea jucundissimo Charissimæ uxoris, & liberorum consortio in pace & tranquillitate fruebar; an jam & ipsis, & pace privari debeo? Annon antea subditi mei debitam oboedientiam mihi præstitere? Num jam ipsis parere cogar? Annon antea mihi vitio ducebatur, quod malos consiliarios mecum habuerim? Num igitur jam mihi exprobrabitur, quod nonnisi Deum habeam, qui mihi consilio suo succurrit? Miseria est, quam effari non possum.

Non mihi si linguæ sint centum, oraque centum. Quantò magis paci & concordie inhio, tantò minor conatuum & moliminum meorum pacem spectantium ratio habetur. Quo pacto in posterum vobis aliquid largirer, qui ipsi in petendo cum dubia hæsitazione conflictantes nescitis, quid petere velitis. Conscientias vestras testes appello, quæ testificari possunt, me in actionibus his cunctis vestris petitionibus satisfecisse. Si contrarium me fecisse animadvertitis, onus mihi incumbens me ferre finitote. Sin verò desiderium vestrum explèvi, quod à

me factum esse certo scio, vestri muneris profectò est me ex furiatorum horum hominum, quorum cogitationes Sanguinis profusionem somniant, & moliuntur, in saniâ eripere. Quam machinationes suas zelo quodam fucato vestiunt, lupi tamen sunt ovillo amictu incedentes. Ut ulterius progrediar, mihi porrò manifestandum est, nihil meo iudicio paci & tranquillitati diu speratæ & magno desiderio expectatæ majori obstaculo esse posse, quàm illegitimas actiones eorum, qui statu mutato ex ministris heri & magistri evadere sperantes in Monarchiæ locum Democratiam substituere conantur. Necessitatis inevitabili lege cardinalium legum, quæ status hujus bases, & columnæ sunt, mutatio non solum alios, sed etiam illos ipsos funditus everteret, & in perniciem, atque internecionem deturbabit. Qui gladio sibi imperium acquirere tentant, gladio tandem etiam interibunt. Factiosorum hominum divisio perniciens mater exitium parit. Indoles est eorum, qui vertumnum æmulantes instabili cerebro suo non nisi mutationes & novitates versant, & nil nisi ad tempus probant. Nimis multæ, & crebræ mutationes sensuum oeconomiam turbant cerebro prudentiæ arci ignorantia & stultitiæ tenebras offundunt, ac faciunt, ut modò hanc stultitiam oderint, modò illam amplexibus suis foveant, &c.

Dum vitant stulti vitia, in contraria current. Remedium factionibus ejusmodi tollendis nullum tempore certius, & melius inveniri potest.

Tempo-

Temporis enim progressu instar lepræ alicujus totum corpus pervadentis integram alicujus Regni structuram inficiunt, atque in tantum odium adducunt, ut sibi ipsis tandem odio esse incipiant, & more piscium escæ inhiantes hamo capiantur. Unum restat, de quo subditos meos adhuc certiores faciam necesse est. Deus novit, an hæ ultimæ futuræ sint vices, quibus serio studio pacem appetii, & omnes meas cogitationes ad nullum sinistrum scopum collineantes unicè ad tranquillitatem communem direxi, nec ullum eorum intermisi, quorum faciendorum conscientia meæ ductus mihi copiam fecit. Deum testem invoco, me firmiter autumare. Exercitus intercessionem tanquam malitiæ nubem pacis splendori jam Regnum hoc radiis suis illustrare incipienti instar eclipseos alicujus umbram integram objecisse, eumque penitus obscurasse. Totus mundus judex esto, ac judicato, an æquum sit, ut Exercitus aliquis Regni suffragiis se opponat, & defendendæ legis & libertatis prætextu utramque pessundet, pedibusque conculcet. Actiones ejusmodi miras alias consequentes pariant, & omnis corruptionis miseriæ & pernicipi fenestras aperiant oportet, ut momento citius Regnum hoc prosternant. Si proprio motu hanc pacis tractationem urissem, ejusdem cursum ut inhiberent, longè majorem & commodiorem occasionem nacti fuissent. Verum quoniam importunis utriusque Parlamenti mei domus flagitationibus compellatus sum, utraque autem à

maximâ Regni parte ad importunitatem illam mihi exhibendam coacta est, non potui, quin voluntate meâ propensâ & promptâ ipsarum operis tam utilis perficiendi desiderio suffragarer. Spero, Subditorum meorum corda & oculos jam eo pacto apertos esse, ut clarè eos videre, & agnoscere queant, qui hanc tractationem machinationum suarum cuniculis subruere moliti sunt, & adhuc moliuntur. Quantum ad me attinet, in Dei Opt. Max. conspectu testificatione publicâ denuncio, peculiares meas ærūnas, quamvis tantæ sint, ut nullo incremento indigeant, tantis angoribus animum meum non excruciare, quantis cruciatibus subditorum meorum miseriæ ipsum angunt. Jam enim scio, in quo fiducia mea mihi collocanda sit, quod ipsi hætenus nesciunt. Deus ipsis, & mihi solatio sit, & pro miseriarum & oppressiōnum nostrarum modulo nobis patientiam largiatur.

Ubi ultimum malitiæ filum ab inimicis meis ducendum restiterit, hoc sciant, me divinâ gratiâ ad patiendum & tolerandum tam paratum ac promptum esse, quàm prompti & parati ad me calamitatibus, & cruciatibus afficiendum ipsi existunt. Mea ipsius anima mihi præfagit, nubes ipsas vindictam in capita eorum, qui tanquam interstitium hujus pacis progressu se objecerunt, instillaturas esse. Si Deus benedictionis suæ pronuntiatione pacem colentibus & componentibus benedixit, necesse est, ut ejusdem inimici, & ruptores execrationem divinam cervicibus suis accersant. Meo Deo gratias

gratias ago. Contrà furorem, & rabiem ipsorum me armavi. Invidiæ telis me jam petant: Pectus habeo, quod illa recipiet, & cor quod patientiâ armatum illa feret. Deus enim est rupes mea, & scutum meum, non timebo, quicquid homo mihi fecerit. Pessima expectabo; si quid secus evenerit, quàm expecto, Deo honorem tribuam. Auxilium hominis vanum & caducum est.

C. R.

III.

L I T E R Æ V E R B I

Divini ministrorum in Londinensi districtu, quorum nomina hic subscripta sunt,

A quibusdam eorum, qui nomina sua subscripserunt, x x v i i i Januarii anno c l o l o c x l i x. summo militiæ Præfecto traditæ,

Ut summo exercitus consilio redderentur.

E Xcellentiæ tuæ & cæteris Consiliariis placebit, &c. Quoniam nuper diversæ applicationes

cationes tam scriptis exhibitæ, quàm ore pronuntiatae concionatores Londinenses, (aut aliquos eorum) invitarunt, ut cum Exercitus præfectis congregati de Religione Colloquia, & tractationes instituerent, Nos Evangelii in Londinensi provinciâ ministri congregationes tales, uti indictæ erant, recusare & denegare nostri muneris esse duximus. Et ut Excell. Vestram, & Consilium militare de recusationis istius causis certiores redderemus, ne ex silentio nostro fortè conjectura aliqua sumi posset, & intellectum, & puritatem nobis deficere, quibus tamen unusquisque, præcipuè autem verbi Divini præcones præditi esse debent, has literas ad Vos exarare consultum arbitrati sumus. Postquam enim ad aures nostras permanavit, quosdam fratrum nostrorum in collatione & disceptatione in Vestrâ, & consiliariorum quorundam vestrorum M. Mareschal, M. Calamy, M. Whitaker, M. Segdwick etc. præsentia, ut & aliâ itidem cum quibusdam ex præfectis vestris M. Whitaker M. Calamy, M. Ash etc. institutâ, & habitâ aperte professos esse, se non modò actionem illam ultimam contrâ honoratæ Domus Communitatis in Parlamento membra honorabilia plura institutam, verum etiam ea, quæ vestrum in diversis hujus Regni rebus constituendis conatum concernentia Demonstratione, & Declaratione vestrâ ultimâ promulgastis, non probare (ut nobis ex relatione quorundam eorum, qui hoc testari volunt, innotuit) operæ precium duximus, ut consensum nostrum cum dictis fratribus

ostenda-

ostendamus, & vobis patefaciamus, humili petitione contententes, quoniam libertatem Legatis Christi concessam usurpamus, ne propositio hæc nostra insequiorem partem rapiatur, & ita intelligatur, quasi ab iis profecta esset, qui legis Christi limites egressi sunt. Nobis in mandatis datum est, ut exclamemus, & voce nostra tubæ sonum imitemur, ut Populo malefacta sua, & domui Iacobi peccata sua denuncientur.

Si ejus modi collatio à nobis postulata fuisset, qua jussifuissemus inquirere, num viæ in quibus jam ambulatis, cum Dei Verbo convenirent (quæ res profecto personis privatis auditu gratissima fuisset, & facili responsione à Verbī Divini ministris expediri potuisset) prompta voluntate judicium nostrum, quemadmodum dicti nostri fratres fecerunt, consilium vestrum rangens exposuissemus, sententiamque nostram Sacræ Scripturæ dictis firmatam Vobis tradidissemus; Nimirum, quod loco ulteriorum in viis talibus à recto deviis progressuum considerare debuissetis temporalem & divinam præventionem eorum, quæ Divini Verbi regulam aperte oppugnantia jam effectui dedistis.

Et si hujus rei purgandæ tantum causa collatio aliqua postulata, & requisita fuisset, jam ab initio à nobis decretum fuerat, ut non inviti sed prompti adessemus, & ad eum locum nos conferremus, qui cumque & à quibuscunque ad hanc rem destinatus esset, ac judicium & sententiam nostram defenderemus, ac tueremur. Sed perinde ac si vestrarum viarum justitiam & æquita-

æquitatem jam permisissimus, eum tantum in finem vocamus, ut vobis adjumento essemus in iis, quæ jam constitare & stabilire incepistis, & nos tamen extra forum vestrum esse confidimus. Et si nostras cum vestris consultationibus in ejusmodi casibus conjunxissemus, rei evasissemus mali, quod in iis latet, & nos aliorum peccatis commaculavissimus. 1. Tim. 5. v. 22. Contrarium nos docet Apostolus, qui nobis mandat, ut *ab omni mali specie abstineamus, nec commercium habeamus cum sterilibus tenebrarum operibus, sed ea potius reprehendamus.* 1. Thess. 5. c. v. 22. Ephes. 5. c. v. 11.

Vulgo jam innotuit, ut præteritos errores silentio prætereamus, quibus consiliis & machinationibus Authoritati legitimæ vos opposueritis: præcipuè opera Demonstrationis, & Declarationis vestræ ultimæ contrà Parlamentum publicatæ, cui accedunt Regis abductio, & captivitas invito & inscio Parlamento facta, & à naturâ abhorrens violentia postrema, quâ ejusdem Parlamenti membra violastis, plusquam centum eorum (numerus certus nobis incognitus est) sessionem debitam in curiâ supremâ vi prohibuistis, & haud paucos ex iis in vincula conjecistis. Viri sunt notæ honestatis, & auctoritatis, de quorum honestate liquidò nobis constat, utpote quam amore suo & benevolentia, quâ Regni hujus salutem complectuntur, abundè testificati sunt. Præterea incipitur fabricari nova Regiminis forma novis legibus in veterum sedem migrantibus constans, quam vos *Repre-*
senta-

sentativam vocatis, & in omnium futurorum Parliamentorum locum substituitis: Eam per totum Regnum à subditis Regiis subsignari vultis, & quidem sub prætextu & titulo *contractus, aut conventionis cum populo* initæ, ut patet ex ultima vestra Demonstratione 26. Novembris Anni 1648. promulgata. Idcirco non possumus, quin judicemus, & pronunciemus omnes has machinationes contrarias & è diametro oppositas legitimæ Magistratuum nostrorum, quorum tutelæ Deus nos commisit, authoritati, & muneri, ac oboedientiæ nostræ, quibus nos tam divinarum & humanarum legum, quàm multiplicium nostrorum juramentorum, & obligationum ratione ipsis devincti sumus. Propterea muneris nostri esse arbitramur, potius extremam nostram displicentiam & execrationem his consiliorum malorum fabricationibus & structuris objicere, quam eas consensu nostro probare.

Sententiæ Salomonis haud immemores sumus: *Timete Deum, & Regem, nec iis vos associate, qui mutationes appetunt*; Dicti etiam, quo Paulus 2. ad Thessalonicenses 3. dicit; *Abstrahite vos à quovis fratribus, qui vitam immoderatam degit, & institutionibus, quas à nobis accepit, non paret.* Institutionum, seu Constitutionum à Paulo acceptarum una est ad Titum 3. *Moneto ipsos, ut magistratibus & potestatibus se submittant, iisque debitam oboedientiam præstent.* Omnes animæ potestatibus sibi præfectis subjectæ sunt. Nulla enim potestas nisi à Deo. Omnesque potestates, quæ sunt, à Deo ordinatæ & institutæ sunt. Qui Potestatibus obstrepi,

obstrepit , ordinationi Divinae se opponit , & huic qui se opponit , judicium sibi ipsis accersent .

Timor itaque Domini (cujus ordinatio violatur , quando nos Magistratibus adversamur , timidos nos reddit , ac impedit , quominus nos adjungamus iis , qui sine ullius legitimæ autoritatis prætextu suis tantum viribus freti ejusmodi mutationes & novitates accipiunt , quemadmodum hi faciunt . Vehementissimis igitur moeroribus , & curis angimur , atque ex cruciamur , cum videmus , Exercitum autoritate Parlamenti collectum , ut Regni privilegia , Religionem , leges , & libertatem propugnet , in communem perniciem ea perpetrare , quæ sibi commissis è diametro contraria sunt .

Nobis ex memoriâ non exciderunt præcipua origo , ac fundamentum verum hujus belli , ut & causæ , propter quas Parlamentum arma in manus sumpsit , Hæ tanti momenti fuerunt , ut nos ad conjunctionem cum ipso impulsus hactenus illud deferere , aut ab illo desciscere non possimus . Meminimus etiam , cum Rex magnâ armatorum multitudine instructus parrum & cum eorum , qui sub imperio vestro sunt , non comparandum numerum ex membris Parlamenti vocaret , & res ad Privilegiorum omnium amissionem totiusque Regni interitum spectaret , quem agendi modum Parlamentum tunc temporis usurpaverit ; Pater ille ex decreto domus communitatis decimo tertio Januarii anno 1641. promulgato . Nam cum ex quibusdam tantum Regis Sermonibus intellexisset ,

isset, quedam ex membris Parlamenti iisdem dilignari, ità decrevit: *Siquis se exhiberet retentione aliqua, aut alio aliquo impedimento alicui ex membris Parlamenti molestiam creaturus, antequàm eidem Parlamento rem manifestavit, & à Domo illa legitimæ actionis approbationem accepit, Legibus consentaneum esse, ut ejusmodi membrum se tueatur & defendat secundum contestationum denunciationes ad privilegiorum Parlamenti defensionem.*

Apparet item ex Declaratione 26. Januarii Anno 1641. *publicata Detentio alicujus membri in Parlamento sine legitimis actionibus contra illud institutis, & sine consensu ejusdem Domus, cujus illa persona membrum est, subditorum Libertati repugnat, ac privilegiorum Parlamenti ruptura est. Et ille qui aliquam harum personarum, aut ullum aliud Parlamenti membrum detentione vexabit, apertus Boni Publici hostis esse declaratur, & judicatur.*

Violatio privilegiorum Parlamenti Principium erat, & scaturigo, ex qua primò militare præsidium manavit postea in exercitum necessitate ità postulante mutatum. Sed quod Exercitus ipsius Parlamenti autoritate paratus, & conservandi ejus causa collectus eò tendere deberet, ut actio tunc temporis probata jam à nobis improbetur, omni æquitati repugnat.

Ac quamvis utraque Parlamenti Domus cum Rege unum summam hujus Regni autoritatem sibi commissam procurans corpus constituens armorum sui defendendi causa capeffendorum occasionem perspicuè viderit, ut nimirum malis consiliis Regi à suis consultoribus subministratis
obviam

obviam irer, Religionem Protestantem ab omni periculo, cui variorum errorum, diversarumque novitatum obrepentium culpa exponebatur, fartam, tectamque conservaret, atque leges & constitutiones totius Regni firmamenta, quibus infringendis variæ insidiæ struebantur, in tutò collocaret; Non tamen harum actionum æquitas aut iniquitas examinanda in vestrum forum cadit, utpote qui cum Magistratibus comparati privati homines tantum estis, nec autoritate in Regem & Parlamentum uti potestis, nec iis de rebus laborare debetis, quæ vos non attingunt; Ut sunt leges divinæ, naturales, & civiles, earumque firmamenta, ac communis universi corporis uno regimine comprehensi de quibusvis rebus & actionibus consensus. Quod si contingat, ut ii, quibus universi corporis curandi provincia demandata est, exercitu aliquo conscripto & collecto de libertate Status aut Regni alicujus defendenda curam suscipiant, illud tamen ad privatarum personarum congeriem aliquam, licet illud efficiendi potentiam & vires habeant, neutiquam pertinet.

Prætereà quanquam Parlamentum, ut se ac privilegia sua tueretur, atque Religionem, Leges, & libertatem ab omni periculo tutas præstaret, armis usum fuit, non tamen eo animo hoc fecit, ut Regis Personam violaret, aut Regia sua autoritate & Regio Iure, tanquam propriis suis possessionibus denudaret, ut ex multiplicibus ejus Declarationibus eo fine publicatis li-

quidò

quidò constat. Multò minus decrevit totam Regiminis formam, constitutionesque, quibus totius Regni salus & incolumitas tanquam columnis subjectis innititur, abrogare, & evertere, aut ejusmodi quid faciendi peculiaribus aliquot personis auctoritatem, aut potestatem largiri.

Ea de causa confitemur, officii nostri esse, ut hoc pacto in conspectum vestrum prodeamus, & defendamus Religionem, leges, libertates, constitutiones, atque totius Regni stabilitum Regimen ab una parte contrà omnes malignos consultores, & machinatores in Regis arbitrio solo tyrannicam potestatem constituere conantes, & ex altera parte contrà omnia illegitima privatorum hominum consilia, ex quibus propria ipsorum perniciēs, anarchia, discordia, profanatio, & Religionis error scaturiunt.

Ad hæc autem præstanda, & integra nostra initia modò dicta firmitus confirmanda diversorum juramentorum & universalium confoederationum per totum Regnum initarum vinculis devincti, & obligati sumus. Manifestum est ex publica contestatione 15. Maii Anno 1641. denunciata: *In omnipotentis Dei conspectu & præsentia promittimus, juramus, & contestamur vigore confoederationis nostræ, quod corpore, viribus, & bonis nostris Regiæ suæ Majestatis Personam honorem & statum, ac Parlamenti potestatem, & privilegia defendere velimus. Idem etiam apparet ex jurejurando, & confoederatione, quibus major & minor domus declararunt, tunc temporis proditoriam &*
K
rebellem

rebellem Londinum, Westmonasterium & his adjuncta loca alia opprimendi, Parlamentumque armis subiciendi machinationem in procinctu fuisse. Ac quoniam multiplicibus modis, & potentibus proditiōibus bonum Publicum affligi comperiebatur, postulatum est, ut omnes patriam suam fideli amore complectentes iusto & sincero illo juramento & consociatione aequissima se devincerent, quibus declaramus, & pronunciamus, nos execrandas illas & proditorias insidias detestatos, ac pro virili & corporum, & virium, & bonorum nostrorum oppositu-propulsaturos esse. Constat quoque ex Solenni foedere reformationis, religionis, honoris & incolumitatis Regiæ, pacis ac Regni defensionem & conservationem concernente, quo ejusmodi conjunctione coaluimus, atque eo pacto nos devinximus, ut ejus vigore sinceram, justam, & constantes actiones nostras omnes in Parlamenti juribus & privilegiis tutandis in Regiâ personâ, & auctoritate defendenda, & conservanda, in Religione & Regni libertatibus & privilegiis tutis præstandis collocare teneamur, & totus mundus conscientie nostræ sinceritatem & integritatem, & quod ne minimas Majestatis Regiæ jura & potestatem diminuendi cogitationes concipiamus, testimonio suo comprobare possit.

In quibus Obligationibus cunctis quanquam materia partim civilis esse potest, vinculum tamē ipsū, & foedus, jurejurando coalescens Religiosum, sacrum est & contemptū ab omni contemptu maximè abhorret. Quod licet nonnulli haud pluris quam calendarium aliquod faciant, illud tamen in Dei conspectu præstitum juramentum
respi-

respicimus ; utpote qui in ejus nomine juravimus, quod ipse à manibus nostris postulabit.

Non ignoramus quàm Zelotypo poculo, & quam forti manu Dominus compensaverit rebellem ruptionem foederis facti à Zedekiâ Rege cum Rege Babylonix, quanquam ipsi damnosum fuerit. Ezech. 17. cap. vers. 15. 18. 19. *An eripiet se qui facit ista? qui irritum fecit foedus, an eripiet se? Ne vivam ego, dictum Domini Iehova; Cum spernat execrationem irritum faciendo foedus, quia ecce junxit manum suam, & omnia ista facit, non eripiet se. Idcirco sic ait Dominus Iehova; ne vivam ego; nisi execrationem meam quam spernit, & foedus meum quod irritum fecit; hoc reponam in caput ipsius.*

Propterea, cum manus nostras ad Divinam Majestatem erectas convertimus, non est cur justioris juramenti violatione iram, Domini in nos concitemus, quoniam *Καθ' ὅλην* est, coràm quo in extremo judicio omnium dictorum & factorum rationem reddemus.

Igitur loco consultationis aut disceptationis, quam à nobis postulatis, in nomine Domine & Magistri nostri Iesu Christi, cujus nos legati sumus, serio vos monemus, & hortamur, ut viarum vestrarum præsentium pravitatem seria & humili meditatione excutiat, & ab iis vos avertatis. Cogitate, à quo desciveritis, in antiquam viam revertite, resipiscite, & munere vobis mandato, ut antè, fungimini. Olim spectabiles & pretiosi in nostris, & aliorum piorum doctorum oculis eratis, cum in Dei viis ambu-

laretis, & in vestro foro stabiles maneretis. Benevolentia nostrâ, auxilio nostro, & precibus nostris felicem vestrarum rerum progressui benedictionem precantibus fruebamini. Sed prohdolor? propriam vestram gloriam tenebrarum involucro texistis, omnemque magnificentiam vestram densissimis nubibus obduxistis. Sensuum vestrorum, voluntatisque propriæ arbitrio obtemperantes per devia erratis. Jam dicere non audemus; *Domini benedictio vobiscum sit; In nomine Domini vobis benedicimus: nec etiam Ave*; 2. Joh. ver. 11. *Nam qui ipsum salutatur, malorum ejus operum particeps fit.* Veremur, ne defensionis, quam veritati & Religionis ac divini cultus puritati debetis, locum desperationem supponatis, erroribus & hæresibus Verbum Dei oppugnantibus fenestram aperiatis, & pluribus audacibus & execrandis machinationibus contra Dei cultum & vias utamini: In quantum foetorem Religio mutata est à seductione vestra? adeò ut in orbe Christiano in ludibrium & contemptum abire videatur. Quanto pudore piorum doctorum vultus suffusi, & quantis angustis ac moeroribus corda ipsorum repleta sunt? In quot frustra aureum Regiminis vinculum dissiliit? Magistratuum autoritas, & honor in lutum prostratus pedibus conculcatur. Parlamentum, quod tot annorum spacio tanta animositate hostibus suis obstitit, eosque vicit; uno die ab inimicis sub amicorum specie latitantibus diffiratum & disjectum est.

Scitote, quàm expressè, & perfectè Verbum
divinum

divinum nobis oboedientiam Magistratibus debitam injungat, dum grandi poena adjuncta ejusmodi technas & fabricas potentiam magistratibus à Deo concessam eludentes, quales vestrae sunt, reprobant, & prohibet. Notae vobis etiam sunt minae, & supplicia, quibus eos excepit Dominus, qui praecepta & leges ejus transgressi sunt. Nota est vobis poena, quam Judas Apostolus constituit in eos, qui Domini imperium despiciunt, & magnificentiae ejus maledicunt. Iud. I. v. 11. *Ve illis, dicit; Nam viam Cain ingressi sunt, & deceptione mercedis, qua deceptus fuit Balaam, effusi sunt, & contradictione Core perierunt.*

Cognita & perspecta habetis exempla prava Corah, Dathan, & Abiram, qui rebellibus suis consiliis Mosi et Aaroni magistratuum & doctorum personas gerentibus immorigeri fuerunt. Num. 16. v. 3. *Nimum in vos suscipitis, dicebant Mosi & Aaroni, Nam tota haec congregatio, ipsi omnes sunt sancti, Quibus Moses v. 11. Propterea inquit, vos & tota vestra congregatio estis congregati contra Dominum.* Ac nullo timore perculsus toti populo dicebat. v. 26. *Recedite à tentoriis impiorum horum virorum, nec aliquid eorum, quae ipsorum propria sunt, attingite, ne & vos cum ipsis in peccatis ipsorum pereatis.*

Sermone hoc finito terra se aperiebat, & cum domibus suis ipsos absorbebat, & omnes homines qui ad Corah pertinebant, cum omnibus bonis. v. 32. Rebellionem hac insignis magnaeque virorum numerus se commaculaverat, & quidem du-

centi & quinquaginta ex præcipuis Israelitarum Proceribus numerabantur. v. 2.

Quod in re aliqua cum Sacris literis convenit, illud Theologi Protestantes in diiudicanda veritate à mendacio semper sequuti sunt; cum quorum iudicio nos etiam conspiramus, & pari ratione eodem medio oppugnamus sanguinolenta consilia, & machinationes cruentas Iesuitarum, quibus privatas personas ad rebelliones periculosas excitant, ut horrendo parricidio Magistratum suorum legitimorum vitæ insidientur, & Regum cædes velamento specioso tectas horrendo ausu committant. Veremur, ne consiliorum ejusmodi Iesuiticorum exordia cum aliorum plurimorum machinationibus apprimè conveniant; quibus tamen casus suus maximè attendendus erit.

Age ergò, seriarum admonitionum ariete conscientias Vestras adorimur, & quidem in Divini Numinis presentia, ut & corda, & vias vestras ab impuritibus & inquinamentis tantis puras reddatis, & vos ipsos eo pacto tractetis, quo *Nathan* Prophetâ *Davidem* aggressus est. Cogitate, si alii in hoc Regno Regiæ Majestatis subditi, quia vestris actionibus dissentiant, ea perpetrassent, quæ vos commisistis, & sine Cuius Supremæ consensu, invitoque Parlamento Regiam Personam indigna captivitate constrictam de loco in locum traxissent, annon proprio vestro iudicio rem nec ipsi Regi, nec Parlamento tolerandam exultimaturi essetis? Considerate quæso, ac intima conscientia vestrae

stræ miserrimæ, & oculo Majestatis Divinæ vindici semper patentis penetralia excutite, quodnam judicium vestrum futurum esset, si illi cum sociis sibi foedere junctis Parlamenti præsidia mutare, magnum ex membris & assessoribus ipsius numerum vinculis indignis constringere, novas prolubitu leges cudere, iisque hoc & alia omnia Parlamenta extinguere, & infinita ejusmodi alia fabricare ausi fuissent. Si alios homines ejusmodi actionum insimulare vultis, Deus faxit, ut corda vestra illuminentur, quò videre possitis, *qui viri illi sint*. Si antea enormibus criminibus, & flagitiis in tolerandis Cardinalium Regni Lègum mutatio, convocationis Parlamenti impedimentum, & convocati dimissio, & direptio, ac Arminianis & Pontificiis obliquam libertatem indulgens conniventia accensebatur; Multò majorum profecto criminum titulo insigniendi erunt præsentis ausus temerarii, qui omnes Regni Leges, & cuncta regimina uno ictu concidere, & diruere, moliuntur, adeò ut maximè vereamur, ne in paucis erroribus conniventis indulgentiæ sedem maximam Religionis mutationem, omniumque sectarum tolerantiam substitutam in posterum perferre cogamus, quod ne vestrum nonnulli manibus ac pedibus obnixe moliantur, haud in exiguo metu versamur. *Videte, ne vos ipsos decipiatis. Deus enim ludibria & illusiones non tolerat.* Novit quàm facilè in aliis nefarii criminis titulo notetis, quod vestri tamen respectu potestatem & efficaciam, aut potentiam nominatis. Personarum

narum discrimen nescit; Circumstantiarum varietate favorem non metitur. Impunitas ejusmodi actiones non dimittit. Supplicium de iis sumit, qui Dei jure agnito (nempe eos, qui talia faciunt, dignos esse morte) tamen non solum ea faciunt, sed etiam facientibus applaudunt. Rom. 1. v. 32.

Quapropter inexcusabilis es, ô homo, quisquis alium damnas. Num hoc ipso, quod damnas alterum, teipsum condemnas; eadem enim facis tu, qui alium damnas. Scimus verò, judicium Dei esse secundum veritatem adversus eos, qui talia agunt; Qui reddet univique secundum opera ipsius, Non enim est personarum respectus apud Deum. Rom. 2. v. 1. 2. 6.
& 11.

Hortamur Vos, ne victoriis partis nimium confidentes insolentiores evadatis. Si Dei benedictionis beneficio vobis in viis ejus ambulanti-bus omnia ad votum fluxerunt, providendum jam vobiserit, ne ad vias vestras proprias relapsi vobis spe falsa successus felices polliceami-ni. Si Divina indulgentia propter causas sibi notas conatum vestrum ab æquitate & pietate delirantem successu aliquo promoveret, nulla tamen consequutione inde colligendum esset, actiones vestras æquiboniquè titulo gaudere, successumque ejusmodi earum æquitatem testari. Idcirco non est, cur vos ullo rerum vestrarum successu efferatis. Imo nobis manifestò constar, unum ex maximis suppliciis esse, quando Deus largâ opum accessione hominem in peccatis se volutantem locupletat.

Sapientissimus Regum Salomo nobis ea quæ
sibi

sibi ipsi usu venerunt, commemorat dicens: Eccles. 8. v. 14. *Est adhuc vanitas, quæ fit super terram, quod sunt iusti, quibus obtingit secundum opus improborum, & sunt improbi, quibus obtingit secundum opus iustorum.* Ibidem v. 11. *Dico etiam illud vanitatem esse, quia nullum efficitur decretum compensatio istius mali citò: idcirco fervet animus hominum in ipsis, ut faciant malum.* Ea propter divina providentia, quæ sæpius in viis tuis stabilita est, non semper canonis, aut normæ alicujus certæ vias & actiones tuas dirigentis munere fungitur ut eam factis tuis, ejusmodi præcipuè, quæ lex divina reprobatur, non modo purgandis, sed etiam firmandis obtendas. 1. Sam. 24. v. 5. 6. 7. Cum Davidi in deserto Saulis interimendi facultas se offerret, ac potestas daretur, ut capitali suo hoste perpetuis insidiis vitam suam impetente liberaretur, aulici ejus sequenti argumento facinoris licentiam adstruere conati. En inquiunt, *Iam dies venit, quo Dominus tibi dicit, vide, tibi hostem tuum in manus tuas trado, ut facias ei, quemadmodum bonum videbitur in oculis tuis.* Sed David facinus aggredi non ausus, nec suis ejusmodi quid perpetrandi copiam facere volens versu 7. respondit, *Absit mihi à Iehova, an facerem rem hanc Domino meo, uncto Iehovæ, extendendo manum meam contra eum. Nam unctus Iehovæ est.* Iterum in Saulem dormientem incidenti eidem Davidi, En providentiam divinam, *Abisai dicere potuisset. Deus enim, inquit, hodiè inimicum tuum in manus tuas tradidit; sine, ut semel tantum hasta*

ipsum in terram prosternam; Non permisit David dicens v. 9. cap. 26. *Ne ipsum perdas. Quis enim uncto Domini manus injecit, & innocens mansit?* Si jam Providentia facti perpetrandi certa & firma admonitio fuisset, longe aliter David actiones suas instituisset, & proculdubio inimicum suum trucidasset. Ut paucis res comprehendatur, nullum peccatum committi potest, aut nulla actio peccati titulum meretur, si hæc admonitio actionum suscipiendarum proba & vera causa impellens exilit. Nihil enim perpetrari potest, nisi providentia Dei destinata occasionem & ansam præbeat.

Spiritu aliquo agi, & ad agendum incitari res est ponderis haud exigui, aut sine vel contra canones & regulas in Verbo divino præscriptas animæ motibus internis impelli, haud leve negotium existimari debet, cum in ejusmodi casu Satanæ tentationes, & Spiritus Divini operationes sibi invicem oponantur. Examine accurato ecutiatur, & indagetur, num ullæ historiæ sive Sacræ, sive profanæ ullius exempli mentionem faciant, quod impulsus ejusmodi spirituales uno eodemque tempore in hominum multitudinem magnam incidisse, eamque simul ad actiones moralibus præceptis contrarias instituendas impulsisse dicat? Item an omnes ejusmodi personæ, quæ talis spiritus instinctu aliquid agunt, cæteris, quæ eodem instinctu non aguntur, præcipere possint, ut idem agant, ad quod agendum ipsi se à spiritu illo incitari dicunt? Christianorum verorū munus esse novimus,

novimus, instinctus ejusmodi spirituales & internos Sacrae Scripturae trutinâ examinare, & perpendere, num cum ea convenient, aut ab eâ discordent, ut eo pacto innotescat, an Dei, an verò Satanæ opus sit? an etiam exturbatis hominum cordibus, & mentibus proficiantur. *Si non loquuntur secundum legem, & testimonium hujus verbi, propterea fit, quod nulla in ipsis lux sit. 2. Pet. 1. v. 19.* Apostolus Petrus Iudæis, ad quos scribit, demonstrat verbum scriptum, Propheticum nimirum verbum, cujus tanquam normæ & amussis alicujus beneficio Spiritus sunt examinandi, & omnes ii explorandi, qui se inter nos ejusmodi instinctus spirituales sentire profitentur. Aliàs profectò Diaboli potentiam in animas nostras maximè firmaremus, & ipsum tentaremus, ut iterum nos tentationibus suis exagitaret.

Si præter omnia superscripta dicitis, omninò necessarium esse, ut hoc pacto agatis, ne actio vestra, quam præ manibus habetis, tanquam gloriosum opus, sicut jactatis, impediatur; atque idcirco has vias ingredimini, quas injustas & illegitimas vos ipsi confiteamini oportet, Nos respondemus, nulla necessitate hominem ad peccandum impelli debere. *An coràm Deo in justa loquimini? An coràm ipso fallacias loquimini?* Iobus dicit.

Nihilominus tamen hic necessitatis prætextus mipimum causæ vestrae pondus adjicit, ac nos maximè veremur, ut illa, quæ consequenda vobis proposuistis, justiora & æquiora sint
iis,

iis, quæ hæcenus magno conatu moliti estis, ac effectui dedistis. Necessitas, quam tanquam fulcrum actionibus vestris substernitis, maximam partem culpæ vestræ adscribenda est. In illegitimis vestris agendi rationibus nuper nullam necessitatem fuisse manifestò patet, & nos clàm non est. Parlamentum, antequàm à vobis violento impetu prosterneretur, plenum & liberum de iis, quæ foedere inito decreta, & longè antè communi utriusque Regni Parlamentorum consensu transacta sunt, summa contentione & summo studio laboravit. Præterea juramento grandi & Regiæ Personæ, & Parlamenti privilegiorum defensionì, ac tutelæ vosmet ipsos adstrinxistis. Manifestum autem est, & extrà omnem dubitationem versatur, nullam necessitatem dari, quæ legitimum jusjurandum vinculo suo solvat. *Execratio subita illum obruet, qui jurejurando falso nomine Domini abutitur.* Justissimi judicii Divini, quod juramenti præstiti violationem in pèrjuris vehementi poena ulciscitur, exemplum nobis proponitur in *Saule*, qui, quanquam actioni suæ bonum finem judicio suo præscripsit, & *Gibeonitas* populum olim execratione divinâ abjectum, & à Iosua ducentis annis ante in foedus Israelitarum receptum destruxit, foederis tamen ruptura & violatione hac non modo toti regno suo, verum etiam suæ propriæ familiæ & generi iram atque poenam divinam imposuit.

Seriis itaque precibus à vobis contendimus, & quidem ante faciem, & in conspectu Domini, ut

ni, ut ex viis his perversis egressi in foedere vestro stabiles permaneat, & *Iohannis Baptistæ* doctrinam militibus præscriptam in mentem revocetis; *Neminem concutite* (vel neminem periculo exponite) *neque dolo opprimite*, & contenti estote stipendiis vestris *Luc. 3. v. 14.* Sed si in via proposita ambulationem vestram continuaveritis, neque pedem retraxeritis; *Ecce contra Dominum peccavistis*, & certi estote, quod peccata vestra vos accusabunt. Animadvertite etiam, quando manus Domini vos obruet, & rotam in vos converteret, *scelerati & malefici hominis poenam vobis sustinendam*, & tanquam eos, qui aliena curant, supplicio afficiendos esse.

Sed quando ad munus vobis demandatum revertemini, erit cur Deo gratias pro successu optato agamus, quemadmodum è contrario non erit quod metuamus minas, quibus jam aliquot ex nobis, ut ex ipsis auditione percipimus, terrorem incutere voluerunt nuncii, quibus hoc in mandatis datum fuerat, & non vos ipsi, de quibus hæc non dicimus. Minæ illæ sunt, ut sequuntur; Si populum ad discordiam incitare non destiterimus, ac interea milites nos molestia aliqua affecerint, ut quicquid etiam sinistri nobis usu venerit, nobis ipsis acceptum feramus; Si novum bellum inde suscitatum fuerit, quod nulli ex iis veniam daturi, aut vitam condonaturi essetis, quicunque conatibus vestris sese opposuerint: Quod nec viris nec mulieribus, nec liberis, nec *Anglis*, nec peregrinis parcere velitis. Verum si propositio hæc nostra planè sterilis omni fructu sperato caruerit, muneri

158 *Theatrum Tragicum*

munerì nostro demandato satisfacimus, & animas nostras proprias ut speramus, liberavimus. Si casus nos opprimat, & ad ferendum ea, quæ nobis sinister rerum eventus imponet, cogat, instar Christianorum verorum cuncta tolerabimus, & patientiâ animum nostrum armantes patiendò benè agemus, utpote qui probe novimus, *ærumnosam ejusmodi crucem patiente animo toleratam Deo gratam, & acceptam, sanctorumque mortem in oculis ejus preciosam esse. Humilium enim, & oppressorum clamores & ejulatus non obliviscitur.* Aliquot ex nobis per nuncium à vobis transmissum significatum quidem est, quod si nos cruciatus, & ærumnis subicere velimus, satis multas nobis exantlandas fore. Veruntamen probè nobis innotuit; Deum illum, cui nos servimus, satis potentem esse, ut nos liberet, cujus tutelæ & voluntati, postquam mandato nostro munere functi sumus, animas nostras commendamus.

Atque ita zelo & studio gloriam divinam spectantè permoti, ut provinciam nobis non ab hominibus, sed à Deo demandatam bona conscientia obiremus, ac animarum vestrarum salutis æternæ consuleremus, apertè & manifestè judicium nostrum de vestris actionibus præsentibus ex cordibus vestris mero affectuum cœcorum turbine afflatis promanantibus declaravimus. Si Deo placuerit reformationem hanc vestram ad exitum speratum deducere, erit, de quo nos & omnes Ecclesiæ Christi Deo gratias agamus. Verum si è contrario peccatorum nostrorum, & totius regni puniendorum causâ
vos mi-

Londini Celebrat. 159

vos miseriarum, & confusionis, ad quas tanquam ad scopum omnes vestrae actiones collineant, instrumenta adhibuerit, cum *Ely* dicemus; *Dominus est, faciat, quæ ipsi placuerint.* Sed meliorem de vobis spem concipimus, & nomina nostra subscribimus. 27. Ianuarii Anno 1649. Servi vestri in Domino.

Tho: Gatakar concionator in Rotherhith, &c.

A P O L O -

IV.

APOLOGETICA DEFENSIO

Verbi divini ministorum in urbe Londino, & circa eam Habitantium.

Contra injustissimas calumnias

Priorum Literarum Parlamento exhibitarum occasione sibi aspersas, quasi capitale hoc Regis supplicium accelerassent.

Cum brevi admonitione ad

Ecclesias suas, quas ad foederis jure jurando stabiliti conservacionem hortantur.

Esaia 62. cap. ver. 1. *Propter Tzïonem non tacebo, & propter Ieruschalaima non quiescam: donec prodeat ut splendor justitia ejus, & salus ejus ut lampas ardeat.*

Proverb. 24. cap. ver. 21. 22. *Reverere Jehovam, fili mi, & regem: cum variis ne commiscetote: Nam repente consurget calamitas eorum, & Oppressionem istorum amborum quis novit.*

Neminem latere potest, quantis doloribus & cruciatibus nos, & alios in horum Regnorum

gnorum urbibus & locis verbi divini præcones, qui Parlamento summa fidelitate, & obsequio fidelissimo hætenus adhæsimus, malignarum linguarū foedissima spicula lacerarint, & quanta injuria pennæ libellis famosis injustissima mendacia credentes verberarint, & quidem ab initio calamitosissimarum simultatum, & portentosi belli inter Regem & Parlamentum in felicissimo auspicio suscitati; Quo hætenus durante oboedientia nostra, quam decretis & mandatis utriusque domus, dum cum Regiâ Majestæte in litibus & pugnis versatæ sunt, præstitimus, passim malè audivit, & foedis convitiis inquinata est.

Minimè nos fugiunt muneris demandati fines egredientia molimina Prælatorum, atque affeclarum eorundem, qui civilibus rebus imminentes, ac dominationi politicæ inhiantes Regnum in discrimen maximum adduxerunt, præcipuè cum privato suo commodo occæcati, ambitiosis suis conatibus seducti, vindictæ foeda cupiditate incensi, & aliis malis cupiditatibus stimulari functionis impostæ orbitâ relictâ ad aliena se declinarent, & falcem suam in alienam messeni immitterent. Nulla tamen ratione quis inficiari potest, ut quidem nos animum nostrum inducimus, concionatorum tanquam subditorum, qui cum cæteris legibus parere, & Regni libertatibus ac privilegiis tutela sua patrocinari debent, æquè ac aliorum maximè inter esse, ut leges ac privilegia facta actecta conserventur, ac proinde

non minus ipsis, quàm aliis incumbere, ut, omis-
 sâ poenarum ac suppliciorum justorum Poly-
 pragmonibus & multorum malorum archite-
 ctis irrogatorum exploratione, in legum & pri-
 vilegiarum communitati toti, cujus ipsi mem-
 brasunt, competentium defensione & conser-
 vatione operam suam præstent, præcipuè verò
 in ejusmodi rerum nostrarum constitutione,
 cum omnia ad mutationem se inclinant, ac
 ruinam subitam minatur. Imò cum Verbi Di-
 vini præcones agant, ne utiquàm silentio obmu-
 rescere debent in primis eo tempore, quo Gu-
 bernatorum ac Magistratum æquè ac aliorum
 peccata Divinæ iræ fomenta subjecerunt, ac
 Domini indignationem justissimam cervicibus
 suis accersiverunt. Ob eandem tamen causam,
 quia muti esse noluerunt, cunctis illis tempo-
 ribus, quibus Satanæ, & instrumentorum ejus
 malitia superior bonos & pios homines conatu
 horrendo opprimere molita est, fideles ministri
 Domini nostri omnium malorum architecti &
 fabri publicè renunciati sunt ab accusatoribus
 & calumniatoribus suis, qui ipsi utrique culpæ
 affines non modo ligna futuro igni struendo
 suppeditarunt, verum etiam incendium ipsum
 excitarunt, ut regnum incensum uno ictu in
 aëre dissiparetur.

Achab cum parasitis suis neminem aptiorem
 indicabat, qui destructionis in *Israele* exprobra-
 tionem, & culpam ferret, quàm *Eliam* pro-
 phetam. Pontificiorum machinatio proditi-
 onis pyrii pulveris adjumento exequendæ, si succes-
 sisset,

sisset, culpam in *Puritanos* derivare conabatur. Si *Tertullo* credimus, ipse *Paulus* ab inimicis & incredulis pessimus hominum appellatus modò seditionis author, modò *Sectatorum* caput & princeps audiebat, & in toto mundo malorum culpam ferebat. Imò *Christus* Dominus noster Monarchico Regimini addictus, & *Romanorum* Ethnicorum imperium approbans *Cesaris* tamen inimicus dicitur, & insimulatur, quod ad interitum ejus aditum patefaceret, cum tamen malitiosi ipsius convitiatores, qui nunquam de *Cesaris* commodo laborabant, sed contrarium conabantur, illud idem facinus, cujus culpam in Dominum nostrum conferebant, designarent.

Quamvis verò nostra, qui rem ipsam revera experti sumus eamque probè cognitam atque perspectam habemus, parum intersit, si proprias nostras personas privatim & peculiariter respicimus, ut ab hominibus judicemur, quandoquidem, si pater familias *Beelzebub* appellatur, multò magis ejus domestici nominis dicti participes futuri sunt; nihilominus tamen, cum in memoriam revocamus, quantum Magistri nostri referat, & omnium salutem concernat, ut munus, atque functio nostra ab omni macula pura & immunis conservetur, & nominis atque famæ nostræ integritas ejusdem respectu æquè aliis necessaria sit, ac nostra nobismet conscientia est, nihil aliud, quod aggredi audeamus, nobis restat, quàm ut animorum nostrorum integritatem, omniumque actionum no-

strarum, quæ Regem, atque Regnum concernunt, & tot ac tantis conviciis in pessimam partem rapiuntur, innocentiam tueamur, & defendamus.

Quod ut hoc tempore faciamus, maximè impellimur à quam plurimis, qui liberè quidem sed tamen admodum injustè nos onerant convicio admodum horrendo, quo antehac instrumenta fuisse, & Regis mortem promovisse dicimur. Accedunt plures alii, qui non modo nequissimis suis libellis famosis, & scriptis conviciorum plenissimis nos coràm mundo calumniis horrendis proscindunt, verum etiam lingua sua venenata, ac dente Theonino rodunt, nos sanguinis avidam ac seditiones excitantem sectam appellantes, ac dicentes, quod proditoriis nostris impedimentis omnia ea impediamus, & remoremur, quæ omnes pii in Regno subditi Religionis restituendæ, & pacis recuperandæ causa appetunt, quoniam in Regis executione ancipiti dubitatione hæremus cum tamen, ut falsò clamitant, eo contenti simus; quod ipsum convicerimus, & condemnaverimus. Has calumnias omnes ut seriâ contradictione à nobis amoliamur, necessitas nos urget, quibus etiam coràm toto mundo jam contradicimus.

Cum prima vice nos cum Parlamento conjungeremus non quidem spontaneo motu, sed vocati, serio animo, & puro ergà Regem ac posteros suos amore hoc faciebamus, tantum abest, ut personam ipsius damno aut malo aliquo

quo mulcare voluerimus; Hoc tantum quærebamus, ut adversarii ipsius impedirentur, quo minus Regno majus damnum inferrent; non autem ut Regia Majestas ipsa Justitiæ tradere-
tur, quemadmodum nonnulli jam loquuntur, sed potius melior Justitiæ administrandæ occasio ipsi restitueretur, & mali ac perniciosi homines ab ipso removerentur; ut thronus ipsius justitia stabiliretur & firmaretur, non verò ipse ex throno ejectus horrendâ cade vitâ privaretur, quod facinus valdè veremur, ne paratissima ad omnium horum Regnorum inter-
necionem via futura sit. Quod nostrum aliqui prima vice in Parlamento comparuerint, propositionis & decreti de pecunia & argenteis vasis conferendis 12. Junii Anno 1642. pronuntiati occasione factum est. Tum temporis firmâ pollicitatione nobis promissum est, quantumcunque etiam pecuniæ & argenti collatum foret, nulli alii rei impensum iri, nisi Religio-
nis Protestantis, authoritatis Regiæ, Personæ ipsius, dignitatis Regiæ, Justitiæ liberæ, legum Regni cardinalium, Pacis generalis, & Parla-
menti privilegiorum conservationi, & defensionis contra quamvis potestatem, quæ se his omnibus oppugnatione aliqua obicere veller.
Atque in hac certitudine nostra indies magis ac magis confirmabamur tot declarationibus & protestationibus se invicem magno numero consequentibus, quibus nos ut fidem haberemus, muneris nostri ratio nos obstrictos putabamus, ut pote qui probè noveramus, multos

166 *Theatrum Tragicum*

ex ipsis religiosos & conscientiae purae studiosos viros bonum publicum seria promotione augere, atque huic rei uni summo studiorumque contentione incumbere, ut tandem Regnum hoc ex tyrannidi & servitute, in quam nonnulla perversa, & perniciofa instrumenta in Regio comitatu versantia Regnum praecipitare conabantur, eriperent, & in libertate pristina stabilirent.

Sed postquam praesentibus actionibus Westminsterii tot Parlamenti membra exclusa & ejecta, & diversi assessores capti sunt, alii vero se à reliquorum consortio segregaverunt, ac utriusque Domus conjunctio jam non est, qualis antea fuit, planè contenti esse non possumus, utpote qui persuasum habemus, quod tantum à legitima, quae faciunt, faciendi auctoritate absint, ut nostram sententiam omnes eorum actiones tendant ad universalem mutationem, si non everisionem ejus, quod honoranda Communitatis Domus in declaratione sua 17 Aprilis anno 1646. nos docuit appellare fundamentalem hujus Regni constitutionem & gubernationem, quam se nunquam mutaturum, si rectè rem intelligimus, firmissimè affirmavit. Imò nos ipsos fortissimo officii nostri vinculo Deo, Religioni, Regi, Parlamento, atque Regno devinctos esse arbitramur, ut coràm Deo, Angelis, & hominibus aperte fateamur, indubitanter, ac firmiter nos credere, negotium illud, quod in procinctu jam stans valdè metuitur, Regis nimirum mortem praesenti juris actione

aetione procurandam, non modò cum Verbo Divino Religionis Protestantis nunquam adhuc vel mininâ sanguinis Regii guttula maculatae fundamento, ac hujus Regni constitutione & gubernatione, cui corpus universum innititur, non convenire, verum etiâ è contrario adversari juramento fidelitatis, contestationi publicæ 5. Maii anno 1641. factæ, ac solenni jurejurando confirmato foederi, quibus cunctis & singulis vinculis nullius in terrâ potestatis interventu nos, & alios solvi posse firmiter asseveramus.

Cum ultimo foedere, & conjunctione animos nostros firmissimâ concordiae copulâ combinassemus, manibus ad Deum omnipotentem elevatis juravimus, quod omni justitiâ & concordia quisque mandatum sibi munus obiens etiâ bonorum & sanguinis nostri objectu & jacturâ Parlamenti jura & privilegia, Regnorum libertatem, & Regiæ Majestatis Personam, in cujus defensione Religionis veræ & libertis Regnorum tutela consistit, tueri, defendere, ac conservare velimus, ut totus mundus conscientis nostris testis accedens fidelitatem nostram, & quod ne minima quidem cogitatione Regiæ Majestatis justam potentiam & magnificentiam minuere cupiamus testificari queat.

Ejusdem foederis articulus alius arcto adhuc vinculo nos constringit, ut nec apertè nec oblique ullis conjurationibus persuasionibus, aut terroribus nos divelli patiamur ab hoc benedicto,

dicto, & salutari foedere, nisi ab eo desciscen-
tes nos ad contrariam partem conferre velimus,
aut etiam recipere cupiamus ad execrandam
illam partem indifferentem, in hac rerum con-
stitutione, & in ejusmodi statu, in quo Dei
gloria, Regnorum salus, & Regis autoritas
& Majestas maximè aguntur. Ut itidem toto
vitæ nostræ decursu in eodem foedere unanimi
consensu stabiles permâneamus, omnibus ei-
dem adversantibus nos opponamus, illudque
ab omnibus impedimentis defensum pro virili
nostra promoveamus. Jusjurandum, quo nos
sanctæ omnium in foedere hoc servandorum
observationi obstrinximus, non solum ipsi præ-
stitimus, sed maxima etiam nostrum pars Par-
lamenti jussu alliis illud proposuimus, eoque
illos ipsos perinde ac nos in universalis hujus
foederis communionem pertraximus.

Foederis igitur hujus inter nos initi rationem
habentes Dei Optimi Maximi, cui nos omnes
accuratam villicationis nostræ rationem redda-
mus necesse est nomine monemus & hortamur
omnes, qui vel immediatè ad ministerium no-
strum pertinent, aut alio aliquo modo ab eo
dependent, aut quibus superscripto foederi se
associare authores fuimus, (ne silentio nostro
ipsos horrendum periurii peccatum designare
permittamus) ut in viis à Deo præscriptis, &
Religionis, legum, ac promissionis canonibus
& regulis constantibus animis perseverent, in
veræ Religionis reformatæ, & hujus Regni
Constitutionis & gubernationis defensione &
tutela

tutela stabiles permaneant, nec ullis mediis à foedere semel constituto se abduci sinant, ut nuperrimè excogitato & à populo approbato modo seu regiminis formæ ab utraque Parlamenti Domo, quantum ad substantiam ejus attinet, anno 1647. declarata & pronunciata, quod Parlamento & Gubernationi interitum minetur, & etiam antehac à summo militum Imperatore ipso, Consilioque ejus bellico, quod ea de causa militem eam promovere conantem, ut sclopetis confoderetur, condemnavit, reprobata subscribant: Formæ inquam isti, quæ ad Regni hujus gubernationem fundamentalem evertendam rectà tendit, ac aditum præbet universali tolerantia admittenti omnes hæreses & blasphemias directè se nostro foederi opposcentes, quarum patronos & defensores istius formæ architecti in societatem suam adsciscere student, ut eo pacto sub libertatis Religioni Christianæ concessæ prætextu latitare quæant. Omnes etiam hortamur ut in Parlamentorum privilegiis ac foedere sanctissimo, quo utrumque Angliæ & Scotiæ Regnum in pulcherrimum corpus coaluit, conservandis & retinendis omnem operam collocent, ut amarâ & seria poenitentia non solum propria sua, sed etiam Urbis, Exercitus, Parlamenti, & Regni totius peccata defleant, & imprimis misereantur miserandos errores Regis ipsius, (quos nonnisi multos & magnos agnoscere possumus,) administrationis suæ tempore commissos, qui tribus his Regnis tanti constituerunt, ipsumque Regem ex Majestatis suæ

throno in in tam horribilem & profundum miseriarum omni ferè exemplo carentium barathrum præcipitaverunt. Ut à Deo seriis præci-
bus contendant, ut ipsi in horrendas harærum-
nas devolutæ væram poenitentiam largiri, ac
amaritudinis plenum hunc calicem à Divina ira
infusum, & Divinæ providentiæ permissu in
manus traditum adimere, & potestatem ho-
minum efferam refranare velit, ne in confide-
rata temeritate, & effrænata audacia Domini
& Regis sui sanguinem profundant, & per-
niciem atque interitum huic Regno accersant.

Jam autem non sine ratione expectamus,
ut ij, qui foedere tam sancto nos copularunt,
& ejusdem occasione ad hujus præsentis de-
fensionis, ac sententiæ nostræ manifestatio-
nem, ac conscientiarum nostrarum liberatio-
nem necessariam impulerunt, nos in tam justa
causa patrocinio suo defendant. Quocunque
res etiam abitura sit, firmiter in animum no-
strum induximus, quod in eorum numerum
referri malimus, qui ejus Majestatem extime-
scunt, & reverentur, à quo tanquam igne
consumente omnes foedisragi horrendis poenis
& suppliciis afficiuntur, quàm in eorum con-
sortio offendi, qui jusjurandum parvi facientes
foedus in Domini nomine conflatum, ac ju-
rejurando elevatis ad coelum manibus præ-
stito firmatum infringunt, quasi civilitantum
ratione ac cum vulgo initum sit.

C. Burgers D. Th. concionator in Paals
Lond, etc.

Non

Non esse, iur recenset, quod ex centum & novem Scotiæ Regibus populus poenas inflixerit, eorum nonnullos in exilium mittens, alios in vincula concjiciens, & quosdam etiam vitâ ipsa privans. Nullum regnum maleficorum, & officio suo non satagentium poenisque meritis maleficia sua luentium Regum exempla crebriora suppeditare. Exempla conquirendi causa non longè abeundum esse: Recens aviæ hujus regis occurrere, quæ regni clavum depone jussu filium infantem ejusdem hujus regis patrem successorem vidit. Nec Angliam exemplorum penuria laborare, cum Eduardi secundi, & Richardi secundi Regum exempla sint notissima. Eum qui historias ipsorum accurata mentis lance excutiat, proculdubio animadversurum, crimina quorum illi accusati sunt, cum hujus Regis maleficiis capitalibus nequam componi posse. Apertum item & manifestum esse quoad hæreditariam successionem, dimidiam partem Regum viginti quatuor post Conquæstorem Ordinum Regni beneficio coronam consequutam esse.

Juramentum ejus in coronatione ab ipso præstitum manifestare, actionem & contractum inter ipsum & populum intercessisse.

Postquam Præses hæc atque multa alia de Regum potestate, ipsorumque in jus vocatione, ut de fidelitatis juramento non servato rationem reddant, in medium adduxerat, atque exposuerat, quo pacto Rex coràm judicio præsentis accusatus criminum in simulato-
rum

rum reus, atque tyrannus, proditor, homicida, & publicus communis Causæ, ac boni publici hostis esset, porro Curix nomine indicabat, omnes ex animo optare, ut eorum, quæ designasset, seriam poenitentiam ageret, & Deus melioris ejus partis, id est animæ miseresceret. Alteram verò ejus partem corpus nempe quod attineret, sui muneris esse, ea facere, quæ leges præscribant. Se non *juris dandi* sed *dicendi* causa adesse. Oportere se memores esse eorum, quæ sacra scriptura dicat, *Nocentem dimittere perinde horrendum esse, ac innocentem condemnare.* Reum nullo pacto absolvere possumus. Regem debere jam audire sententiam sibi prælegendam, quæ contineat poenam lege tyranno, homicidæ, ac regni aperto inimico irrogandam.

Sententiam membranæ in scriptam scriba legebat.

Sententia in Regem pronunciata.

Siquidem Angliæ Communitates nos in magna Iustitiæ Curia assessores & judices constituerunt, ut in CAROLUM STUART Angliæ regem actionem institueremus, & ipse tribus diversis vicibus criminum commissorum postulatus est, primo accusatio proditionis summæ, & aliorum criminum & facinorum ipsum insimulans prælegebatur, quam hic prælegendo iteramus.

Accusationem ab initio positam iterata lectione scriba repetebat.

Accusatione hac prælecta CAROLUS STUART monitus est, ut ad ipsam responderet; sed responsionem

sponſionem dare recusavit : His dictis compendioſè ea , quæ in reſponſionis reſuſatione durante actione geſta erant , repetebat ac tandem ſententiam ipſam ſubjungebat ;

Propter quas proditioes , & quæ maleſicia judicium hoc CAROLUM STUARD tanquam tyrannum , proditorem , homicidam , & publicum hoſtem damnatoria ultimi ſupplicii ſententiâ morti adjudicat , ut caput ipſius à corpore ſeparetur.

Post ſententiam lectam Præſes dicebat ; Sententia hæc modo lecta & publicata totius Curia Sententia, judicium, & decretum eſt. Quibus verbis auditis tota Curia ſurgens ea , quæ à Præſide dicta erant , communi conſenſu approbabat.

Rex. Placetne, Domine , unum verbum audire.

Præſes. Domine , poſt ſententiam pronunciatam nulla tibi audientia concedi poteſt.

Rex. Non, Domine ?

Præſes. Non Domine , permiſſu tuo Domine. Excubiæ captivum abducite.

Rex. Mihi poſt ſententiam loqui licet. Cum venia , Domine , Omnino mihi poſt ſententiam loqui licet.

Cum venia (expecta) Sententia ; Domine Dico, Domine Ego

Mihi omnis loquendi facultas adimitur. Quid juris alii homines aliquando habituri ſint , tempus docebit.

Præco. Omnes , quibus aliud quid negotiū eſt , hinc diſcedere , & in picta Camera , in quam

quam Curia hæc mox se conferer, expectabit.

Curia autem surgens abiit. Rex excubitoribus suis stipatus in Domini Roberti Cottonis ædes, ac inde in Witte-Hall se recipiebat.

A R G U M E N T A

Regis magnæ Britanniæ putato justitiæ senatui de Rege judicando antè Sententiæ pronuntiationem oblata, sed non admissa, ut vel ore efferrentur, vel scripto exhiberentur:

*Quibus Curie dictæ, & Iudicum constitutio, ac omnium actionum in Regem habitatum institutio illegitima, & juri-
bus Regni fundamentalibus repugnans demonstratur.*

Contestationem meam putatæ huic Curie denunciata hæcenus opposui, & idè, cum nulla in terris potestas sit, quæ me Regem vestrum in iudicium jure protrahere possit, hujus rei nomine verbum ullum facere amplius plane desinerem, si negotium me solum, & unum attingeret. Verum quoniam
munera

muneris mihi à Deo concrediti vinculo cum libertatis Populi mei conservatione copulatus sum, silentio reliqua præterire prohibeor. Qua enim ratione ullus Angliæ liber subditus vitam, aut quæ cunque possidet proprietatis jure sibi competere dicet, si potentia sine jure novas leges quotidie prolubitu ferre, & antiquas, fundamentalesque Regni leges abrogare potest? Hoc in præsentî nostra causa fieri dico. Propterea, cum huc venirem, illud unice expectabam, ut mihi quoad fundamenta hæc justa me accusationi vestræ imaginatæ respondere impediencia satisfaceretis. At quamvis animadvertam, ea quæ dicturus sum, vos nullo pacto commotura esse, & quanquam Negativa difficilius probantur, quàm affirmativa, pauca tamen vobis argumenta proponam, quæ me certissimum reddunt, penes vos non esse sententia aliqua vel minimum & vilissimum Regni subditum capitis condemnare, Cum huc usque loquendo pervenissem sermo meus abrumpebatur, & plura loqui prohibebatur tantum abest, ut idem in Regem vestrum vobis excessi liceat. More & consuetudine vestra opinionem aliquam nullis argumentis aut rationibus munitam subditis meis obtrudere non conabor.

Nullæ actiones in aliquem intentari, aut justæ etiam appellari possunt, nisi illæ, aut legibus Divinis congruæ, aut legibus in Regione usitatis conformes sunt. Firmiter autem, & sine omni dubitationis scrupulo animum meum induco, quod hujus diei actiones, quibus oppressus sum verbo divino neutiquam stabiliri, & defendi queant contrarium potius ex Sacris literis manifestè patet; & Regum autoritas, debi-

debitaque ipsis oboedientia expressis Spiritus Divini mandatis tam in Veteri, quàm Novo Testamento & firmantur, & præcipiuntur. Cujus rei veritatem si quis negare auserit, equidem mox eam sacri textus testimonio asseram. Eccles. 8. v. 4. Sapientissimus Salomo *Vbicunque, inquit, verbum Regis est; ibi dominatio, ecquis dicat ei, quid facis?* Si leges Regni testes accedere debent, haud minus certus sum, nullum Jurisconsultum peritum, & exercitatum affirmaturum esse, ulla accusatione Regem aliquem gravari posse aut debere. Unus etiam ex canonibus ipsorum est; quod *Rex nullam in juriâ designare, aut committere possit.* Huc accedit, quod maximè notandum, Legem nimirum, quam actionibus vestris tanquam fundamentum substernitis, necessariò aut antiquam, aut novam esse. Si antiqua est, eam testimoniis probate; Sin verò nova, dicite mihi quænam autoritas Cardinalibus Regni legibus innixa eam condiderit, ac quonam tempore illud factum sit? Sed quonam pacto Communitatis Domus Justitiæ Senatum aut Curiam instituere possit, cum ipsa nunquam talis fuerit, ut omnibus Jurisconsultis probè & apertè constet, Deo, & toti terrarum orbi judicandum relinquere. Æquè mirabile auditu etiam esset illi qui nunquam de Regni Angliæ legibus quicquam audivit, quod sine Baronibus, & Rege legum quamcunque fabricam imaginatam sibi licere autument. Posito etiam, sed non concesso casu, quod in Delegatorum Populi

puli Angliæ potestate situm sit vos ejusmodi potestatem, quam vobis ipsis opinione vestra attribuitis, participes reddere, non tamen video, quod ejus rei testimonium exhibere vel possitis, vel velitis. Ex decem Regni subditis ne uni quidem hanc controversiam proposuistis, cum tamen etiam minimum aratorem injuria afficiatis, si ipsius hoc in negotio consensum non requiritis. Nequè etiam huic delegatæ vestræ Jurisdictioni, quam arripuistis, ullum prætextum quantumvis speciosum prætexere potestis sine consensu vel minimæ Personæ in Anglia, cujuscunque etiam conditionis fuerit, quod tamen tentare nunquam vos ausos fuisse certò scio, ut non dicam quod ullo unquam tempore ejusmodi consensum generalem, & universalem acceperitis.

Hinc videre, & colligere potestis, quod non solum pro meo jure proprio jam vobiscum in contentionem veniam, sed etiam justissimæ libertatis populi, & subditorum meorum causam agam. Certè libertas hæc in divisione potestatis & regiminis non consistit, sed in vivendi ratione ejusmodi legibus subjecta, ex quibus optima & certissima vitæ incolumitas, & proprietatis bonorum securitas manare potest. Hic oblivioni dare non debeo, nec etiam obliviscor utriusque Domus Parlamenti privilegia, quæ ante harum actionum irruptionem non modo perfidè violata sunt, verum etiam violata fidei & fidelitatis publicæ maximam corruptionem, ac perfidiam summam, qualem ante hac

M

nunquam

nunquam auditam esse credo, procrearunt. In utramque Domum culpam non confero. Absit, ut hoc faciam. Omnium enim istorum malefactorum ex cogitatorum accusationem, ut ex ipso die adscripto luculenter patet ante ultimam tractationem Nieuporti institutam machinati sunt; tractationem inquam illam, quam pro virili mea terminare conatus sum, & etiam terminavi. Dum vero utriusque Domus approbationem, & conclusionem magna spe exspecto, subito & in expectato impetu opprimor, atque captivus abripior. Ea igitur de causa invitus huc adductus sum, & postquam huc veni, intermittere non potui, quin antiquas Regni leges, ac Populi libertatem cum juribus & prerogativis meis, quantum quidem in me situm fuerat, de tuerer ac defenderem. Jam, prout ex iis, quæ hætenus gesta sunt, coniecere possum, Domus superior penitus omni authoritate exuta est. Inferiorem autem Domum seu Communitatis domum quod attinet, nemo est cui non in notu erit, potissimam ejus partem aut ejectam esse, aut præ metu sedilia sua occupare non audere; quæ res profecto tanti est momenti, ut si non aliam contestationis justissimæ causam & occasionem haberem, hæc mihi ad contestationem meam Curiae huic vestræ autoritatis arreptæ speciem præ se ferenti denunciandam & opponendam vel sola maximè sufficeret. Præter omnia hæc Regni Pax & Tranquillitas haud parum me sollicitum habent. Quænam stabilis aut constantis ali-

tis alicujus status spes esse potest , quando *potentia nullis legum limitibus definita dominatur* , ac totam regiminis sub quo Regnum hoc plurimis abhinc annis florentissimum semper fuit , structuram immutat. Silentio involvam ea, quæ consequutura sunt , si effrenes & injustæ hæ actiones in me ad finem constitutum perducantur. Mihi credite ; Angliæ Communitas promutatione hac occoepta exiguam gratiam vobis habebit. Nunquam enim ex memoriâ deponet florentissimum & augustissimum statum, in quo versata est , cum Elisabetha Regina , Iacobus Rex pater meus , & ego hujus Regni clavum teneremus : Felicitate illâ tandem infelicibus his turbis ex Regno exterminatâ & in maximas difficultates & ærûmnas mutatâ subditi jam metuendi maximam occasionem habebunt , ut unquam sub novo ejusmodi regimine fortunatissima sua vivendi ratione iterum compotes futuri sint. Ex tempore autem felicitatem dictam sequuto manifestè & aperte vobis patere arbitror , quod nullum aliam ob causam, quam ut leges Regni fundamentales ab interitu vindicarem , ad arma me contulerim , postea quam ii , qui me oppresserunt , simul etiam antiquam regendi formam turpi metamorphosi immutarunt.

Atque hæc sunt argumenta illa , hæc sunt rationes illæ ponderosæ , propter quas Curix huic auctoritatem sibi non competentem arroganti sine muneris mihi à Deo impositi , ac Populi mei salutis & libertatis læsione & violatione me

submittere non possum. Idcirco à Vobis expecto, ut aut manifestis rationibus actionis vestrae judicariae jus firmetis, & me erroris mei convincatis, (quod facto ad respondendum vobis promptus ero) aut eadem actione mihi intentatâ supersedeatis.

PRECATIO REGIA

CAROLUS STUAD magnæ
 Britanniae Regis, quam in carcere
 propria manu litteris mandavit.

O Rex regum, qui coelum & terram plenitudine tua complex, qui aeternae vitae fons & scatebra es, in quâ nulla mortis umbra reperitur. Tu Domine, & justâ nos morte ex miseriarum hac valle avocas, & in eadem morte per Servatorem, & Salvatorem nostrum ab aeternâ morte vindicas. Longè satius est, ut in hac vitâ nobis ipsis moriamur, quam nobis ipsis viventes te Domino nostro spoliemur. Da, quæso, ut ex multiplicibus meis ærumnis & cruciatibus, quas tanquam homo & Rex sustineo, in animâ meâ, tanquam homo verè Christianus tuæ singularis gratiae, & consolationis fructus & commoda persentiscam. Domine, si tu mihi præstò fueris, nullius mali sensu afficiar,

ciar, quamvis per mortis vallem & umbram mihi transeundum sit. Cum morte conflictari hominis virium propriarum debilitate, & corporis mortalitate concidentis; Eandem verò superare, tuæ solius est gratiæ, qui Omnipotens, & immortalis Deus es. Mi Servator, qui novisti, quid sit instar hominis pro me mori, me etiam, doces, quid sit tecum, mi Deus, per morrem in vitam penetrare. Quamquam mihi moriendum sit, scio tamen, quod tu liberator meus vivas. Quamvis me ferias, animum tamen mihi addidisti, ut æternæ vitæ fructum me consequuturum confidam. Amorem & favorem tuum omni vitâ me liores mihi subtrahere noli. Ne procul à me recedas quam crudelis & horrenda mors mihi immineat, novi. Quemadmodum omniscientia tua, Domine, se hic manifestat, ita etiam omnipotentia tua omnes conatus eorum, qui interitui meo inhiant, & sanguinem meum sitiunt, ad nihilum redigere potest. Per voluntatis ipsorum malitiam voluntatis tuæ bonitatem mihi demonstra. Non modò veniam mihi das, ut tanquàm homini mihi orare liceat, *ut hic calyx à me auferatur*; verum etiam me tanquam Christianum Christi Servatoris mei exemplum imitantem hæc verba adjungere docuisti; *Non mea, sed tua voluntas fiat*. Imò Domine fac, ut mea & tua voluntas una sit, & utraque in unam redeat. Vivendi cupiditatem in me exstingue, & suscita summum in me desiderium faciendi voluntatem tuam, aut tolerandi, ut eadem in me & vivente

182 *Theatrum Tragicum*

& moriente fiat. Quemadmodum firmiter credo, omnes vitæ meæ errores, omniaque peccata mihi abs te remissa esse, ita etiam spem firmissimam concipio, quod à mortis terroribus & anxietatibus me custodies. Largire mihi gratiam tuam, ut in nulla alia re magis acquiescam, quam in reliquenda mundi hujus vanitate, ut omnia re ipsa in te, qui Christum mihi viventi lucrum, & morienti commodum fecisti, possidere queam. Quamvis inimici mei officii sui tibi ac mihi debiti obliviscantur, misericordia tamen tua, Domine, ipsorum inconsiderans & temerarium peccatum tegere non obliviscitor. Quid commodi ex sanguinis mei profusione, Regnorumque meorum in vasionem percipiunt, si animas suas proprias perdunt? Qui non solum potentiae meæ justissimæ obstiterunt, verum etiam eadem in perniciem & interitum meum abusi sunt.

Ne ipsos à facie tua reiicias, quamvis ejusmodi rejectionem forsan meriti sunt. Fecisti, ut Filius tuus multorum à quibus in crucem agebatur, Servator esset, dum ipsorum violentam tyrannidem voluntaria & spontanea patientia toleravit. Elito vox & clamor sanguinis ejus longè efficacior ad restringendum peccatum, quod percussores mei cæde corporis mei committunt, quam sanguinis mei ejulatus qui vindictæ clamore eos ad poenam meritam citat. Præpara animas ipsorum ad gratiam tuam recipiendam verè ipsos peccatorum suorum vincendo.

vincendo. Ne permitte, ut proprias suas animas pessundent, ac in æternam damnationem præcipites agant justitiæ falsæ fallacibus verbis seducti, quorum impulsu me opprimere cupiunt, utpote qui injustam suam potentiam in me usurpantes unicum hunc scopum semper propositum habuerunt, ut summa & extrema violatione me aggrederentur. Domine, nosti, quod misericordiam ipsorum ergà me fucatam & fallaciis plenam, ac crudelem deprehenderim, cum perfida conservationis meæ simulatione perniciæ: & interitus mei cupiditatem rectam perfidè dissimulaverint. Non tanquam sanguinis siti laborantes, & ex fallaciis compositos homine ipsos tracta, sed crudelitatem ipsorum misericordia tua amoris plenissima vince. Si sanguinis mei causa inquisitionem feceris, sanguine filii tui cæde quidem inquinatas, at resipiscentes ipsorum animas consperge, ut angelus tuus percutiens ipsas transeat. Quamquam cogitant, regna mea terrestria nimis angusta esse, quæ me et illos conjunctim capiant, me tamen cum hisse hostibus meis in spaciosissimum immensæ tuæ gratiæ regnum tandem recipe, ubi per sanguinem servatoris nostri tibi reconciliati depositis omnibus hujus ambitionis tot persecutiones & invidias mortales, & capitales parientis cupiditatibus vivemus. Quando manus ipsorum potentiam suam gravissimam & crudelissimam in me exercebit, da, Domine ut me teneræ & æternæ tuæ gratiæ manibus complectaris, ut illud quod mo-

mento hoc miserrimo de vita mea ademptum est, in perpetua æternitate tua compensari possit. Dimitte igitur, Domine, servum tuum cum pace, secundum verbum tuum.

X.

ACTIO EXECUTORIA,
Qua Rex die Martis xxx. Ianuarii vita orbatus est. Verba Regis ultima in theatro pronuntiata, & ejusdem exequiæ.

Post sententiam 27. Ianuari pronunciatam Rex, ut ad mortem se præpararet, per Tribunum militum Thomlison, qui excubiis eum custodientibus imperabat, vespertino tempore petebat, ut Doctori Juxon ante hac Londinensi Episcopo sibi adesse permetteretur, ac duo sui liberi Regii ex Syon domo ad se deducerentur. Utraque petitione concessa priore & sequenti, quæ inter 28. & 29. Ianuarii inter cedebat, nocte in Whittehall commoratus est. 28. Doctor Juxon præsentem ipso in conclavi precibus ejusdem destinato concionem habuit. Matutino tempore diei Lunæ, qui erat 29. ex Whittehal in S. James se contulit, ut liberos suos inviseret. Eò cum venisset, benedictionem

nem suam ipsis impertivit , ac filiae principi duos adamantes dono dedit. Loquentem animus nunquam defecit. Illo ipso die Curia Iustitiae magna decreto publico aream spaciosam antè Banquethuys in Whittehal Sententiae contra Regem pronunciatae effectui dandae destinavit , ut videlicet capitalis animadversio sequenti die 30. nimirum Ianuarii inter decimam antemeridianam , & tertiam pomeridianam in dicto loco fieret. Constituto itaque tempore circa horam decimam ex S. Iames pedes ad Whittehall ivit , stipatus legione pedestri passis vexillis , tympanorumque crepitu incedente, cujus dimidia pars satellites nobiles , qui hactenus ipsum custodiverant , nudis capitibus antecedentes praebant , altera vero Doctorem Iuxon ante hac Episcopum Londinensem , atque Thomlison militem tribunum nudis capitibus à tergo incedentes , & sermones cum eo miscentes proximè sequebatur. Ad Xysti gradus cum pervenisset , in cameram suam , in qua dormire solitus erat , ascendit , ubi tempus precibus seriis , gemitibusque ad Deum mittendis consumebat Prandio corpus reficere negabat , eò quod matutino tempore ejusdem diei in S. Iames cum Doctore Iuxon Sacram Synaxin celebraverat ; idcirco nonnisi parvum vitrum vino repletum exhausit addito panis frusto, quibus circa duodecimam virium aliquo pacto refocillandarum gratia usus est. Cum à meridie dimidia secunda audita esset , ex camera egressum , ac per milites hastis & sclopetis

armatos & ab utroque latere constitutos, quâ ipsi per Banquethuys ædes ad theatrum antè illas erectum eundum erat, transeuntem Doctor Luxon, Thomlison, & Hacker militum tribuni, alique præfecti militares comitati sunt. Theatri ante dictarum ædium fenestras inter portam ædium Whittehal, & ambulacrum ad S. Iames ducens erecti latera, ut & pavimentum, in cujus medio truncus securim sustinens paratus stabat, atro panno vestita erant. Tota autem area, ut omnes aditus circum circa: pluribus equitum ac peditum turmis muniti aliaque civitatis loca militibus completa erant, ut omnis tumultus occasio impediretur Innumerablem etiam hominum, ut spectaculum hoc horrendum, & antehâc nunquam auditum inspicerent, turba ad theatrum confluxerat. Rex in theatrum perveniens mox in coelum oculos conjecit; postea truncum in tuitus tribunum Hacker interrogabat, an non altior aliquis in ejus locum reponi posset. Hinc ad populum oculos convertens, eumque aspiciens tandem Thomlison tribunum sequentibus verbis affatus est: Sermonem meum hic ad spectantium aures non perventurum video; idcirco tibi non nulla adhuc dicam. Equidem tacere possem, nisi vererer, ne multi ex silentio meo conjecturam facturi essent, me criminum, quorum accusatio mea mentionem facit, conscium esse.

Verum meas esse partes arbitror profectas ex debito, quo Deo & Patriæ me obstrictum
novi,

novi, ut me virum integrum, Regem bonum, & Christianum verum præstem, & me talem esse toti mundo re ipsa patefaciam. Primum ab innocentia mea sermonem meum exordiar, quanquam ut multis eam declarem non opus est, utpote quæ toti terrarum orbi satis innotuit, Nemini autem hominum ignotum est, Deum, cui ratio mihi reddenda est, testem invoco, quod bellum hoc Parlamenti mei debellandi causa non susceperim, nec toto meæ vitæ curriculo illud privilegiis suis denudare enixus sim. Illi ipsi assessores Parlamenti initium belli fecere, dum militarem disciplinam, & cætera ad bellum pertinentia, quæ mei juris & potestatis esse ipsi fassi sunt, mihi ex manibus eripere studuerunt. Si quis mandata mea militaria, & ea quæ ipsi dederunt, inspexerit ex dierum apposis notis differentiam facile animadvertet, & sciet, unde bellum hoc originem suam traxerit. Deus, ut spero, ex tenebris in lucem protrahet, & authores illos manifestabit. Iphis, quæ fecerunt, condono. Equidem ipsos ejusmodi factis onerare nolo ac potius spero, quod extra culpam sint. Firmiter enim mihi persuadeo, malos consultores consiliis suis pravis & perversis sanguinis profusionem tantam excitasse, & hujus tanti mali incitamenta fuisse. Meam conscientiam omnibus his difficultatibus in Regno concitatis liberam & vacuam invenio: Faxit Deus, ut idem ipsi dicere revera possint & se integros vitæ, horumque omnium puros inveniant. Deus tamen prohibeat, ut ex
naturæ

naturæ meæ debilitate Iudicium hoc Dei arbitrio mihi jam impositum iustum esse diffitear.

Sæpe numero enim Deus Sententia iniuste pronunciata iustum iudicium exercet, quod ita velim intelligatur, me iniusta sententia Hiberniæ Proregem condemnari permittentem nunc iterum iniusta Sententia morti adjudicari. Eò usque innocentiae respectu progressus sum.

Ut autem jam vobis quoque demonstrem, me boni Christiani titulo haud indignum esse, ad ea, quæ paucis dicturus sum, animum attendite. Equidem spe eâ nitor, virum illum bonum, qui hic præstò est, (his verbis concinato-rem designabat,) testimonio suo affirmaturum, quod omnibus hominibus condonaverim, præcipuè verò iis, qui mortis, interitus mei corporalis primarii architecti extiterunt. Quinam illi sint, Deus novit; ego autem nosse nequaquam cupio. Hæc charitati meæ non sufficiunt, sed eam ulterius progredi jubent. Ex animo ipsis precor, ut mentis caligine remota delicti sui cognitione illustrentur, & videant, quanto peccato animas suas inquinaverint. S. Stephanum imitans precibus seriis à Deo contendo, ut ipsis illud non imputet, sed potius gratiam suam largiatur, quò regiam viam ad pacem misero meo Regno, & Populo necessariam & utilem ducentem ingrediantur. Officii & muneris mei ratio hoc requirit, & postulat, ut pro Regni & subditorum meorum pace & tranquillitate preces meas effundam.

dam. Hoc, Domini mei ex animo precor, ac spero, nonnullos hîc fore, qui verba hæc mea palàm facient, quò tandem pax Regno meo restitui queat. Jam, Domini mei, viam, à qua devii estis facti, vobis ostendam necesse est, ut ad eam reducti erroribus vestris supersedeatis. Actionibus vestris, quantum ego quidem animadvertere potui, nihil aliud hæctenus spectavistis, quam ut Potestatem vestram amplificaretis. Via certè, & media, quæ amplificationis hujus consequendæ grâtiâ adhibuistis mala est: illicitam profectò viam affectastis. Nam potestatis acquisitio ejusmodi, ut mea fert opinio injusta est, nisi ex justissima causa & occasione exoriatur. Aliàs enim nil nisi latrocinium merum est. Hoc sensu Pirata Alexandro Magno dixit, Tu magnus & ego parvus pirata sum. Viam, mei Domini, in quam delati estis, perversam esse novi: Ut ab eadem in rectam revertamini, audite, quid faciendum vobis sit: Nunquam, mihi credite, actiones vestras bene instituetis, aut benedictionis divinæ fructum percipietis, nisi Deo, quæ Dei, & Regi, quæ Regis sunt, dederitis, id est posteris meis & Populo meo ea quæ ipsis debetis, solveritis.

Æquè ipsas atque unus vestrum benevolentia & favore complector. Deo sua reddere id est Ecclesiam ejus ex verbi sui præscripto tractare debitis, ut ex confusione præsentis in pristinum ordinem reducatur. Ut peculiariter jam vobis rationem & modum demonstrem, tempus non patitur. Illud unicum vobis commendando, ut

do, ut Synodum publicam convocetis, in quâ unicuique libero & nullis impedimentis aut minis turbato, vel præjudiciorum coecâ opinione delinito animo sententiam suam dicere & liceat, & conscientiæ ratione incumbat. Mox se convertens ad quendam securim tangentem, Noli inquit obtulam reddere, ne mihi noceat, tanquam Regi. Leges Regni satis te id docebunt; quoniam me privatim concernit, satis prolixè dictum censeo.

Sed subditorum meorum causa quidquid à me gestum est, gessi, ut pote qui æquè atque quivis alius ipsorum libertatem expeto, nec quidquam aliud in tota meâ vitâ magis expectivi. Libertas autem illa in bona, & legitima gubernatione consistit, quæ legibus & vitam incolumem, & opes tutas præstantibus innititur.

Sed ut Subditi gubernationis partem sibi vindicent, fas non est, & ad ipsos non pertinet. Subditus & Rex tanquam res diversissimæ maximo discrimine sejunguntur. Donec hoc actionibus vestris consequamini, videlicet, ut populum in libertatem talem de qua mentionem facio, provehatis, ipse tamen se ipsum interea liberum profiteri non potest.

Hæc est causa & occasio illa, quæ me in hunc locum compulit: Si legum mutationi ex arbitrio & voluntate Exercitus potestate illegitima se ipsum armantis promananti assensum meum præbere voluisssem, huc certè devolutus non fuisssem. Propterea vobis dico, ne martyrem

tyrem pro populi libertate vita orbari, atque precor Deum, ne vos culpæ istius onere gravet.

Diutiorē sermonis mei mora vos non detinebo, si prius vos de una adhuc re certiores reddidero, quod videlicet spacium temporis aliquantò longius expetiissem, ut ea, quæ dixi, in meliorem ordinem mihi redigere licuisset. Sed spero, vos excusationi meæ locum duros, atque omnia in meliorem partem interpretaturos esse.

Conscientiæ meæ penetralia intima aperui, & in omnium hominum conspectum produxi: Nil aliud restat, quàm ut precibus meis seriis à Deo efflagitem, & eumque ita propitium vobis reddam, quò gratia & misericordia Divina ex aviis istis in regiam viam ad Regni salutem, vestramque beatitudinem deducentem vos recipiatis.

Doctor Iuxon. Quamvis Majestatis vestræ amor & proclivitas, quibus ad veram Religionem semper pròpensa fuit & est, à nemine in toto mundo in dubium vocentur; majoris tamen satisfactionis causa expectatur, ut etiam Religionis mentionem aliquam facere Majestati Vestræ placeat.

Rex. Magnas tibi gratias habeo, Domine, quod hujus rei memoriam mihi refrices. Quantum enim ad Religionis conscientiam attinet, toti mundo constare credo, quod me eo in negotio Christianum gesserim. Ea propter in omnium vestrum præsentia assevero, me veri Christiani munus gerentem mori, & reformam
tam

ram Religionem in Angliæ Ecclesiis usitâtam profiteri, quemadmodum vir hic honestus, (concionatorem his verbis innuebat) testari potest. Hinc ad militares præfectos conversus, Ne, inquit, ægrè feratis, quod tàm diuturna mora vobis impedimento sim; habeo causam justam, & misericordem Deum.

Posteà, cum Tribuno militi Hacker dixisset, operam quæso des, ne diutior & majore, quàm par est, dolore afficiar, lictorem alloquens, Breves, inquit, ad Deum preces effundam, manumque, extensione tibi signum dabo, me ad ictum excipiendum paratum esse. Concionatori vero astanti, cedo, ait, meam vittam, qua capiti impositâ lictorem rogavit, numquod capitis cæsaries impedimentu ipsi exhibere posset, eoque annuente omnes suos capillos ipse in vittam recondidit, ac sermonem iterum ad concionatorem deflexit dicens; Iusta mea causa Deique misericordia me protegunt.

Cui Doctor Iuxon; Theatro uno amplius non restat. Laboribus plenum, difficultatibus refertum quidem sed tamen breve est. Majestas consideratione sua metiatur temporis hujus brevitatem, quod de vitæ hujus terrestres curriculo residuum & finitum Majestatem vestram in coeleste regnum transferet, & æterna quiete perpetuoque gaudio beabit.

Rex. Caducam, & corruptibilem coronam deferens, ad incorruptibilem, & æternam transeo, & in eum locum ascendo, in quo ab omnibus

nibus curarum mundanarum afflictionibus, & turbis vacuus ac liber ero.

D. Iuxon. Permutationem incomparabilem facturus depositi mundani, & evanidi diadematis loco æternum accipies. His verbis finitis ex lictore Rex quærebat, an capilli rectè remoti essent, ipsoque affirmante pallioque deposito S. Georgii effigiem fascia serica collo appensam, & ablatam Doctori Iuxon tradidit; hæc verba addens; fasciam hanc cum effigie meo filio principi tradas velim. Thomlison militum tribuno anulum adamantem planum, cui Angliæ insignia in sculpta erant, continentem Duci Eboracensi filio suo tradendum commendavit. Utrumque vero tribunum muneribus affecit, Thomlison aureum dentiscalpium, & Hacker horologium aureum dono dans. Muneribus his distributis ipse thoracem exuit, pallioque humeros iterum tegens summa animi præsentia intrepidum vultum altera vice in truncum ac securim ipsi impositam defixit, ac lictorem percontatus est, num truncus etiam satis firmiter consisteret. Lictore responso suo de trunci firmitate Regem certum reddente ipse iterum, altior quidem, inquit, esse potuisset, ac tandem lictore referente, quod tempus præsens nullam trunci mutationem permetteret, extensionem manuum momenti, quo ictum expectare vellet signum futurum constituit.

Aliquot postea verbis prolatis, manibusque & oculis in coelum elatis subitò genua flexit, & collo in truncum procubuit, lictorem tamen

monens, ut signum expectaret, qui se hoc facturum ajebat. Capillis itaque vittæ insertis aliquandiu precatus est, ac mox manus extendens signum dedit, quo viso carnifex uno ictu caput à corpore sejunxit, quod postquam populo circà theatrum circumfuso monstratum fuerat, cum corpore arcæ ferali holloferico panno vestitæ impositum, atque ex theatro in Whitehal in conclave, ubi somnum capere solitus fuerat delatum est: tandem aromatibus conditum inde in S. James devehendum curarunt.

Car-

Carmina in obitum Regis.

REX animose tuis haud horrens cedere Regnis
Militis insani rabiem, populique furorem
Sanguine profuso satias, & Sceptra relinquis.
Venditus haud vili pretio, confidere vitam.
Cum velles genti propriae, tot adire labores
Cogeris, ac tandem strictæ das colla securi.

SCOTIA te vendit; te tollens ANGLIA cede
Corporis exuvias retinet; tua fama perennis
Virtutum vivit; conscendit spiritus astra.
Insontem capitis te damnans ANGLIA monstrum
Ingens evadit capitis damnata sacra,
Et lavat assiduo magnatum sanguine terram.
Regum Majestas vulgi calcata furore.
Vindicta cadem merita punire memento.

C E R E M O N I Æ

Exsequiarum funebrium, quibus CAROL. I. Angliæ, Scotiæ & Hiberniæ Regis corpus in arcem windsor transvectum terræ mandatum est.

Vicesimo Februarii, cum advesperasceret, corpus Regis in conclave ejus, ac sequenti die in *Deans Hal* ædes lugubribus pannis exornatas delatum est. locus posterior pannis duces excludentibus obscurior redditus facibus accensis illuminabatur. Corpus usque ad secundam pomeridianam ibi moratum postea funebri pompa ad sepulchrum deductum est. Dux Richemondanus literis sequentem inscriptionem sepulchro incidendam curavit.

R E X C A R O L U S. 1649.

Sepulchrum, quod Regis Henrici VIII. corpus demortuum tegebat, Caroli Regis cadaver recepit. Solennitas funebris sequentibus ceremoniis peracta est. Omnes ministri Regii post funus incedebant, quibus Gubernator & D. Juxon succedebat. Quatuor Magnates, Richmond, Herford, Sout hampton, & Lindsey panni holoserici arcæ funebri impositi quatuor angulos sustentabant, & tenebant. Corpus cum

pus cum receptaculo suo à militibus portabatur. Quamvis Duci de Richmond petenti, ut Episcopo in sepeliendo Rege iis ceremoniis uti liceret, quæ in aliorum mortuorum sepulchris adhiberi solent, Parlamentum id faciendi potestatem concesserit, Gubernator tamen, & cæteri nobiles à Parlamento destinati, ut huic solennitati interessent, nullo pacto permittere voluerunt, ut communium precum liber in ritibus solitis peragendis usurparetur.

XII.

D E C R E T U M

Contra C A R O L U M S T U A R D II. & Iacobum Ducem Eboracensem, &c. xxvii Martii cIo Ioc XLIX Londini publicatum, quo Regium munus in Anglia, & Hibernia, cæterisque horum Regnorum jurisdictioni subiectis Regionibus abrogatur.

Quandoquidem Carolus Stuard nuper Angliæ Hiberniæ, ac territoriorum & regionum jurisdictionis vinculo cum Regnis istis copulatarum Rex autoritate à Parlamento

derivata munus suum Regium obtinuit, & ejusdem authoritatis sententia justa capitis condemnatus multas prodiones, homicidia, aliaque facinora odio & indignatione digna, quæ commisit, vitæ suæ amissione, & jactura luit, eò quod summæ prodionis & perduellionis reus jure judicatus fuerit, ac propterea eodem judicio liberi & omnis ejus posteritas sub ejus titulo, & jure aliquam Coronæ aut Regni vindicationem, aut assertionem sibi competere existimantes coronarum dictarum, aut Regis vel Reginae tituli, aut dicti Regni, & Dominiorum ad illud pertinentium, aut alterius, aut ullius & possessione indigni evaserunt, & jure omni exciderunt; Præsens hoc Parliamentum ex authoritate sua actorum Supremæ Curiaë tabulis publicis decretum hoc & conclusionem suam solennem inserit, insertamque publica proclamatione edicit, promulgat, & manifestat, quod videlicet omnis & universus Angliæ & Hiberniæ populus, omniaque dominia & territoria utrique Regno subjectionis vinculo adhærentia, omnesque incolæ cujuscunque ordinis, & conditionis etiam fuerint soluti sint omni fidelitate, honore, & juramento, quibus ipsos sibi esse aut fore devinctos asserere velint dicti Regis defuncti liberi, aut posteri, quocumque etiam juris titulo aut prætextu suæ assertioni patrocinentur: Et quod CAROLUS STUART major natu, ac Iames Eboracensis Dux nominatus minor natu filius cum cæteris liberis totaque à dicto Rege descensura posteritate,

steritate, omnibusque aliis, quicunque sub dicti Regis jure aliquam sibi eorum, quæ ad dictum Regem pertinuerant vindicationem asserant, aut asserere velint, sint & permaneant indigni, & impotentes, qui habeant possessionem, aut fruantur dicta Angliæ & Hiberniæ Corona, cæterisque ad eam pertinentibus ditionibus, & territoriis sive in universum, sive aliquibus ex iis; aut possideant, vel gaudeant nomine, titulo, stylo, vel dignitate Regis, aut Reginæ Angliæ & Hiberniæ, Principis Walliæ, vel aliquo eorum; aut hæreditario jure acquirunt hæreditates, ditiones, territoria, villas, & possessiones Coronæ dictæ Angliæ & Hiberniæ aliisque ejusdem dioecesebus proprio jure competentes, sive universas sive singulas, aut etiam ad Walliæ Principatum, Ducatusque Lancastriæ & Cornwalliæ sive aliquot eorum, sive alterutrum posteriorum pertinentes, aut ullas leges, statuta, edicta, consuetudines quocunque pacto in possessionem suam redigant. Et quoniam experientia ipsa hætenus docuit, ac quotidie docet, Regium munus, potentiamque & auctoritatem ipsi insitam in honesta persona provinciam huic nationi & Hiberniæ imperandi gerente non necessariam, molestam, periculis plurimis implicatam, libertatique, & communi incolarum bono insidiosam & perniciosam esse; & maxima ex parte consuetudinem pravam irrepsisse, ut Regia potentia & prærogativa opprimatur, ac ad paupertatem redigatur, ipsique subditi servitutis

jugo subjiciantur; morem verò ex naturali hominum ad regendi libidinem potestatisque divitiarumque cupidinem profectum inolevisse, ut, qui ejusmodi potestate armati sunt, libertatis communis dispendio commodum suum querant, & arbitrii proprii promotione potentiae suae leges subiiciant, unde facile hæc Regna in servitutem turpissimam incidere possent; Edictum & decretum hoc a Parlamento præfenti ex auctoritate sua firmiter stabilitum est, ac vigore hujus stabilitur, & edicitur, ut munus Regium, supremaque potestas Regia omni futuro tempore in hac natione atque in hoc populo in una persona consistere, aut ab unica aliqua persona exerceri vel unica aliqua persona, quæcunque illa etiam fuerit, in nominatis Regnis eorumque ditionibus imperantis Regis officium, stylum, dignitatem, potentiam, aut auctoritatem, vel ulla principis Walliæ jura, statuta, & consuetudines habere aut possidere non debeat. Porro edictum hoc firma promulgatione edicit & jubet, si qua persona aut quæ personæ sive armis, sive ullo alio pacto, aut subsidiariis mediis, aut ullam personam, aut ullas personas incitando vel stimulando aut quibusvis aliis viis conabuntur, aut molientur suscitare, ad asserendum, aut vindicandum jus ullum, quod dictus CAROLUS major natus filius præfati Regis, & JAMES dictus dux Eboracensis, aut quicunque alii dicti defuncti Regis liberi, aut posterius sibi assument, aut si quis personam aut personas sibi præfatum munus, officium, stylum, digni-

dignitatem, & auctoritatem regiam, vel Walliæ Principis jus sibi arrogantes, incitare, aut quamcumque personam ad præfatum nomen, stylum, dignitatem, potentiam, prærogativam, vel auctoritatem Regis Angliæ & Hiberniæ, & dictorum dominiorum sive omnium sive quorundam promoveri tentabunt, ut quævis ejusmodi offensa habeatur & habenda sit summa proditio, & malefici, consultores, procuratores, adjutores, & incitatores ejusmodi criminum convicti non modo omnes sed etiam singuli perinde ac Parlamenti, & Populi Angliæ proditores æstimentur, ac patiantur pendant & dent easdem poenas, mulctas, Sententias, & executiones, quæ in summæ proditi-
onis crimine commissæ usitatæ sunt, & usurpari solent. Ac quoniam Regii muneris abrogatione hoc edicto introducta huic nationi felix & prospera via (si Deo illam ratam habere placebit) aperta est ad consequendum antiquum suum jus & veterem gubernationis consuetudinem, qua propria sua & nationali congregatione totum Regni corpus repræsentante, & senatu à populo eum in finem quovis tempore electo gubernari possit, eam ob causam decretum & constitutum est à communi in Parlamento conventu, ut certi & definiti temporis spatio hoc Parlamentum præsens circum scribatur, ac quam primum illud fieri possit, aut populi conservatio ipsi concedita, atque omnia ad hujus regiminis in Reipublicæ formam hoc tempore traducti conservationem & con-

stitutionem non absolutè necessaria permittant, dimittatur; Ut summa etiam sollicitudine electioni certæ, conventui & congregationi totum corpus iterum representaturæ ut & omnibus circumstantiis libertatem, electionem & membrorum in Parlamento æqualitatem ac divisionem talem, qualis maxime ad perpetuam hujus Reipublicæ libertatem & salutem requiretur, complectentibus prospiciatur, & providiatur. Porro etiam hoc edicto non obstante aliqua re his actis comprehensa ratur, & manifestatur, quod nulla persona, aut nullæ personæ, in quocunque etiam vitæ genere & statu in hac Angliæ & Hiberniæ Republica, Walliæ Dominio, Garnsex, & Fesey insulis, & urbe Barwyck ad Twedam sitâ versentur; oboedientiæ & subjectionis hujus Nationis Regimini debitæ vinculo exinrantur, aut exemptæ sint, quemadmodum his verbis declaratum est, sed unusquisque in omnibus rebus oboedientiam & submissionem huic authoritati Supremæ hoc edicto in hoc & successuro hujus Nationis populum repræsentante, & repræsentaturo corpore declaratæ & firmatæ debitam præstare debeat, & debiturus sit.

1648. Aug. St.

Die Sabbathi 27. Matii.

1649. St. Ord.

XIII.

E X E M P L U M

Literarum ab Adriano Pauw
& Alberto Joachimi legatis ix.
& x. Februarii Anno 1649. Lon-
dino ad potentissimos Belgii Uni-
ti Ordines Generales perschrip-
tarum.

Potentissimi Domini.

Posteaquam quinto Februarii circa vespere-
ram appetentem huc advenientes Parlamenti
nomine à Ceremoniarum Magistro diversas
excusationes cum salutatione sua miscente ex-
cepti sumus, dataque hâc occasione audientiae
nostrae sequenti die futuræ viam sternentes nego-
rium nobis demandatum seriò commendavi-
mus, ac seriò vespere literas ad potentissimam
vestram Celsitudinem datas transmisimus, sex-
to ejusdem mensis multo manè Secretarios
nostros misimus, ut cum præfato Ceremonia-
rum Magistro audientiam nostram ab utraque
Parlamenti domo peterent.

Quo facto Superioris Domus Orator nobis
nunciari jussit, ejusdem ut & Inferioris Domus
congregationi diem Lunæ proximum constitu-
tum, ac se non obstantibus quibusdam impe-
dimen-

dimentis peculiaribus pro virili suâ petitioni nostræ propænendæ, & promovendæ omnem operam daturum esse. Quoniam autem Secretarii nostri responsionem expectantes ibidem commorati sunt, nominatus Orator per eos circa meridiem nos certiores reddidit, Domum Inferiorem ante meridiem sessionem suam habere non potuisse, eò quod omnes Iudices destinati, & electi in Supremâ Iustitiæ Curiam conveniunt agere, Inferiorque Domus ideo die Lunæ convocari debuerint. Verum postea nobis innotuit, eodem die à dictâ Curia sententiam contra Regem pronunciatam esse; Quâ de causâ septimo præfati mensis, Sabbathi nimirum die, qui hic omnibus rebus cum cultu divino nullum commercium habentibus seclusis celebratur, omnem tamen lapidem movimus, ac tandem post multas difficultates illud consequuti sumus, ut antè meridiem cum Oratoribus ac primò quidem Inferioris, & postea Superioris Domus privato colloquio conferre nobis licuerit. Eandem conferendi facultatem etiam non sine magno labore à meridie obtinuimus, quâ cum Fairfax Generali militiæ Præfecto, & Cromwel Generali Locum tenente, cæterisque Exercitus Anglicani Præfectis in Generalis domicilio congregatis colloquendi occasio nobis data est.

Invicem itaque Oratoribus, Generali, & Generali Locum tenenti Præfectisque militiæ præcipuis singulis, atque etiam Generali cæterisque Exercitus Præfectis unâ congregatis ea, quæ

quæ in mandatis habemus, proponendo summam diligentiam adhibuimus, magnique momenti argumenta coràm iis in medium produximus, ut executionem Regiam, quæ die Lunæ futura esse credebatur, ad minimum tamdiu retardare possemus, donec publica audientia concessa coràm utroque Parlamento negotium nostrum exposuissemus. Responsiones ex diversorum animis diversis opinionibus & affectibus occupatis profectæ variæ ac diversæ erant.

Die Lunæ, qui octavus commemorati mensis erat, postquam summo matè utriusque Domus Oratores urgendos, ac de petitâ audientiâ maturè compellandos curavissemus. Secretarii nostri cum Ceremoniarum Magistro Westmonasterii tam diu detenti sunt, donec meridies abierit. Tum subito, & vix dimidia quadrantis horæ parte ante nobis nunciabatur, quod Utraque Parlamenti Domus antequam prandendi causa domum discessura esset, nos audire vellet, atque ideò peteret, ut hora secunda coràm Superiore, & tertia coràm inferiore Domo nos sisteremus. Comparuimus, ac primò quidem in Superiore Domo paucos assessores, quos Pares vocant offendimus; In inferiore Domo seu Communitatis Domo octoginta circiter senatores congregatos inveniebamus. Præcipua de mandati nobis negotii datæque instructionis capita oretenus primò proposuimus, literisque etiam conscripta & tradita exhibuimus illud cum primis maxime urgentes,

urgentes, ut Regis Executionem dilatione quacunque retardare possemus.

Addidimus Præterea nos proximo colloquio, aut permittenda altera audientia nobis permittenda multò graviores rationes, argumentaque longè ponderosiora allaturos, atque probaturos esse, quod Regi vita non adimenda, nec ipse Sententia adeò exacta morti adjudicandus, nec executione tam severa, & stricta vita privandus sit. Uterque Orator nobis oretenus respondit, depropositione nostra deliberationem institutum iri. Domus superioribus Senatoribus consultum quidem videbatur, ut continuò utraque Domus hoc de negotio feriam ac maturam deliberationem fusciperet. Verum quoniam dies ad finem properabat, & inferioris Domus Senatores, postquam nobis audientiam largiti essent, confestim surgentes antè abierant quàm nos ex conclavi, in quod deducti fueraimus, descendere poteramus, summam diligentiam adhibuimus, ut Propositio nostra in Anglicam linguam transferretur. Eam Anglicè jam loquentem Inferioris Domus Oratoribus, & Superioris Oratori tradidimus. Cum autem hesterno die Whitthal prætereuntes vidissemus, nonnulla ad Executionem futuram parari, & Scotiæ Regni Commissarii hodie mane diuturniore colloquio nobiscum de Regis vita conservandi mediis, si ullo pacto fieri posset, deliberaissent, ac nos interea instaremus ut aut ab Utraque Domo responsionem acciperemus, aut altera vice publicè

blicè audiremur, tandem consilia cum Scotiæ Commissariis communicantes, unanimi consensu decrevimus Dominum Generalem adhuc semel alloqui. Hunc nonnisi à meridie offendere potuimus, & quidem in Secretarii sui ædibus Whittehal vicinis, qui à nobis negotium hoc maximo labore, & indefinente instantia urgentibus tandem permotus & victus se aliquot præcipuorum militiae præfectorum sibi adjuncturum, ac illico in Westmonasterium responsionis alicujus promovendæ, & dilationis Parlamento commendandæ causâ iturum pollicebatur. Propè ædes, in quibus Generalem alloquuti sumus, ducentos equites videbamus; Domum redeuntés omnes aditus locaque Londini præcipua, eaque cumprimis, que circa Westmonasterium occurrebant, copiis militaribus munita inveniebamus; Equitatus verò campos omnes extrâ urbem equitatione continua visitabat, adeò ut nec ingredi, nec exire, nec multa etiam urbis loca transire alicui liceret. Quandoquidem igitur omnis aliquid efficiendi aut porrò tentandi spes nobis adempta erat, ac biduò antè, & diversis vicibus ante & post audientiam nostram à fide dignis hominibus certiores redditi fueramus, à nullâ in mundo re aut intercessione nisi à Deo solo Executionem decretam impeditum iri, quod nobis Domini Commissarii Regni Scotiæ maximâ tristitiâ affecti firmiter etiam affirmaverant, omnium supradictorum fidem, & veritatem eventus ipse tandem confirmavit.

Eodem

Eodem enim die inter secundam & tertiam horam Rex in theatrum ante Banquethuys ædium Whithal erectum & panno nigro vestitum deductus est comitem secum habens Londinensem Episcopum, cum quo eodem mane hora 6. Sacram Synaxin idem Rex celebrasse dicitur. In dicto itaque loco postquam Majestas ipsius Regia verba quædam fecisse, periscelidem suam, fasciam coeruleam, & pallium depositum Episcopo dicto tradidit, thoraceque exuto caput collumque animo præsentī & intrepido, quem in omnibus suis actionibus conservavit, trunco imposuit, quod à corpore separatum, atque sublatum publicè toti spectatorum coronæ exhibitum. De his, ut gesta sunt, Potentissimas Vestras Celsitudines quàm diligentissimè certiores facere summo nostro moerore & tædio cogimur, illud certa affirmatione adjungentes, nos muneri nostro demando summa diligentia & in desinente sedulitate exequendo nullâ in parte defuisse.

Etenim nec noctu, nec interdiu quievimus, nec ullo impedimento nos avocari passi sumus à mandato, quod Potentissime Celsitudines Vestræ nobis injunxerunt, ad finem pro viribus nostris perducendo, & à retardatione Executionis decretæ, quæ Fatalis fuisse videtur. Ac quoniam hic omnis generis rumores sive boni sive mali sine discrimine ex cujusvis affectu promanantes disseminantur, ac cuncta in bonam, aut malam partem rapiuntur, imò fictionibus variis contorquentur; mirisque disserta-
tionibus

tionibus disceptantur præcipuè cum in tanto casu animi variis affectibus in diversa agantur, ac miris opinionum turbis & procellis æstuent, unicum hoc petimus, si quid sinistri de actionibus nostris ad aures Vestras pervenerit, ut Potentissimæ Celsitudines Vestræ fidem ejusmodi rumoribus non adhibeant, sed nobis confidant, qui summo vitæ nostræ periculo huc nos contulimus, & omni nostra diligentia, omni-que labore, cunctisque vigiliis in id unum incubuimus, ut rerum nostrarum satageremus.

Cætera peculiaria & multa & magnum pondus habentia, ac undique ad nos tempori, & intempestive de lata quominus Potentissimis Celsitudinibus Vestris literarum perscriptione patefaciamus, transitus, quos ubique in portubus conclusos esse intelligimus prohibemus.

Unum hoc adjicimus, Regem nempè in theatro stantem seriò Religionis negotium commendasse, ut piorum Theologorum consilio stabiliatur, ac petiisse, ut Filii sui Principis ratio habeatur. Præterea ipsum adjecisse, conscientiam suam sanguinis profusione liberam, & nonnisi Straffordiae Comitis morte gravatam esse. Item post Regis decessum tubis per totam civitatem edictum proclamatum fuisse, cujus exemplar præsens transmittimus. Hisce.

Potentissimi Domini etc. Londini 9. Februarii 1649. die Martis sero vespere subscriptæ.

ADR. PAUW.

ALB. JOACHIMI:

O

P. S.

P. S. Dux Hamilton ex arce Windsor elapsus hodie manè extrà urbem deprehensus, ac in Turri Londinensi in carcerem conjectus est.
10. Febr. 1649. die Mercurii manè.

ACTORUM REGIS MOR-
TEM SEQUUTORUM
ENARRATIO.

I.

Edictum præsentis Parlamenti
concernens mutationem diver-
forum nominum & rituum ante-
hac in curiis detentionibus, con-
sensibus, edictis, &c. Usitato-
rum, & constitutionem litium in
curiis judicialibus Regni Angliæ
& Hiberniæ, Dominii Walliæ,
& civitatis Barwick ad Twedam
sitæ.

Hujus præsentis Parlamenti, ejusque po-
testatis edicto in omnibus judiciis, justiti-
amque administrantibus Curis, & in om-
nibus

nibus detentionibus, assensibus, edictis, mandatis, jussis, instructionibus, litibus detentionum reversionibus, & in omnibus taxationibus, reparationibus exemplorum constitutionibus, remunerationibus, causis & litibus judicialibus in Regnis Angliæ & Hiberniæ, Dominio Walliæ, & Civitate Barinvyck ad Tivedam fluvium sita observari & effectui dari debet, ut in nominis Styli, tituli, vel testium Regis ante hac usitatorum locum in posterum nomen, stylus, titulus, & testes *Custodum libertatis Angliæ auctoritate Parlamenti* substituantur, nec alia adhibeantur: ut Subscriptionis Datum *Anno Domini* & non aliud usurpetur: & ut omnes census, lucra, mulctæ, redditus, qui & qualescunque etiam fuerint, ante hac in litium disceptationem sub Regis nomine venire soliti in posterum sub prædicto nomine *Custodum libertatis Angliæ auctoritate Parlamenti* in judicio disceptentur: ut verba in quibusdam nominatarum litium formulis usitata *Iuratores pro Rege* in posterum verbis *Iuratores pro Republicâ* locum cedant: ut in verborum in quibusdam dictarum controversiarum formulis usurpatorum, *Contra pacem, dignitatem vel Rempublicam nostram* locum verba *Contra pacem publicam* reponantur. Hujus Edicti favore omnes Iudices, Domini, officarii, & ministri justitiæ, quicunque etiam fuerint, Omnia præscripta accurate observare, tenebuntur, & tenentur, ac auctoritate hac armantur, & ab ipsis postulatur, ut omnibus his superscriptis & nulli alii rei se subjiciant. Quæcunque verò in posterum contra hoc edictum

O 2

agentur,

agentur, & tractabuntur; perinde habebuntur, ac si non acta & tractata essent: Hoc tamen eo sensu accipiendum, quod omnes detentiones, quæ ex Basilicâ Iuridicali venerunt, & omnes Scripturæ, omniaque Diplomata Iudicum tam unius quam alterius Curia Iuridicalis, Baronum d'Excequer, Mandatæ cognitionis audiendi, & terminandi, capiendi & liberandi, pacem faciendi, & aliæ jurisdictiones delegatæ, diplomata, & concessiones, quæ *Magno Angliæ Sigillo* confirmatæ sunt, in jure valere debeant æquè ac si Rex mortuus fuisset; non obstante eo, quod in hoc Edicto, vel in aliquo ejusdem capite, aut aliqua lege, vel consuetudine aliquid contrarium ullo aliquo pacto comprehendatur. Porro ejusdem auctoritatis vigore & efficaciâ ordinatur, ac mandatur, ut omnes *Scripturæ & tabulae archetypæ* sub *Magno Sigillo* editæ, & firmatæ, & omnes *Actiones, lites, Detentiones, Conventiones Iuridicales*, quæ jam in aliqua Curia memoriæ, aut in Curia, *Westmonasteriensi*, vel in aliâ aliquâ memoriæ Curia cum omnibus controversiis, litigationibus, assensibus, & intercedentibus in causæ progressu actis in ejusmodi actione, vel Actionibus, litibus, conventionibus, & querelis de novo repeti & redintegrari debent, in posterum agantur & exerceantur eodem modo, & eodem statu, conditione, & ordine, & mutationes illæ observentur, prout superius præscriptæ sunt nulla habita ratione decessus Regis, aut ullius legis, consuetudinis, vel moris, quicunque etiam fuerit;

rit; Et ut aliqua mutatio ex his profecta, & aliquam dictarum litium, conventionum; jurisque actionum concernens in nomine, stylo, testibus, aut aliis, nullius precii aut valoris esse debeat, & quidem propter aliquem defectum, qui opponi possit.

Die Lunæ 29. Januarii 1649. à Communitate in Parlamento congregata decretum est, ut hoc Edictum cum præfato titulo mox imprimeretur.

H. Scobelt Domus Communitatis in Parlamento Secretarius.

II.

O R A T I O N E S

Seu diverſi ſermones ducis Hamiltonii comitis de Cambridge, Henrici Hollandiæ comitis, & Arthur Lord Capel, qui die veneris Anno cIdo loc XLIX Londini Capitibus plexi ſunt. His acceſſerunt admonitiones & conſolationes Doct. Sibald, Mag. Bolton, & Mag. Hodges concionatorum, qui iſſis præſto fuerunt.

CAPITALIS ANIMAD-
VERSIO IN DUCEM HA-
MILTONIUM COMI-
TEM DE CAM.

BRIDGE.

D Ics Veneris 19. nimirum Martii menſis
Sententiâ pronuntiâtâ capitali in Ducem
Hamiltonium comitem de Cambridge, Comi-
tem

tem Hollandiæ, & Dominum Capel animadversioni destinatus erat. Circa deciman igitur matutini temporis horam Dominus Bedcher militum Tribunus ad captivos dictos in S. Iamies venit, qui ejus mandato ab Excubitoribus præfidiariis in Sedans in Domini Thomæ Cortonis ædes in Westmonasterio fitas deducebantur. Eo in loco postquam duas horas piis dissertationibus de Religione institutis, & cum concionatoribus ibi præsentibus habitis contrivissent, Hollandiæ Comes à Mag. Bolton petiit, ut secum, & cum sociis suis precaretur. Precibus magna devotione inter ipsos, ut apparebat, finitis & peractis, gratisque Mag. Bolton habitis Comes de Cambridge, quem primum hujus actionis tristis ordo tangebat, se ad supplicium subeundum parabat, & oratione admodum nervosa sociis suis valedicens cum militum præfectis, ad D. Sibbald, quem, ut ab ipso in hoc tristi statu consolationibus piis solamen acciperet, ad se vocandum curaverat, ad locum supplicio destinatum se contulit. Theatrum in nova Westmonasteriensis palatii aulâ è regione portæ magnæ Hal extructum, & ad locum, in quo magnus Iustitiæ Senatus ante hac sessionem suam habere solitus fuerat, conversum erat. Portis dicti loci apertis Legio equestris Domini Fairfax Generalis militiæ præfecti, cui Descher Capitaneus imperabat, ac diversæ turmæ pedestres ex Tribunorum Hewison & Prides legionibus proximum theatro locum occupabant.

Præfato Comiti ex Westmonasterienſi Hal-
 theatro appropinquanti Pro prætor Middel-
 ſexenſis cum excubiis ſuis præſidiariis ob viam
 veniebat. Aderat etiam ibidem Summus Præ-
 tor Londinenſis magni Juſtitie Senatus man-
 dato eo miſſus, ut capitali huic animadver-
 ſioni intereſſet, eamque effectui dandam cu-
 raret.

Comes de Cambridge cum duobus ex mi-
 niſtris ſuis in theatrum veniens cum D. Sibbalt
 ſequentem ſermonem habuit.

C. De Cambridge, ubi primum preces meas
 effundam?

D. Sibbalt. Ubi excellentie Veſtræ place-
 bit.

C. de Cam. Dominus de Denby per nun-
 cium mihi ſignificandum curavit, quod me pau-
 cis velit. Morem uſitatum ignoro. Te Domi-
 ne rogare poſſum: Num hi Nobiles (his ver-
 bis circumſtantium coronam ſignificabat) ex-
 pectant, quid dicturus ſim. Verba mea aures
 ipſorum penetrare non poſſunt.

D. Sibbalt. Confeſtim commodior audien-
 di occaſio ſe offeret; Error committi non po-
 teſt ſi Exc. veſtra in Celſitudinis ipſius adven-
 tum ſermonem ſuum reiiciat.

C. de Cam. Haud parvi momenti res eſt.
 Communitatis domui adfuit.

D. Sib. Non puto, quid Excell. veſtram
 moraturus ſit, præcipue ſi negotium aliquid
 ponderis habeat.

C. de Cam. Frater meus eſt, qui in huius
 ſtatus

status salute promovenda se ministrum admodum fidelem præstitit, ac ea de causa in existimatione maxima habetur: Est in Hal, & unius meorum ministrorum alloquendi occasionem quæsit, ut mihi aliquid mitteret.

D. Sib. Responsionis hujus expectatione preciosi temporis jacturam facere possemus: Mi Domine, satius esset, si reliquum hujus brevis temporis interstitium gratiæ divinæ in Christo, in qua conservationis animæ tuæ cardo versatur, meditationi seriæ impenderes, ac inspiceres precioso ipsius sanguine fluentem istum fontem, qui nos ab omnium nostrorum peccatorum inquinamentis purgat. Sanguinis Iesu Christi profusio eorum commodo & saluti inservit; qui viva & vera fide in ipsum omnem suam spem defigunt. Sic Deus dilexit mundum, ut filium suum illum unigenitum dederit, ut, quisquis credit in eum, non pereat, sed habeat vitam æternam. Joh. 3. v. 16. Hæc est rupes & pëtra illa, Domine, in qua tibi ædificandum est. Laborandum tibi de Gratia Divina in Christo, cujus gratia de æternitate in æternitatem durat, & eorum propria est, qui veræ fidei oculum in ipsum coniiciunt, & ipsi firmiter ad hærent. Ecce, Iesus est salutis tuæ author & perfector; amarissima passione mortem in cruce superans iram Dei placavit, mortisque aculeo omnes fideles liberavit, ac transitum in perpetuò durantem benedictionem sanctificavit. Verum quidem est, quod aquæ Iordanis nonnunquam admodum forti & im-

petuoso cursu per deserta & vias in terram Canaan nos ducentes ferantur ; sed confidamus nos arcæ foederis Christo Iesu , qui nos per omnes hos fluctus ad firmissimam illam rupem traducet , ubi nullæ inundationes , nullique fluctus humanarum angustiarum & miseriarum nobis impedimento esse possunt. Ipse esto perfugium & firmamentum nostrum , qui heri, hodie , & ab æterno fuit ; quem nulla potentia, nec ipsæ inferorum portæ superare possunt. Attolle nunc oculos fiduciæ tuæ firmissimæ in Christum crucifixum , atque operam dato , ut ipsum ad dextram Patris sui sedentem , quemadmodum S. Stephanus fecit , & ad animam tuam , quando corpus hoc mortale relinquit, recipiendam promptum & paratum intuearis. Proh dolor , nemo hominum hujus vitæ desiderio teneretur , si eam antea probe cognitam & perspectam haberet. Nihil enim aliud est nisi curarum , solitudinû , angustiarum , & omnium difficultatum cumulus. Unumquodque vitæ genus , ac quæ vis vivendi conditio diversis miseriarum , & molestiarum difficultatibus implicata & impedita est. Idcirco nil felicius , nil auspicius esse potest , quàm si quis celeriter & sine mora viam brevem & gratam nanciscatur , cujus beneficio ex hujus mundi æstuoso mari in æternæ felicitatis portum perpetuo beatum eluctari queat. Mare nobis transeundum est , mare inquam sanguinis Domini nostri Iesu Christi , in quo nulla unquam animâ naufragium fecit ; in quo nos provehamur , necesse est acti

est acti à ventis & tempestatibus, id est ab impulsu spiritus divini in nobis, qui omnes ventos contrarios Gratiae suae obstrepentes dissipare potest.

Sermone hoc ad exitum deducto quidam adveniens Comiti nuntiabat, quod minister ejus in via esset.

Ipse respondens benè, inquit, Domine. Mox verò se ad Proprætoris filium convertens dixit: Domine, an tu hic imperio fungeris? Cui ille, omnino Domine; huic enim missi sumus.

C. de Cam. Imperium! Longioris hujus moræ tempus in causa est, quod Comes de Denbigh mihi nunciari curaverit, quod me paucis veller. Causam nescio obquam me tamdiu remoretur.

D. Sib. Confido moram hanc Domino Prætori nullum rædium allaturam, & ipsum haud ægrè pro hujus magni negotii conditione aliquantulum temporis Vestrae Excellentiae concessurum esse.

Interea minister reversus Comiti privatim, quæ sibi injecta erant, nunciavit; Quibus intellectis Comes, Age, inquit, jam actum est; ac ad theatri, ante quod magna hominum turba, ut & in altera Palatii parte consistebat, marginem cancellatum accedens dicebat. Mihi operæ pretium non videtur, ut hic multa verba faciam; multos quidem homines & milites adesse cerno, iisque in conspectu quidem sum; sed a vocem meam admodum languidam & debilem

debilem auditu percepturi sint, valde dubito :
 Quamquam ad animi mei sensa elbquendum
 & exprimendum nunquam adeò proclivis &
 pronus fui, nec majori unquam satisfactione
 me eadem depromsisse, aut de prompturum
 scio. Illud enim me per Gratiam Divinam,
 quæ me propter peccata mea in hunc rerum
 mearum statum conjecit, facturum confido.
 Non possum mihi ipsi temperare, quin Domino
 Prætori enarrem ea, quæ ad præsens hoc nego-
 tium attinent, & quorum causa ego jam huic
 executioni subiectus sum, nempe quod tan-
 quam Regni Angliæ proditor proditiōis ac-
 cuser & condemner. Profecto Domine, Ego
 hanc Regionem æquè ac meam summo amore
 semper complexus sine ullo discrimine affecti-
 onem meam utrique impertivi! Nunquam in
 hujus Regni dispendium & detrimentum quid-
 quam suscepi, nec actionibus meis ejusdem
 damnum finem præscripsi. Quicquid verò à me
 gestum est, mandato & jussu Parlamenti ejus
 Regionis, in qua natus sum, effectui dedi: Cui
 memorem gerere oportuit, nisi in idem dis-
 crimen me conjecissem, in quo hic jam versor.
 Hæc satis nota, & publica impressione divul-
 gata sunt, ut prolixiore narratio non indigeant.

D. Sib. Sol forsan splendore suo Excellen-
 tiæ vestræ oculos inter loquendum nimis per-
 stringet.

C. de Camb. Non Domine; splendor hic
 me non urer. Me confestim alium & longè
 clariorem Solem intuiturum spero.

D. Sibb.

D. Sibb. Solem Iustitiæ, mi Domine.

C. de Camb. Ut ad propositum rediam ; Deo placuit, ut Exercitus, cujus Dux & imperator fui, ab adversa parte funderetur : Ego præfectus ejus, qui summi ducis munus gessi hic morti adjudicatus ad moriendum paratus sum. Molestiam vobis facessere nolo, ac prolixiore narratione supersedebo ; quonam nimirum pacto, & quâ defensione coràm Iustitiæ Senatu causæ meæ patrocinator sim acquiescens in mandato, quod mihi impositum erat, cum è contrario actionum hujus Regionis legibus consentanearum Iustitiâ & æquitate Iudices sibi ipsis satisfaciant. Deus Justus est. Quicquid etiam eveniat ; De Sententia contrâ melata nihil dicam ; Divine Providentię prompto animo me submitto probè perspectum habens, mundanam hanc pœnam variis modis me promeritum esse. Omnes enim peccatores sumus, & inter omnes ego maximus existo. Summo tamen hoc mihi solatio est, quod sciam, Deum clementem in coelo esse, & ad ejus Dextram Servatorem meum sedere. Certâ & firmâ fiduciâ dico, & scio, (hæc dicens pectus suum manu feriebat) quod jam Advocatus meus sit. In clementia & ineffabili ejus misericordia spem firmissimam desigo, quod mihi peccata mea remissurus & in gratiam suam me suscepturus sit. Huic spei firmissime innitor, ac nonnisi in Gratia Dei per Iesum Christum fiduciam meam pono. Religionis meæ causâ, Deo sit laus, me non gravatum depre-

deprehendi ; Ea cum hujus Regionis confessione exactè convenit. Non autem est hæc vel illa Religio , aut hæc vel illa phantasia hominum , cui fiduciam suam anima infigere debet. Unam tantum esse verum est , unam tantum esse certum est. Hæc à Deo proficiscitur. Domine , in libera Servatoris nostri Gratia & clementia consistit. Domine , si cogitatione mea assequi potuissem , Sermonem meum tantam hic benevolentiam & attentionem inventurum fuisse , eum in meliorem ordinem , quam nunc facere possum , redigissem. Eos itaque , qui eundem literis commendare forsan cupiunt , vehementer oro , atque obsecro , ne verba mea perperam accipiendo eo pacto in chartam coniiciant , ut aliqua mihi inde injuria oriri possit. Cum enim huc venirem , ejusmodi sermone vos alloqui profectò non statueram. Mei Domini , Intolerabilium criminum maculæ mihi aspersæ sunt ; Sed tamen talium , quorum profectò , Deo sit laus , nullam culpam sustineo. Actiones , & consilia mea mandato mihi injuncto repugnasse dicantur. Quicquid conabar , Regis commodum spectabat , nec ad alium aliquem finem quam ad benè de Rege promerendum consilia mea collineabant. Plures annos cum ipso eadem educatione usus sum. Familiaris ejus minister eram. Nihil in Parlamento decernebatur , quod ego assensu meo non approbavissem. Ejus rei causa vitam meam , caputque sæpius in apertum discrimen adduxi.

Utrius-

Utrisque jam alio modo, aliaque via jacturam facere cogor, eò quod ad Regis partes con-
cesserim. Hac de re tantum loquor, quia cæ-
teræ multa peculiaris & particularia com-
plectuntur. Ut autem turpium ejusmodi ma-
cularum aspersioem à me removeam, aper-
tè dico, exercitum meum in Angliam duce-
rem, nullum mihi alium scopum proposi-
tum fuisse, quàm eum, cujus modo men-
tionem feci. Nullo pacto in ficias ire possum,
maximas rationes fuisse, cur Regiam ipsius per-
sonam summa dilectione amplexus fuerim.
Rex enim meus erat; Et quoniam Dominus
meus erat, voluntatem suam hoc in negotio
perficere Deo placuit. Idcirco non est, cur
horum verborum, quæ hic loquor, occasione
aliquis in eam suspicionem me adducat, quasi
adulatorio animo illa effundam, cum ad nul-
lum alium finem tendant, quàm ut calumnias
mihi exprobratas à me amoliar. Si alio fine
dixissem, quid inde commodi perciperem.
Veritatis genuina confessio in æternitate com-
pensatur. Pluribus mentio facta est, Domine,
de quibusdam, quod extraneos populos in hoc
Regnum deducere conati sint, cujus rei De-
claratio etiam meminit. Ejusmodi negotio sem-
per adversatus sum, tumque operæ & labo-
ris in eo posui, ut tales homines detegerentur.
Iam enim simulandi aut dissimulandi tempus
non est.

Quanta promptitudine, & alacritate in id
unum incubuerim, ut omnis generis officia
huic

huic Nationi præstarem, & pro viribus meis exhiberem, multi homines honesti cognitum exploratumque habent: quam promptum autem & ala orem me in posterum præstiturus fuisssem, si illi, qui jam vitæ mihi adimendæ potestatem sibi sumunt, ejusdem usuram diuturniorem mihi non invidissent, satis manifesto ex actionibus meis elucere potuisset. Quoniam verò ipsis hoc non consultum visum fuit, quod prono animo fecissem, jam perficere non possum, cum omnis perficiendi commoditas mihi jam adimatur. Quod principiò dixi, illud hîc repeto, Domine, nempe quod Regno omnem prosperitatem, in columitatem & pacem ex animo precor, Utinam, Domine, hic meus sanguis ultimus hic profunderetur. Quamvis etiam ad huc aliquid in promptu haberem, quod accusationi meæ apponere possem, illud tamen propter nimiam prolixitatem omitto, & ipsis, quæcunque contrà me fecerunt, remitto. Domine, nullas mecum difficultates in sepulchrum aufero. Ejus, qui coelum & terram creavit, voluntas fieri debet. Domine, ut de hujus Regni statu & regimine tibi aliquid dicam, & tibi de eadem, aut alia eundem finem spectante re Sententiam meam manifestem, necessarium est. Omnia mea consilia jam inde ab initio semper pacem suaserunt, adeò ut unicuique satis clarè innotuerit, me nullius mali, nulliusque discordiæ inter Regem & Populum fabricatorem fuisse. Nunquam ullo incommodo Parlamentum as-

ficere

ficere conatus sum, eumque in finem arma nunquam in manus sumpsi: Precibus meis Regem Deo Omnipotenti commendare nunquam destiti; imo Deum adhuc precor, ut ejus animum gratia sua divina eo dirigat, (his verbis legitimum Regni hæredem designabat) quò omnes ejus actiones ad sui nominis gloriam, Regnique pacem & felicitatem tendere possint. Quæ meam personam attinent, ea me dixisse puto, Religionisque meæ me mentionem fecisse arbitror.

D. Sib. Celsitudo vestra ejusdem perfecta narratione non meminit.

C. de Camb. Aliquid tamen de eâ me in medium attulisse certè credo.

D. Sib. Verum est. Sed rem gratum Celsitudo vestra nobis faceret, si eadem, quæ dixit, nova iteratione renovaret.

C. de Camb. Revera Domine, quantum ad Religionis meæ confessionem attinet, eam dixi conformem & consentaneam esse Religioni in hoc Regno stabilitæ, in qua ego in meo Regno natus educatus, & exercitatus sum. Sententia mea in Religionis negotio stabilis & immota manet. Multi pii tentationibus quidem affliguntur, quibus ego nunquam gravatus fui. Quod multi opinionibus diffideant, ad me non attinet. Mea pura est. Domine; Deus mihi peccatorum meorum remissionem largiatur: Ego omnibus iis tam summis quàm imis, qui vel minima inimicitia aut hostilitate in dispendium meum procurandum incitati sunt,

ex animo errores suos condono. Nobis mandatum est, ut mutuâ remissione in vicem peccata remittamus. Præcepto divino, ut illud faciamus nobis injungitur. *Remitte nobis debita nostra, sicut & nos remittimus debitoribus nostris, &c.*

D. Sib. Servatoris nostri præceptum est: *Diligite inimicos vestros, benedicite eis, qui execrantur vos, & orate pro iis, qui vobis sunt infensi, & persequuntur vos.*

C. de Camb. Domine, tempus maxime urget, ut negotio huic finis imponatur. Cogitationes meæ nunc in rem nullam aliam defixæ sunt, quàm ut paucis verbis ad Deum omnipotentem preces meas transmittam; quo factò paratus sum.

Cum D. Sibbald postea ingenua provolutus Comes de Cambridge sequentibus precibus Deum invocavit.

Misericors Deus, Ego indignus servus tuus in gratia tua immensa, & Iesu Christi, qui in throno sedet, meritis omnem meam fiduciam ponens ad te accedo. Iustitiam tuam fugiens confugio ad Gratiam, & misericordiam tuam & ad eum, qui sanguinem suum pro peccatoribus profudit, ut mei miserescat, ut Gratiæ suæ oculos in me convertat, ut me tanquam eum, quem liberavit in tueatur, ut me tanquam eum pro quo sanguinem suum profudit, aspiciat, ut me tanquam eum, qui æternam suam salutem sperans per acerbissimam passionem ipsum invocat, misericordiæ suæ oculis respiciat. Propter ipsum, ô Deus, & propter
ter infi-

ter infinitam tuam misericordiam miserere mei, ac largire, ut anima mea peccatis inquinata, & ex caduco hoc corpore discessura in perpetuam & æternam gloriam transferatur. Exhibeto mihi, ô Domine, gratiam tuam, exaudi preces meas propter misericordiam tuam in finitam, ac misericordiæ oculos tuos ad me deflechte. Mi Domine Iesu, mi Domine, qui es Deus & liberator meus preces meas exaudi, miserere mei, miserere mei. Largire animæ meæ, ô clementissime Deus, ut tuæ satisfactionis beneficio æterno gaudio & æterna felicitate frui queat. ô Domine, memor esto mei miseræ & peccatis oneratæ creaturæ. Age, mi Domine, qui mortem ipsam prome superasti, miserere mei, ac in gratiæ tuæ foedus me suscipe. In te, mi Domine omnis mea spes fixa & immota hæret, Ab æterna damnatione me liberato. Satanais nimis diuturnus hujus animæ possessor fuit. Ne permittes ipsi, Domine, ut potestatem suam in ipsam exerceat, sed mihi concede, Domine, ut ab hoc momento in æternum tecum habitare mihi liceat. Age Domine, tempus tuum est ut me exaudias. O clementissime Iesu exaudi me propter bonitatem, gratiam, & veritatem tuam. O gloriose Deus, ô benedicte Pater, ô sancte Liberator, ô clemens Consolator, ô sancta, & benedicte Trinitas, animam meam in manus commendo, propter Servatoris mei merita in gratiam tuam eam suscipe. Gratiarum tibi ago, quod tibi in omnibus meis ærumnis & calamitatibus, atque etiam in ultimâ hâc horâ me confirmare

& roborare placuerit. Gratias tibi ago, ac laudes tuas in æternum celebro.

D. Sib Mi Domine, spero, quod fidei tuæ oculos Solis Iustitiæ illustrissimi splendor jam collustravit, animamque tuam illustravit. Idcirco firmiter adhæreto Iesu Christo, qui generis humani sequester & mediator nos redemit, ut illibata ejusdem justitiæ togâ amictus coràm Dei throno te sistas. Deus gratiam & potestatem tibi faciat, ut fidei tuæ oculis coelum apertum, & Iesum Christum ad dextram Dei consistentem, ac ad te in clementes suas ulnas recipiendum paratum conspicias.

Comes ad carnificem conversus, num aliam, inquit, vittam capiti meo imponam necesse est? Si capillus hic ex cervice mea removendus est, tres ministri mei ad sunt, qui ministeriis suis mihi satisficient.

D. Sib. Mi Domine, ad omnibus, qui hîc tibi præstò sunt, satisfaciendum potens mihi videris; Spes tua jam certa & firma est ac sanguine Iesu Christi confirmata, quod Deus tibi reconciliatus sit: Spiritus etiam Domini tibi testis est, quod Christus tuus Iesus sit factus. Mi Domine, fidei tuæ oculos in Iesum Christum defige, authorem nimirum & perfectorem salutis tuæ æternæ, qui pro generis humani salute & felicitate æterna recuperanda turpissimam mortem subiit, & liberationis nostræ causa humilima subjectione voluntati Patris sui morigeratus est. Benedictus & sanctus est ille (mi Domine) qui primæ resurrectionis particeps

particeps redditur, id est, Iesu Christi, qui primus resurgens & resurrectio est, & vita; Hujus participi reddito mors secunda nullam vim inferre potest. Ineffabili gaudio exultat anima fide & spe vera imbuta, quando in ipso mortis articulo ex hoc terrestri tabernaculo in gloriam coelestem, quæ nullo fine abrumpe-
tur, recto tramite transit, ac in conspectum Dei prodit, in cujus presentia omne gaudium, ac omnis lætitia perfecta locum habet, & cu-
jus dextra perpetuis recreationibus stipantur.

Comes iterum se ad carnificem detorquens, quò, ait, vis, ut jacendo me convertam.

Illo marginem theatri exteriori ipsi mon-
strante hem! inquit; caputne meum eò diri-
gam? Cui Proprætoris filius respondit: Mi Do-
mine, in mandatis datum est, ut caput tuum. Cu-
riæ magnæ, in qua justitiæ sedes est, obvertatur.

Post ea Comes ministros suos quibusdam
verbis alloquutus est, ac mox propter theatri
latus in genua procidens brevi precatone De-
um adoravit. Eo finito D. Sibbald, mi Domi-
ne, inquit, Deum submissè & ex animo pre-
cor, ut divina sua potestate, & gratia te induat,
quò sanctâ, & Christiana fortitudine & animo-
sitate in tui Creatoris, & clementis Liberato-
ris manus animam tuam deponas, nec te ullis
cum hac morte conjunctis circumstantiis tristi-
bus sollicites. Quàm gloriosam & benedictam
permutationem brevissimo hoc temporis arti-
culo facies!

His auditis Comes animo lætitia elato vultu

que læto ac hilari Doctorem complexus hæc verba protulit.

Profecto, Domine, te complector, Deoque meo gratias ago, quod nulla formidine concutiar. Fiduciam certam & immutabilem habeo hic confirmatam (manibus cordi impositis hæc efferebat) Plus lætitiæ & gaudii hinc haurio, quam unquam aliàs ex ulla aliâ re hausi. Ex lugenti mundo in æternum & gloriosum regnum commigro. Quanquam, Domine, creatura multis peccatorum inquinamentis foedata fui, probè tamen novi, Dei misericordiam nullis finibus circumscriptam esse, pro qua meo Deo gratias ago. Conscientia adeò pura hinc discedo, ut non sciam an ulli homini à me injuria ulla orta sit.

D. Sib. Mi Domine, maxima hæc est satisfactio, quod in ultimo hoc vitæ tuæ articulo hoc pacto loqui possis. Deum precor, ut in effabili suâ gratiâ fidem tuam stabiliat, quò ultimo momento Domini Iesu brachia ad te excipiendum exporrecta cernere queas.

Comes ministros suos præsentem aspiciens cuiusvis ipsorum dixit; fidei admodum ministerio rerum vestrarum sat egistis, Deus vos benedictionum suarum copia largâ compleat.

Vultu ad carnificem admoto brevibus, inquit precibus Deum meum alloquar, dum trunco capite meo incumbo, ac quando manu mea extensa, dextrâ inquam, signum dederò, officio tuo fungere; ex animo tibi &
omnibus

omnibus hominibus, quicquid in me commissum fuerit, condono.

D. Sib. Deus Gratiam suam tibi comitem adjungat, atque fidem tuam in Christum roborans in vitæ æternæ possessionem te transferat. Transitus hic est, mi Domine, & breve ad æternam gloriam iter. Ea spernitur, te per misericordis tui Dei gratiam hæc verba dicturum; *O mors ubi est aculeus tuus? ô Sepulchrum ubi est victoria tua?* ac sequentem responsionem subjuncturum; *Deo sit laus, Deo sit laus, qui me de hac victoria certum reddidit.*

Comes verò carnifici, num, inquit, hæc mihi decumbendum est? cui ille, imò, si Excell. V. placer.

Com. Quando manum extendo: Sed caput meum prius aptabo. Dic mihi an sic recte jaceam, aut quo pacto tu postules, ut ego procumbam.

Carn. Indusium tuum aliquanto inferius acicula figatur necesse est, quandoquidem altius, scapulis in hærens impedimento esse potest. Quod ex tempore etiam factum est.

D. Sib. Age, age, mi Domine, attolle oculos ad Dominum Jesum Christum, & in æterna clementissimi Redemptoris tui brachia te abiice.

Comes caput trunco imponens, num commode, inquit, & rectè procubui?

Doc. Sib. Iesus Davidis Filius te misericordia sua complectatur.

Carn. Aliquanto ad inferiorē partē te declina.

Com. Age, expecta igitur, donec signo dato tibi momentum ferendi innuero.

Cum parum temporis procumbendo trivisset, ac claudestinis precibus animam Deo commendasset, manus extensione signum dedit; Quo viso Carnifex uno ictu caput à corpore secrevit. Utramque partem ministri serico panno involutam, & arcæ cum infinem in theatrum allatæ imposuerunt, & in Domini Iohn Hamiltonis in Mewes domum transvehendam dederunt, ubi aromatibus conditum est.

CAPITALIS ANIMAD- VERSIO IN COMITEM HOLLANDIÆ.

Comite de Cambridge capitali poena interempto præsidio Prætorio in mandatis dabatur, ut Comitis Hollandiæ adducendi causa abiret. Hunc inter theatrum & Westmunster-Hal obviam factum ac præsidariis militibus cinctum Proprætoris filius in theatrum deduxit. Comites in via ad theatrum tendente M. Boltonem manu tenens varios cum ipso sermones miscuit. In theatrum veniens aliqua oratione populi astantis coronam affarii conatus est; verum sermonem suum à theatro undique militibus circumdato ad populi circumfusi aures non perventurum animadvertens in theatro astantibus dixit.

Minimè

Minimè necessarium est, opinor, ut hic verbis utar: Ubinam, aut quo in loco hic loquar? Deinde ad marginem theatri deductus lateri in theatro incubuit dicens; Consultum mihi videtur, ut hic aliquid eloquar, quandoquidem Divina voluntate factum est, ut in hunc locum venerim. Primum sermonis mei membrum est Religio, in quâ à familia strenuis semper Protestantis Religionis defensoribus abundante educatus sum. Divina gratia illi semper addictus vixi; Eiusdem confessione seria vitam meam ad finem perducam. Firma spernitur, peccata mea mihi à Deo remissum iri, quia seria meditatione casum hunc meum exduciens probè intelligo, ipsius voluntate & providentia me in hunc locum tandem appulisse, ut peccatorum meorum meritis poenas luam. Occasio tamen, quæ huc me advexit, à multis in deteriorem partem rapietur.

Consiliorum & machinationum nonnullarum in hujus status atque Regni perniciem à me fabricatarum accusatione oneror. Accusationem hanc tanquam justum Dei judicium respicio, non tamen eo animo, quasi hujus Regni statum atque Parlamentum aliqua injuria affecissem, cum eidem tanquam fidelis minister omnia debita officia præstiterim. Omnes enim actiones meas ad Boni Publici patrocinium, ac inprimis ipsius Parlamenti defensionem æquali semper conspiratione consensisse in vulgus notum arbitror. Omnes animi mei affectus, atque inclinationes ad unicam hanc

rem nunquam non aspirarunt. Ad exitum Longè alium itinere longè diverso negotia Regni jam properant, quàm ab initio pollicita sunt, cum Parlamentum ministerio meo in negotiis Regnum attinentibus uti inciperet. Nullam actionibus meis metam aliam præfixi, quàm Justitiæ & æquitatis conservationem, quam diu mihi in hoc vitæ curriculo vitali auro frui licuit: Pro eâ etiam Divinæ Gratiæ auxilio vitam hanc profundere non dubito. Fieri potest, ut alia inciderint, quibus ad alia consilia occipienda stimulati sunt. Verum viderint ipsi, quid fecerint. Quantum ad me attinet, nihil est eorum, quæ dixi, feci, aut falsus sum, (sive in ipso foedere, sive declarationibus) quæ, Regis, Parlamenti, & Boni Publici commodo ac saluti, pacisque in Regno promotioni non inserviant. Proinde est, cur Deum meum laudibus celebrem, eique gratias agam. Sanguinem quidem meum hic effundam oportet, quanquam actionibus meis non meritis sum, ut vel guttula ejus spargatur. Quantum ad præsentia negotia attinet, prout jam effectui dantur, de iis judicare non possum. Sed ut opinionem meam dicam, in eo statu versari mihi videntur, ut negotio haud facili de ipsis judicari possit. Satiùs itaque est, ut iis omiſſis precum exercitio animæ meæ saluti consulam, vortisque meis huic Regno, nationi ac statui benedictionem divinam impetrem, ut totum Regimen stabilitum & confirmatum sub uno Rege & Domine cum Populo suo conspiratione pacifica

cifica consentiente, qui status meo iudicio hactenus Regni hujus florentissimus semper fuit, felicissima perpetuitate floreat, & vigeat. Precibus autem meis à Deo contendo, ut clementi sua providentia prohibeat, ne mutatio hæc Regni præsens damnum, perniciem, aut confusionem ullam inferat. Regis hæredes respicio, conscientiaque meæ impulsu actus Deum precor, ut ipsi placeat hujus Nationis affectus & inclinationes eò dirigere, quò debiti vinculi memor Regios hæredes revocandos curet, ac sine ulla sanguinis profusione dignitati pristinae, quam ipsis Deus per nativitatem suam contulit, restituat. Ex animo meo serias preces ac gemitus ad Deum mitto Statui huic felicitatem prosperrimam voventes, atque optantes, ut hic sanguis meus tantæ sanguinis effusioni tanquam ultimus finem imponat. Profecto si hoc fieri posset, aut vota mea hoc consequerentur, summa profecto promptitudine vitam meam huic rei consecrarem, ac longè promptius ullo homine impenderem, ut tandem diluvium hoc sanguinolentum ulteriore in hanc miseram nationem inundatione finiat. Nullum enim Regimen, nullumque Imperium sanguinis profusione enascens diuturnum esse, aut progressu aliquo accrescere potest.

Benedictione omnisque felicitatis comprehensione huic Nationi, Regno, atque Parlamento impertita porrò omnibus hujus negotii totius authoribus & nostri in hunc locum adventus architectis omnem salutem & felicitatem precor,
ac non

ac non solum, quæ fecerunt, remitto, verum etiam à Deo seriis precibus contendo, ut eodem pacto ipsis peccatorum suorum veniam largiatur, quo pacto mihi mea peccata remitti peto.

Quoniam Academiæ Cantabrigiæ Cancellarius sum, ejusdem ultimis precibus meis me meminisse par est. Faxit Deus ut felicissimo progressu accrescens ejusmodi Theologos producat, qui animas humanas conservandi, earumque incolumitatem & salutem procurandi causa per totum regnum distribuuntur. Magistrum Bolton aspiciens, Tibi, inquit, dixi, qua in religione educatus, ac natus sim, & in qua me in vita exercuerim. Ea vivendi initium feci, eadem vita mihi finienda est. Qui me in hac opinione Religionis educarunt, Religionis negotio deditissimi fuerunt, ac fidelissimo patrocinio Regnum ac Statum hunc tutati sunt. Ejusmodi actiones, quibus honesti ac boni Christiani titulo gaudere queam, edere molitus sum. Prompta semper voluntate iis opem & auxilium tuli, quibus in ærumnis & calamitatibus constitutis adjumento opus fuit. Hoc faciendo maximam compensationem ac qui sivi, quandoquidem in precibus suis mei mentionem fecerunt, quod in statu hoc meo præsentem comperio, atque idcirco Deum ex animo precor, ut à consimili casu eos defendat.

Magnus peccator sum: Sed tamen preces meas à Deo exauditum fidemque meam confirmatum iri spero, ut omni spe in ipsum
conjectâ

conjectâ planè confidam, quoniam me mortis obeundæ causâ in hunc locum adduxit, hunc meum ex vita abitum mihi transitum futurum ad vitam æternam per Iesum Christum, in quem omnem meam spem defixi, & per quem Dei gratiam expectto. Ardentibus precibus à Deo flagito, ut vobis eam benedictionem impertiri velit, quâ videre possitis, ultimum hoc supplicium inter vos esse, quod eo pacto sanguinem profundat, quo hætenus profusus est. Postea ad unum ex theatri lateribus conversus precatione aliquantò longiore Deo se commendavit, eaque absoluta Mag. Bolton porro ipsum alloquutus est:

Mi Domine, ad eum oculos tuos converte, in quo hætenus omnem tuam spem defixisti. Spero ultimas tuas preces hic pronunciatum, nec aliud aliquid relictum iri nisi meras Dei laudes, nihil aliud tibi restare, quam hunc diem principium & introitum ad æternum, & nunquam cessaturum diem. Ejus auroram, mi Domine, inspicio & aspicio. Ubi nam tua perfectio sit, probè nosti, ac ubi nam divitiæ tuæ repositæ sint, ubi unica tua rupes sit, in quâ anchoram tuam tibi figere liceat, non ignoras. In Christo perfectionem esse te non later. Si Dominus perfecta consolatione te non visitat, induc tamen animum tuum tamdiu summa expectatione ipsum præstolari, quamdiu in vivis fueris. In ipso spem tuam repone, quando ex hoc mundo tibi jam discedendum erit, ac tum dicito; Hic moriar, & ad pedes tuos ab-

jectus

jectus pœnitentiam agam. Certum ac firmum est, qui perditorum peccatorum salutem & restitutionem quærendi & comparandi causa in hunc mundum venit, illum à se peccatores perditos non amandaturum esse, quando ad ipsum redituri sunt. Non remittet nos ad se venturos. Quæ hic præstò sunt, mi Domine, omninò sufficiunt. Nil restat, quàm ut cor tuum iis affigas, fideique oculos tuos in ista infigas, ac seriæ accuratæque meditationis inquisitione hanc gratiam explores, & examines, cujus post hanc vitam meditatio nulla erit, nec ulla dabitur. Quemadmodum Exc. vestra dicebat, Fides ac spes hic finem suum inveniunt, ac conversionis ad Deum in hac vita exitus est. His enim ad finem perductis sequitur feliciter adventantes excipiens gratulatio Dei, gratulatio Christi, & felicitatis perpetuâ duratione in æternum successuræ gratulatio; adeò ut hic transitus felicissimus & prosperrimus ex omnibus difficultatibus & erumnis nos ad felicitatem nullo termino definitam abducatur. Ac quanquam via hæc admodum tristis appareat, & lachrymarum vallis, mortisque umbra sit, in æternam tamen lætitiâ locumque mero gaudio repletum te transferet. Nullum mihi dubium est, quin Deus aliquo dulcedinis æternæ gustu præmissis cor tuum imbuturus sit, ut gratiam & misericordiam ejus præsentifcas, & ex signo tibi dato anima tua videat & sentiat ea, quæ modo verbis pronunciamus, ac expressis nostris lachrymis (Deo sit laus)

fit laus) acquisivimus. Deus consolationis penuriâ nos laborare non sivit. Idcirco spe firma mihi polliceor, mi Domine, te tibi ipsi hoc in negotio non defuturum, qui tot pronuntiatis animi tui sensa nobis aperuisti, & nos de voluntate tua certiores reddidisti: ac spiritum tuum sublatum & erectum lumine divino irrodiatum iri. Felicitatis æternæ certitudo nostra in scientia aut cognitione nostra sita non est, sed in fide & spe firmiter Deo adhærente. Fidei nostræ anchoræ ejecta quassationibus quidem & alluentium undarum impetu quatitur, sed incolumitatem præstans non movetur. Nihil est, quod incolumitatem nostram pessundare at malo afficere queat. Quid nocuenti aut incommodi mihi parere potest, etiam si me in nube admodum obscura ad Deum convertam? Quo damno me afficere queat, si noctu cum Nicodemo Dominum adirem. Tristitiæ nox est: Tenebris oppleta nox est; Quamvis vero tremens & cespitans hac nocte veniam, firma tamen & infallibili certitudine nitor, quod in ipso consolationem, incolumitatem & salutem inventurus sim. Itaque Pater coelestis te consolatione sua erigat; Ipse tuus consolator sit, ac animam tuam gratia sua Divina compleat. Deducat te in sinum Domini Iesu, ut hinc discedens, ac mundana omnia à tergo relinquens in æternitate in ipso vivas. Et hæc sunt, quæ precibus meis seriis efflagito.

Holland. Mr. Bolton; Deus magna me in hoc mundo temporis intercapedine uti voluit;
Ex multis

Ex multis periculis me tutum præstitit, ac tandem ad hunc finem, qui præstò est, transmisit, ut tandem hujus Parlamenti & status distractione ad ea toleranda redactus sim, quæ, ut antea dixi, neminem in mundo hominem sibi unquam persuasurum fuisse credo, quod mihi tandem ejusmodi ob causam patienti toleratione subeunda forent. Non tamen casum hunc alia meditatione examino aut respicio, nisi quatenus eum ex judicio Divino profectum in mea peccata animadversionis justæ locum occupare videam. Ac profecto Domine, quamquam ignominie & infamiae macula hæc mors contaminata sit, parum tamen me sollicitum habet, utpote cui plura ejusmodi exempla in conspectum se dederint. Inter omnes primas tenet Servator meus, qui nobis præeundo iter paravit. Modus quo passus est, & causa ob quam passionem suam sustinuit, plus consolationis & letitiæ mihi suppeditant. Parvum temporis interstitium elapsum est ab eo momento, quo Serenissimus Rex Dominus meus hæc eadem viâ ex hoc mundo in æternitatem translatus est. Verba ejus & consilia ejusmodi fuisse spero, ut ea non solum in vita sed etiam in morte imitationem dignissimam mereantur, verum etiam non sit, cur aliquis eorum pudore suffundatur. Frequentioribus disceptationibus cum ipso in arenam descendi, atque negotium hoc crebrarum ventilationū inquisitione indagavi, adeò ut certo & firmiter mihi persuadeam, ærumnis his, & cruciatibus ad meliorem cognitionem, certior

remque

remque intelligentiam adductum, & majorique experientia excultum & sibi & huic Regno felicissimum Principem & Gubernatorem futurum fuisse, si Deo Optimo Maximo ipsi longiorem vitam largiri placuisset. Illud, quod vidi, mihi manifestum & exploratum est, benedictas has animas per curarum & solitudinum portam, per contemptus, & ignominiae portam in coelum transivisse. Cum itaque voluntati Divinae visum fuit, ut eandem viam ex hac vita migraturus ingrediar, omni lætitia & spe Deo meo animam meam commendo & trado ea fiducia fultus, quod meum finem ac vitæ meæ metam constituerit. Idcirco argumentatione firma hoc colligo, quanquam ad mortem hanc ignominiosam abjectus sim, me tamen depressione & ignominia hac ad summam & altissimam æternitatis gloriam exaltatum iri.

Revera in Populi præsentia admodum pauca de iis verba feci, quæ meas peculiare actiones attinentia consiliatorum meorum beneficio & labore in hoc regno effeci. Actiones illas omnes existimo in vulgus notas esse, ut eas prolixiore narratione hic recensere meo iudicio vanitas sit. Consolatione mea pectus meum obfirmans mori me satius est, quandoquidem hoc me solatur quod siue his siue ullis aliis actionibus in hoc Regno effectui datis, vel in vita mea effectis aut aliquem damno mulcare, aut sanguinis effusionem suscitare, aut ullum vivorum lædere nunquam animum induxerim. De Religione mea confessionem meam eloquutus sum: Unicuique

Q . amor

amor meus in hanc patriam innotuit, quanta commiseratio animum meum invaserit, & quam vehementer miseratus sim eorum æumnas & calamitates, qui sinistrae fortunæ inclementia oppressi sub difficultatum onere gemuerunt. Quanta solitudine elaboravi, ut suppetias ipsos ferrem eosque oneribus tantis levarē?

Et conscientiae meae stimulus me ad illud faciendum impulit, & oboedientia ac promptitudo parendi salutaribus eorum jussis, & praeceptis, à quibus educatus sum, ad operationes dictas me incitarunt. Deus jam ad ultimam vitae meae metam me vocatum migrare jubet. Propterea, quæ dicere, aut quibus confidere possum, ea omnia in eo uno sita, ac locata sunt, quoniam inter peccatores haud minimus sum, quod è contrario clementem & favore suo me complectentem Servatorem habeam, qui hoc æumnarum genere coram omnibus hominibus publico & manifesto pudore quidem me suffundat, sed eum pudorem in gloriam commutet; in gloriam inquam, quando eum qui mihi praeivit considero; in gloriam, quando cogito, quod extra culpam omnem positus, & innocens morte mea Deo, Regi, atque huic regno inserviam. Ea de causa animus meus minime premitur, aut gravatur, aut hujus casus meditatione turbatur, siquidem confido, Deum causam meam consilia & actiones meas tangentem suscepturum, & ad finem perducturum esse. Moriendi necessitatem subeo; Dominus animam meam in Gratiam suam recipiat. Non nisi ad unicum Christum

Christum confugio ; ac me ipsum peccatorum indignissimum esse non inficio. Vitam meam vanitate & peccatis transmissi , atque ideo Deus justo iudicio mihi hunc finem destinavit , & peccata mea punivit. Totam rem aliis intellectus & animi mei oculis non aspicio , quam iis , quibus video , Iudicii magni & iusti per missionem à Deo descendisse , & mihi atque illis , quibus condemnationem hanc in me fabricari libuit , incubuisse. Deum precor , ut veniam ac remissionem suam ipsis indulgeat. Deum precor , ne plura alia ejusmodi victoriarum , quibus potiti sunt , trophea & monumenta erigantur , sed hoc ultimum in hoc theatro spectaculum , ac reliquorum omnium hætenus tantam sanguinis copiam effundentium colophon evadat , id quod antea etiam precatus sum : Ne populus sanguinis nobilium suorum tam turpiter profusi toties spectatorem agat. Nonnulla mihi etiam de examine nostro , cui subjecti fuimus , dicenda essent , quod profecto tale fuit , quale unquam in hoc regno ordinis & consuetudinis usitatæ limites transgredi potuit. Verum quoniam de eodem querelam aliquam institueri videri nolo , ejusdem recensione jam super sedeo , ne cui ansam cogitandi prebeam , quod ipsorum actionibus maculam aliquam aspergere velim. Meam propriam fortunam accuso , & queror. Voluntas Divina est ; Manus Divina est , in quam incidi. Idcirco sponte & absque ulla contradictione ipsi me subiiciam , & in Servatoris mei brachia & complexus me abiiciam : Ac

quando in hunc locum veniam, (his dictis truncum appositum ostendebat) à Deo me erectum iri spero; Quando ultimum vape mihi per fidem & spem pronuntiandum erit, nescio quis animæ ex hoc mundo discedenti commodior comes adjungi possit, nisi charitas, quæ me ad coelestis gloriæ fontem per gratiam servatoris mei Iesu Christi, in quo omnis spes mea defixa hæret, uti confido, abducet. Fidei meæ infirmitati & debilitati quæso Domine auxilium ferto.

Hodges. Dominus justitiæ Filii sui te participem reddat, ac suæ gratiæ lumine animam tuam irradiet, spirituque sancto illuminet. O perchare Domine, Deus coeli & terræ tibi auxilio suo præstò sit; Deus coeli & terræ te ad felicitatem istam transvehat.

Hollandt. Accelerabo, quantum potero, ut hujus felicitatis compos evadere queam; Domino, qui coelum & terram in possessione sua habet, animam meam commendo, trado, & consecro. Fidem meam in ipso solo collocavi ea spe fretus, in ipso uno & solo gratiam me inventurum ex fonte illo emanantem, cujus scaturiginem peccatoribus sitientibus aperuit. Nullo alio medio, nullo alio pacto in Dei complexus & brachia rucere possum, à me ipso non habeo, non expecto nisi ea quæ me ad inferos præcipitem agunt.

Bolton. Sed mi Domine, quando alius justitiâ amictus es, gloriosa apparitione in conspectum prodibis, quanquam in præsentī statu peccatis commaculatus sis. Apostolus, in meâ,
inquit,

inquit iustitiâ propria inveniri nolo. Quando, inquam alius iustitiâ vestitus es, Deus te recipiet. In dubium hac de re venire noli; Dico enim tibi Deus non vult mortem peccatorum, quî ad ipsum veniunt. Ipsius enim Passio & mors ad peccatorum salutem, & conservationem unicè tendunt. Hoc ex Divinis, operibus maximum & summum fuit, quod Deus unquam in mundo operatus est, nimirum quod consilio suo æterno Christi Filii sui mortem per æternam suam & infinitam, sapientiam ad peccatorum liberationem & conservationem destinavit, ut hac unica via, & hoc unico pacto miseris & peditis animabus, ad æternam salutem & felicitatem reditus pateret. Profecto peccatores ad se adventantes non repudiabit. Mi Domine, hoc unum accurata pensiculatione examina. Maximum, & celeberrimum opus, quod unquam in mundo peractum esse scimus, est effusio sanguinis Christi. Nunquam tale quidquam contigit. In eorum vero gratiam sanguis iste profusus est, qui ad ipsum accessuri sunt. Si non pro his, certe pro nemine, ac profusio illa, vana & nullius efficaciz esset. Diabolos illud animadvertere comperitur; Angelis nullo pacto hac profusione opus est; Impii homines ad Deum redire recusant; Quidam sunt, atque iidem pauci numero, qui ad ipsum accedere cupiunt, hos accessu suo prohiberet, Christi Passio & Sanguis profecto nulli usui essent, atque omni fructu carerent. Si tu Domine

ne Christo Domino nostro adfuisses, cum angustiarum doloribus in effabilibus excruciatu sudoris sanguinei guttas de corpore suo manantes sudavit, atque eum interrogavisses, Quid modò agis? Num me Deo reconciliare conaris? Annon iræ Divinæ extinctio te occupatum tenet? Annon animam meam à justitia Divina liberare niteris? Nonne tibi annuendo affirmasset, & se pro tua salute redimenda infinitos istos dolores exantlare tibi respondisset. Profecto jam te non reiiciet; Sine auxilio & gratia sua te hinc abire non patietur. Mi Domine, Passio ipsius finita est; præterit, abiit; Misericordia ipsius nobis relicta est. Hæc tantò major & altior est, in quanto majorem & altiore locum se contulit, utpote qui ea de causa exaltatus est, ut majorem in te gratiam & misericordiam demittat. Tibi, mi Domine, infinitam charitatem ac innumerabiles, & infinitas in Christo divitias in memoriam revoca. Perii, vacuus sum, nihil habeo, miser sum, peccator sum; imò alia pejora ore proferto; Quò pejore loco res nostræ fuerint, eò plures & majores divitias nobis apud Servatorem nostrum per gratiam divinam repositas esse scimus. Et quid mihi scrupulum injicere posset, cum mihi certam & indubitatam viam hoc medio demonstret, quam ingressus gratiam acquirere, & misericordiæ suæ divitias nancisci possum, quibus acquisitis exclamare mihi licet; laus, laus & gloria soli Domino in æternitate, qui me miseram creaturam nullo pacto meritam, & planè

& planè indignam in gratiam suam recipit. Hac re nihil certius nihil firmitus est, quod videlicet Deus gratiæ suæ divitias inter homines distribuat, ut gloria ejus tantò manifestior. & illustrior evadens toti humano generi innotescat; Modo ipsi gloriæ ac gratiæ debitæ honorem exhibeamus; nunquam dubitandum nobis erit, quin copiosissimarum divitiarum possessores evasuri simus. Hæc copia, mi Domine, solatium tuum esto; Gratia copiosissima, charitas copiosissima, justitia copiosissima jam unicæ tuæ divitiæ sunt. Huic unicæ columnæ salutis tuæ fundamentum ionitor. Dominus intercedat inter Deum & te, quemadmodum fidei tuæ operatio intercessit & operata est illud unicum, ut ipsum inter Deum & animam tuam reconciliatorem suscitaret. Nullus igitur dubito, quin coràm Deo pro te intercedat atque causam tuam agat: Ad ejus, qui clementia & misericordia summa præditus Servator omnia ea, quæ petis probè cognita atque perspecta habet pedes, cuncta quibuscunque efficiendis vires tuæ impares sunt, deponito, quamdiu vivis ipsius auxilium patiente animo, & immota fide expectato, atque in ultimo vitæ articulo constitutus fiduciam tuam in ipsum reponito. Hic divitiarum & gratiæ affluentia est incredibilis, misericordiæ thesauri sunt ineffabiles; Si non aperit, ante januam ipsius corporis exuvias abjiciens moritor inquiring; Hic mori cupio, hic gratiæ & misericordiæ abundantiam invenio.

Hollandt. Hic locus est, in quo ante faciem, ejus me prosterno, in quo decumbo, ex quo me ab ipso erectum iri spero ad æternam gloriam per Servatorem meum, qui mea sola & unica spes est, à quo solo gratiam expectare possum, in cujus brachia spiritum meum commendo & depono; in brachia, inquam, cruore sanctissimo made facta, ut, quando cruentum hoc meum corpus, quod proprio sanguine suo hic maculatum procumbet, mihi hic relinquendum erit, ipse animam meam in tutelam & defensionem suam infinitam suscipiat propter merita, dignitatem, & intercessionem mediatoris mei Jesu Christi, qui me precioso suo sanguine ex peccatorum meorum carcere foedissimo in libertatem vindicavit.

Bolton. Quamvis, mi Domine, hoc in loco vitæ, hujus caducæ finem facias, spe tamen firma teneor, ibi in altera vita te felicitatis tuæ sempiternæ initium facturum. Hic quidem vita corporea ad terminum consuetum properat: Ibi, verò Divinæ gratiæ & misericordiæ exitum nullum fore spero. Si hæc perpetua illa est aurora; si hæc gloriæ illius sempiternæ est resurrectio; Si Deo visum est te hic prosternere, ut te æterna gloria extollat, dicito; Salve Domine, Salve mors, quæ ad vitam iter sternis; Salve omne id, quod me prosternis, ut in hereditariam Christi possessionem immittar.

Hodges. Mi Domine; siquidem te ipsum Jesu Christo tradidisti, ut in eo inveniaris, certus sum, ac minime dubius, quàm ultimo in
judicio

judiciò ad dextram Christi consistes. Ideò mi dignissime Domine in felicissimo statu tunc constitutorum noster occurfus mutuus fiet.

Holl. Com. Christus Iesus animam meam suscipiat; anima mea ejus fame & siti laborat. Nubes congregantur. Sed in omnibus meis difficultatibus & angustiis Dei solius auxilio spes mea fulcitur, atque firmiter confidit, meam salutem ex omnibus impedimentis ereptam in ipso confirmatum, & omnes Sathanæ quærimonias falsas remotum, atque animam meam, invitis calumniatoribus iisque omnibus, quos Sathanas in me concitare potest, in perpetuum gaudium deductum iri, ut ibi in æternum præsentia & benedictione Divina frui queat.

Hodges. Mi Domine anima tua creationis jure ipsius propria est, redemptionis & sanctificationis jure ad ipsum pertinet, & obsignationis jure quoque ad proprietariam ejus possessionem redit. Proinde, mi Domine, sublati oculis aspice agnum Dei, qui ad Dei dextram sedens mundi peccata aufert. En Agnum illum Dei.

Holl. Com. En Agnum illum Dei, in cujus manus animam meam commendo. Agnum inquam Dei, qui in throno sedet, ut viginti quatuor illos judicet, qui se coràm illo prosternunt. Ipse spero lumina sua ex altitudine huc converteret, ac me clementi examine explorabit, qui ingenua & faciem meam coràm ipso procumbo, qui ipsum adoro, qui in ipso solius clementia fiduciam meam colloco, ac

miseriordiæ ejus me committo, ut, quoniam me sanctificavit, etiam firma conservatione me rueatur, & in clementiæ suæ favorem recipiat.

Bolton. Mi Domine, verborum istorum memoriâ tibi refrica; *Nulla est condemnatio in iis, qui in Christo sunt. Quis est, qui condemnet? Christus est hic, qui justificat.* Quo circâ mi Domine hunc unum Christum respice, hunc unicum inquam Christum, qui justificatione sua nos Justitiæ suæ participes reddit. Nec infernus, nec mors, nec peccatum, nec Satanas condemnandi potentiam habent; Nemini in potestate hoc situm est; Christus est ille, qui justificando omnia peccata tollit.

Hollan. Com. Profecto justitiâ Christi justificantis nos vestiente & cingente nemo est: qui condemnatione aliqua nobis noceat; ideò spem & fiduciâ in Deo, atque in justificatione ejus colloco. Quanquam dissidium, lis, & simultas inter nos vigeant, atque animos nostros turbent, firmissima tamen confidentiæ meæ spes me certum esse jubet, quod in eam gratiam traducar, qua Deus animam meam adventantem recipiet.

Bolt. Nullo dubitationis scrupulo angor, mi Domine, quin gratiâ Divinâ ad tantò majorem gloriam in coelo exaltandus sis, quantò miserius & deploratione dignius spectaculum in hac terra hominibus fueris.

Holl. Com. Interea Comes in circum stantem populi coronam oculos suos detorquens, ac militem quendam conspicatus digito monstravit

stravit inquam; Honestus ille vir me captivum fecit; Cogitationibus tuis forsan hunc meum casum non ominatus es, quod hoc in statu huc venturus essem, cum certis conditionibus tecum meam deditionem paciscerer. Porro, Watson militarem præfectum equo insidentem intuitus capite denudato, Domine, exclamabat, Deus te custodiat, Domine Deus te custodiat.

Bolton. Mi Domine te ipsum in misericordiæ & clementiæ Divinæ brachia exporrecta abiice, & dic, Hic anchoram meam figere, hic mori cupio. Omni ratione Servator noster est; Quo eundum nobis esset? Æternæ vitæ verba pronunciavit; in ipso tu fiduciam tuam habes quamdiu in vivis es, expecta, ac in morte diffidentia aliqua ab ipso te avelli non patere.

Hollan. Comes. Anchora mea jam sit oportet; Ingentis tempestatis procella me obruens occasio existit, ut anchoram meam inveniam, quanquam magnis obortis tempestatibus paucos reperiās, qui fiduciæ suæ spem eidem infigant. Sed ego confidam necesse est (*ei Deo*, inquit M. Bolton, *cui fidei tuæ anchora infixæ hæret*) Imò spes mihi est firma, & certa, Deum fidei meæ anchoram demissurum in Iesum Christum, atque eam ob causam ipsi non diffidam, quamvis ipsius voluntate & mandato mortis hoc genus mihi subeundum videam, sed per gratiam Servatoris mei mihi auxilium, & opem ferentem ipsi firmiter adhærebo.

Bolton. Misericordiæ & clementiæ abunde est,

est, mi Domine, adeo ut non sit cur dubitationis aliquo scrupulo labores; Qui ad ipsum veniunt, aliorū auxilia ostiatim implorare non coguntur.

Comes Hollandiæ ad M. Bolton corpore se inclinans, Deum, inquit, precor, ut custodia sua te, tueatur; Preces hæ ex præceptis tuis profectæ sunt. Familiam meam, quæso, præceptorum divinorum sedula institutione in formes, ut fideli animo & sincero corde Deo suo inserviant, ac majori sanctitate, fervore, & sedulitate, quam quidem à me omnes mei domestici incitati sunt, cultui Divino vacent. Ejus loci cura sollicita tibi demandatur; Multa ipsis merita & beneficia præstare potes. Omnes & singulos, bonitati ac conscientiæ tuæ integritati cōmitto, & concredo.

D. Sibbald in Theatro ad Tribunum militarē Beecher iturus Comitem sequentibus verbis alloquutus est. Dominus gratiæ & misericordiæ suæ Divinæ radiis lucentibus animam tuam illustrer, ac æternæ beatitudinis te possessorē reddat.

Com Holl. Comprecatione illa finita Comes Beecher Tribunum militarem alloquutus post aliquot verba ipsi valedixit, ac denuo ad M. Bolton conversus, post quam pro cura & sollicitudine ipsi gratias egisset, valedictione præmissa tandem protectioni Divinæ virum commendavit. Cui M. Bolton, Deus in hoc statu te confirmet, ac misericordiæ suæ exemplum in te edens efficiat, ut mors hæc tua tanquam transitus ad æternæ felicitatis, & vitæ possessionem te traducat.

Inde se avertens Carnifici, ut meas vestes, inquit, & corpus post executionem tibi demandatum

datum missum facias, en tibi libras decem exhibeo, quas vestium meorum pretium superare certò scio.

Carnifex. Placètne Excell. Vestræ feriendi tempus signo aliquo mihi significare? Cui Comes, Annon tibi hic spacium satis largum conceditur ut sine impedimento munere tuo fungi queas? Quod satis prolixum esse affirmante responsione Carnifex innuit.

Bonton. Dominus, in quo sunt veræ divitiæ, tibi robur tuum firmet, & augeat. Dominus coeli vultum suum ad te convertat. In extremo articulo te constitutum in libertatem asserendi potentissimus est. Ad eam humilitatem decidere non possumus; ut ex æterna Dei potentia excidamus. Deus te extollat, animum tuum pusillanimitate & ignominia circumdatum fortitudine sua erigat; ac transitum ad vitæ æternæ Majestatem & gloriam qua omnium ærum narum tuarum exantlationes compensabuntur, promptum ac paratum reddat.

Holl. Com. Ad Carnificem Comes rursus facie admota audi amice, ait, quando caput meum à corpore meo segregatum in sublime extolles, vitta sua tectum relinque. Postea ministros suos aspiciens uni dixit, Optimè vale, honesti viri officium functus es: ac alteri, Deus tibi præsto sit; Viri probi titulum mereris. Mox hæc verba subjunxit; expectate; In genua procumbens peccatorum veniam à Deo petam. Atque ita in genua provolutus aliquandiu seria precatione iterum se Deo commendavit.

Bolton.

Bolton. Faxit Deus per gratiam & misericordiam suam, ut vitam in morte invenias.

Holl. Com. Quà procumbendo me extendam oportet? loco commonstrato ad theatri marginem propius accedens populi circumfusi coronam inclamavit dicens; Deus vobis omnibus benedicat; Deus vos ab ignominiosâ morte defendat, sive in bello obvenire, sive hoc pacto contingere possit. Deus faxit, ut animi vestri pace salutarî coalescant, & miser ejusmodi casus hic, quo oppressi sumus, ultimus in hoc regno existat. Hoc est unicum illud quod post animæ meæ salutem & incolumitatem à Deo precatione mea peto. Deum itaque rogo, ut hoc regnum, hunc populum & hanc nationem omni prosperitate & felicitate beare velit. Ad truncum reversus carnifici inquit, quo pacto mihi decumbendum est? ego nescio.

Carnifex. Corpore æquali & plano in ventrem procumbe; quo dicto caput trunco imposuit, dicens, num corpus meum propius admoveam necesse est?

Carnifex. Imò aliquantum corpus removendum erit.

Holl. Comes. Ictus expectati tempus tibi signo dato innuam. Procumbens brevium precum recitatione admodum devota & seria Divinæ misericordiæ animam suam commendavit. Manibus postea elatis, ubi est, ait, vir? Ac Carnificem penes se conspicatus expecta, inquit,

quit, donec ex signo tempus ferendi animadvertas. Paulo post manu extensa, ac tamen nondum planè paratus age dixit. His verbis ex ore ejus elapsis uno ictu Carnifex caput amputavit, sublatumque populo ostendit.

A N I M A D V E R S I O

Capitalis qua Dominus Capel
vita sua nudatus ex hac miseria-
rum valle discessit.

Post supplicium de Hollandiæ comite sumptum Dominus Capel in theatrum deductus caput suum aperuit, atque animoso gestu quaquaversus oculos suo coniecit. Adventantem Tribunus militaris Beecher rogavit, ubinam est capellanus tuus?

Capel. Non adest, nam ipsi jam valedixi. Animadvertens autem quosdam ex ministris suis præsentibus lachrymis casum hunc infaustum deplorare, quæso inquit, acquiescite, & contenti estote; mox ex Tribuno militum Beechero quæsit; quid? nam Domini testis an vero nudis capitibus loquebantur.

Trib. mil. Beecher. Nudis capitibus loquuti sunt: Ad theatri verò marginem appropinquans Dominus Capel, Hinc, inquit, Sermoni meo ad circumstantium aures transitus vix dabitur.

bitur. Perrexit tamen ac sequenti oratione auditores præsentibus alloquutus est.

Capel. Discepcionis meæ cum iis, à quibus huc missus sum, ac ignominiosæ meæ mortis authores existunt, habitæ exitum & conclusionem vobis recensebo : Cum Sermoni meo in præsentia ipsorum finem imponerem, ultimis meis verbis integram ac non fucatam meam sententiam exposui, ac dixi, Me precibus meis à misericorde Deo petiturum, ut in finitam in Iesu Christo gratiam ipsis acquirere liceat ; Idem adhuc ipsis precor, ac voveo, ut Deus coeli ac terræ dominus ipsis omnem illam iniquitatem & injuriam, quæ mihi ab ipsis multiplex orta est, ignoscat. Hoc integro & puro animi celo ipsis opto, atque exopto. Ne hæc ut Christianus in præsentia vestra eloquor, ut re ipsa me verum Christianum esse demonstrarem. Sed jam necessitas requirit, ut narratione ampliore & proluxiore non ulla alia etiam vobis manifestem. Protestantis Religionis veritatem profiteor ; confessionis nimirum illius me asseclam esse dico, quæ morem illum in Anglia triginta novem capitibus stabilitum sequitur. Benedicta confessionis est via, ac ejus modi via, ut nullam aliam bonam & salutarem præ illa agnoscam, tantum ab est, ut Pontificiæ Religionis sectator sim, cujus tamen rei calumnia nonnulli me onerarunt. Hoc in præsentia vestra nullomodo inficiari possum, quod opera bona quidem plurimi faciam, & credam, ea salutem æternam adipiscendam nequa-

nequaquam facere. *Fidei meæ fundamentum & anchora hæc est, quod Christus me dilexerit, & se ipsum pro me obtulerit.* Fulcro huic unico innitor, ac huic basi insisto. Profecto aliquid vobis dicam oportet, tanquam Cosmopolita, sive totius mundi civis, ac eodem pacto etiam condemnatus, atque morti adjudicatus sum, modo inquam contrario omnibus legibus, quibus totus mundus gubernatur ense nimirum, & armis, interquæ leges silent, quanquam gladio defensionem & honorem meum debeo. Sed non est cur his recensendis vobis moram diuturniorem objiciam, cum alio in loco hujus rei prolixam mentionem fecerim; credo quod aliorum mediorum opera comperietis, quibus ea in negotio argumentis usus fuerim, & quas inde consecutiones deduxerim. Sed hoc inusitatum & insuetum est. Vos Angli natione & ex Anglia oriundi in præsentia vestra. Anglum & Parem mori cernitis non ullis Angliæ legibus morti adjudicatum, sed, quod majorem admirationem meretur, modo omnibus Angliæ Regni legibus adversante, quantum quidem mihi innotuit, capitis damnatum. Necessitatis lege cogor vobis interitus & mortis meæ civilem causam & occasionem brevi narratione manifestare. Est autem ea, quod quinti præcepti à Deo ipso nobis præscripti & mandati observantissimus Legis Divinæ transgressor esse nolui. Hoc parentibus debitam oboedientiam à nobis postulat. Omnium Doctorum, qui opinionibus quidem aliquo pacto
R variant,

variant, communi tamen judicio & consensu innotuit, quod præcertum dictum etiam magistratui debitam oboedientiam comprehendat. Equidem Magistratui atque ordine à Deo instituto hæc in negotio oboedientiam præstiti, atque illi parui sub cujus imperio vixi, & cui omnis obsequii vinculo obstrictus fui. Ac certum quidem est, (liberè ac sine omni affectu hic loquor) me propter observationem & oboedientiam quinto præcepto à Deo instituto, & proprio suo digito scripto debitam: hic jam mortem oppetere. Idcirco mei Domini, occasionis hujus vos alloquendi rationem habebo. Nullius majoris ingeni ductum sequi possum, quam illius, quod de seipso loquitur: *Qui injusto judicio, & iniqua sententia alium condemnat, contra eundem etiam injustum judicium, & sententia iniqua pronunciabitur.* Profecto mei Domini nil potius duco, quam ex animo optare, ut Deus honore debito afficiatur, ac omnes homines ejus honorandi occasiones arripiant, & humili submissione, veraque poenitentia Deo reconcilientur. Coràm vobis neutiquam inficior, sed animo aperto confiteor, me in condemnando Straffordia comite meam sententiam cæterorum sententiis adjunxisse, atque ita mortem ejus approbasse. Nullus dubito, quin illud commissum Deus omnipotens Filii sui, Iesu Christi dignissimi mei servatoris sanguine preciosissimo abluerit, ac etiam spero, cum simili ratione omnes eos, qui ejusdem sanguinis

Straff-

Straffordix Comitis profusi , mecum consci-
scii sunt , purgaturum esse. Hoc verum
esse affirmando confirmare possum , me in
negotio illo ullius suspicionis sinisterioris one-
re non gravatum fuisse , nec quicquid feci,
malo aut improbo animo fecisse. Liberè
enim fateor , contra omne jus & fas futu-
rum fuisse , si conatus ejus in tanti momen-
ti negotio quod tunc temporis molitus fu-
erat , repressi non fuissent. Idcirco mihi vi-
deor non satis animosus in eadem re fuisse ,
atque ideò , plus culpæ sustinere ; in cæte-
ris autem ab omnis malitiæ suspicione li-
ber sum. Verum quocunque pacto res se-
se habeant , firma in animo meo certitudo
sedens me certiore reddit ; Deum illam
noxam mihi ignovisse , atque sanguine filii
sui Iesu Christi abluisse ; Votis itaque ex in-
timis animi mei penetralibus profectis om-
nibus illis , qui eidem noxæ affines consci-
entiæ suæ motus graviores , & sibi adver-
santes ea de causa sentiunt , precor , ut à
Deo commissi veniam petere , ac gratiam
& remissionem impetrare queant : Et quo-
niam , mei Domini , occasio obtulit ut et-
iam Regis hujus nostri ultimi mentionem fa-
ciamus , de ipso nec loqui , nec Carolum Re-
gem nostrum nuperrima cæde sublatum ullam
cogitationem suscipere possum , quin dicam ,
cujus dotes egregias multiplici indagatione
exploravi , judicio meo & fidelitate , & om-
nibus animi dotibus cum quibusvis mundi

principibus non dicam . Paria fecisse , sed ipsos etiam superasse . Deus Optimus Maximus filium ejus regem nostrum Divina sua tutelâ protegat ; Deus ipsi felicitatem & vitæ longævitatē largiatur . Deus omnipotens ipsum eo pacto roboret , ut paternas virtutes & dotes sibi acquirere possit . Tanto Principi à consiliis fui , & haud exiguum cum ipso vivendi spacium transmissi , utpote cui ab annis decimo tertio , quarto , quinto & sexto adfui , iisque cum ipso habitavi . Profecto nunquam ullus adolescens tantam virtutum spem & expectationem unicuique fecit , quam Princeps ille adhuc in adolescentiæ suæ flore constitutus judicio grandi , ingenio magno , capacitate insigni , & majestate admirabili , qua ipsum natura dotavit ; ut omnia magna uno quasi fasciculo complectar , comitate , humanitate , & honorificis moribus . Anglum verum & nativum se præstabat . Deum precor , ut in Regium solium reponatur , regnaque ejus in concordiam salutarem redeuntia pacifico vinculo iterum vinciantur . Deus felicitatem , ac benedictionem suam in Regna ista effundat , ac Majestati Regiæ vitæ diuturnitatem , & Regiminis felicitatem largiatur , ac faxit , ut infinita seriæ posterī ab ipso descensuri eò usque regna hæc possideant , donec æterni Regni adventus mundana hæc regna cessare jussērit . A Deo submissis precibus peto , ut Regem hunc adolescentem cum subditis suis
omni

omni felicitatis & prosperitatis genere per gratiam. Domini nostri Jesu Christi beare velit.

Sermonis mei exordium materiâ suâ, quam continet, adeò mihi satisfacit, ut eàdem ipsam etiam orationis meæ finem esse velim, precationem nempe & votum, quo à Deo Omnipotente humili subjectione requiro, quemadmodum ab initio feci, ut in finitam & in æstimabilem suam gratiam iis exhibere non recuset, quorum machinatione & impulsu in hunc locum delapsus sum. Deum precor, ut tantum gratiæ ipsis subministret, quantum ab ipso votis seriis exquirere & optare possunt. Quantum ad me attinet, neminem ipsorum malefaciendo accusabo certè non faciam. Apud animum meum non cogitabo aliquid mali cordibus ipsorum insedisse, quoniam quæcunque fecerunt, seria remissione ipsis omnia condono. Coeli & terræ Dominus benedictionis suæ copia & affluentia vos ditet. Deus Omnipotens infinitam suam gratiam & bonitatem in vos effundat, & præceptis suis informet ad oboedientiam Regi Vestro debitam, ut Natio hæc in Regno hoc pristina sua felicitate & splendore iterum efflorescat, & oboedientia ac fidelitas à fidelibus & oboedientibus subditis profecta Regi hujus Regni omnem prosperitatem & felicitatem parturiat. Deus Optimus Maximus vos omnes tutelâ suâ præsentissimâ ex periculis omnibus eripiat; Deus Omnipotens huic Regno salutem & in columi-

tatem largissimâ manu offerat. Deus Omnipotens ab omnibus ærumnis & adversitatibus vos fartos rectosque conservet.

Hisce verbis sermonis, filum abrumpens, circumspexit carnificem quærens, qui ex theatro aliquò descenderat. Ubi est nobilis? inquit, Quisnam est vir ille? Responsione audita, quod veniret, expecta, ait, donec thoracem & interulam meam prius exuero Carnifici verò interea in theatrum redeunti dicebat, accede mi amice; atque eum in genua pro cumbentem sequentibus verbis alloquebatur: Ex animo tibi hanc muneris tui functionem ignosco, ac non tantum ignosco, verum etiam Deum precibus meis sollicito, ut gratia sua Divina ab hac ignominiosa vita ad meliorem, & honestiorem te abducat. En quinque librarum munere te afficio. Quantum ad vestimenta mea, & reliquas has res attinget, si quid est quod jure tibi competere putes, aut dicas, debito precio abs te redimetur. Illud unicum tantum postulo, ne corpus meum denudetur; aut illud ab ullo alio nisi à ministris meis attingatur. Tu, amice fac mihi procumbenti ad precandum tempus concedas, quod vehementer abs te postulo.

Beecher. Tibi ipsi, mi Domine signum aliquod constituito.

Capel. Paulisper expecta: in utralaterum consistes, Carnifici dixit. Expecta; manus

manus meas ut aliquo pacto extendam mihi necessarium esse videtur. Annuente Carnifice, postquam parum constitisset; exclamatione repitita populo his verbis valedixit.

Deus Omnipotens hunc populum benedictionis suæ Divinæ compotem faciat. Deus Omnipotens hanc venam ruptam & sanguine manantem obturet, sanguinisque profluvium tantum sistat. Hoc actu negotium hoc non finietur. Deus alia ad negotium hoc conficiendum media ministret, aliaque remedia his ærumnis quærat. Hinc ad unum ex ministris suis se detorquens, Baldwin, inquit, haud multa, uxori meæ quæ nuncianda curem habeo. Illud abste postulo, ut ipsam admonitione tua ad fidem in Christum cohorteris, meisque verbis, quietam & tranquillam esse jubéas; Omnibus vero ministris suis præsentibus tandem dicebat, Deus clementi suo patrocínio vos ab omni calamitate tutos præstet.

Tum circum stantem coronam alloquutus, Domini mei, ait purpura & brevem meam petitionem apud vos locum invenire patiamini, nimirum ut preces vestræ meis se adjungant, atque eas usque ad mortem meam, spiritusque à corpore emigrationem comitentur, quo Deus animam meam ad se recipiat.

Beecher, Hoc ex animo precor.

R 4

Capel.

Capel. Cuncti preces unitas ad Deum, emitte, quando ictus fieri debet; sed nullum strepitum excitate, ad suos ministros conversus inquiebat. In hoc enim, casu ejusmodi quid facere inconsultum est.

Minister, Mi Domine, vitam tuam capiti impone.

Capel. Num hoc faciam? nunquid commodi mihi asferre potest? parumper præstolare: Rectè est: His dictis comam suam ex collo in caput removebat.

Ad carnificem respiciens dixit; Honestè vir, tibi ignovi; propterea non est, cur timeas; quin præsentì & prompto, animo ictum feriendo exequere: Ex animo, tibi & serio remitto.

Nobili cuidam ipsum alloquenti, Non, inquit; Rogo acquiescas, mi Domine; contentus esto, contentus esto.

Iterum ad Carnificem converso vultu, rogavit; Age, annon paratus es, quando, me paratum vides? Manibus verò extentis quæso, ait, parumper à me recede. Tum ad theatri marginem propius se recipiens populum altiore voce inclamavit. dicens: Domini mei, quanquam vestram in me benevolentiam ne in minimam quidem dubitationem vocare queam, consultum tamen mihi visum fuit superflua, ex hortatione vos adhuc stimulare, ut preces vestras meis associantes animæ meæ gratiam, Divinam impetretis, quò Deus eam propter filii sui Jesu Christi misericordiam in gratiam suam recipere dignetur.

Car-

Carnifex, Placerne tibi, Domine, ut comam tuam colligem.

Capel. Facias quæso. Hoc facto surgens manibus ac oculis in coelum sublati. O Deus? inquit, Animo integro & serio voluntatem meam tuæ subjicio; O Deus! Spontanea & humili voluntate me tibi obnoxium reddo. Post hæc ingenua procumbens, prius, inquit, periculum faciam, quo pacto mihi procumbendum sit: Capite in truncum se inclinans rogavit, num rectè jaceret.

Carnifici respondenti quod commodè, & aptè corpus suum jacendo aptasset, dixit. Hic utraque manus mea exporrecta jacet: quando dextram meam hoc pacto in sublime erexero, ictum me expectatum excepturum scito.

Brevi tandem precatone absoluta manu dextra carnificem feriendi tempus adesse monuit, qui securim collo immittens uno ictu corpus capite suo privavit. Truncum corpus cum capite abscisso à ministris ejus capulo impositum atque ablatum est.

DECLARATIO

Parlamenti Angliæ, qua
 ómnium suarum acciónum cau-
 sas & fundamenta deducit, ac
 regiminis Regii in Liberam Rei-
 publicæ gubernationem mutati
 occasionem & necessitatem ma-
 nifestat.

ANGLIÆ Parlamentum Communitatis, seu
 Populi, quem representat, suffragiis con-
 stitutum & electum, atque ab eodem ad bo-
 num publicum conservandum & custodien-
 dum publica auctoritate armatum postquam
 diu multumque Tyrannidi se opposuit, atque
 salutis eorum, quibus inservit, recuperandæ,
 omnis oppressionis Tyrannice amoliendæ, po-
 tentiæ in unius voluntate & arbitrio site remo-
 vendæ, cuncteque se hujus Nationis paciæt li-
 bertati objicientis potestatis tollendæ causa
 multos jam annos cum eadem decertavit, humi-
 lissima submissione, gratissimâque, animi recor-
 datione incredibilem benedictionem sibi à Deo
 Omnipotente obtigisse fatetur, inprimis si
 virium suarum imbecillitatem ac benevolen-
 tiam & promptitudinem omnium huic negotio
 summo

summo studio incumbentium considerat, ac cernit, hostium molitiones tam apertis quam clandestinis machinationibus & vires infirmas & benevolorum studium oppugnantes nihilominus debilitatas, & labefactatas esse, ut voti sui compotes fieri, & conatus suos efficere non potuerint.

Ut itaque, potentiae ipsorum restauratio præverteretur, ac tyrannidis, injustitiae, belli, & omnium calamitatum atque, ærumnarum hæcenus exantlatarum redintegratio, præcaveretur, Parlamentum necessitatis lege inevitabili ad ultimam hujus Regiminis mutationem, ac renovationem, Gloriæ Divinæ, ac hujus Nationis. Bono Publico unico suo scopo ad quem omnes sui labores & sudores collimant, judicio suo maximè inservientem compulsum ac detrusum est.

Id quò manifestius & apertius pateret, & universis ac singulis, ad quos negotium tantum attinet, satisfaceret, Senatoribus & assessoribus Parlamenti apertâ manifestatione actionum suarum fundamenta & rationes in publicum edere, atque toti mundo ob oculos ponere visum fuit.

Ea opinione imbuti sunt, nullo pacto negare aliquem aut posse, aut velle, primam Regi muneris originem, atque institutionem apud Nationem hanc manasse ex unanimi consensu & convenientia Populi, à quo consentiente Rex electus est, ut munere regio fungens eos, à quibus electus est, secundum

dum jura concessa protegeret, eorumque securitati, in columitati ac felicitati patrocineretur.

Omnes, qui historias nostras lectione suâ percurrerunt, exactâ perspicillatione animum advertant, quàm parum non justitiâ solum administrandâ, sed etiam debitâ pro subditorum salute curâ gerendâ rerum suarum reges illi sategerint, & quàm negligenter officio sibi mandato functi fuerint.

Quot verò, ac quàm multi summo labore ac contentione in id unum incubuerint, ut potentia ac ambitioni suæ propriæ indulgentes seipsos exaltarent, ac summa subditorum suorum expressione, calamitate & miseria, sanguisque Christiani profusione cupiditati suæ de vanissimo honoris, est authoritatis titulo ambitiosissimè laboranti satisfacerent.

Si in serie illa Regum à primis ad ultimum hunc descenderint, diligenter examinent, quantum defunctus Rex antecessores suos in iis quorum conservationi maxima contentione studere debuisset, perdendis & pessundandis antecelluerit, ac quod loco profectionis in omnes suos subditos diffundendæ eò femeritatis & audaciæ progressus sit, ut furoris, quo accensus erat, violentiam ægrè aliqui evaserint.

Ut rei veritas manifestò pateat, operæ precinnuerit, compendiosiore observatione nonnulla in regimine ab ipso gesta annotare, & excutere, ex quibus liquebit ipsum majoribus suis in ejusmodi casibus malitiâ longè superiorem fuisse

fuisse malitiamque similem ex ullo exemplo ante hac pœnâ affectorum, aut pœnam meritorum colligi & perspicere non posse.

Non solum tempore illo, quo Párlamentum, Regiminis sui anno secundo dimissum est; verum etiam antea prodidit oblivionem quandam naturæ penitus contrariam, quâ violentem Patris sui mortem delevit, atque, inquirere destitit eventum Rupellanis, atque insulæ Ree tristissimum, cujus ærumnas & afflictiones miseri Galliæ Protestantes adhuc sentiunt, & jure ac meritò deplorant: qua factum est, ut plurimi captivitate miseranda & injusta opprimerentur, multaque, onera maxima Populo imponerentur unde excellens illud petitionis jus manavit, cujus beneficio oppressi secundum legem nuper causas suas egerunt, quod tamen ipse mox multis in partibus infregit, postquam paulò ante solenni consensu idem approbasset. His ab ipso gestis accedunt & alia multa; Captivitas nimirum & persecutio membrorum Parlamenti, qui voluntati ejus injustæ sese opponebant; diversorum item mercatorum, & hominum honestorum, qui nova vectigalia mercibus imposita solvere negabant, eò quod sine Parlamenti consensu imposita essent, & contra jus & fas ab ipso summa vi exigerentur. Animadversio in multos Patriam hanc suam summo amore prosequentes, quod condere & permittere ipsi nollent ea, quæ jure & legibus notissimis adversantia ab ipso petebantur. Monopoliorum institutio, & si-
miles

miles aliæ actiones mercaturam pessundantes. Propositum & mandatum de Germano equitatu in hoc Regnum introducendo, ut nos servitutis onere perpetuo premeremur, & ipse spem suam conficeret, quam de pecuniâ nauticâ concepit, atque ita unius cujusque facultates in manibus & potestate ejus versarentur, ut pro lubitu eas cuivis conatui suo promovendo & efficiendo prompta auxilia substernere posset. Privatæ & peculiare sollicitationes compensationum & re muneracionum pollicitationes, ac minæ, quibus judices plures à fidelitate sua abduxit, atque alios abducere conatus est, ut contra suum & ipsius juramentum voluntati ejus injustæ justitiam post haberent, atque omne jus & fas infringerent. Oppressio omnium suarum curiarum, & judiciorum, Consilii Magni, ster cameræ, judicii Marstel, judicii de Wardlips, Pursiveyances, ordinis Equestris Afforrestationum, & multorum ejusmodi aliorum quæ hic omnia recensere nimis longum foret. nec etiam opus est, cum in recenti memoria hæreant.

Naturæ repugnans Servitus Pontificiis militibus constanti exercitu injecta est Hibernis, quos vi armata voluntati & arbitrio suo subijcere conatus est, ut hac ratione ex lubitu & arbitrio suo potestatem obsolutam & nullis legibus aut gubernationis capitibus ad strictam exerceret, eandemque tandem etiam huic Regno tanquam capistrum injiceret.

Diuturna mora, & intermissione frequenti:
Par-

Parlamenta nostra in desuetudinem abire voluit, me eorundem oppositione in posterum divexaretur. Prima transmissione novi libri instituta Ecclesiastica concernentis, qui service booke appellatur, in Scotiam Regnum illud ad appositionem concitavit, neque, Anglis animum addidit, ut Scotorum conatibus obviam irent, quæ actio præter omnium de successu aliquo planè desperantium opinionem nobis ultimum atque breve Parlamentum congregavit. Congregationis autem istius hic erat scopus unicus & solus, adquem Rex collineabat, ut nimium suæ voluntati satisfaceret, pacis cum scotis initæ diremptio tegeretur, ac duodecim subsidiis à se petitis injustissimum & iniquissimum suum vectigal nauticum redimeretur. Spe hac præter opinionem, excidens petulanti admodum ausu Parlamentum, subito atque de improvviso dissolvit, magnaque, plurimos homines consternatione turbavit.

Scoti Regem promissis juramento firmatis non stare videntes, actionemque talem nobis omninò displicere animadvertentes exercitum suum ex Scotia in Angliam traduxerunt. Rex multorum iniquorum & incommodorum mediorum occasione magnam manum militarem coëgit, atque in boreali hujus Regni parte castra posuit, ut Scotorum conatibus obviam iret. Ibi multis petitionibus ex diversis locis advenientibus, consiliisque multorum virorum honestate & autoritate valen-

valentium permotus, imò verò ac præcipue animadvertens, quam inviti utriusque Regni incolæ eodem tempore ad perniciem & everfionem mutuam, eorumque omnium, quos penes se habebat, & quorum custos ac protector esse debebat, interitum accederent, ac tandem desperato exitu omnem spem abiiciens ad illam sui muneris partem, qua Parlamentum congregare devinctus erat, confugere coactus fuit.

Magna pecuniæ vis à populo Angliæ exigebatur, ut illi satisfaceret, à quo tanto detrimento mulcatus est. Utrique exercitui stipendia soluta ab iis, qui ejusdem collectionem nec occasione aliqua data concitarunt, nec assensu suo probaverunt. Sed quod maximum atque præcipuum est, Angliæ Regni exercitus contra Parlamentum à Rege sollicitabatur, & incitabatur. Res adeo stupendæ atque omni naturæ adversantis impietatis in Rege Angliæ subditos suos ad mutuam cædem incitante, & impellente, quæ nulla responsione aut excusatione dilui potest. Omnem fidem superat, ac ægrè verisimilis videri potuisset, nisi fequentium actio-
num eventus illam demonstrasset.

Hujus conatus primos fructus senserunt Hi-
berni fratres nostri miserandi, quorum tot mil-
lia tam mirè actam crudeliter sublatis sunt, ut
omnium hominum animi misericordia in credi-
bili concussi casum tam horrendum & fune-
stum non injuria deploraverint. Ac quamvis
Rex extra culpam se esse diceret, nonnulli ta-
men homicidarum istorum aperte facti sunt. se

ex

ex mandato & jussu Regis illud facere, atque ita actiones suas Regis voluntate excusarunt.

Ultima ac vilis ejus proclamatio quâ homicidas istos rebellionis reos pronunciavit, ac consensus, quo inducias cum rebellibus pactas ratas habuit, nil nisi conatibus ejus auxilium tulerunt, ac protestantium progressus maximè remorati sunt. Commeatus & annonæ Hibernis Protestantibus transmittendæ impedimentum & ablatio innocentiam ejus non testantur, nec ab innocentis, atque vindictam clamantis sanguinis profusione neutiquam innoxium præstant.

Sed ad Angliam redeamus, in qua tristitiæ & calamitatis seges erat uberrima. Rex ipse Parlamenti confessum in inferiori domo ingressus est, ut quinque ejusdem membra seu assessores in vincula conjiciendos curaret. Sequebantur eum aliquot centeni homines vitæ profligatæ & inordinatæ, qui gladiis, sclopetis minoribus, aliisque ejusmodi telis armati ante Parlamenti januam expectabant, ac ad ea, quæ Dux ipsis mandaturus esset, efficienda parati erant.

Postea ex diversis occasionibus indubium populus venit, ac veritus est, Grauamina sive onera, aliasque in quas conjectus erat, difficultates nec sublatum, nec ullum iis remedium quæsitum iri. Hinc orta confusione, ac motu aliquo inter vulgum concitato Rex abeundi occasionem arripuit, atque Londino Kingstonum se recepit, ubi mox militares quasdam copias ex suæ farinæ hominibus conflatas offendit.

Inde in septentrionalem Angliæ partem concedens exercitui colligendo operam navavit, pluresque Parlamenti utriusque assessores à fidelitate sua abducere, & ad suas partes pertrahere molitus est, ut ita illos sibi adjungeret, atque fratres ipsorum, ipsosque illos à fratribus suis deficientes in interitum præcipites ageret. Qui justam poenam meriti supplicio debito afficiendi erant, eosdem ipse protegebat. Nottinghami vexillum suum erexit; Ex Wallia, & Marches potentissimum exercitum collegit, atque, propè Edgil primo in sultu sibi resistantens adortus est.

Oxonium occupavit, castraque sua ibi metatus est, pagos circumjacentes, reliquaque locavicina impetui hostili sustinendo apta munimentis militaribus firmans, atque omnia ad ferium & sanguinolentum bellum necessaria studiosè adornans. adeò ut Parlamentum omnium subditorum corpus representans acerrimo bello adoriretur, ac rem effectui daret, quam nullus regum antehac ullo unquam tempore in hanc suam nationem ausus fuit, & omnes homines summa animi consternatione & tristitia in posterum meminisse necesse est.

Subditorum civitates, pagi, & domicilia incendio conflagrarunt, & everfa sunt; amoenæ possessiones, & prædia vastata incineribus jacent; Hæreditates ereptæ donoque datæ iis, qui in malitia exercenda primas tenuere; Ministri, fratres, consanguinei, amici, liberi, & uxores horrendis cædibus perierunt. Atque, hoc pacto
pro-

proprios suos subditos, quorum defensione & custodie muneris sui ratione devinctus erat, & à quibus omnem injuriam depellere debebat, ipse incendio & gladio persequutus est, captivos fecit, atque omnibus belli cruciatibus & miseriis affectos necavit. Nihilominus interea temporis, cum omnia bello, incendiis atque cecidibus oppleta essent, à Parlamento diversæ ablegationes ad Regem transmissæ variis modis pacem proposuerunt, quæ tamen nullo pacto obtineri nec ullus ipsi consensus pacificus extorqueri potuit, cum tamen vel minimum ejus verbum consensum aliquem ad pacem proclivem præ se ferens diluvium illud sanguinis, atque inundationem miseriæ cuius obices ipse pertotum suum Regnum removerat, facili negotio obrurare & sistere potuisset.

Postquam Deus Opt. Max. proeliis secundis Parlamenti causam justam vehementer promovit, ac Regis potentiam ferè totam in nihilum redegit adeò ut Rex rebus suis planè diffidens etiam copiarum suarum fidelitati amplius inniti non posset, Anglos reditu suo non dignatus est, sed ad scotos populares suos se recipit, quibus & se accipiendi, atque iterum conditionibus prolubitu præscriptis dimittendi honorem & gloriam attribuit.

Post detentionem autem suam abutriusque, Regni Parliamentis porrò de pace diversis vicibus compellatus est, & quidem eadem propositione, cui rerum successus felix nullas accessiones adjecit. Sed apud Regem locum non invenit,

nit, quandoquidem novi conatus ex suorum consiliis & molitionibus emanantes novarum miseriarum & ærumnarum cumulo populum oneraturierant. Hæc omnia propositioni propositæ conveniens transactio facili negotio prævenire potuisset. Verum postquam omnia irritò conatu tentata essent, tandem Parlamentum de ipso non amplius compellendo decretum fecit, ac suffragiis firmis constituit.

Ultima verò ætate cum conatuum dictorum fructus ubique de novo erumpere inciperent, interea dum ipse in custodia detineretur, ac nova sanguinis scaturigo ejus nomine aperiretur, astuta & profunda molitio ipsum infernum (ut ipsi de se his terminis gloriabantur) astutia & profunda subtilitate superans fabricabatur. Exercitu in diversas partes hac atque illac disperso in plurimis locis subita eruptione incendium eluctatum est. Ac quoniam metuebatur, ne Anglorum numerus nimis parvus, aut misericordia ipsorum erga populares suos nimis magno foret, facili negotio maligna Scotorum pars huc evocata fuit, quæ ab initio quidem foedus pactum sano sensu interpretata, ac Angliæ Parlamento se jungendo, & Regiæ parti adversando ad scopum in eodem foedere propositum collineavit, judicio tamen suo se correxit, ac Regis partes deficiens jam alteram & priorem persequitur, ac foederis sui socios Angliæ videlicet Parlamentum oppugnat. Sed Deus ludibrio haberi non vult. Nam quanquam hæc miseriarum novarum nubes non modo hic, verum

verum etiam in Septentrionali hujus Regni parte huic nationi vehementissimam afflictionem minabatur, & omnium hominum judicio nobis extremam perniciem & interitum portendebat; Divina tamen providentia & Manus admirabilis, quemadmodum sepè antehac, ità etiam in præsentibus angustiis & difficultatibus, quod ex potenti & miraculoso eventu clarissimè patuit, exercitum nostrum, quo tanquam instrumento usus est, tam animosa sapientia & fidelitate dotatum adeò dextrè & feliciter conduxit, ut hostes nostri devicti in admirationem & stuporem rapti, & nobis quæ pretiosa erant, conservata fuerint.

Durante autem hac everfione (quibus autem mediis, satis patet, atque affatim in latiore declaratione manifestatum est) octava compellatio ad Regem dirigenda erat, quam asseclæ ejus fabri caverant, adeò ut Parlamenti vota & decretum è contrario revocari, & in insulam Vectem deputati mitti debuerint.

Ubi cum justissimis Parlamenti petitionibus satisfacere, ac pacis tractationem seriam suscipere debuisset, pacificationis, qua se distineri simulabat, loco novi belli molitio & conatus serius, ac plenior sanguinis ex subditorum suorum corporibus promendi aviditas ipsum occupatum tenebant; Qua de causa etiam utrumque suorum filiorum adultiorum ad hostilitatem incitatum, ac potentia armatum novis mandatis ad populi everfionē summo studio animavit.

Itaque horum aliorumque incomparabi-

li sum ab ipso commissorum criminum, Jura-
menti ac protestationis non servatæ, perjuri-
que insignis, sanguinis in Hibernia & Anglia
clamantis, lachrymarum à viduis, & orpha-
nis profusarum, ac tot myriadum experegri-
nis juxta ac indigenis cæde horrenda sublata-
rum occasione & respectu quisque nullo unius
aut alterius partis præconcepto favore judicet,
an Parlamento Regem justitiæ subjiciendi ra-
tiones & occasiones satis ponderosæ & suffici-
entes non suppetierint?

Objiciebatur tamen, & Rege ipso affirman-
te dicebatur, omnes eos, qui cum Rege in
simili statu & dignitate collocati essent, ne-
mini nisi soli Deo, cujus uncti sunt, actionum
suarum rationem reddere debere. Unde nos
eam consequentiam promamus necesse est, om-
nes hujus regionis homines unius & solius ejus-
modi viri, Regis nimirum, causa creatos esse,
ut ex ipsius arbitrio cuncta quæ velit, faciant,
perinde ac si omnes nullam aliam ob causam
nati essent, quam ut ejusmodi hominis unius
libidinem expleant, & perversi Tyranni volun-
tatis victima sint.

Hoc haud facili negotio verisimile, aut cre-
dibile fieri potest, a Deo Opt. Max. sic insti-
tutum esse. Injustitiam enim nullo unquam
tempore stabilit, sed severis suppliciis & poe-
nis coercet. Cum Populus ejus Regem expe-
teret, ira vehementi exacerbabatur, ut Sa-
cræ literæ nos docent, quæ nullo unquam tem-
pore ipsi displicuisse asserunt, quod Regis ali-
cujus

cujus imperio se obstringere noluerit. Ejusmodi præfectus omni ratione reddenda exemptus profectò monstrum esset, si inter homines admitteretur. Verum doctrina & disquisitio hæc Regium munus concernens in præsentī hoc sæculo nostro melius, quam superioribus temporibus intelligitur, & eò minus refutatione aliqua digna, quo magis se ipsam refellere potest.

Quantum verò ad illud attinet, quod de uncto dicitur, nullus ex Theologis peritioribus dictum Angliæ Regibus applicandum esse concedet, cum de Judæ & Israelis Regibus intelligendum esse noverit. Ac non magis Regi quàm cæteris magistratibus atque Dei ministris convenit, & aptari potest. Imò verba, ne unctum meum attingite, non de Regibus dicebantur, sed ad Reges, quibus objurgatis in mandatis dabatur, ne prophetas aut Sanctos Dei, qui in eo dicto uncti Dei esse intelliguntur, malo ullo aut incommodo afficerent.

Alia objectio priori subjungebatur; nimirum Regem accusationi, exanimi, ac capitali supplicio exponere rem esse, quæ exemplo penitus careat.

Talia erant ultimi Regis crimina & commissa, quæ exemplo certè carebant. Israelis Filii profecto nullum habent exemplum notum, aut jura cognita, quorum vigore horrendam & turpe illud peccatum in Levitæ uxorem commissum punivissent; sed Deus facinus illud foedum puniendum sibi reservavit.

Nulla exempla eorum defunt, qui hunc regem capite plexum antecedentes à Regio suo munere Parlamentorū authoritate remoti sunt, quamquam non apartè, sed clam & in angulis occultis, claudeflina morte turpiter perierunt. Sed huic, Parlamento aptius & consultius visum fuit, ut honoris justitiæ competentis conservandi grātia Regi pulchrum & apertum in totius mundi conspectu examen concederent, quod in maximè publico Justitiæ loco à plusquam centum nobilibus judicium exercentibus peractum fuit, ubi ipsi liberum & integrum fuisset, si modo voluisset, purgare se ab ea criminis sui parte, cujus accusatus fuit, prout utrumque Parlamentum eum antehac conjunctis suis declarationibus ejusdem reum fecerat.

Criminibus ejus tanquam individuus comes se adjunxerat mirus quidam & pertinax, atque inde fessus subditos suos evertendi labor, studiumque in desinens, in quibus puniendis nulla remissioni datur locus, siue Reges, siue alii fuerint; cum nulla satisfactio recipatur à latrone aliquo, sed certè ejus modi homo poena debita afficiendus sit; ac terra non possit purgari à Sanguine in ea profuso, nisi ejus sanguine, qui eandem profudit. Hoc in Rege hoc supplicio digno sublato præstitum est.

Rege mortuo ejus Liberi in proximam deliberationem inciderunt: Ab his ramis nil aliud expectandum videbatur nisi amari fructus radicem & stirpem sapientes, quales Regnum hoc Patris imperio pressum satis gustavit. Pater certè pro-

tè proprias suas vias ingressus est ; vestigiis ejusdem duo natu majores principes nimis maturè insistentes præcipiti hostilitate Parlamentum armis suis aggrediebantur. Nulla ab ipsis major salus, aut certior incolumitas, quam à Patre proficisci poterat; nec rebus ita stantibus, quantum quidem humana conjectura assequi potuit, ulla pacis certæ & firmæ recuperandæ via ostendebatur, nec spes affulgebat ulla futuras turbas impediendi, & evitandi suceffionem miseriorum & calamitatum continuam, nisi ejusmodi hominum suceffio tandem penitus tolleretur. Ex eâ enim hætenus, tanquam ex scaturigine in exhaustâ manarunt omnes Regum, atque parasitorum & Gnathorum Reges perversis suis consiliis seducentium machinationes & conatus perniciosi, Regnoque exitiosi, qui in posterum sine fine iterum ex hoc fonte emanaturi essent, si radicitus non tollerentur, & ipsa in scatebra non obrurarentur.

Sed eos Regni hæreditate excludere, quibus titulus & corona jure hæreditario competit, justitiæ ex diametro repugnat. Ad hanc objectionem regerimus; rem firmam ac certam esse, quod antiquissimum jus ad populum pertineat, & qui sibi regendi jus tanquam maximus natu antiquissimus jure ac meritò arripit. Si quo titulo & jure maximus natu filius Regnum sui juris esse contendere velit, eodem jure Patris sui culpâ excidit, qui actionibus seu criminibus suis & se & filium suum jure suo privavit. Fieri hoc solet non solum in aliis casibus

casibus & occasionibus, verum etiam in munerum & officiorum hæreditatibus, quæ dissolvi & amitti solent perjura & infideli ejusmodi munerum administratione; Atque hanc conditionem omnibus officiis publicis adhærere nemo est qui inficias ire velit aut possit, cum malis suis facinoribus & sceleribus non ipse solum præfectus se eodem orbet, verum etiam hæredes suos hoc pacto in capaces redditos excludat. Sed in hujus Regis Filiis hoc adhuc accedit, quod Parlamento bellum inferant; de minoribus autem liberis probari non potest, quod nascendi jus ipsis aliquid hæreditatis Regiæ attribuat.

Verum ut Populi authoritatem latius deducamus, certum ac manifestum esse asserimus; Ei authoritati & potestati, quæ Regem aliquem instituit, eundemque publicæ salutis custodiendæ & protegendæ præfecit, si comperiat, eum corruptum atque ab æquitate aversum ad subditos miseris & angustiis divexandos proclivem esse, omnis justitiæ vigoræ liberum atque integrum erit de eodem prolubitu disponere, & videre, num illum, cujus electio ipsi placuit, & quem præfectum instituit, diuturniore regimine continuare, an vero Regimen mutare, & in Tyrannidis locum liberum, & nullis regibus subiectum statum reponere velit.

Hoc in negotio Parlamentum summam animi fortitudinem adhibuit divinam benedictionem inspiciens, quam Deus aliis Regiminibus & Rebus publicis ejusmodi mutationem occipientibus

pienibus largitus est. Romani post ejectos suos reges forma regiminis in meliorem mutata per aliquot centum annorum seriem in longe prosperiori rerum statu versati sunt, quam cum Regum, & Cæsarum imperio premerentur. Venetorum Respublica mille & trecentorum annorum spatio florentissimo & prosperrimo statu hætenus utitur. Quàm longè Helvetiorum & aliarum nationum Respublicæ divitiis, libertate, pace, & felicitate alias terras ejusmodi ratione vivendi non fruenter antecedunt? Belgii Uniti provinciæ nobis vicinæ ad quantum divitiarum, libertatis, commerciorum ac fortitudinis terra marique fastigium surrexerunt ab illo tempore, quo servitutis jugo excusso se in libertatem vindicarunt. In Rebuspublicis Justitia rectè & ordine administratur; Magnates tantam potentiam non habent, ut impotentiores & pauperiores opprimant; Pauperibus de alimentis necessariis prospicitur; Civilium bellorum causæ & occasiones præcaventur; Defensio est unanimis; Peculiares ambitiones, successionumque jura (quibus multos jam annos hæc Natio divexata fuit) ac similes incommoditates omnes remotæ periculis nullis ejusmodi status liberos exponunt; Conscientia omnis generis hominibus est libera; admunera publica cuivis aditus patet. Sed è contrario Monarchiæ nostræ tempus meditatione accurata si percurramus, facile animadvertemus, quâ injustitiâ, quâ servitute, & quibus injuriis vulgus oppressum sit. Imò res
eo tan-

eo tandem rediit, ut magnatum non nulli ministris, servis, ac familiæ sibi inservienti cibum talem, aut tantum quietis vix permiserint, qualem aut quantum equis, & canibus suis impertiverunt. Ante hac Parlamento indicium factum à defuncti Regis, consiliariorum secretorū uno, ni caveremus, tandem futurum, ut amisso Parlamenti jure idem nobis eveniat, quod vulgo Monarchiæ alicui subiecto, ubi privati homines vilissimo vestitu, ac ligneis calceis contenti, ac parcissime & durissime viventes spiritibus quā hominibus externā corporis figurā similiore sunt. Hoc in nos decretum, & quasi fatalis quædam miseria nobis destinata fuerat, si Monarcha noster superior factus nos potentiæ suæ subiecisset. Ut autem hoc effectui daretur, Bestiæ Magnatum silvestris pauperū frumento pascebantur & saginabantur; Uxor & liberi communis alimenti panis nimirū penuriā sæpè famem pati cogebantur, sæpè famelici stratum repetebant; Mercator magnati alicui maxima sortis suę partē concedita, aut creditor alius aliquis pecuniæ suæ solutionem justissimam & æquissimam expectantes sepiissime vilibus verbis, quandoque etiam verberibus remittebantur; Magno precio redimebatur, jus quo dicebatur Magnatibus ac Regibus ministris id privilegii esse, quod videlicet ab omnibus detentionibus, & debitorum exactionibus liberi nullis judiciis aut litibus vexari possent. Jus hoc imò summa injuria multos creditores, & familias non paucas injustè à debitoribus ejusmodi jure omni solutis dilapidatis

dati & profusis bonis ad paupertatem redacti pessumdedit.

Navicularius cymbâ, auriga & rusticus curru & equis & alii aliud vitæ genus degentes statuto præcio Regi inservire cogebantur; Precium ægrè etiam solutum vix ad panem emendum ipsis sufficiebat, cum miseris uxoribus & liberis præter maritorum laborem nihil ad sustentationem suppeteret. Unum profectò tributum aulicum Purveyance nomine, quod majores nostri bonis atque salutaribus legibus temporis progressu in desuetudinem veris in ordinem redegerunt, nupera supputatione tantam conficere summam inventum est, quantum Regnum annuæ totius exercitus sustentationi non impendit.

Atque hæc à quibusdam in genere animadversa sunt, ut & plures aliæ publicæ ex actiones, quæ non solum intellectui odiosæ, verum etiam quamplurimis eorum, qui summa tristitia omnis generis misérias tolerabant, admodum sensibiles erunt. Sed si maximi aulæ Regiæ sumptus, impensæque ingentes in omnis generis luxuriam & excessus protervos factæ considerantur, sumptum tantorum magnitudini ex actionum copiâ nullo pacto respondisse reperietur.

Ab una enim parte maximarum impensarum occasiones fuere in ordinata cupediarum, & deliciarum abundantia ingens quidem, sed tot cattillonum & liguritorum, qui pigritia inutiles, imo terræ pondera inutilia nemini commodum aliquod præbebant, palatis delicatissimorum ciborum

ciborum & potuum avidissimis ægrè satisfaciens ; Festa sumptuosa , Ludivani , Comœdiæ , Tragoediæ , (exercitia diebus solis usitata) aliaque ejusmodi , quæ minus offensionis , & plus sumptuum habebant , magni item pretii præparationes jucunditati & recreationi in servientes ; Omnium harum rerum conservationi & exercitationi sumptus necessarios suppetebant multa jungerum millia , terrarumque plura milliaria , imo magnæ Comitatum partes , quæ ad usum hunc destinatæ in longe meliores & Communi Publico multo utilioris collocari potuissent.

Ab altera verò parte ut sumptus in immensum crescerent , in causa fuerunt Donationes non necessariae , seu annua salaria & pensiones compensationis loco iis concessæ , qui instrumenta apta & idonea habiti , ut ad Tyrannidem introducendam & promovendam adhiberentur , aut aliis , qui de Rege dependebant , ipsique aut sanguine affines , aut aliaqua occasione conjuncti larga & liberali ejus manu sustinebantur. Sumptum in ejusmodi homines impensorum testes sunt diversæ rationes quinquaginta millium librarum summam excedentes , quæ annuo spacio ex Regio thesauro solutæ sunt Scoticæ Nationis fautoribus , ut alias impensas taceam , subsidia nimirum clandestina privatæ crumenæ collata & id genus alia plura Quæstoribus optimè nota (quæ fortassis causa ipsos impellit , ut potestati Regiæ in hanc nationem tantoperè patrocini-

trocinentur, quandoquidem Rex ipsorum conterraneus est.)

Qui jam tot millia singulis annis hoc vivendi modo producta & dilapidata esse animadverterit, ac audiverit, legitimos & solitos Regni redditus cum vectigalibus aliisque nonnullis utilitatibus varium regiarum & munimentorum conservationi destinatis centum mille libris minores fuisse impensis illis, quæ ad Regis, & omnium eorum, qui à Regio statu dependebant, Justentationem requirebantur & impendebantur, non sine ratione inadmirationem rapi posset, unde & quibusnam auxiliis secretis & ignotis hæc luxuriæ & protervitatæ flumina tanta copia abundaverit; Nisi in vulgus nota essent monopolia, officiorum & munerum venditiones, donationes, poenarum criminalium redemptiones, alique modi similes, qui populum argento emungentes, ac tam impie pecuniam corradentes soli impensis ejusmodi abundanter faciendis sufficerent. Tantorum sumptuum, occasione tantæque pecuniæ affluentia factum est, ut aula regia tam infelici fastigio conscenso luxuriæ & injustitiæ palæstra evaserit, in qua boni mores corrupti, multi magnæ expectationis succuli ex nobilibus & insignibus familiis oriundi à virtutum semita ad vitiorum viam abducti, ac Religio ipsa virtutesque omnes tandem sublatae fuerunt, ac penitus evanescentes communi proverbio locum fecerunt; Exeat aula qui vult esse pius.

In statu libero, ac nullius regis sæno parente mole-

molestissimarum ejusmodi difficultatum & angustiarum copia præcaveri potest ; Hujus Regionis commoditates atque utilitates terra marique copiosas tum demum homines intelligent, cum mercaturæ & negotiationis pestes ejusmodi monopolia nimirum, atque alia ejus generis impedimenta commerciorum cursum remorantia remota, ac mercaturæ exercitium liberum, nullisque difficultatibus impeditum stabilitum, & pauperibus tandem de rebus necessariis prospectum fuerit, prout Respublica illud commodum judicaverit, cujus rei consequendæ & efficiendæ occasiones nullæ se obtulerunt, quamdiu Regiminis præteriti forma in vigore fuit.

Omnes prædictæ, ut & aliæ magni ponderis causæ & occasiones subditorum corpus representantem conventum in Parlamento hætenus congregatum impulerunt, atque moverunt, ut maximè necessarium judicaret hujus Nationis gubernationem mutare, atque à Regiâ & Monarchicâ regendi formâ, quæ perniciosis & damnis consiliis, & machinationibus abundavit, ad Rempublicam liberam transferre, ut in posterum tyrannico Regum jugo vacui subditi libero & naturæ convenienti jure frui queant.

Ut autem rectè & ordine omnia fierent, ac Respublica hæc firma mentis certioribus stabiretur, ac conservaretur, maximum incommodum & impedimentum esse reperta est Domus Dominorum siue Parium in anum corpus congregato-

gregatorum atque scriptura convocatorum, ut in rebus juri ac justitiæ subjectis aliisque magni momenti negotiis judicent, atque sententiam ferant; Ideòque decretum est, ut non amplius exerceant negativum votum in populum, cujus corpus minimè repræsentant; ut nullam in posterum judicialem potestatem habeant in omnes personas, & facultates subditorum, quorum judices competentes non sunt, quandoquidem potestas & magnificentia ipsorum potissimum in Regis potentia & autoritate sita est, ad quam se admodum proclives esse nuperis suis actionibus manifestè prodiderunt.

Ac quoniam manifestum, atque perspicuum est, quod, præcipuè his temporibus, quibus omnia in maximis angustiiis & difficultatibus versantur, hujus Reipublicæ administratio, ac securitatis publicæ certitudo firmitas Domus Parium negationes & dilationes ferre non possit, illud penitus remove & abrogare necessarium visum fuit.

Ea tamen facultate Dominis Paribus, qui hætenus Regioni huic fidelitatem debitam præstiterunt, & adhuc ita præstabunt, ut salute publicâ nil prius antiquiusque habituri sint, permîssâ, iisque privilegiis concessis, ut æquè ac alii publicam justitiâ, communemque omnium salutem incolumitatemque complectentes eligantur, & electi membra fiant corporis, aut Senatus magni universum populum repræsentantis, quemadmodum ante hac factum est, cum utraque Domus Parium, &

T

commu-

communium in Parlamento congregatæ sederent.

Una objectio sæpè ac multoties iterata, se infert, concernens utriusque domus decretum Anni quadragiesimi sexti suprà millesimum sexcentefimum Mense Aprili decretum ac firmiter conclusum, quod Regnum in posterum, à Rege Dominis Paribus, & Communitate administrandum esset: cui alterum de Rege ad summam magnificentiam & felicitatem extollendo, felicissimoque Principe efficiendo accessit.

Tunc temporis quidem præfata omnia firmo edicto conclusa sunt, eo quod certa fiducia consilarii senatus magni, assessoresque Parlamenti omnes firmissimam spem conceperant, Regem malis suis consiliariis liberatum tandem ad saniores sensum reversurum, & Parlamentum voti sui compos facturum esse, cui rei exequendæ Domini Pares, qui Parlamento adhuc adhærebant, magno adjumento esse potuissent. Sed postquam compertum atque exploratum habebatur, ipsum post, septem compellationes omni fructu & effecto carentes tam in vita quàm in morte in opinione sua contumaci, quâ tyrannidi conservandæ & stabiliendæ summam operam navabat, stabilem ac firmum permanere, ac ea, quæ Parlamentum Boni Publici causa decreverat, tanquam inutilia & injusta rejicere, & non nisi Tyrannide crudeli Regionem hanc divexandi, & subjugandi studio pertinace flagrare; Domini Pares jam eidem obligati

obligati ac devincti erant quoad proprium suum commodum, ac munus, cujus vigore Pares existentes sibi adscribebant exemptionis potestatem justitiæ orbitam deferentem, ac debita, bono justoque nomine conflata solvere, vel coram judicio pro iis respondere negantem, cui judicium in Populum nil nisi ejusdem servitutem & oppressionem promovens ac cedebat. Idcirco Communitatis Domus assessores, spe & expectatione omni, uti modo dictum est, se frustratos esse videntes decreta & statuta sua revocare, & mutare necessitatis lege inevitabili coacti sunt; quam mutationem Bono Publico ac in columitati totius regionis in servientem nemo In Anglia habitantium incolarum in malam partem interpretari, aut felicitati & saluti suæ adversantem, affirmare poterit.

Ac quamvis ejusmodi decreta & statuta tunc temporis à communi consilio edita & approbata fuerint, nihil tamen ex iis commodi neque Rex neque Pares percipere, multo minus ea tanquam pro se facientia allegare poterant, quoniam nunquam iis assensum suum præbuerunt, neque illa rata habere voluerunt. Nam ubi contractus nullus factus, nec pactio ulla transacta est, ibi pactis non steterisse eademque fregisse nemo dici potest. Nullus autem contractus fit nisi utriusque partis stipulatione accedente, cum communis regula hic locum habeant, do ut des, facio ut facias. Id circò cum in hoc casu nul-

lus unquam consensus, nulla item approbatio intercesserit, ac res tota in medio relicta, imò planè rejecta & reprobata sit, Communitatis Domus profectò nulla ratione Declarationum & decretorum istorum conservationi devincta erat, quibus efficiendis. ratione pactionis & acceptionis alterius partis nullo pacto astringebatur, sed potius mutationis, ud quam tot rationibus & tot causis Populi libertatem & conservationem summâ necessitate urgentibus impellebatur.

Superiorem objectionem altera excipit, hanc nimirum tanti momenti & tanti ponderis rem in pleno utriusque Domus confesso determinandam & concludendam fuisse, non verò tot membris, & assessoribus absentibus, & quidem etiam vi exclusis atque exturbatis contrà Privilegia, quæ hoc in casu violata & pedibus conculcata esse dicuntur. Eos verò, qui jam in Parlamento Regionis administrationem arripuere, vi & violentia cuncta agere, & pro lubitu rebus præesse.

Ad objectionem responsionem hanc regerimus, Omnium Parlamentorum munus esse libera & non coacta voluntate conscientiae rationem habere: Sed plærisque hætenus celebratis aliqua ratione vis imperavit; Maxima pars violenta Tyrannide coacta, metuque grandi impulsa, ne actionibus suis non placentibus magno infortunio mulcaretur, cogentium voluntati decreta sua aptavit; Nonnulla factionum aut titulorum peculiarium coronam spectantium

stantium violentiâ superabantur. Nihilominus jura & statuta ab ejusmodi Parlamenti instituta, & probata in vigore fuerunt, atque sequentium sæculorum commodo stabilia permanserunt. Quæ omnia eaque cuncta, quæcunque nullis exceptis hæcenus à Parlamento hoc constituta sunt ab eo tempore, quo nonnulla ab eo membra defecerunt, & Rex defunctus omnes suas vires in id convertit, & plurimæ confusiones, injuriæ & contumeliæ locum habuerunt, (si objectio hæc valeret) penitus vana sunt.

Quod verò ad nonnullorum Parlamenti privilegiorum violationem, & abrogationem attinet, reliquæ profectò parti, quæ muneris sibi demandati stationem non deseruit, nullo pacto adimi poterit sive potestas præveniendi & emendandi omnia ea, quæ Bono Publico adversantur, sive libertas utendi jure sibi convenienti, & votis liberis omnia necessaria statuendi, cum proculdubio ex Parlamenti jure numerus ipsorum ad conventum & congregationem Domus alicujus Parlamentaris absolvendam & perficiendam requisitus, & ad cujuscunque negotii gubernationem concernentis expeditionem, confectiorem, & transactionem debitâ authoritate armatus non modò plenus sit, verum etiam abundet. Ji qui violenter jam agere ac vi injusta cæteros Parlamento adversantes tractare dicuntur, nonnullorum ex ipsis optimi sunt amici à Parlamento vocati, adsciti, & electi cum in finem, ut ipsos tuean-

tur, & unicuique præsidio sint contra hostes suos, qui hoc medio, & hac via spe, quam de Parlamento abrogando conceperant, frustrati sunt, atque impediti, quominus voti de tyrannide Introducenda consepti compotes facti fuerint. Actiones has in pessimam partem raptas calumniantur, & violentas esse dicunt, cum tamen revera nihil aliud sint, nisi defensiones & præsidia exercitus ipsorum, ab illis ipsis eum in finem destinata & electa. Ac si in deliberationem cadat, an Parlamenti privilegia, an vero Regni salus præponderare debeat, facilis conjectura sumi poterit, in utram partem stateræ lingula propensura sit. Certe Parlamenti non est malle præterire aut intermittere abrogationem privilegiorum (ut antehac vel ob minores etiam causas & occasiones sæpe non præter misit) quàm pertinaci & contumaci eorundem observatione muneris sibi demandati memoriam deponere, & omnia resignare, & concedere, ex quibus huic Nationi præsentissima ruina & confusio oriri possit.

Tandem ultima se offert objectio gravis, & ponderosa admodum, quæ plena & sufficiente responsione ex pediri vult; An videlicet Curiaë indiciorum, & bona atque antiqua Angliæ jura, & consuetudines nostrarum libertatum vera præsidia (quorum beneficia majores nostri longo tempore ante conquestionem occupaverunt, & in usu habuerunt, eorumque per magnum Charter liber-

tatis,

ratis , aliasque leges excellentes justas , liberas , & nullis aliis totius mundi legibus bonis cedentes , hætenusque in quibusvis Regni motibus & mutationibus non solum continuatas , sed etiam effectui datas confirmandorum causâ multum sanguinis profuderunt) præsentī hac Gubernationis hujus mutatione , abrogari , ac planè deleri , debeant , ac iisdem nos & omnes nostros posteros privari oporteat.

Huic objectioni responsione justa , & sufficiente Parlamenti Senatores Declaratione nuper admodum publicata , ac Reali Demonstratione ad objectionem hanc attinente , & ex singulati sollicitudine Parlamenti opposita se abundè satis fecisse putant , dum polliciti sunt , se operam darturos , ut Judiciorum Westmonasteriensium æum Curiis ultimo termino , ac omnibus circuitibus in tota hac Regione doctis ac idoneis iudicibus prospiciatur ; quò nota jura , & consuetudines hujus Regionis cum earundem administratione continuatas esse , ac in consueto suo vigore manere appareat.

In nullam rem majorem curam intendunt , quàm ut rationem accuratissimam habeant , ac curam maximè sollicitam gerant dignitatis & æqualitatis jurium & consuetudinum Angliæ æquissima semper executione effectui datarum ; Antiquitatis earundem jam antè Normannicam servitutem quæ summâ vi nos oppressit , in vigore

constitutarum; Libertatis, proprietatis, & pacis subditorum, jam gratia Divina conservatarum, quarum conservatio jam tam feliciter obligit, & tanquam incrementum, & benedictio à Deo adeò prosperè nobis accessit, ut nihil felicius contingere, aut accedere potuerit; Manifestæ jucunditatis ex earundem conservatione orientis; Ac tandem Gubernationis hujus præsentis mutatione admodum commoda in Rempublicam redigendæ, adeò ut forma tantum externa mutetur, substantia verò regiminis ipsa retineatur, remoto tantum regio nomine hæctenus usitato, ac personali unius administratione & dijudicatione vel in minimis etiam litibus adhibenda.

Authoritatem, qua utuntur, Populi jure ac legibus sibi concessam & datam esse norunt. Præter privatas suas rationes, quæ inconsultæ & temerariæ non sunt, consilia & actiones eorum nil nisi salutem communem ac Bonum Publicum respiciunt, quorum conservationem & custodiam sine juribus & Gubernatione hujus nationis consistere non posse probè norunt. Imò iis sublatis omnis industria & diligentia cesset, & omnis miseria, sanguinis profusio, rerumque omnium confusio sequatur necesse est: Imo miseriæ, & ærumnæ longè majores, quàm quæ ex defuncti Regis administratione rerum malâ & perversâ ortum trahentes nos oppresse-
runt; quæ profectò tantis calamitatibus omnes incolas involverent, ut sub earundem onere tandem pessum ituri essent.

Omnia hæc argumenta satis fortia & ponderosa sunt, quæ cunctis hominibus non modò satisfaciunt, sed ipsis etiam suadeant, ut vitam & fortunas suas non dubitent submittere justis his, & longo usu comprobatis regulis, & axiomatibus juris, quod Parlamento probè notum meritò probatur, tantum abest, ut illud abrogare aut delere velit, aut de eo delendo apud aliquem in suspicionem venire debeat.*

Illum potius scopum unicum Parlamenti Senatores sibi proposuerunt, ut hujus Nationis legibus, & Regimini patrocínio requisito succurrant, eorundem defensionem suscipiant beneficio hujus mutationis, aliarumque plurium, quas judicabit & reperi & aptas & idoneas fore ad regimen restaurandum, & redintegrandum ac ad removendas omnes corruptelas, dilationes, vexationes, abusus, labores ac sumptus non necessarios, omniaque ea, quæ Populum damno ac tædio afficere possunt.

Omnium Parlamenti consiliorum & moliminum summa meta est mutatio præsentis ergiminis, ut ex tyrannide in Rempublicam convertatur, quod non solum verbis & oratione manifestum facit, verum etiam re ipsa & omnibus actionibus ad id requisitis præstandum suscepti.

Nempè ut novi Belli conflatio penitus impediatur, & præcaveatur, sanguis Angliæ thesaurus profusione nulla amplius exhauriatur, firma & certa fides in belli locum reponatur, omnia odia clandestina ex ultimis his turbis

orta sopiantur, ac oblivione deleantur, verus Dei cultus doctrinæ in sacris literis respondens promoveatur, Protestantium vera Religio amplificetur, certis, & liberalibus alimentis pii concionatores alantur, omnibus hominibus; cujuscunque status aut conditionis fuerint, libertas animorum ad Dei gloriam & ipsorum proprium solatium procuretur, crudeles homicidæ in Hibernia summo rigore puniantur, ac honesti Protestantes pristino suo statui restituantur, ibidemque Res publica hæc plenissima satisfactione observantiæ huic operi debitæ jurisdictionem suam recuperet. Ut foedera, & societates cum extraneis Principibus, & Rebuspublicis initæ confirmentur, & observentur, omnes merces in hac regione confectæ magno lucro vendantur, negotiorum & commerciorum exercitio insigne augmentum accedat, & omnibus pauperibus per totam Regionem dispersis de necessariis alimentis propicietur.

Ut summa cura adhibeatur redintegrationi, & administrationi juris & justitiæ publicæ, ac maleficia debitis suppliciis coerceantur, bonis autem præmia sua distribuuntur.

Ut reditus regionis in rectum ordinem redigantur, onera publica minuantur, militibus salaria, & stipendia rectè solvantur, liberis hospitiiis utendi facultas penitus tollatur, Populus oneribus, & vectigalibus nimis levetur, & æs alienum toti statui incumbens atque hæctenus conflatum dissolvatur.

Ut omnes

Ut omnes molestiæ & difficultates, quibus populus hætenus divexatus, atque cruciatus est, removeantur, atque in earum locum pax & iustitia per totam Regionem educatur.

Cum itaque ad ea cuncta, quæ hætenus dicta sunt, animum suum summâ contentione intendant, nullum ipsis de bono successu dubium est. Deum omnipotentem ea de causa humilissima animi submissione orant, ut auxilio ac benedictione sua ipsis adesse, ac debilitati succurrere velit. Ac quoniam nec alienis & peregrinis statibus & Rebus publicis inviderunt, nec eorum Regimini aut negotiis regimen aliquod concernentibus se immiscuerunt, nec etiam immiscere volent, neque etiam vicinos suos ulla injuriâ læserunt, imò nunquam etiam lædere cupiunt, sed è contrario omnis amicitiae & societatis mutuæ conservationem studiosè quærere in animum induxerunt, si modo ipsis placet, adeò ut firmiter sibi proposuerint intra negotiorum se attingentium limites se continere, ac tantum tractare opus & negotia hujus Reipublicæ, ad quam curandam destinati & electi sunt cum communi totius Populi consensu, cujus corpus communi electione instituti repræsentant :

Eandem etiam, & æqualem, ac juri omni convenientem ab Extraneis tractationem expectant, firmiterque confidunt, eos, quorum quicquid egerunt, & agunt minimè refert, se in Anglorum, qui extraneorum actiones

actiones non inspiciunt, neque curant, negotia non intrusuros esse. Sin verò contrarium eveniat, & ipsis aliqua injuria oriatur ab iis, ad quos tanquam extraneos hæc non attinent, neutiquam de viribus suis dubitantes eâ spe nituntur, se animositate & potentia gentis Anglicæ, atque Divina benedictione Domini, (à quo hætenus tam miraculosè custoditi sunt, adeò ut nullo pacto ambigant, quin causæ suæ justitiam in posterum etiam tutaturus sit) accedente satis aptos & commodos fore, ut & se defendant, & jus suum tueantur.

Ab omnibus autem veris Angliæ incolis expectant, & postulant, ut abstineant ab omnibus tam publicis quam clandestinis conjurationibus, & oppositionibus huic præsentì rerum omnium redintegrationi, & restaurationi tanquam remoris objiciendis, quæ nova belli incendia excitare, & novis miseriis pro parte etiam ipsis exantlandis incolas implicare possunt.

Et potius libera virium conjunctione, auxiliisque suis in magno hoc opere, quod præmanibus est, conficiendo & perficiendo opem ferant, ut eò pacto gloria Domini manifestetur, Protestantium religio vera augeatur, atque hæc Natio pacis, libertatis & justitiæ benedictionem pro se ac Posteris suis possidere queat.

DECLA-

DECLARATIO,

Et manifestatio Fundamentalis Domus communitatis in Parlamento causas & occasiones indicans quarum impulsu tractatione pacis in insula Vecti abrupta capitales fontes justitiæ judicandos subjecerit.

Parlamenti mandato publici juris facta.

N Ulla res est, quâ melius de Rege aliquo quodvis Parlamentum mereri possit, quam si ipsi de statu regiminis confuso, & æquitatis limites egrediente indicium faciat, atque in id summa contentione incumbat, ut erroribus sapienti consilio corrigendis remedia quærantur. Nam quemadmodum omnes morbi aut curatione felici abeunt, aut non curati morte terminantur; Ità etiam omnes confusiones, & legum ac consuetudinum bonarum transgressionem, quæ instar morborum etiam optimè constitutos status invadere solent, aut Reipublicæ & regiminis alicujus interitu, aut ejusdem redintegratione plena tolluntur.

Atquam

Adquam rem cum seriâ attentione hæcenus homines animos suos adverterint, atque etiam re ipsa necessarium judicatum fuerit hujus regionis populum & incolas oneribus adeò multiplicibus gravatos, ut plurimæ familiæ pessumverint, & toti Regno vastitas, de populatio, & interitus impenderit, tandem liberandos, & exitium instans præcavendum esse, Angliæ Communitas in hoc præsentī Parlamento congregata jam abhinc octo annis summa fidelitate, & cupiditate omnes suum laborem, omnem operam, & omne studium in eo collocavit, ut Salutem communem Bonumque provirili sua promoveret, atque ex periculo imminenti eriperet; quo conatu multas anxietates & pericula subiit, multas difficultates & angustias toleravit, ac oppressit plurimas molestias & confusiones, dissolutasque, actiones maligno animo se legibus hujus Regni oppositis Partis, & Factionis, quæ maximi molimine nitebatur hujus Regni incolas tam corporibus quàm animis in servitutem præcipitare, Pontificiam religionem huic Regno obtrudere, atque Tyrannidem introducere, quæ duæ res in præteritis nostris manifestationibus & declarationibus adeò manifestè ob oculos positæ, atque, adeò prolixè demonstratæ sunt, ut earum recensionem hoc in loco supervacaneam censeamus: Ne tamen veritati quicquam detrahatur, silentio neutiquam involvere possumus instar & multiplices querelas, quibus apud Regem de malefactis istis sæpius conquesti

questi sumus postulantes, ut & erroribus tantis remedia necessaria adhiberentur, & iisdem obnoxii meritis poenis afficerentur. Factum hoc est ab initio libellorum supplicum opera, quibus plures demonstrationes, & manifestationes successerunt. Justitiâ verò subinde nobis denegatâ effectu sperato caruerunt, ac impedimenta potissima ex Regis proprio conatu tanquam ex vero fonte scaturiebant, quæ variis & multiplicibus modis se produnt, si modo ad ea attendatur, quæ variis & illicitis conatibus contrâ Regni sui Publicam salutem & incolumitatem molitus est. Primo enim Exercitui Anglico, qui contrâ Scotos comparatus erat, in mandatis dedit, ut Scotis omiſſis ipsum Parlamentum, atque urbem Londinum adoriretur; imò ad idem faciendum Exercitumoticum quatuor Borialium provinciarum donatione, atque urbis Londini deprædatione sollicitavit. Deinde subito & inopinato itinere se in Scotiam contulit, quanquam seriis admonitionibus & dissuasionibus ipsum à proposito suo abducere conaremur. Postea si non direxit, ac mandavit, attamen ad minimum occasio fuit horrendæ illius rebellionis in Hibernia, quâ durante in sola provincia Ulster (quæ alibi in isto regno gesta sunt, silentio præterimus) octo tantummodo septimanarum spatio centum & quadraginta hominum Protestanti religioni addictorum millia trucidati sunt cædibus adèò horrendis & crudelibus, ut omnes decem primæ Christianorum persecutiones
cum

cum hac brevissima sed cruentissima & sanguinolentissima comparari non querant. Tandem à Parlamento secedens se à Populo suo segregavit, & vexillum suum contra suos publicè erexit, quod tamen nunquam antea ab ullo Regum nostrorum quantum vis perversissimo factum est. Tanto facinore Regia potestas ad populi salutem & tutelam instituta Parlamento, atque incolis objecta, Hiberniæ regnum à Majoribus nostris partum præsentissimo periculo & jacturæ expositum, negotiatio nostra terræ marique turbata, opes & facultates nostræ dissipatæ, ac multa Nationis nostræ milia horribili laniena è medio sublata sunt.

Nos ea de causa omnem ullius operis aliquam justitiam sapientis à Rege consequendi spem abjicientes, ac de ipsius emendatione penitus desperantes ad Deum coeli ac terræ creatorem provocavimus, ac ipsius auxilium invocavimus, qui post quadriennæ bellum sententia manifesta causæ nostræ æquitatem comprobavit dum omnia castella, civitates ac adversarios nostros imò Regem ipsum in manus nostras tradidit, & cæteros, qui elapsi sunt, miseræ vitæ spacium in exilio decurrere coegat.

Ac quamvis Deo placuerit nos per suam gratiam ejusmodi potestate armare, cujus opera si Anglicam gentem totius mundi fortunatissimam non efficeremus, non hoc solum, sed & omnia futura sæcula judicare, & concludere possent, aut ingenium nobis, aut voluntatem illud efficiendi defuisse; nihilominus tamē

men novis angustiis & difficultatibus circumvallabamur, deficientibus à nobis quibusdam ex collegis & membris nostris, quorum nec Dei gloriam nec publicam salutem æstimantiū, sed turpi cupiditate & ambitione seductorum contentio & industria omnis in id unum incumbbat, ut rex sine ulla pœnitentia ante acta, aut errorum commissorum agnitione, & emendatione in regnum redaceretur, sive illud Deum offendar, sive populo adversetur. Eum in finem multiplici sua astutia se ipsos ita firmarunt, & stabiliverunt, ut numero haud contemnendo aucti tandem versipellis suis consiliis & conatibus ea conficere moliti sint, quæ pessimi nostri, atque capitales inimici nunquam apertâ armorum vi effectui dedissent.

Animadvertentes tamen, à nemine conatuum suorum cursum in hiberi potuisse, quàm ab exercitu, in quo plus quam lucri & pecuniæ cupidum spiritum situm esse comperiebant, quandoquidem insigni gratia & benedictione divina bellum tantum tam brevi temporis spacio confecerat, & mensibus adeò paucis tot ac tanta pro Parlamento efficiens, perinde ac si iisdem effectis officio suo se abdicare vellet, reipsa demonstraverat, privatum suum commodum se Publicæ utilitati longè postponere :

Conati sunt maximam exercitus Anglici partem & quidem eo tempore, cum Scotorum exercitus adhuc quatuor Boreales Angliæ provincias cum Rege ipso, & duabus hujus regni clavisibus Barwyck, & Carlil ipsaque urbe Neuca-

stel loco potissimo , & præcipuo , ex quo Londinum atque in meridionales Angliæ provincias carbones advehi solent teneret in Hiberniam ablegare. Quæ actiones omnes nihil aliud innuebant , aut portendebant , quam ut deserto sanguine nostro proprio , & deserta patria nostra , quæ piè & fideliter nobis in serviverat , in servitutem nos præcipitaremus , & extraneæ Nationis tutelæ nos committeremus.

Hujus conatus primi eventu sperato frustrati post Scotorum in patriam suam reditum dimissione exercitum dissipare , & dissolvere studuerunt , quoniam eundem corpus suum integrum conservantem machinationibus suis obstare videbant.

Eadem spe quoque excidentes Londinum civitatē contra exercitum incitare incepterunt , quæ ipsorum fabrica & machinatio periculosa quoque impedita est. Idcirco quidam eorum à nobis maximi criminis accusati fuga sibi consulerunt , atque mare transmiserunt , reliqui inter nos hic manentes custodiæ traditi sunt. Rex pertinaciâ suâ antiquum obrinens , nec ullius Poenitentia argumenta prodens etiam si septem vicibus diversis à nobis compellatus fuerit , omnem ad frugem redeundi spem nobis ademit , adeò ut de accommodatione ipsius planè desperaremus.

Quam ob causam nobis iniquissimum esse judicantibus , ut unius personæ inconsiderata pertinacia , & contumacia , quantacunque etiam fuerit , tot hominum honestorum millia in hoc Regno

Regno pereant, consultum atque necessarium visum fuit nulla in posterum compellatione sollicitandum esse ipsum tanquam hominem nullius fidei amplius capacem, & cui nec quicquam amplius tuto committi possit; Regimine autem ad pacem consequendam, & salutem Regni promovendam stabiliendo & firmando peragendum esse.

Et hoc quidem jam pridem effectui dedissemus, unoque impetu perfecissemus, nisi nonnulli ex nautica turba malevoli homines, & alii ex provinciis Essex, Surrey, Suffex, & ipsa urbe Londino (quorum plures deinde armis nos oppugnaverunt) turbulentis suis petitionibus & libellis supplicibus, quibus tractationem cum Rege Londini ineundam, ac militiam dimittendam vehementer urgebant, nos à proposito nostro utilissimo dejecissent, & seriæ nostræ contentioni impedimento fuissent.

Seditiosæ hæ petitiones, & libelli dicti supplices de ejusmodi materia, quam sibi nullo pacto denegari patiebantur, Parlamento oblatis admittebantur à cæteris inter nos communibus causæ non faventibus, (à quibus forsitan illi subornati fuerunt) petitoribus etiam ea de causa gratiis actis, quanquamquæ petebant, eo pacto æquitati adversabantur, ut, si petitioni, & postulato ipsorum satisfactum fuisset, una hora omnis benedictio Divina, quam Deus Parlamento concessit, amissa fuisset, & omnia ejus beneficia nobis collata sine fructu abiissent, imprimis cum Regni negotia passim infinitis diffi-

cultatibus eo tempore immersa summo in periculo versarentur, Walliæ pars magna rebellis esset, Scotorum invasio quotidie metueretur, Kent & Essex provinciæ in armis essent, & classis maritimæ bona pars à nobis defecisset.

Et ut eò magis à pace huic Regioni infinitis angustiis implicatæ recuperanda abduceremur. præfati homines rationem habentes temporis, quo exercitum negotia bellica occupatissimum tenebant, & diversa Parlamenti membra incendiarii, quod ipsi proculdubio excitaverant, restinguendi causa aberant, tam callidis consiliis, quam apertis minis vota de non compellendo amplius Rege abrogarunt, & membra antehac summi criminis contrà regnum commissi accusata revocarunt, vulgo persuadentes, nullo pacto fieri posse, ut sine Rege Regnum paceretur, & pristinæ tranquillitati restitueretur.

Ac quanquam Deus mirabili restitutione provinciæ Walliæ, miraculosa & celeri victoria Kent provinciæ, clade commitis Hollandiæ, coactione malevolorum Londini; sedatione navium rebellionis se opponentium, occupatione urbis glocestriæ, ac tandem in comparabili domatione exercitus Ducis Hamiltonii totum mundo testificatus est, quod à coelo consilia ipsorum mala oppugnentur, & Domino coeli displiceant, ac ab ipso ad huc semel contrà Regem pro Parlamento sententia pronunciatur:

Nihilominus tamen membra dicta quasi gigantes, & Tifanes coelum oppugnanturi, en
in Dei

in Dei contumeliam Regis honorem propugnatur; ejusmodi propositiones ad Regem in insula Vecti miserunt firmæ & certæ pacis constituendæ causa, ut ipsi dicebant, quæ si per missæ & effectui datæ fuissent, (quanquam illud fieri potuisse neutiquam apparuit) eventum tamen alium nullum, quam certissimam servitutem habuissent. Quandoquidem illarum vigore neque hoc, nequè ullum aliud Parlamentum capax fuisset, neque potentiam habuisset ullarum legum bonarum condendarum, nisi Regis expressa voluntas & votum accessisset, quæ tamen res hætenus tamdiu verbis, ac postea tandem armis disputata fuit.

Quemadmodum vero Personalis hæc tractatio eo pacto promota, & vi summa ad effectum properans adverſe partis animos maximè obfirmabat, & summo gaudio afficiebat, ita è contrario bene volos homines, qui vitam & opes pro communi salute nobiscum periculo exposuerant, in summos angores & sollicitudines conjecit, quoniam felicissimam pacem sanguinis & sudoris sui profusi mercedem expectabant, in cujus locum ex pacis ejusmodi procuratione initia futurarum miseriarum tanquam germina luxuriantia pullulassent.

Imò apertè dicere ausi sunt, quod post omnes has partes victorias in longè deteriori conditione & statu relinquerentur, quàm ille fuit, in quo constituti erant cum bellum hoc inciperetur.

Quæ ipsorum verba neutiquam in partem

malam interpretari possumus, quando in memoriam nobis revocamus, tractationem hanc iis conditionibus niti, quas Rex ipse propositurus fuerat: quam tamen rem non solum Utraque Parlamenti domus, verumetiam ex Scotia Regno Deputati firmæ & certæ paci admodum noxiam & perniciosam antea judicaverunt, cum Rex adhuc plenam suam potentiam habebat.

Præterea nullo modo credere, aut persuadere nobis possumus transactionis capitibus in insula Vecti pactis cum reparatione status, in quo tunc temporis versabatur, ipsum aut suos unquam satisfacturos fuisse; Nam nudo Majestatis nomine omisso, ac præterita securitate & certitudine, quam hæc pacis tractati implecti videbatur, nunquam tamen Rex se ipsum tamen nec aliquis suorum alium quam re ipsa captivum æstimavit.

Quod propriis ipsius literis demonstrari potest: jis enim quas 2. Octobris ad utramque Parlamenti domum dedit, eam conditionem proponit, ut sibi Westmonasterium venire potestas daretur, & quidem plenæ & certæ ac firmæ libertati restituto; quod profecto manifestè probat, ipsum tunc temporis (tractatione nimirum durante) utroque se privatum esse, aperta confessione affirmasse. Idem loquuntur literæ ad præcipuæ notæ personam ex Magistratus Londinensis numero perscriptæ, in quibus se arctiore custo quam unquam antea detineri questus est. Princeps filius in Declaratione sua
Gourex.

Gourea in Selandia in lucem edita apertè fate-
tur, Regem adhuc captivum custodiri; Ideo-
que à Comite Warwicense postulat, ut à Parla-
mento deficiens naves suis jungat, & in patre
ex indigna captivitate liberando sibi opem &
auxilium ferat.

Et quoniam, ut multis prudentibus homini-
bus placet, juramentum coactum neminem
necessitatis vinculo ad satis faciendum iis, quæ
jurejurando promisit, constringit, quidnam,
quæso securitatis & certitudinis nobis esse
poterat, ipsū, qui liber & regno ad huc
præfectus tot promissis suis non stetit, in solium
suum Regium repositum pristina libertate, &
authoritate recuperata satisfacturum iis, quæ
captivus & in angustiis constitutus tam seriò
pollicitus fuerat.

Cum verò vixillum sive internum, sive ex-
traneum ullius principis, qui semel bello cum
subditis suis implicatus transactionis cum iis-
dem pactæ capitibus diutius, quam necessita-
tis lege inevitabili coactus fuit, steterit, exem-
plum afferri possit, atque exempla multa con-
trarium docentia occurrant, ex quibus Regis
Hispaniarum reconciliationem cum Neapolita-
nis factum sanguinolenta violatione infringen-
tis exemplum recentissimum in recenti memo-
ria versatur; nullo pacto certè nos ejusmodi
propositioni à Rege in insula Vecti acceptæ &
vel jurejurando confirmatæ confidere potui-
mus, quod Regem strictius & firmitus pro-
missis ad strictura esset, quam Leges Re-

gni cardinales , juramentum in coronatione præstitum , ac tot protestationes ; sollicitationes , & obligationes Regio nomine pronunciatae & promissae (quas toties violavit) antehac ipsum ad æquitatem & justitiam , debitamque muneris executionem adstrinxere.

Si igitur Exercitum nostrum dimissemus , nunquid verisimilius fieri potest quàm quod Rex alium comparaturus , & ad ornaturus fuisset ? Sed illo hoc faciente , & nobis quiescentibus , ac nihil tale conantibus quid aliud negligentia nostra talis fuisset nisi proditoria muneris ac fidei nostrae omissio , & voluntaria traditio qua sine ulla oppositione ea , quæ tot victoriis sanguinolentis comparavimus , & acquisivimus , ex manibus nostris elabi pateremur. Ac licet arma iterum in manus sumpsissemus , nihil tamen aliud fecissemus , quàm ut Regnum novis turbis turbatum majori periculo exposuissemus , certi exitus loco , quem in manibus habemus , incertum eventum expectare maluerimus , perinde ac si Deus iterum , ut antea , conatus nostros benedictione sua promovere deberet , si talem ejus gratiam temerario ejusmodi neglectu contempsissemus. Imò maximæ nobis imprudentiæ duceretur , (si actio talis Dei provocatio , & irritatio non existimaretur ,) quando altera vice eventu priore posthabito negotium hoc in discrimen coniecissemus.

• Quan-

Quamquam vero etiam Deo Regis cor eo pacto indurare placuit, ut Episcopos dimittere noluerit, sed ad tempus tantum, officii intermissione mulcare statuerit, assensu suo illud modo concedens, ut eorum agri & possessiones elocarentur, & ipsi Episcopi redditus annuos consuetos sustentationi suæ impenderent, cum tamē ctæ possessiones à nobis venditæ essent, ac multi homines nonnisi antiquos redditus emissent; nihilominus tamen hi transactores adeò cupidī erant Regi in hoc negotio voluntatem suam accommodare, ut contenti ea conditione fuerint, quā emptorum, qui Parlamenti publica fide nitentes ea bona emerant, nonnulli omnibus fraudati fuissent, alii eorum partem amisissent, ut de ipso episcopatu non dicamus, quī radice sua adhuc fixus mansisset suo tempore repulliclaturus, quem tamen radicitus extirpare pacti fuerant.

Cum etiam Rex capitalem poenam unius cujusdam malefici sibi propositam, nimirum. Davidis Lenkii (ceteri enim mari trajecto fugā sibi consuluerant, & ex potestate nostra evaserant) consensu suo probare & ratam habere recusaret, Foederi inter nos pacto adversantes, ac à præcipuo hujus belli scopo (nempè ut malefici digna ac merita poena afficerentur) declinantes voluntati Regis eo in casu etiam paruerunt.

Quod, ut apertè rem eloquamur, nihil aliud erat, quam populi causam deferere, & Regiam stabilire, nostram propriam proditione nefaria

peffundare, & Regiam juſtam & æquam pronun-
ciare, atque unica hac aſtione, unico que,
facto hoſtium nobis infenſiſſimorum exprobra-
tionem continuam, qua nobis illud exproba-
bant, quod cauſa noſtra, qui neminem ipſorum
judicio ſubjicere auderemus, iniqua & injuſta
eſſet, comprobare, & veram reddere.

Cunctæ aſtiones ipſorum tales è diametro
repugnabant omnibus iis, quæ Parliamentum
mox in principio turbarum ex ortarum Populo
propoluerat, & à quibus ad hoc bellum ſuſci-
piendum impulſum fuerat. Hiſ enim mediis
Epiſcopatus radicem contexerant, donec calo-
re redeunte iterum germinare poſſet, nulla
interim habita ratione religionis, ut requiſito
fulcro ſtabiliretur. Omiſſione ſupplicii capita-
lis maleficorum cuius irrogandi omnium bõ-
norum animi conſternabantur, atque in hoc
negotio labas cere incipiebant: Imò pœnitentia
ducebantur, quod unquam ad hanc rem ſuſci-
piendam & ingrediendam ſe contuliſſent, quæ
tam fœdè peracto erat, perinde ac ſi Regis
aſſeclæ vel centies proſtigati etiam centies
erigendi, & liberandi eſſent; Atque è contrario,
ſi Parlamenti fautores ſemel tantum cecidiſ-
ſent, una cum ipſis omnia concidere, omnes
pii homines in tota regione ex tirpari, ac Reli-
gio & libertas inperpetuum diſcrimen adduci
deberent.

Quamquam igitur Deus tam præſenti, &
tam mirabili auxilio huic cauſæ præſtò fuit, ut
hoſtes neque aperta armorum vi, neque, clau-
deſti-

destinis machinationibus ullis eam superare, & evertere potuerit, nonnullorum, tamen quibusea commissa erat, perfidia proditoria non solum planè concidere potuisset, sed etiam posterius semper animo alieno fuissent ab armis ad Parlamenti defensionem capiendis, jis autem, qui Regem propugnantes victoriam obtinuissent ad omnes honores, commoda, omnemque humanam felicitatem, tanquam laborum suorum mercedes aditus patuisset; Atsi victi fuissent, nullum interris tribunal nullum iudicium fuisset, quod ab ipsis facinorum suorum rationem postulasset, aut meritâ ipsos pœna affecisset.

Quocircâ nisi causæ nostræ iustitiam tot victoriis benefica benedictione nobis concessis à Deo comprobata inſiciari voluiſſemus. Nisi amicos nostros, qui summo omnium suarum facultatum imo etiam vitæ ipsius periculo nobis auxilio fuerunt, prodere voluiſſemus; Nisi unum hunc virum Regem nimirum tot hominum myriadibus, quorum corpus nos repræſentamus, chariorem & precioſiorē æſtimare, ejusque honorem, libertatem, atque ſecuritatem totius nationis honori, libertati ſecuritati præferre voluiſſemus; Nisi pacem à Deo cœli & terræ Domino, ad quem unum in omnibus noſtris anguſtiis confugimus, nobis benignè collatam & donatâ ſpernere, & ejusmodi paci, quam Rex homo mortalis, & hoſtis noſter implacabilis conceſſurus fuiſſet, confidere voluiſſemus; Nisi nos ipſos prædâ offerre, & ut Parlamenti, & Regni cauſa ab ipſius membris per cuniculos clandeſtinos

destinos suffoderetur, pati voluissimus; Nisi omnia quæ habemus, Regis Nihilo opponere, atque cum ipso qui nobis nihil dare poterat, tractare, ac, postquam Deus in omnium, imò plurium, quam nos ipsi postulassimus possessionem misit, cum Rege, an iis frui, aut non frui debeamus, agere voluissimus; Tandem nisi tot innocentium hominum, ac defessorum militum sanguinem paucorum noxiorum & reorum hominum, quicumque aut cujuscunque conditionis illi fuerint, sanguine minoris facere voluissimus; Oportuit nos profecto aliud nil facere, nisi illa vota revocare, quæ honori Divino è diametro adversabantur, actionibus Parlamenti magnam infamiae maculam aspergebant, ac proculdubio totius Regni commune publicum pessundabant.

Nihilominus tamen in animum nostrum induximus, si Divina gratia nobis auxiliata fuerit, quam ocysissime Parlamenti autoritate Regni hujus pacem in longè feliciorum statum & conditionem transferre, quàm ab ullo aliquo Rege ullo tempore expectari possit.

Brevis enarratio executionis, qua tribunus militum Poyer IV. Maii Anno clc lxc XLIX. Vita orbatus est.

PAulo post executionem Dominorum. Hamiltonis, & cæterorum duorum confestim instituta est criminalis actio in Langhorn Generalem Majorem, ac Powelet Poyer militum tribunos.

bunos. Hi à judicio militari judicandi erant, coràm quo licet aliquoties comparuerint, atque pro virili omnia, quæcunque purgatione ipsorum inservirent, in medium attulerint, sententia tandem tamen lata est, ut Tribunus Poyer 20 Aprilis, & duobus diebus post Langhorne Generalis Major, & Pouwel Tribunus sclopetorum ictibus confoderentur. Sed quoniam tot libelli supplices, ac tot intercessiones vitam ipsorum deprecando conservaturæ ex hibebantur, executio dilata est, donec Fairfax Imperator summus Generali Exercitus Marescallo Capitano Lawrens mandatum sequens scriptum miserit.

Quandoquidem Generalis Major Langborn, & Powel ac Poyer tribuni a judicio meo militari condemnati sunt, ut de militia more, legibus & consuetudine sclopetorum glandibus confecti vita priventur, sicut sententia de ipsis lata postulat, propter diversas tamen causas memoventes tibi mando, ut duabus schedulis inscribas, Vita tibi propter Deum donata est, ac tertiam nudam relinquas, ut quisque unam alicundæ extrahat. Qui nudam nactus fuerit, ex sententiæ vigore necidandus erit. Cæteros iterum custodie tradendos cures, donec quid amplius faciendum sit, mandavero. Ut vero mandatum hoc meum effectui detur, Scroop, Hammond, & Barcksteed militum tribunis injungo, ut vel omnes tres, vel ipsorum duo præsentés ad sint, quande schedulæ extrahentur. Datum sub propria mea manu, & sigillo 21. Aprilis.

Thomas Fairfax.

Hoc mandato accepto schedulæ tres paratæ, & trahendæ captivis exhibitæ sunt, qui cum hoc

hoc facere & metuerent, & recusarent, puero alicui tradebantur, qui unicuique unam exhibebat. Alba mortis nuncia in Tribuni Poyer manus incidit, qui nihilominus secundo Maii libello supplice oblato veniam ac gratiam implorabat, & mortem deprecabatur omnium suorum meritorum recensioe Parliamentum commotū iri sperans quanquam spes vana fuit.

Cum enim quartus Maii mensis ad executionem destinatus præsto esset, matutino tempore consolationis accipiendæ gratia à diversis concionatoribus invisebatur. Hora prima pomeridiana a Mareschallo Generali in Whitehall deductus currum conscendit, atque duos concionatores M^r. Knight & M^r. Cradocke secum habens ad locum executionis transvectus est. Summā animi humilitatem ostendens & peccatorum pœnitentiam seriam agens mortem oppetiit, adeò ut ex obitu ejus insignis pietas eluxerit. Ex curru descendenti M^r. Knight Fidem & fiduciam in Deum unicam spei humanæ rupem in memoriam revocavit; Hanc unicam suam consolationem esse affirmavit, ac multas lachrymas profundens pios admodum sermones de spe sua in Deo unico hærente habuit. Postquam autem aliquantum temporis cum utroque, concionatore piè differendo contrivisset, proximè murum in genua sua procumbens, ac magna contritionis & pœnitentiæ signa edens pio & serio fervore precatus, ac tandem Mareschalli Generalis ministros cæterosque adstantes homines sequentibus verbis alloquutus est.

Quo-

Quovis momento ad mortem excipiendam paratum ac promptum esse omnibus hominibus maximum commodum affert; Hora enim mortis ignota est; ac nemo scire potest, quam subita morte opprimi queat; quod mihi jam usu venit. Nemo certus esse potest, si improvise mortis impetu obruatur, num temporis quid ad pœnitentiam agendam habiturus sit. Mæ temeraream & in consideratam in hoc mundo vitam degisse, & laxo sinu omnia tulisse confiteor. Deus animæ meæ miserescat, ac peccata mea mihi ignoscat. Cœlestia majore amore quàm terrestria complecti omnibus hominibus salutare est. Hæc inferiora admodum incerta esse meo proprio exemplo comperi, atque meis mutationibus addidici. Quaquam aliquando in humili loco versatus sum, ad summum tamen fastigium evectus fui. Iam verò omnia relinquenda mihi esse video. Licet felix rerum mearum conditio mutatione mirabili in miseriam conversa sit, singularis tamen amor quo Parlamentum complector, mutationis est nescius. Ipsi semper fidelitatem præstari, unico hoc facinore excepto, quod me in præsentem hanc calamitatem præcipitem egit. Sed confido, quod Deus animam meam gratia sua amplexurus sit.

Tandem thorace deposito, ac precibus brevioribus, quas erectus ad Deum mittebat, manibus sublatis exclamavit, Veni Domine Jesu; Domine animam meam accipe. Mox autem glandibus tactus mortuus concidit.

Ex scloperariis prodeuntibus tres in corpus ipsius glandes plúmbeos vibrarunt, qui si aberrassent, aut tam fortiter ipsum non tetigissent, ut concidisset, alii tres ad jaculandum parati erant.

erant. Corpus mortuum statim in S. Jameſſes in Tuthillſtraet (plateæ nomen eſt) delatum, ac per veſtigatum vulnus in ſiniſtra pectoris parte monſtrabat, quod glandes duas recepit à duobus trium iſtorum ſclopetariorum emiſſas, quæ conjunctim, ac ferè quaſi una cor tetigerunt.

An captiva Parlamenti membra clementiorem tractationem expectatura ſint, prope diem intelligetur, quandoquidem cito judicio ipſa expeditum iri fertur. Faxit Deus ut tandem ſanguinis profuſio tanta finem inveniat, & ejulationum, fletuum, & exclamationum ex ore miſerorum & afflictorum prodeuntium locoturturis vox cum omnium pœnitentium & de peccatis ſuis conquerentium querelis in cœlum aſcendentibus per totam hanc regionem audiatur.

F I N I S.



Benevole Lector.

Error nescio quo casu commissus ordinem libelli nostri in actionibus Regiam Majestatem concernentibus turbavit, adeò ut ὕστερον πρῶτον positæ confusionem pepererint. Quo igitur serie invicem sequantur, Lector pag. 128. in veniet: Quo vero ordine omnes legendæ sint paucis accipe.

Titulus pag. 127.

1. Regis CAROLI I. I. profapia, &c pag. 130.
2. Ejusdem declaratio cum ex insula Vecti discederet. pag. 131.
3. Concionatorum nonnullorum literæ. pag. 137.
4. Apologetica defensio concionatorum, &c. pag. 160.
5. Decretum Parlamenti judices constituens. pag. 85.
6. Actio I. contra Regem. pag. 88.
7. Actio II. contra Regem pag. 99.
8. Actio III. contra Regem. p. 107
9. Actio

9. Actio IV. contra Reg. pag. 115.
10. Argumenta Regis adversarios
refellentia. pag. 174.
11. Actio executoria. pag. 184.
12. Decretum de nullo alio Rege
renunciando. pag. 197.
13. Exemplum literarum Legato-
rum ex provinciis unitis Londi-
num missorum. pag. 203.

Catalogus Judicum magnæ curiæ
justitiam administrantis ordinatorum ad ex-
amen Regis.

T homas Fairfax Gene- ralis.	Willem Monson, Baro. Ian Danvers, Eques.
Olivier Cromwel Legatus Generalis.	Thomas Maleverer, Eques. Ian Bovycher, Eques.
Ireton Commissarius Gener. Major Generalis Skippon.	Jacobus Harrington, Eques. Willem Brereton, Eques.
Hardresse Waller, Eques.	Robbert Wallop, Trib. Milit.
Valentine Walton, Trib. Mil.	Willē Henningham, Armiger
Thomas Harrison, Trib. Mil.	Isaac Pennington, Consiliarius.
Edward Whalley, Trib. Mil.	Thomas Atkins, Consiliarius
Thomas Pride, Trib. Milit.	Rouland Wilson, Armiger.
Isaac Ewar, Trib. Militum.	Pieter Wentworth, Eques.
Richard Ingelsby, Trib. Mil.	Hendrick Martin, Trib. Milit.
Henry Mildmay, Eques.	Willem Purfoy, Trib. Milit.
Thomas Honyvood, Eques.	Godefride Bosvel, Trib. Mil.
Thomas Gray, Baro.	Ian Treucherd, Armiger.
Philip, Lisle, Baro.	Harbottle Morley, Trib. Mil.

Ian Berkstead, Trib. Milit.	Ian Pogge, Armiger.
Matthijs Tomblinson, Trib.	Iacobus Nelthrop, Armiger.
Ian Blackstone, Armiger.	Willem Roberts, Eques.
Gilbert Millington, Armiger.	François Lassels, Trib. Milit.
Willem Constable, Eques.	Alexander Rixby, Trib. Mil.
Edvard Eudlovv, Trib. Mil.	Hendrick Smith, Armiger.
Ian Lambert, Tribunus Mil.	Edmond VVilde, Armiger.
Ian Hutchingson, Trib. Mil.	Iacobus Chaloner, Armiger.
Arthur Hazlerig, Eques.	Iosias Barnes, Armiger.
Michael Livesley, Eques.	Dennis Bond, Armiger.
Richard Salovvay, Armiger.	Honfrey Edward, Armiger.
Humphrey Salovvay, Armig.	Gregory Clement, Armiger.
Robert Titchburne, Trib. M.	Ian Fray, Armiger.
Ovven Roe, Trib. Militum.	Thomas VVogan, Armiger.
Robert Mauvvaring, Trib. M.	Gregoty Norton, Eques.
Robert Lilburne, Trib. Milit.	Ian Bradshauw, Accensus.
Adriaen Scroope, Trib. Milit.	Edward Harvey, Trib. Milit.
Richard Deane, Trib. Milit.	Ian Dove, Armiger.
Ian Okey, Tribunus Militum.	Ian Ven, Tribunus Militum.
Robert Overton, Trib. Milit.	Ian Foulks, Consiliarius.
Ian Harisou, Trib. Militum.	Thomas Scott, Consiliarius.
Ian Desboroug, Trib. Milit.	Thomas Andrews, Consiliar.
Willem Goffe, Trib. Militum.	Willem Cawley, Armiger.
Robert Dunckenfeild, T. Mil.	Abraham Burrell, Armiger.
Cornelis Holland, Armiger.	Anthony Stapley, Trib. Mil.
Ian Karne, Armiger.	Rogier Gratwick, Armiger.
VVillem Armine, Eques.	Ian Downes, Armiger.
Ian Iones, Armiger.	Thomas Horton, Armiger.
Miles Corbet, Armiger.	Thomas Hammond, Trib. M.
François Allen, Armiger.	Joris Fenwicke, Trib. Milit.
Thomas Lister, Armiger.	Robert Nichols, Accensus.
Benjam VVeston, Armiger.	Robert Reynolds, Armiger.
Peregrijn Pelham, Armiger.	Ian Lisse, Armiger.
Ian Gourdown Armiger.	Nicolaes Love, Armiger.
François Throp, Accensus.	Vincen Potter.
Ian Nut, Armiger.	Gilbert Pickering, Eques.
Thom. Challoner, Armiger.	Ian VVeaver, Armiger.
Alg. Sidney, Trib. Militum.	Ian Lenthall, Armiger.
Ian Anlaby, Armiger.	Edward Beynton, Eques.
Ian Moore, Trib. Militum.	Ian Corbet, Armiger.
Richard Darley, Armiger.	Thomas Blunt, Armiger.
Willem Saye, Armiger.	Thomas Boone, Armiger.
Ian Aldred, Armiger.	Augustine Garland, Armig.
	Augustine

Augustine Skinner, Armiger.	Ian Pijne.
Ian Dickswel, Armiger.	VVillem Caroll.
Ioris Fleetwood, Trib. Milit.	•
Symon Maine, Armiger.	Mr. Bradshaw Indicem præs-
Iacobus Temple, Trib. Mil.	fes constitutus.
Pieter Temple, Trib. Milit.	
Daniel Blagrove, Armiger.	Advocati Iudicibus auxilian-
Pieter Temple, Eques.	tes & constituti, ut accu-
Thomas VVayte, Trib. Mil.	sationem contra Regem
Ian Browne, Armiger.	instituunt.
Ian Lowrey, Armiger.	Dorislaw I. V. D.
VVillem Allyson, Eques.	Mr. Steele.
Thomas Roth, Eques.	Mr. Aske.
VVillem Massom, Eques.	Mr. Coke.
Ian Barrington, Eques.	
Thomas VVithrington, Eq.	Dandy Accensus armorum.
Ehrift VWhitchrot	
Roger Hill.	Mr. Philippus Iudicii Secre-
Arthur Salway.	tarius,
Luke Robinson.	
Bulsfrodt VVithlotke.	Nuncii & ianitores erant.
Ougeny Squyer.	Mr. VValford.
Edward Montegn.	Mr. Radley.
Libon Lony.	Mr. Paine.
Thomas Rorole.	Mr. Powell.
Rom, Hoy.	Mr. Hull.
Eduard Propter.	
Alexander.	Mr. Ring. Præco.









L.167.

